

העיתון

7

1986

სესია

348

გამომცემის ოცდამეცხრე წელი

7

ივლინი

1986

თბილისი

საქ. კვ. ცენტრის გამომცემლობა

ლიტერატურულ-მხატვრული და საზოგადოებრივ-პოლიტიკური შურონალი

საქართველოს ალკა ცენტრალური კომიტეტისა და მწერალთა კავშირის ორგანო

შ ი ნ ა ა რ ს ი

პოეზია და პროზა

3. დოდო შუმგურიძე — ლექსები
7. გურამ გეგუშიძე — დიდება (ისტორიული მოთხრობა)
44. მამუკა წიკლაური — ლექსები
48. ეთერ თათარაძე — ლექსები
50. ანა მხეიძე — პარასკევი, შაბათი და „გამოტოვებული“. მოთხრობა
65. გენია ხარაძე — მოცალოების შანი. პოემა
74. ლია არჩვაძე — ლექსები
75. თამაზ ჯივლაძე — გვირილების ველზე და-მარხული სიზმარი. მოთხრობა
89. ლადო სულაბერიძე — ლექსები
91. მირიან მირნაძე — ლექსები
92. ლევან ხანიძე — გიორგი ათონელი. რომანი. გაგრძელება
122. გრიგოლ რუხია — ლექსები
128. იმირა მამედოვი — ლექსები
124. ანზორ დავითაძე — ლექსები
125. გიორგი დანელია — ლექსები

მოგონებები

126. მურმან ჯგუჯურია — „ხარულას“ ბარემომ, ანუ რამდენიმე საღამო ნოდარ დუმბაძესთან

წერილები

150. ნაზი ხელაძე — იოსებ ნონაშვილის ლირიკა
155. ანდრო ბუაჩიძე — „გარინი“

რეცენზია

158. გიგა ლიპარტიანი — გულის თვალბრუნებით ნანახი

მთავარი რედაქტორი
ჯანსუღ ლვინჯილია

სარედაქციო კოლეგია:

გივი ალხაიციანი

თედო გვირგვინი

(მთავარი რედაქტორის
შოთაძე)

გურამ გეგუშიძე

გივი გეგუშიძე

თეიმურაზ გიორგაძე

გიორგი გუგულია

თეიმურაზ დონაშვილი

მარგალიტა დონაშვილი

ველია ქანიძე

შოთა ნიჟარაძე

გურამ უაჯიანი

მირიან ფოცხვიანი

ნუგზარ შატაძე

ანტონი

ნინო

(პასუხისმგებელი მდივანი)

სოსო მინაძე

გოგი წარბაქიანი

ტარიელ ჭანტია

პაპი მუსხელიანი

მამა ჯოსელიანი



დოდო ჭუმბურიძე

„შენ ხარ ვენახი...“

ჩვენ დავიბადეთ იქნებ ვაზიდან
მაშინ, როდესაც ტიროდა ვაზი,
მასში გრძნობები ჩვენი აზვირთდა,
ვაზში ჩაიდო სიცოცხლის აზრი.
ჩვენ დავიბადეთ იქნებ ვაზიდან...

მხიარულებაც, წუხილიც, ტანჯვაც,
თავქარიანი სურვილთა ჯარიც,
დატაკებული გულს ხშირად ხანჯლად
მამულზე ანდა სატრფოზე ჯავრი.

ხან ყურძნის წვენის სიმყავით
გვეგუდავს,
ხან გვეფინება სიტკბოდ ბადაგის
და მულამ მთვრალეებს სიცოცხლით,
მულამ
მისი სიმღერა თავზე გადაგვდის.
იქნებ მიტომ ვგრძნობთ გულეებს
ნაზვირთად,
ხან მიწას ვეკვრით, ხანაც ფრთებს
ვიქნევთ,
მართლა ვაზიდან გავჩნდით, ვაზიდან
და ასეთები მიტომ ვართ, იქნებ...

წარწერა ისტორიის სახელმძღვანელოზე

უძლებს ათასგვარ ტყუილს, მონობას,
მიდის და ელის დღეებს ორბიანს,

რა მაღალია ხალხის გონება
და ხალხის ძალა რა უტკნობია.

საიდან მახსოვს...
ბელურას ჭიკჭიკს,
აუხდენელი სურვილის გამმას,
კედლიდან ძველი საათის წიკწიკს,
ფანჯრიდან თბილი სხივების ჰამაკს —

ვეწვინე მკლავზე და წერილს გწერდით
ნახევრად ღია კარების შუქზე,
საიდან მახსოვს — ავსებულს სევდით
ნაწნავი მეწყო ფიქრიანს მუხლზე.

სახლში არიან შვილები,
ქმარიც, დედაც და ძმებიც,
მაინც რად მტკივა ფრჩხილები,
მაინც რად მტეხენ ძვლები!

რად არ მასვენებს ორპირი
ფიქრი, შეხლილი სურებს,
აკენიდან ბავშვის ჭყლოპინი
რად არ მამშვიდებს სულელს.

რად ვეკითხები ჟამი-ჟამ
გულს, — რა გინდა-თქო, — „ვერავს“,
რად მინდა გარდა ამისა
ის, რასაც ვპოვებ ვერას.

რად მინდა ხილვა გამირების —
მიწას ჩარჩენილ ძვლების...
სახლში არიან შვილები,
ქმარიც, დედაც და ძმებიც.

გამიტყდა სარკე, წუხილმა მომკლა,
უეჭველია ცუდი რამ მელის,
წუხელაც ქარი არყევდა ონკანს
და მოწვეთავდა წყალი, ვით ცრემლი.

ფუჭდება ოქროც, ტყდება და ცვდება
და მარმარილოს იმსხვრევა ზოდიც,
სიცოცხლე მიდის და გული გვწყდება,

რომ გაქრა გრძნობა,
ტანჯვით რომ ვგრძნობდით.

ზოგი რას იტყვის, ზოგი რას,
ერთად

არ არის რაც გესურს
ან ვინაც გესურდა,
მარადიული რა არის ნეტავ,
რომ ვიპოვოთ და მივიკრათ სულთან.

ჩემი ძმები

ჩემი ძმები — მეთორმეტე საუკუნის
რაინდები,

ჩემი ძმები — გაუხდელი ჯაჭვის
პერანგებით,

ჩემი ძმები თოროსანნი იბრძვიან
დიდგორისა და შამქორის ველებზე,
ღმერთო, ხელი მოუმართე ამ ბიჭებს,
დატოვე ამ მთა-ველების
მომღერლებად,

მთიდან დაქანებულ წყლებს ნუ
გამიყოლებ, ზევეებს ნუ დაატანინებ მათ
სხეულებს,
ნუ, ნუ წაართმევ მამულის მზეს და
გზა-კვალს ნუ აურევ მომავლის
ულრანებში,
ღმერთო, დაიფარე ჩემი ძმები —
მეთორმეტე საუკუნის რაინდები.

გახედე, ირგვლივ უკვე გადახმა
ჩალა, იონჯა, სამყურას ლერი,
ღელე გაჩერდა ყანის გადაღმა
და ქარი ბოლო სიმღერას მღერის.

ბუჩქებში სადღაც კურღლევი რუხი
დაუზოგავად გარბის ბინდიან
სადამოსაყენ და ლურჯი მწუხრით
ღრუბლებიც დალილ ცაზე მიდიან.

ოქრომჭედელი ოქროს გაჭედავს,
ვერცხლის მჭედელი ჭალაში ნისლებს
და დილაბინდზე კვლავ მზის
საჭკერეტად

წამოგვახტუნებს ბუნება ისევ.

აკვნებს, სიმღერებს, ქვითინს
ქალისას,
ან გოგონათა მხურვალე კისკისს,
კვლავ შემოგვახვევს სითბოს
მკლავისას
სულის სილალეს და ვნების ვიზგიზს.

ცრემლს გვალვრევიანებს ბალღებრ
ხანდახან,
რწმენით გვამღერებს ზოგჯერაც
ღღენი...

ყანაში ჩალა უკვე გადახმა,
ყანის გადაღმა მდინარე მღერის...

— რა გნებავდათო ქალბატონო! —
მკითხა ქუჩაში
კაცმა უეცრად, ფიქრში როცა თავი
ასწია,

— ო, არაფერი ბატონო-თქო — და
გზად გავსწიე
და შევერიე წუთისოფლის
გაწამაწიას...

ალბათ არ არის ამგვარი არსად
იმედი ხეალის, წუხილის შხამიც,
ალექსანდრიის შუქურის მსგავსად
შენ გზას მინათებ, რაც გადის ხანი.

რაც გადის ხანი უფრო ღრმად ჩავცქერ
უფსკრულებს მიწის, ღრმასა და
საშიშს,

ნაკადულები მღეროდნენ სუფთად,
მოწყრიალე ხმით გაჰქონდათ ბნელი,
ნელი შრიალით ცვიოდა თუთა —
სურნელოვანი, ტკბილი და სველი.

სიზმრიდან სიზმრად ვვიდოდი ვიდრე.
სულს სხვანაირი სიმშვიდე ჰქონდა,

შენ აკაკუნებ ფრთხილად და ითხოვ
გაგიღონ კარი, გიყარონ წილი,
მიიღო ჭილვოდ ყოველი თითოდ
რაც არის კარგი და არა მწირი.

მეგობრების თუ შეთქმულთა პროცესს,
შენ არ ესწრები ქალაქურ მეჯლისს,
მტკვარი ნაზამთრი, დაღლილი რომ
წევს,

— „ალბათ მჯობია ქარიო“ — მეტყვი,
რომ ბედნიერი არა ხარ ქარზე —
მამულის ყველა ციხე და სვეტი
რომ უწვევია მსუბუქად მკლავზე.

რომ მეწისქვილის გოგოც გჯობია
და სოფლის ნოქრის ჯანსაღი ცოლიც,
ყველაზე მარტივ ფილოსოფიას
რომ ავრცელებენ ერთმანეთს შორის.

რაც გადის ხანი უფრო მიტაცებს
მწვერვალთა ცქერა უღრუბლო ცაში.

ჩვენი სულები, როს დაჰბერს ქარი
ფარფატს იწყებენ, როგორც პეპლები,
რაც გადის ხანი, რაც გადის ხანი
ერთმანეთს ვეძებთ და ვიფერფლებით.

ეფინებოდნენ ჩრდილები მინდვრებს
და ყვავილების სურნელი ჰქროდა.

ნელი შრიალით ცვიოდა თუთა,
ნელა უკრავდა ნიავიც ნელი,
ნაკადულები მღეროდნენ სუფთად
და წკრიალა ხმით გაჰქონდათ ბნელი.

მტკვრისწინ ჩავლილებს უყურებ
ეჭვით.

გჯერა თბილისელ ქალების ჭორის,
წერ შენს სიყვარულს სიმღერით
თბილით,
გაივლი დილით ყრუ კედლებს შორის
და ეფერები მომავლის თბილისს.

ცაშიც მერცხალი, რალა თქმა უნდა
რომ გჯობს, სულ მისი ჭიკჭიკი ისმის,
ნისლიც გჯობს, ლამაზ წინდებს
დაუერთავს
ბებო შვილიშვილს იმ ჭრელი ნისლით.

შინდიც გჯობს, შინდიც,
ტყავში გამძვრალი,
ქარით ნამღერი უკაცურ კარზე.
მამულის ყველა ციხე-ტაძარი
სანამ ქარივით არ გიწევს მკლავზე.

ვინ მიგვატოვა, საით წავიდა,
ბედნიერება თან ვინ წაიღო,
რასაც მიველტვით დასაბამიდან
რა არის ჩვენთვის, სხვისთვის რა
იყო.

თუ წაიკითხავს ამ აზრებიდან
ვინმე ჩვენს ტკივილს, ტკივილს
ერისას,
ვინ იხედება იმ ფანჯრებიდან
მომავლიდან რომ კრთება ელვისებურ.

ზოგჯერ ბედისწერა როგორ ჰგავს
ქარს,
როგორ გადარეკავს სასოწარმკვეთ
ღრუბლებს,
ერთი ალერსი და სხვა რა უნდა ქალს,
ბედნიერი არის უკვე.

ცისარტყელასავით მოგაყრდნობ თავს,
ცა ხარ და წუთია წყალობა უფლის,
ზოგჯერ ბედისწერა მართლა ჰგავს
ქარს —
ქარივით გადარეკს წუხილის
ღრუბლებს.

იქედან მოვალ — ჩემი მიწის შვილთა გულიდან,
რომელთაც უყვართ იმდაგვარი სიყვარულითა
ეს მხარე, მთები, ქალაქები, სოფლები, წყლები,
ჩვენი წარსულის ყველა კენჭი, ცოცხლებიც, მკვდრებიც
რომ თვითონ რამე არც იციან ამ სიყვარულზე —
იქედან მოვალ, მათკენ მივალ და მათში ვქრები.

— დარბაისელნო, მაპატიეთ ზოგი რამ, რადგან
ახალგაზრდა ვარ ჯერ კიდევ და ბევრი მეწლება,
— ახალგაზრდებო, მაპატიეთ, მე ახალგაზრდა
აღარ ვარ ისე და ეჭვებს ვწერ ზოგჯერ ლექსებად.
ქარს მიაქვს ჩემი კალენდარი ფურცელ და ფურცელ,
მცხეთისკენ მიაქვს, ის ფურცლები ჯვარზე ეშვება,
მე მირჩევნია ვინც გულიან შეცდომას უშვებს
მას, ვისაც ქვეყნად არაფერი აღარ ეშვება.

მეც ავალ ჯვარზე, სულს მოვითქვამ, თორემ რას ვგავარ,
ვნახავ, ზედაზნის მთებს ნისლი რომ მზეზე შეშრებათ,
გთხოვთ მაპატიოთ,

მე ჯერ კიდევ ახალგაზრდა ვარ
და ამიტომაც ისევ ბევრი რამე მეწლება.



დ ი დ ე ბ ა

(ისტორიული მოთხრობა)

კაცი, რომელიც ქალაქის გზას მიუყვებოდა ფეხშიშველი და დაძონძილი, — თან მხრებჩამოყრილი, ლაწვებჩაცვენილი, თვალში შუქჩამქრალი, — შეიძლება ითქვას, მკვდრეთით აღმდგარს ჰგავდა. იგი კოჭლობით მიკელანობდა მტერიან გზის პირზე, ხელში არგანი ეჭირა, რომელსაც ზოგჯერ ებჯინებოდა, და ხმას არავის სცემდა. გზა კი გადატენილი იყო. ფოთლებმემოფლეთილ ალვის ხეებს შორის მოქცეულ შარას ხმამალლა მოყაყანე ხალხი მოჰყვებოდა. ზოგნი საქონელს მიერეკებოდნენ, ზოგნი ურემზე, ჯორზე ან სახედარზე ისხდნენ. დედაკაცები, ბალები, ჯოლომოლოჯო ჯამათი ერთმანეთში არეულიყვნენ. ბალები ცელქობდნენ, ქალები ენად გაკრეფილიყვნენ, კაცები მასლაათით თავს ირთობდნენ, ვიდრე ქალაქის გზას ჩაათავებდნენ, აქლემისფერი ხრიოკი გორაკებით გარშემორტყმულ ველზე გაჭიმულს, რომელსაც შემოდგომის ოქროსფერი ბღღვრიალა მზე დაპნათოდა გაკრიალებული ლურჯი ციდან. სახედრებსა და ჯავლაგ ცხენებს ხურჩინები და საპალნეები ჰქონდათ აკიდებული, ჩარდახიან ურმებზე ზოგს ბარგი ეწყო, ალბათ, სავაჭროდ წამოდებული ქალაქში, ზოგს კიდეც სხვა რამ, მხოლოდ ეს კაცი მოდიოდა ეულად, ვითა მწირი ვინმე, უნათესაო და უპოვარი. ერთხელ პური გაუწოდეს, აიღო, შეჭამა, მაგრამ მასლაათში არ ჩარეულა. არავინ იცნობდა ამ ჯგროში მას და ისიც, ეტყობა, არავის იცნობდა.

მერე ქალაქიც გამოჩნდა.

ციხე-გალავნის მაღალი კედლები

მზეზე ბზინავდნენ, ირგვლივ შემოდგომისგან განძარცული ბაღჩა-ბოსტენები იყო ყვითლად გაშლილი. ბრბო გამოცოცხლდა, კიდეც უფრო აყაყანდა. კარიბჭეს რომ მიადწიეს, ზოგიერთები შედგნენ, გზაზე ახვეტილი მტკერი ჩამოიბერტყეს, ბარგი ხელახლა გადაალაგეს, მოწესრიგდნენ. გალავანზე გადმომდგარი მეციხოვნეები ყურადღებას არ აქცევდნენ მგზავრებს, მაშინ როდესაც სხვა დროს ათასნაირად ამოწმებდნენ და აწვალებდნენ რაიმეს წაღლეთისა და გამოგლეჯის იმედით.

ეული კაცი ქალაქში შევიდა და ვიწრო ქუჩას დაუყვა. აქლემების ქარავანმა გზა გადაუღობა. მექარავნეები სტვენდნენ, კიოდნენ, თათრულად იგინებოდნენ, წინ და უკან დარბოდნენ, გეზს აძლევდნენ და მიუძღვოდნენ ქალაქიდან მიმავალ ქარავანს. კაცმა ზიზლით გახედა მათ. ქარავანმა რომ ჩაიარა, სიჩუმე ჩამოვარდა. კაცი გაუყვა ქუჩას კოჭლობით და გაუკვირდა ამ ქალაქისთვის უჩვეულო სიცარიელე. მხოლოდ ვიღაც ხეიბარი მიჩანჩალებდა შუა ქუჩაში, მასავით გამათხოვრებული და დაფლეთილი. როცა გაუსწორდა, ხეიბარი თათრულად გამოელაპარაკა.

„პირველდა ვარ ამ ქალაქში. არც ენა ვიცი ამათი და არც აქაურობას ვიცნობ, საით წავიდე?“

კაცს მწარედ გაეცინა, მკვდარი მკვდარს აეკიდათ, გაიფიქრა.

„საითაც გინდა, იქით წადი!“

„საით ჯობს?“

„სულ ერთია.“

„ამბობენ, აქ ცხოვრება იოლიაო“, თქვა თათარმა.

არგინანმა კაცმა ირიბად გახედა თანამგზავრს და ხმა არ გასცა, თუმცა მოედინა მდე ერთად იარეს.

მოედინა აქოთქოთებული ბრბო შეყრილიყო. ციხის ქონგურზე შუბის წვერზე წამოგებული გასისხლიანებული თავი იყო გადმოდებული. ხალხი ყაყანებდა, ბჭობდა. ახალმოსული ხალხს შეერია და საუბარს ყური მიუგდო, მაგრამ აზრი ვერ გამოიტანა.

„რა ხდება აქა?“ ჰკითხა ბოლოს ერთ ჩია კაცს.

„იი, ჭურში ზიხარ, კაცო? — გაუკვირდა ჩიას, — არ გაგიგია, ახალი ფაშა რომ დაგვინიშნეს?“

„ძველი სადღაა?“

„იი, ძველს პატივი აჰყარეს და ფადიშაპის ქალაქში დაიბარეს, იმის მაგივრად ნასყიდა-ფენდი დაგვისვეს.“

„დაგვისვეს თორემა, მაგანაც ეხლა სულ ფარჩებში არ ჩავსვას. ჯარი ჩვენ არა გვყავს, ხაზინა ჩვენ არ გავგაჩნია, ყველაფერში თათრებს ვემორჩილებით. რის გაკეთება შეუძლია ფადიშაპის დანიშნულ კაცს თავის ქვეყნისათვის, გულითაც რომ ეწადოს?“ — ჩაერია საუბარში ვიღაც ურწმუნო.

„მაშ, ის იყო კარგი, ძველი ბეგლარბეგი მთელი ოცი წელიწადი რომ გვყვლევდა უნამუსოდ? ხომ ხედავ, მაგის დამხობის დღესაც მოვესწარით, ეხლა რაღაც შეიცვლება.“

„არაფერიც არ შეიცვლება!“ განაგრძობდა კამათს ურწმუნო.

„მაშ, ვერ მოსხება თავი ძველი ფაშის პირველ ნაზირ-ვეზირსა, მაგ არდასაცლელ ქვეყნის მუწუქსა?“

უმრავლესობა არ იზიარებდა ურწმუნოს ეჭვებს, ეტყობოდა, სასურველი შესაძლებლად მიაჩნდათ.

ახალმოსულმა კაცმა იგრძნო, დიდმა წყურვილმა ბრბოს იმედი გაუღვიძა და სინამდვილის დანახვის, დაფიქრებისა და აწონ-დაწონვის სურვილი მოუსპო. იმიტომაც იყვნენ აგრერიგად თავბრუს დახვეულნი, იმიტომაც იდგნენ მოედანზე და ელოდნენ ახალი ფაშის გამოჩენას.

ძველი მმართველი არგინან კაცს სძულდა და გაუხარდა ახლა მისი ხობის ამბავი რომ გაიგო. მაგრამ, ღმერთმა უწყის, უკეთესი იქნებოდა ნასყიდა-ფენდი-ფაშა ამ საწყალი და უმეცარი ქვეყნისთვის? ამბობდნენ, გაბედული და ცბიერი კაცი იყო, მაგრამ მხოლოდ ეს თვისებები ხომ ვერ შეცვლის სივრცეს გონებისას?

ქვეყანას სწორადმხედი მმართველი სჭირდებოდა, მისი გულშემატყვიარი...

სანჯაყ-ბეგად ყოფნის დროს, ნასყიდა-ფენდში ძველი ფაშას ორი ერთგული ვეზირი მექრთამეობაში ამხილა და ძელზე გასვა. ყველა ვერ გაბედავდა ფაშას წინააღმდეგ გალაშქრებას და იმისი ადგილის დაკავებას, როცა ცნობილი იყო, რომ ძველი ფაშა დიდი ფადიშაპის მოყვარედ ითვლებოდა, ცოლად მისი ნათესავი ჰყავდა და ომშიც სულთანს ბევრჯერ ხლებია და თავდაუზოგავად უბრძოლია. ვინც ეს იცოდა, იმისთვის გაუგებარი იყო, რატომ დასაჯეს დამსახურებული ბეგლარბეგი. ვინ დაიჯერებდა, რომ მისმა უსამართლობამ და უგუნურობამ ხონთქარი აღაშფოთა, თავად გაცილებით უსამართლო და დაუნდობელი, თუ ამას საბუნდობლივად მოითხოვდა. ცხადია, ფადიშაპებაც გარკვეულ წესებს ემორჩილებიან, რომელსაც, შეიძლება, თვითონვე ჰქმნიან. მაშ, რა მოხდა, რატომ აღაზევა ნასყიდა-ფენდი?

არგინანი კაცი აზმუვლებულ ბრბოს გამოეყო, მოედნის განაპირას დადგა და ჩაფიქრდა. სასარგებლო იყო თუ არა ქვეყნისთვის ფაშას გამოცვლა, ამ კაცს თავისი გაჭირვება ჰქონდა, არც საარსებო სახსარი გააჩნდა და არც თავშესაფარი. ახლაც შიოდა, ხოლო ის ხეივანი თათარი, ქალაქში შემოსვლისას რომ დაუთანამგზავრდა, ბრბოში დადიოდა ხელგაწვდილი და მათხოვრობდა. ზოგიერთები ხურდას აძლევდნენ და არგინანმა კაცმა ინანა მათხოვრად რომ არ იყო დაბადებული. მათხოვრობა რომ არ შეეძლო, იმიტომ უძნელდებოდა ცხოვრება, არა და იმ ქვეყანა-

ში, სადაც ყველა მათხოვარი იყო და მათხოვრობით გადიოდა ფონს, დიდი ვეზირიდან დაწყებული უკანასკნელ გლახამდე, სულაც არ იყო აუცილებელი უბრალო ადამიანური ღირსების შენარჩუნება.

ქვემო უბნისკენ დაეშვა ვიწრო, დახლართული ქუჩებით. რამდენი ხანია აქ არ ყოფილა, მაგრამ სულ არ გრძნობდა სიხარულს, ან თუნდაც მცირე კმაყოფილებას. მიდიოდა ნელ-ნელა. ბრბოის ხმაური უკან რჩებოდა და სულ უფრო და უფრო გარკვევით ისმოდა ხელეჩოს კაკუნი. ამ ხმამ დააინტერესა, მიაყურა და და გეზი იქით აიღო, საიდანაც ეს მონატრებული და მშვიდობიანი კაკუნი ესმოდა.

ქუჩის პირზე, თავიანთი სახლების კედლებთან მოხუცები ისხდნენ, კრიპლოსნებს მარცვლავდნენ და ბასაობდნენ, ის კი იქით მიემართებოდა, საიდანაც ჩაქუჩის ცემა და ხელეჩოს კაკუნი ისმოდა და მიადგა კიდეც ხარაჩოებში ჩასმულ შენობას, რომელსაც სამი კაცი აგებდა. ერთი, ყველაზე ახალგაზრდა, ბოლომდე ამოყვანილი კედლის თავზე იდგა და ლარტყს ამავრებდა. სწორედ მას ეჭირა ჩაქუჩი. მეორე, თეთრწვერა, ძარღვებდაძაგრული ჭარმაგი კაცი იყო, ქვებს ეზიდებოდა. მესამე — ჯერ კიდეც ყოჩალი მამაკაცი, ქვებს ალაგებდა. ეტყობოდა, ის იყო კირითხურო. მარჯვედ ხმარობდა ქაფჩას და სწრაფად ამოჰყავდა კედელი.

ახალმოსული შორიახლო გაჩერდა და თვალი მიადევნა მომუშავეებს. ისე იყურებოდა, თითქოს უკვე ხედავდა მომავალ შენობას. მუშები ჩუმად მუშაობდნენ, თითო-ოროლა სიტყვას თუ გადაუგდებდნენ ერთმანეთს. მხოლოდ კირითხურო ღიღინებდა და ზოგჯერ გადმოხედავდა თვალმოჭუტულ უცნობს, თითქოს უნდოდა გაეგო, რატომ იდგა ეს დაძონძილი კაცი აქ ამდენი ხანი უსიტყვოდ და უსაქმოდ, ვინ იყო იგი, ვისი მოგზავნილი და, როგორ აფასებდა ამათ შრომას.

ამასობაში, ახალგაზრდამ ლარტყი

დაამაგრა და ძირს ჩამოვიდა. ახლა ისიც ჭაღარა კალატოზს ეხმარებოდა ქვების ზიდვაში, კედელი სულ უფრო მალა ადიოდა. გახურებულ მუშაობაში იყვნენ, როცა უცნობმა ნაბჯი წარსდგა წინ და კირითხუროს შესძახა:

„ძმობილო, სარკმელი ცოტა მარჯვნივ აჯობებს!“

სამივემ უკმაყოფილო მზერა მიპყრო არამკითხე მრჩეველს. სარკმელი უკვე გამოჭრილი იყო. კედლის დაშლა და ხელახლა ამოყვანა, ცხადია, კალატოზებს არ ეპიტნაებოდათ.

„თუ გინდა, აქედან შეხედე!“

გალიზიანებული კირითხურო ხარაჩოდან ჩამოვიდა და იმ ადგილას დადგა, საიდანაც უცნობი კაცი თვალს ადევნებდა მუშაობას. თვალი მოჭუტა და კედელს მიაჩერდა.

„სწორი ხარ!“ თქვა ბოლოს მან, უცნობი იჭვენულად აათვალ-ჩაათვალთვალა და ისევ ხარაჩოზე ავიდა.

„და თალი ცოტა უფრო მოამრგვალე, ლამაზი და მოხერხებული გამოვა, თან ზედმეტ ორ ქვასაც მოიგებ.“

ამჯერად კირითხუროს ხმა არ ამოუღია, მაგრამ როცა ახლად ამოყვანილი კედელი დაშალა და ხელახლა ამოიყვანა, — სარკმელიც ოდნავ გვერდით გადასწია და თალიც ისე მოამრგვალა, როგორც უცნობმა კაცმა ურჩია, კმაყოფილი მრჩეველი ვიწრო ჩიხისკენ შებრუნდა და ნელა წალასლასდა. სწორედ ამ დროს კირითხურომ დაუძახა:

„მოიცა, ძმობილო, შენ დიდება ხომ არა ხარ?“

„საიდან იცი ჩემი სახელი?“ გაუკვირდა დიდებას.

„როგორ არ ვიცი, ლურჯი მონასტერი ხომ შენი აგებულა?“

„ჰო.“

კირითხურო ძირს ჩამოვიდა და დიდებას მიუახლოვდა.

„ეგეთი ნაგებობა ჩვენს ქალაქში მეორე არ არის. დიდი ხანია მინდოდა შენი გაცნობა, მაგრამ ვერსად შეგხვდი, მითხრეს, ქალაქიდან გადაიხვეწიაო. ვისაც ქეშმარიტი ხუროთმოძღვრება უყ-

ვარს და გაეგება, იმათ იციან შენი ხელობის ფასი და პატივს გცემენ. მეც ბევრი რამ მისწავლია შენგან, ოსტატო!“

დიდებას ისეთი დაბნეული სახე ჰქონდა, თითქოს არც ესმოდა, რას ეუბნებოდნენ. მერე გაჭირვებით ამოილულლულა:

„იქნებ, დამეხმარო და რაიმე სამუშაო მომცე, მეგობარო, თავი რომ გავიტანო?!“

კირითხუროს ღიმილი პირზე შეაშრა.

„ეგრე გიჭირს?“

„რომ არ მიჭირდეს, ხომ არ გთხოვდი?“

„აბა, რა სამუშაო მოგცე, მე რისი მომცემი ვარ, თვითონ ძლივს გამაქვს თავი...“

„კეთილი, ღმერთმა ხელი მოგიმართოს, ისე გითხარი, აბა, კარგად იყავი!“ ნაჩქარევად თქვა დიდებამ და თავის გზას დაადგა.

უსარგებლო ქებას ლუკმა პურის შოვნა ერჩინა და უცებ, თვითონვე გაუკვირდა, თავის მიერ ოდესღაც შექმნილი ეკლესიის ნახვა რომ მოუხდა.

ციხის აღმართს აუყვა.

დიდხანს მიდიოდა, დაიღალა კიდევ ერთ-ერთი ეზოდან ქვეციანი ძალი გამოვარდა და სანამ არგანს მოიშველიებდა, წვივზე უკბინა. მწვავედ აეწვა ნაკბენი და ის სუსტი, გაუცნობიერებელი ხალისი, ეტყობა, მისდამი პატივისცემის გამოძევავენებამ წამით რომ მოჰგვარა და თავისი ოდინდელი, აწ უკვე გადავიწყებული ქმნილების ნახვის სურვილი აღუძრა, ისევ ჩაუქრა. სწორედ ამ დროს დაინახა ეკლესიის მომინაქრებული ლურჯი გუმბათი, საიდანაც ერთხელ გადმოვარდა ხარისხაზე ფეხდაცდენილი, მაგრამ გადარჩა, მხოლოდ მკლავი იღრძო. მიდიოდა და აგონდებოდა, რამდენი ჯაფა შეაღია ამ ეკლესიის აგებას, რამდენი ოფლი ღვარა, რამდენი ღამე ათია თეთრად, რამდენი ტკივილი აიტანა, რამდენჯერ გადაეწურა იმედი, რომ საქმეს ბოლომდე მიიყვანდა, რამდენჯერ გა-

უტყდა გული განუხორციელებელი ჩანაფიქრებით, შეუსრულებელი ნაოცნებარით. ეკლესიასთან მისული იღვა და შესცქეროდა მის კედლებს, ზედ გამოკვეთილ ჩუქურთმებს, დაჭრელებულ სამერხულებს და აღარც კი სჯეროდა, რომ ყველაფერი ეს მისი ნახელავი იყო მისი მოფიქრებული, მის არსში ჩამოყალიბებული და გამოკვეთილი. მაგრამ ეს მაინც ის არ იყო, რაც მას წინასწარ წარმოედგინა, და რისი შექმნაც ეწადა. ვერ მიაღწია საწადელს! აგე, ის ჯვარი, სარკმლის ზემოთ ამოკვეთილი, ზედმეტი იყო, ახლა უკვე ხედავდა ამას. ამოჩუქურთმებულ ყურძნის მტევანს ზედა თალთან მეორე ასეთივე ჩუქურთმა აკლდა. ცხადია, არ იყო ეს ნაგებობა სრულყოფილი, ოცნებისმიერი, მაგრამ ეს მაინც მისი ქმნილება იყო და დიდებას სიამოვნებდა მისი ცქერა. ტაძრის შესასვლელისკენ გაემართა, სადაც ქვაფენილზე მათხოვრები ისხდნენ და ილრიჭებოდნენ, მაგრამ დიდებას არაფერი გააჩნდა საწყალობელი, და იგი ეკლესიაში შევიდა.

აქ იყო სიჩუმე, სიცივე, სიცარიელე. გარდა ამისა, საკმაოდ ბნელოდა, მხოლოდ ერთი სანთელი ენთო კანდელში მაცხოვრის ხატთან. დიდება ბნელ კუთხეში დაჯდა და შიშველ კედლებს მიაპყრო მზერა. შავად შემოსილმა მორჩილმა ფეხების ფლატუნით ჩაიარა და ეკვდერში შევიდა. დიდებამ ისევ შეხედა კედლებს. ერთ ადგილზე დაწყებულ ი, მაგრამ დაუმთავრებელი მონახატი გაარჩია. პირქუში და ცბიერი სახეები იცქირებოდნენ კედლიდან. დიდებას ჩაეცინა. ანგელოსების ასახვა სურდა და ეშმაკეულნი გამოუვიდა, რადგან ეშმაკეულთ კარგად იცნობდა, ყოველ ფეხის ნაბიჯზე ხვდებოდა. ჰოდა, რაც იცოდა, ის უკეთესად გამოსდიოდა, განა ეშმაკეულნი არ იყვნენ ღირსნი ყურადღებისა? თუმცა, რა უნდა ეშმაკეულს ეკლესიის კედლებზე, კიდევ კარგი, ვერ მოასწრო ნახატის დასრულება, არ დაცალეს, არ დაამთავრებინეს. ახლა გული აღარ სწყდებოდა ამაზე.

თანდათან სიმშვიდე ჩაედგარა სხეულში და ის ღრო მოაგონდა, ეკლესიის აგებაზე რომ დაიწყო ფიქრი. რამდენ ხანს ეძებდა შესაფერ მდებარეობას, სადაც შესაძლებელი იქნებოდა ეკლესიის აშენება. მან იცოდა, რომ ეკლესია ისეთ ადგილზე უნდა დაედგა, სადაც სული წმინდა თავისი ზეობით განდევნის არიმანულ ძალებს, ადამიანს რომ აწუხებენ, აღიზიანებენ, ტანჯავენ და აბოროტებენ. ასეთი ადგილი უნდა ყოფილიყო მშვიდი და ნათელი, რათა გულწრფელი ლოცვა დაუბრკოლებლად აღვლენილიყო ცათა შინა. დიდხანს ეძებდა და ბოლოს მიაგნო კიდეც ამ მყუდრო ქალას, საცა მხოლოდ ღონიერი მუხები იდგნენ, რომელთა ძირში მოსჩქევდა მაცოცხლებელი ანკარა წყარო და თავისი უხილავი აურით ასუფთავებდა მიწას და ჰაერს. ხეებისათვის ხელი არ უხლია, არაფერი შეუცვლია, მხოლოდ ეკლესია დაუმატა ბუნების მიერ შექმნილ ამ კუთხეს. ეკლესიაც ხომ ბუნების ქმნილება იყო, მისი ნაწილი, მისი გამოხატულება, ოღონდ ადამიანის სულის ქურაში გატარებული და იმისი ნებით განზორციელებული? ეს ქმნილებაც თავისებურად ერთადერთი და განუმეორებელი იყო, და იქნებოდა უკუნიითი უკუნისამდე, როგორც ყოველი სულდგმული.

გარედან მათხოვრების ყაყანი ისმოდა. დიდებამაღია კარისკენ გაიხედა, საიდანაც სინათლის ნაკადი შემოდინოდა შიგნით, და გაიფიქრა, რადგან ყოველივე არის განუმეორებელი და ერთადერთი, იქნებ, ეს სულაც არ არის დიდად გამორჩეული ღირსებაო. აბა, რა ღირსება გააჩნდათ ეკლესიის შესასვლელთან დაყრილ გლახებს, მანჭვა-ღრეჭით თავს რომ აბეზრებდნენ ყველას? და, ისინიც ხომ თავისებურად ერთადერთნი და განუმეორებელნი იყვნენ, როგორც მოედანზე თავშეყრილი ბრბოს თითოეული წევრი, ახალი მმართველის ნახვა რომ სწყუროდა, თუმცა ჯერ არც კი იცოდა, იმსახურებდა თუ არა ეს მმართველი ქვეშევრდომთა პატივისცემას?

ან რით იყვნენ ღირსეულნი ის მეომრები, ვილაცის ბრძანებით ერთმანეთს რომ დარეოდნენ და განუკითხავად ულეტდნენ ბრძოლის ველზე, და თავადაც არ იცოდნენ რატომ? რა არის ადამიანის ღირსება, რაში გამოიხატება იგი, თუ კაცი მხოლოდ იმას ასრულებს, რაც ბედისგან უწყერია?!

ძაღლის ნაკბენი აეწვა დიდებას და წვივზე მოისვა ხელი. ხომ შეიძლებოდა ეს უბრალო ნაკაწრი სიცოცხლის ფასად დასჯდომოდა? რამდენ განსაცდელს დააღწია თავი, ტყვეობას, დევნას, შიმშილს და მიანც დაბრუნდა თავის ქალაქში, მაგრამ თუ ის ძალღი ცოფიანი იყო, შეიძლება მისგან დაკბენილმა ხვალვე დალიოს სული. მაშინ ხომ ფუჭად ჩაივლის ამდენი წვალება, ესოდენ მნიშვნელოვანი და განგებისაგან წინასწარდასახული რომ ეგონა სასურველი მიზნის განსახორციელებლად. განა ერთხელ და ორჯერ მომხდარა მსგავსი რამ? ახლა იმაზე უნდა ილოცოს, ის ძალღი ცოფიანი არ გამოდგეს, მაგრამ თუ ის ძალღი ცოფიანი იყო, ლოცვა რას უშველის და აღსრულება აღსასრულებელი, ვერაფერი დაუდგება წინ და მთელი მისი ძალისხმევა უაზრო გახდება.

სადაც კარმა გაიჭრაქუნა, ფეხის ხმაც გაისმა, მაგრამ დიდებას არავინ დაუნახავს. კიდე უფრო მოიკუნტა. რა მოუტანა ამდენმა წვალებამ? აჰა, ეს ეკლესია ააგო, ახლა მას სხვები განაგებენ, აქ სხვები დადიან, თვითონ კი მათხოვარით ზის ბნელ კუთხეში ნაწამები, დაღლილი, გულგრილი. აღარავის ახსოვს მისი არსებობა, ან თვითონ რით გაიხარა? არც ერთ მის ოცნებას აღსრულება არ ეწერა. სამშობლო უთათრდებოდა, ხალხი ირყუნებოდა, ბოროტება სიკეთეს სძლევდა. მაგრამ თავის იღბალს მიანც არ ემდუროდა დიდება. თუმცა ბედი არასოდეს ანებებდა, ბოლომდეც არასდროს იმეტებდა. არც მოღალატე ყოფილა, საკუთარი ერის წინააღმდეგ მეტრძოლი, არც მკვლეელი, არც დამსმენი. კიდე ბევრი

უკეთურება ასცდენია. განა ეს ბედის წყალობა არ იყო? რამდენად ბედნიერი იყო ნასყიდა-ეფენდისთან შედარებით, თუნდაც იმით, რომ ეფენდის არავინ ეძახდა და არც არავინ დაუძახებდა არასოდეს. ძალაუფლებაც ვერაფერი უპირატესობაა, მერე რა, რომ კაცის მოკვლა, გამწარება და აწიოკება შეგიძლია დაუსჯელად, ან თუნდაც უსაზღვრო წყალობის გლეხა, როცა მოგესურვება? ყველა მბრძანებელი მონაა თავისი ძალაუფლებისა, უფრო უარესი მონა, ვიდრე ბორკილდადებული ტყვე, თავისუფლებაზე ოცნებას რომ ვერავინ დაუშლის.

დალილიმა დიდებამ თავი ჩაჰქინდრა და ჩასთვლიმა. უცებ, ვიღაცამ შეაჯანჯლარა. დაფეთებული გამოერკვა და შავანაფორიანი მორჩილი შერჩა ხელთ. „მამა ნიკიფორე გიხმობს თავის სენაკში!“

„ვინა?“ შეშფოთდა დიდება.

„მამა ნიკიფორეს არ იცნობ?“ გამკაცრდა ხმა.

დიდება წამოდგა და უკან მიჰყვა ტანმორჩილ ბერს, რომელიც ფეხებს მიაფლატუნებდა ქვის იატაკზე.

ეს ეკლესია ხუთი თითოვით იცოდა დიდებამ. ან რად უნდა დავიწყებოდა, როგორ იყო განლაგებული სენაკები და სად განისვენებდა მღვდელმთავარი. ბნელი ტალანი გაიარეს. მორჩილიმა მუხის მძიმე კარი შეაღო და დიდება მკრთალად განათებულ საკანში შეუშვა, რომელსაც თადევით მორკალული ჭერი ჰქონდა და ერთადერთი ვიწრო სარკმელი, საიდანაც შემოსული შუქი, ეტყობა, არ იყო საკმარისი და ამიტომ კედელზე მიმაგრებულ შანდალში მსხვილი კელაბტარი ენთო. მამა ნიკიფორე ტანტზე იჯდა. მან ჯვარი გადასწერა დიდებას და ხელი გამოუწოდა. დიდება ემთხვია მღვდელმთავარს.

„წელან საკურთხევილიდან გამოვედი და დაგინახე კუთხეში მჯდარი. მყისვე გიცანი. შენზე ამბობდნენ დაიღუპაო, როგორ გადარჩი?“ ჰკითხა მამა ნიკიფორემ.

„თვითონაც არ ვიცი. ჯერ არ მეწიო, ალბათ სიკვდილი“.

„აქამდე როგორღა მოაღწიე, თავი რით გაიტანე, ქურდობა შენ არ შეგიძლია და მათხოვრობა“.

„ხან ქარავენებს ავედევნე, ხან მწყემსებს შევეკედლე. გარეული ხილიც მხვდებოდა გზად და ასე გავძელი...“

მამა ნიკიფორემ თავი უქმაყოფილოდ გააქნია.

„საკუთარი თავისთვის ბრძოლა არ შეგიძლია, ხელის გამოღება არ გიყვარს, თორემ რომელი მეომარი შენა ხარ? რატომ გლახუნა არ წაიყვანეს ლაშქარში, ვითომ რითა გჯობია, რით არის შენზე უკეთესი ხუროთმოძღვა-რი?“

„ვინა თქვა, უკეთესიაო?“

„ყველას ეგრე ჰგონია“.

„იმიტომ, რომ ეგ ბრიყვი და ამპარტავანია და ბრბოს ბრძენი და ძლიერი ჰგონია. განა მაგდენის გარჩევა შეუძლიათ? თანაც ხელისუფალნი გლახუნას მფარველობენ“.

„იმიტომ, რომ, რასაც ეუბნებიან, იმას აკეთებს, იცის, როგორ ასიამოვნოს ძალაუფლების მპყრობელთ“.

„ჰოდა, ქვეყანაც მაგისთანა გლახუნების ხელშია“.

სიჩუმე ჩამოვარდა. ისმოდა, როგორ იღვენთებოდა შიშინით შანდალში ჩარჭობილი სანთელი.

„ეხლა რას აპირებ?“

„რა ვიცი, აბა? მძიმედ ვიყავი დაჭრილი, ბევრი სისხლი დავკარგე. მაგრამ რაკი ცოცხალი დავრჩი და ტყვეობასაც გადავურჩი, აღარა მიშავს რა. რამე საქმეს მოგვიკიდებ ხელს...“ თქვა დიდებამ.

„ეკლესიების შენება კარგა ხანია აკრძალეს, მოხატვაც“.

„ვიცი“.

„ჰოდა, რა უნდა ქნა, რა გიყო, რით დაგეხმარო, მე რა შემიძლია?“

დიდებას ფერმა გადაუარა, გული ძალუმად აუძგერდა და მუხლებში სისუსტე იგრძნო.

„მამაო, თუ ამ ეკლესიის მებაღედ ამიყვან, ან დარაჯად...“

მღვდელმთავარმა ისეთი სახით შე-
მოხედა, თითქოს გაუკვირდა, მართლა
რადაცას არა მთხოვნო?

„დარაჯი მყავს, მებაღედ შენ არ გა-
მოდგები...“

დიდებამ თავი ჩაქინდრა. თვითონაც
გრძნობდა, რომ არ იყო შეუპოვარი
კაცი და ამის გამო, ის ხალხი, მის
ფრჩხილად რომ არ ღირდა, ანგარიშს
არ უწევდა და არაფრად აგდებდა. ამ
ამბავს უკვე შეჩვეული იყო, რადგან ამ
ქვეყანაში რწყილისოდენა შესაძლებ-
ლობების პირებსაც კი სპილოსოდენა
მოთხოვნები და გაბერილი წარმოდგე-
ნა ჰქონდათ თავის თავზე. ბუნებრივია,
ჰეშმარტად ღირსეულ ხალხს ზედაც
არავინ უყურებდა. ადამიანის ბედი
მის გარეგნობაში და ხასიათშიც არის
გამოხატული. დიდება ერთი უბრალო
კაცი იყო, შეუხედავი და ჩუმი. ვინ მი-
სცემდა მას სამუშაოს, ვილას ახსოვდა
და ვილას სჭირდებოდა იგი. ან რა შენ-
დებოდა, ან რა კეთდებოდა იმის ფა-
სი, რაც ინგრეოდა და ნადგურდებო-
და!

„ერთი თხოვნა მაქვს, მამაო! მომე-
ცი უფლება სამრეკლოს კიბის ქვეშ
ღამე მაინც გავათხო ხოლმე...“

მამა ნიკიფორემ წვერზე ხელი ჩამო-
სვია.

„ეგ არ არის ძნელი. კი, ბატონო.
ვეტყვი თივა დაგიგონ!“

დიდებამ მალღობა გადაუხადა. და
გახარებული კარისკენ გაემართა. მამა
ნიკიფორე გაოცებული დარჩა, რა უხ-
არიო, მაგრამ მერე მოაგონდა, ეს კა-
ცი მუდამ ძალზე მცირეთი რომ კმაყ-
ოფილდებოდა, ქვეყნისგან ბევრს არა-
ფერს მოითხოვდა. ამ ეკლესიის აგება-
ზე თვითონაც ბევრი იზრუნა მამა ნიკ-
იფორემ, მაგრამ მღვდელმთავრობაც
გაინაღდა. ისე რა აზრი ჰქონდა ამ საქ-
მის წამოწყებას, თუ მონასტერს სათა-
ვეში არ ჩაუდგებოდა? დიდება კი თავ-
ის გაკეთებულ საქმეს თვითონ არ აფა-

სებდა დიდად და სხვები რას დაუფას-
ებდნენ. ასეთი კაცი იყო იგი, მაგრამ
მაინც კმაყოფილი იყო მამა ნიკიფორე,
რომ იმ ეკლესიის აშგებს, რომელსაც
ახლა თვითონ განაგებდა, მცირე პატი-
ვი მიაგო, დახმარების ხელი გაუწოდა,
თავშესაფარი მისცა. ბევრი ამასაც ვერ
გაბედავდა.

ეკლესიიდან გამოსული დიდება ის-
ევ ქვევით დაეშვა.

მთელი ქალაქი ნასყიდა-ეფენდისე
ლაპარაკობდა. მისი მეტოქის მოკვეთი-
ლი თავი, შუბის წვერზე წამოგებული,
ისევ ციხის ქონგურზე იყო გადმოდე-
ბული. ნეტავ რა საჩქარო იყო ამ კაც-
ის მოკვლაო, გაიფიქრა დიდებამ, მოე-
დანზე რომ ჩაიარა. ეს კაცი ძველი ფა-
შის პირველ ვეზირად ითვლებოდა, იმი-
სი მარჯვენა ხელი იყო, მაგრამ მაინც
მონა იყო და, როგორც ყველა მონა,
ისიც უყოყმანოდ დამორჩილებოდა
ახალ ხელმწიფეს და დაგმობდა ძველს,
რომელსაც ერთ დროს ერთგულად ემს-
ახურებოდა. სადა აქვს მონას ღირსება,
რომ ვინმეს ბოლომდე უერთგულოს,
მას მხოლოდ სამსახური შეუძლია.
რაც უნდა მალლა აღაზევო, მონა მაინც
მონად რჩება. ამიტომ ის კაცი, მონუ-
რად რომ ემსახურებოდა ძველ პატ-
რონს, ახლსაც ასევე მოემსახურებო-
და. მაშ, რა საჭირო იყო მისი მოკვლა?
ალბათ, რამე იცოდა ისეთი, რაც ნას-
ყიდა-ეფენდის არ უნდოდა, რომ ვინ-
მეს სცოდნოდა, ან შეიძლება, რაიმე
დამცირება ახსოვდა მისგან, როცა ის
აღზევებული იყო და ახლა სამაგიერო
გადაუხადა? ღმერთმა უწყის, რა იყო
მიზეზი, სად შეუძლია ჩვეულებრივ
კაცს იმის გაგება, რაც სულთნის დი-
ვანში ხდება?

ერთი რამ კარგად უწყოდა დიდე-
ბამ, ახალ ფაშას სხალი ნაზირ-ვეზირე-
ბი უნდა შემოეკრიბა ირგვლივ. იქნებ,
არც ძველთ ეთქვათ სამსახურზე უარი,
მაგრამ წესი იყო ასეთი. დიდი ფაღიშ-

აპიც ასე იქცეოდა და, ცხადია, ეს პატარა ფაშაც ასე მოიქცეოდა.

თუმცა, რა ედარდებოდა დიდებს ქვეყნის ამბები, როცა შიმშილისაგან სული ძვრებოდა. ვინც უნდა დაესვათ მმართველად, დამონებულ ხალხს მაინც არაფერი ეშველებოდა. ფადიშაჰის კაცი ვერ გამოადგებოდა სამშობლოს...

დიდება მიწაზე დაჯდა, თავი კედელს მიაყრდნო. ხალხი მიმოდოდა ირგვლივ, ის კი, მტვერში მჯდარი, ძალას იკრებდა. სულ ცოტადა უკლდა, რომ სამათხოვროდ გაეშვირა ხელი. ისევ წამოდგა, რიყისკენ წალასლასდა. ქალაქს ეტყობოდა, რომ აქ გაღარიბებული და გადატყვევებული ხალხი ცხოვრობდა. უბადრუკი სახლები მინგრეულ-მონგრეული იყო, ქუჩები აყრილი, ვიწრო და მყარალი. უფრო შეძლებულნი ვიყრივით დადიოდნენ, რიგიან ცხენს ან აქლემს იშვიათად წააწყდებოდით, ვის ჰქონდა მათი შენახვის თავი?

უცებ, ქუჩები ხალხით აივსო. მოედნიდან დაძრული ბრბო სასახლისკენ მიედინებოდა და დიდებაც ჩაითრია ამ ბოვანო ხალხის ნაკადმა. გზადაგზა შეიტყო, რომ თურმე აქ ახალი ფაშას მოსვლას ელოდნენ და უნდოდათ დაენახათ.

დიდებამ გალავანში ვერ შეაღწია და ქუჩაში გაჩერდა. მოედანი მოლებით, მღვდელმთავრებით, ბეგებით და დიდებულებით გაიტენა. ხელმწიფემ ხუტბა უნდა აღავლინოსო, გავრცელდა ხმა. როდესაც ნასყიდა-ეფენდი მობრძანდა ეტლით, რომელშიც ჯიშინი ბედაურები იყვნენ შემბულნი, სასახლის ირგვლივ შეგროვილმა ბრბომ „ვაშა“ დასქექა. დიდებამ თვალი მოჰკრა ახალი მმართველის გაბადრულ, თვითკმაყოფილ სახეს, იგი ხელს უქნევდა აღფრთოვანებულ ქვეშევრდომთ. რას მოესწრო ეს ნამწყემსარიო, გაიფიქრა დიდებამ.

ბალობაში, ნასყიდა-ეფენდი თხების მწყემსი იყო. ეს ყველამ იცოდა. მერე იგი მშობლებმა თათრებს მიაბარეს და

თათრულად აღზარდეს. ამბობდნენ, თათრებულ ნასყიდა-ეფენდის მშობელი ქვეყანა ავიწყდებოდა და გულით სურს თავისი ხალხი თათრების სამსახურში დააწინაუროსო, რათა თათრების კეთილგანწყობა მოიპოვოსო. იმ დღესაც ამაზე ილაპარაკა ლოცვის დასრულების შემდეგ. მღვდელმთავრებს და დიდებულებს მოუწოდა თათრული წესები გადმოეღოთ და თათრული კარგად შეესწავლათ. თათრებს იქით ჩვენ სხვა გზა არა გვაქვსო, თათრებმა რომ მიგვატოვონ, სხვები გავგანადგურებენო.

„კიდევ რა თქვა, კიდევ რა თქვა?“ ერთმანეთს ეკითხებოდა გალავანს გარეთ დარჩენილი ხალხი.

„კიდევ ისა თქვა, ქურდობასა და ავაჯობას მოვსპობო!“

„საიდან მოსპობს, თუ ქურდობისა და ავაჯობის მიზეზები არ მოსპო?“ ხმაძალა წამოიძახა დიდებამ და ყველამ მას მიაპყრო გაცეხებული და შეცბუნებული მხერა.

„მერე ეგ მიზეზები რა არის?“ მკვახედ ჰკითხა ვილაც ახმახმა, დაბღვერილი სახისა და ჩაჰყლეტილი ცხვირის პატრონმა.

„თათრები არიან მაგის მიზეზები, სიღარიბე და მონობაა მაგის მიზეზი!“ მკვახედვე უბასუხა დიდებამ.

დიდებას ეჭვით დაუწყეს ცქერა და თანდათან შეთხელდა მის ირგვლივ დამფრთხალი ხალხი. ბოლოს დიდებაც წალასლასდა სადღაც უმიზნოდ, გაეცალა სასახლეს.

აღმართს აუყვა. შიმშილისგან გული უყანცალეზდა. უცნაური იყო, მაგრამ თათრებისა დიდებამ არ ეშინოდა, თუმცა კარგად იცნობდა იმათ ადათ-წესებს და მრავალ გზის წასწყდომია იმათ სიმკაცრეს, დაუნდობლობას, გულქვაობას, სირგვენესა და მუხანათობას. მაგრამ იმდენად სძულდა მათი მანკიერება, რომ თათრულ უსამართლობას და უსინდისობას არ უფრთხოდა, აინუნშიც არ ავდებდა, თუ საჭირო იყო, ერთი ათის წინააღმდეგ გავიდოდა

ხმალში. გულის სიღრმეში, თათრებს ხალხად არც კი თვლიდა, ეს იყო მისთვის ყოველივეს წამლექავი ბოროტი და უგუნური ძალა. მაგრამ მაინც არ იყო გონივრული საკუთარი ფიქრების ასე ხმამალა გამოცხადება აჭრელებულ ბრბოში, სადაც არ იცი, ვინ გითანაგრძობს და გაგიგებს. სხვა ათასთან ერთად, ეს ნაკლიც სჭირდა დიდებას, ლაპარაკის დროს თავს ვერ იკავებდა და უამრავ დანუფიქრებელ და უსარგებლო რამეს წამოროშავდა ხოლმე ზოგჯერ სრულიად უცხოთა შორისაც კი. ამან ბევრჯერ მიაყენა ზიანი.

უკაცრიელმა შუკამ დიდება ერთ დანგრეულ სახლთან მიიყვანა. სახლის წინ მიყრილ-მოყრილ ქვებზე მათხოვრები ისხდნენ, სადღაც ნაშოვნი საკმლის ნარჩენები მიწაზე დაეყარათ და ხარბად იღმურძლებოდნენ. თან ყაყანებდნენ, ერთმანეთს უწამაწურად ავინებდნენ. ნასვამებს ჰგავდნენ. თათრულად ლაპარაკობდნენ. ჩანდა, არც ერთი არ იყო ამ ქალაქის მკვიდრი. ერთ-ერთი მათგანი დიდებამ იცნო. ის ხეიბარი თათარი იყო, ქალაქში შემოსვლისას რომ გადაეყარა. მეორე, ძალზე სქელი კაცი, ბრმა იყო, გადმობრუნებული თვალის გუგები საზარლად უჩანდა. ხოლო მესამე, თმაგაბურძგნული ცალფეხა კაცი, გრძელი მსხვილი ჯოხი რომ ედო გვერდით, ორ ჩაბინძურებულ, სახედასივებულ დედაკაცს შორის ჩამჯდარიყო და ხითხითებდა. მოულოდნელად თავზე წამომდგარ დიდებას მტრულად შეხედეს.

„რა გინდა?“ ჰკითხა ხეიბარმა.
„არაფერი!“
„შემკრთალი დიდება უკან მიბრუნდა.“
„მოდით აქ!“

დიდება შეშინდა, ამ გლახებმა რამე არ დამაწიონო და გაიქცა. მათხოვრები ჯერ უყვიროდნენ, მერე კი სიცილ-ხარხარი დააყარეს, მაგრამ შეშინებული დიდება უკან მოუხედავად გარბოდა, ვიდრე იმათი დამამკირებელი ჟივილ-ხივილი ყურთ ჩაესმოდა.

ბოლოს თავი სამშვიდობოს დაიგუ-

ლა და ნელა გაუყვა ქუჩას. აქ უკვე გამველლებიც ჩანდნენ. ერთ-ერთი უფანჯრო სახლის დაბალი კარიდან ვილაც აყლავდა გამოძვრა და დიდებას გზა გადაუღობა.

„თქვენ დიდება ბრძანდებით?“
„ღიახ.“
„დღეს ჩამობრძანდით ჩვენს ქალაქში?“
„ღიახ.“
„ერთი წუთით აქ მობრძანდით, თუ შეიძლება!“

ამ კაცის თავაზიანი კილო არ ეხამებოდა მისსავე უსიამოვნო, უტიფარ იერს. დიდება ისე დაიბნა, რომ არც კი ჰკითხა, რა უნდოდა. თავი დაღუნა და კარის ზღურბლზე გადააბიჯა. როგორც კი შენობაში შევიდა, კარი მყისვე მიხურეს და დიდება სრულ წყვიდადში შთაინთქა. ვილაციები მიყსეულად ეძგერნენ, შეკოჭეს, ხელ-ფეხი შეუკრეს, ცემა-ტყეპით წაათრიეს და სადღაც შეაგდეს. სლიბ კედელს მიანარცხა დიდებამ თავი და ტკივილისაგან ლამის გრძნობა დაჰკარგა. მერე მძიმე ურდულის ბრახუნი გაიგონა, ეტყობა, დილეგის კარი გადაუქეტეს ნეტა, რისთვისაო, გაიფიქრა, მაგრამ არ გაჰკვირვებია.

ჯურღმულში მყოფი კარგა ხანს ვერ ატყობდა, დღე იყო თუ ღამე, თუმცა გრძნობდა, როგორ იწელებოდა დრო გულისწამლებად. მიწაზე ეგდო და ცახცახებდა, და ვერ მიმხვდარიყო, შიშისგან იყო ეს თუ სიცივისგან. გაურკვეველობა სიცივეზე და შიმშილზე უარესი იყო.

ბოლოს კარი გაიღო და მაშხალეებიანი მცველები შემოვიდნენ დილეგში. დიდება ფეხზე წამოაგდეს, ხელ-ფეხი შეუხსნეს და გარეთ გამოიყვანეს, სადაც ბნელოდა, თუმცა მთვარეც ანათებდა და აქა-იქ ვარსკვლავებიც მოჩანდა.

სუფთა ჰაერმა დიდება ცოტათი გამოაცოცხლა და სიამის მსგავსი რაღაც

იგრძნო, გუნების მომწამვლელ დილე-
გის მყარალ სუნს რომ დააღწია თავი.

მთვარით განათებულ ქუჩას გაუყენ-
ეს და სასახლესთან მიიყვანეს. წინ ის
აყლავდა მიუძღვებოდათ, დიდება
რომ შეიპყრო. სასახლესთან რომ მივი-
დნენ, აყლავდა შედგა, ტუსადს მხარ-
ზე ხელი დააღო და შესასვლელთან მი-
იყვანა, სადაც ცულებით შეიარაღებუ-
ლი ბალთაჯიები იდგნენ.

„შედი!“

„აქ რა მინდა?“ შეშინდა დიდება.

„მიდი ხელმწიფესთან და პატიება
თხოვე!“ კბილებში გამოსცრა აყლავ-
ულამ.

„ხელმწიფესთან მე ვინ შემის-
ვებს?! სულ წახდა დიდება.

„შეგიშვებენ, შე ბრიყვო!“

აყლავულამ ხელი ჰკრა და სასახლე-
ში შეაგდო. დიდებამ დაბნეულად გაი-
ხედ-გამოიხედა ირგვლივ. ერთმა მცვე-
ლმა ანიშნა, მომყვიო და დიდება მის-
კენ წალასლანდა.

სასახლე მახალღებით იყო განათებუ-
ლი და დიდებას გაუკვირდა, რომ აქ ამ
დრომდე არ ეძინათ. ბევრი ატარეს თუ
ცოტა, ბოლოს ერთ დიდი დარბაზში
შეიყვანეს და ახალ ფაშას წარუდგინ-
ეს. ფაშა ტახტზე იჯდა და თავის ნაზ-
ირ-ვეზირებს ელაპარაკებოდა. დიდე-
ბას ზედაც არ შეხედა. ეტყობოდა, გა-
ცხარებული იყო. სახე წამოსწითლებ-
ოდა და თვალებს ცივად აბრიალებდა.
სულ არ ჰგავდა იმ მოლიმარ მწყალო-
ბელს, ამ დილით ხალხს ხელს რომ უქ-
ნევდა. კუთხეში მდგარი დიდება პირ-
ველად ხედავდა ნასყიდა-ეფენდის ასე
ახლოს და ამჩნევდა, რომ ეს კაცი თა-
ვის წინამორბედთან შედარებით, გაც-
ილებით უკეთ გამოიყურებოდა, ერთი
შეხედვით სასიამოვნო შესახედავი
იყო. ძველი ხელმწიფე ჩარჩს უფრო
ჰგავდა, ვიდრე ფადიშაჰის სერასქირს.

დარბაზი ისე მდიდრულად იყო მო-
რთული, რომ დიდებამ ერთბაშად იგ-
რძნო უფსკრულისებური ზღვარი თავ-
ის თავსა და აქ მყოფ ადამიანებს შო-
რის. თითქოს ისინი ადამიანები არც

იყვნენ, არამედ ჩვეულებრივ ადამიან-
ებზე ბევრად მალლა მდგომი ახალი და უცნაური არსებები. კედელ-
თან ატუზულს მოეჩვენა, რომ მას ვე-
რავინ ამჩნევდა, და მართლაც, ისეთ
კაცებს, როგორც დიდება იყო, ამ და-
რბაზში ვერასოდეს ვერ ამჩნევდნენ,
უფრო სწორად, არ ამჩნევდნენ ამ და-
რბაზის მკვიდრნი. მაგრამ თუ რომელ-
იმე დარბაზის წევრს სასახლიდან გამო-
აპანდურებდნენ, მაშინ მათ თვალები
ეხილებოდათ და დიდებასაირ კაცებს
ხედავდნენ და ცნობდნენ ქუჩაში. სა-
სახლეში კი ყველანი იმ კანონებს და
წესებს იცავდნენ, რომელიც იქ იყო
დამკვიდრებული, იქ კი, ასეთი წესი
იყო, უბრალო მოკვდავი არ უნდა შეე-
მჩნიათ.

დიდება იღვა და იცდიდა. თითქოს
უსარგებლო ნივთად გადაიქცა, თით-
ქოს კეთილმყოფელმა სულმა დატო-
ვა და ყოველგვარი მნიშვნელობა დაუ-
კარგა. ვინ იყო, რა იყო, რას წარმოად-
გენდა, ვის რაში სჭირებოდა? ერთი
უბრალო მდილი, რომლის გაქრობას
სულის შებერვაც ეყოფოდა. სასოწარ-
კვეთილებამ შეიპყრო და გული აეწუ-
რა. სწორედ ამ დროს ხელმწიფემ ნა-
ზირ-ვეზირები დაითხოვა და დიდება
იხმო. ძლივს მილასლანდა ტახტთან,
რომელზედაც ხელმწიფე იჯდა, ხოლო
ნაზირ-ვეზირებმა ისე ჩაუარეს, რომ
ზედაც არ შეუხედავთ.

ფაშამ პირდაპირ შუბლში მიაბურღა
გამჭოლი მზერა და ნაძალადევად გაი-
ლიმა. ამ ღიმილმა მიუქარაზე მეტად შე-
აშინა დიდება.

„რა იყო, კაცო, რას მერჩი, რას მაგ-
ინებ ხალხში, ჭერ არ ჩამოსულხარ და
უკვე მებრძვი?“

„მე, ბატონო?“ ძლივს ამოიკანავლა
დიდებამ.

„ჰო, შენ, აბა, მე?“ დაუყვირა ფაშამ.

„არა, ბატონო!“

„როგორ არა, დღეს სასახლესთან გაი-
ძახოდი, ეგ ვერც ქურდობას მოსპობს
და ვერც ავაზაკობასო!“

უცებ დიდება მიხვდა, რომ გაყიდუ-

ლი იყო, და ერთბაშად, კეთილმოყოფილი სული, რომელმაც წელან მიატოვა, დაუბრუნდა და ისევ თავის თავად აქცია. ასე ემართებოდა ყოველთვის: პირველი ფლდა რომ გადაუვლიდა, მერე კაცი ხდებოდა.

ხმა არ ამოუღია და დიძაბა. ეტყობა, ხელმწიფემაც შეამჩნია ეს მოულოდნელი გარდაქმნა წელან მიჩვარულ არსებაში, უკვე რომ ეგუებოდა შექმნილ მდგომარეობას და პოულობდა თავის თავს, თავის დასაყრდენს, წამით დაკარგულს და მიშქრალს. როგორც ჩანს, ეს გამოხედვაშიც შეეტყო დიდებას, რომელსაც შიში დააეიწყა და ახლა არანაკლებ ცივად და მტკიცედ იმზირებოდა, ვიდრე თვით ხელმწიფე.

ხელმწიფე წამოდგა.

„შენ გგონია, მე შენზე ნაკლებ მიყვარს ჩემი ქვეყანა?“

დარბაზში გაიარ-გამოიარა.

„არა, ბატონო დიდება, ეგრე არ არის საქმე!“

ისევ დაჯდა.

„შენ არ იცი, რა ხდება ქვეყანაზე. ეგ შენი ბრალი არც არი. ქვეყნის მმართველობისა შენ არაფერი გაგეგება და ისე, ჰაერზე მსჯელობ. ჩვენ რომ თათრებს ზურგი შევაქციოთ, მყისვე გაგვაქრობენ. რა ჯობს, არსებობა თუ გაქრობა?“

„არსებობა“. თქვა დიდებამ.

„ჰოდა, თუ არსებობა გვინდა, თათრების გული უნდა მოვიგოთ. გახსოვდეს, თვალის დახამხამებაში გადაგვთელავენ. ეგეც კი არაა საჭირო. ახლა წადი და იფიქრე ამაზე.“

დიდება დაიბნა, ასეთ ლაპარაკს არ მოელოდა. ეჭვიც კი შეეპარა, ნუთუ გულწრფელად მელაპარაკებო. თავისებურად ახალი ფაშა მართალი იყო. თუ თათრებს ოდნავ წინააღმდეგობას გაუწევდი, დაუნდობლად მოგსპობდნენ. მრავალი იყო ამის მაგალითი, მაგრამ ისედაც რომ გასობდნენ, ისედაც რომ სამარეს გითხრიდნენ და დღითი დღე გრყენიდნენ? გამოსავალი არ ჩანდა. იქნებ, პატარა გაძალი-

ანება მაინც საჭირო იყო? მაგრამ ვინ უნდა გასძალიანებოდა, როცა ხალხი თათრდებოდა და თათრობას ირჩევდა, რათა ეცხოვრა და როგორმე გაეძლო.

ხელმწიფე ისევ წამოხტა, ეტყობოდა მოუსვენარი კაცი რომ იყო.

„მე ვიცი, ლურჯი მონასტერი შენი აგებულია... წადი, იმუშავე, შენს საქმეს მიხედ“.

მერე ტაში შემოკრა და ქეთხუდა იხმო.

„ეს კაცი შორიდან არის მოსული. მშიერი იქნება. დაბანეთ, დააპურეთ, ტანსაცმელი მიეცით და გაუშვით!“



ასე დაბრუნდა ქალაქში ოსტატი დიდება, ერთ დროს განდევნილი და ტყვედყოფილი. მას შემდეგ მრავალჯერ გადმოჰკიდეს ციხის გალავანზე შუბის წვერზე წამოგებული გასისხლიანებული თავები ძველი ხელმწიფის ერთგული ნაზირ-ვეზირებისა. ზოგს ხაზინის ქურდობა ბრალდებოდა, ზოგს სხვა რამ ბოროტება. გადიოდა ხანი. ნასყიდა-ეფენდი-ფაშა უმოწყალოდ ანადგურებდა არასასურველ მოხელეებს, თავები ცვიოდათ სხვადასხვა თეფდედერებს, დევთერდარებს, ყადებს, კაიმაკამებს, მუთესელიმებს. ერთი სუბაშა და ჩეხაი-ფაშაც დასაჯეს, ზოგიერთებს პატივი აპყარეს, ქონება წაართვეს და ფადიშაჰის ქალაქში გაისტუმრეს.

ნასყიდა-ეფენდი-ფაშა ახალ ვეზირებს იკრებდა ირგვლივ, მაგრამ დიდებამ მშვენივრად იცოდა, რომ ახლებიც ისევე დაემორჩილებოდნენ უკეთურ წესებს, როგორც ძველები ემორჩილებოდნენ, ახლებიც იმას გაიმეორებდნენ, რასაც ძველები აკეთებდნენ. ეს მხოლოდ დროის ამბავი იყო.

ქვეყანაზე არაფერი იცვლებოდა, ისევე გრძელდებოდა განუწყვეტელი ომები, თარეში, აკლება-აწიოკება, გადასა-

ზურაბ გეგეშიძე
დღივთა

ხადების ზრდა, ხალხის დამონება-შევიწროება. დიდებას ველარ გავგო, რა მოთხოვნები განაგებდა ქვეყნების ბედს, რა იყო ის აუცილებლობა ერთს რომ აღაზრებდა და მეორეს დაამზობდა. დიდება გრძნობდა, რომ ის, რაც ხდებოდა გარკვეული გეზით მიემართებოდა, გარდუვალი და კანონზომიერი იყო, მაგრამ სად მიიყვანდა ეს ყოველივე მის ქვეყანას და მის ხალხს?

ბოლოს და ბოლოს ყველაფერი თავდება ან სხვა თვისებაში გადადის. როგორც სასრულია კაცის ცხოვრება, ალბათ, ისევე სასრულია ერისაც. თუმცა არსებობენ დღეგრძელი ადამიანები და დღეგრძელი ერები, მაგრამ რაც უნდა დღეგრძელი იყოს კაცი ან ერი, სიკვდილი მას მაინც უახლოვდება. დიდება შეგუებული იყო კაცის სიკვდილს, მაგრამ ერის სიკვდილს ვერ ურიგდებოდა და სწუხდა ქვეყნის გამო. ვერ იტყუებდა თავს ზოგიერთი დალხინებულივით, ბოროტებას ვანზრახ რომ არ ამჩნევენ, უკეთურებას სიკეთედ რომ ასაღებენ. ამას ისიც ემატებოდა, რომ თავად საშინელ გაჭირვებაში იყო ჩავარდილი, არავითარი სახსარი არ გააჩნდა. შემთხვევითი სამუშაოთი შოულობდა ლუკმა პურს, ხან ბაზარში, ხან ქარვასლაში, ხან ქალაქის კარიბჭესთან დაწანწალებდა, რათა ვინმეს რამეში წახმარებოდა და სარჩო ეშოვა. ზოგჯერ დიდება ქალაქში თავშეყრილ სხვადასხვა ტომის ვაჭრებს შორის თარჯიმნობდა, რადგან რამდენიმე ენა იცოდა, — და გადმოუგდებდნენ ხოლმე თითო გროშს. მაგრამ სამუშაო მუდამ როდი იყო და მაშინ დიდება შიმშილობდა. ცხადია, არაფერი უღვიძებდა მომავლის რწმენას.

ძლივს გადაიტანა ის ზამთარი. მარტოდმარტო დაწანწალებდა მისთვის გაუცხოებული ქალაქის ქუჩებში.

ვაზაფხულის დამდეგს ხმა გავრცელდა, წმინდა ტყეს გაკაფვას უპირებენო. ეს დიდებული ტყე მდინარის პირზე ხარობდა და ძლიერ ამშვენებდა ქალაქს.

აქ ერთ მძლავრ მუხასთან უხსოვარი დროიდან მოდიოდა ხალხი სადღესასწაულებად, რადგან ოდითგანვე სწამდათ, თქმის ქალაქის მფარველი სული ამ ხეში იყო ჩაბუდებული. ცოდვა იყო მისი ხელყოფა, მაგრამ დიდებას არც ეს გაუკვირდებოდა, რადგან ყველაფერი ნადგურდებოდა და ტყე რაღას წარმოადგენდა იმ ქვეყანაში, რომელსაც გამკითხავი არ ჰყავდა? ზოგნი ამბობდნენ, ამ ადგილზე გზა უნდა გაიყვანონო, ზოგნი ამბობდნენ, ნასყიდა-ეფენდი-ფაშას უბრძანებია, მანდ მეჩეთი უნდა აიგოსო. რას არ ამბობდნენ და დიდებამ არ იცოდა, რომელი ჭორი დაეჭვებინა. ამასობაში კი მართლაც შეუდგნენ ტყის კაფვას. მორეკეს მონები, თავს დააყენეს ზედამხედველები და ათასწლოვანი ხეები მსუილით ასკდებოდა მიწას.

დაუნანებლად სპობდნენ წმინდა ტყეს, მაგრამ ყველას როდი ენანებოდა ოდითგანვე ქალაქის დამამშვენებელი, ამ ძველისძველი ტყის გაკაფვა. ბევრს უხაროდა ნასყიდა-ეფენდი-ფაშას წამოწყებული საქმე, კარგია, შეშა გაიფადებო. ჭრელი ხალხი ცხოვრობდა ამ ქალაქში და ეს ჭრელი ხალხი, ცხადია, სხვადასხვანირად ბჭობდა.

ერთხელ, დიდება შორიხლო დადგა და უყურებდა ტყის მჭრელებს, წაქცეულ ხეებს ტოტებს რომ აცლიდნენ, გასუფთავებულ მიმიე მორებს მსხვილი თოკებით ჰკრავდნენ, ჯორებს აბამდნენ, მიწაზე მიათრევდნენ და ასე ჩოჩილით სადღაც გაჰქონდათ. ერთი წარმოსადეგი კაცი ხელმძღვანელობდა ამ საქმეს. დიდებამ იცნო ხუროთმოძღვარი გლახუნა, რომელიც ყოველთვის პირნათლად ასრულებდა ფაშების დავალებას. მან გვერდით ჩაუარა დიდებას და ზედაც არ შეხედა, ვითომ ვერ შეამჩნია. ამ დროს დიდებას ვილაყამ დაუძახა.

დიდება მობრუნდა და გაკვირვებით მიაჩერდა თათრულ ტანისამოსში გამოწყობილ ჩალმიან ზედამხედველს, ღიმილით რომ შემოსცქეროდა. სწო-

რედ ამ ღიმილმა გაახსენა თავისი ძველი ნაამხანაგარი, ვისთან ერთადაც უწინ ბევრჯერ შებრძოლებია მტერს.

„თათრის რჯულზე გადახვედი, კაცო?“ გაუკვირდა დიდებამ.

„მაშ, რა მექნა, ცხოვრება მინდა!“ კვლავ იღიმოდა იგი.

„თათრებს რომ ებრძოდი?“

„ის დრო წავიდა.“

„ამას კი არ ველოდი,“ დანანებით თქვა დიდებამ.

„დავუკვირდი, ძმაო, გონზე მოვედი“. კმაყოფილი სახით თქვა დიდებამ ნაამხანაგარმა და მათრახი გადაუჭირა ბარბაცით მომავალ მხარზე ხეგადებულ ხანშიშესულ მონას, ცოცხლად, შე პატრონძაღლო!

დიდება გაეცალა ყოფილ ამხანაგს. რაღაც გროშები ეყარა ჯიბეში და დუქანში შევიდა. დუქანი გზის პირას იდგა. აქ მექარავენები და სარქლები იკრიბებოდნენ, მუდამ თბილოდა და გამომშრალი ტყავისა და ცხვრის სუნი ტრიალებდა. გრძელ მაგიდებთან მსხდარი წვერმოშვებული კაცები ტყაპუჭებში გახვეულიყვნენ. დიდებამაც ცხვარის გაცვეთილი ტყაპუჭი ეცვა და ნასყიდა-ეფენდის ნაწყალობევი ტანსაცმელი: მუშის წულა-მესტები, წვივზე ამოკრული ნახმარი ტოლალები, გაცრეცილი შარვალი და მოკლე ღართი. გარეთ ჯერ კიდევ ციოდა და სასიამოვნო იყო აქ ჯდომა. დიდება კედელს მიეყრდნო და აიწურა, მხრებში მოიხარა, ღვინის ოხშივარმა და ხმაურმა თავბრუ დაახვია. კაცები ყუყუნებდნენ. უმეტესობა მწყემსები იყვნენ, თუმცა ხელოსნები, წვრილი ჩარჩ-ვაჭრები და სოფლებიდან ჩამოსული მიწის მუშებიც ერივნენ მათ შორის.

უცებ სიჩუმე ჩამოვარდა. ყველანი ერთბაშად გაიტრუნნენ და აჩურჩულდნენ: „სიკვილია მოდის, ჯალათების უსტაბაში“. დიდებამ თავი ასწია და კარებში მდგარი ნაცნობი აყლაყულდა დაინახა, რომელიც აქეთ-იქით იყურობდა და ნელა მოაბიჯებდა სარდაფის შუაგულისკენ. ეს იყო ჯალათი.

თვალს ვერავინ უსწორებდა მას. ჯალათის შზერას რომ წააწყდებოდნენ თხვევით, ეს ღონიერი კაცები თავს დაბლა ხრიდნენ დამნაშავეებსავით და გვერდზე იხედებოდნენ. ჯალათი მოალაჭებდა და დახრილ თავებს ნადავლივით ტოვებდა ზურგს უკან. უცებ მან კედელთან მარტოკა მჯდარ დიდებამ მოჰკრა თვალი და მისკენ გამოემართა. ისეთნაირად მიესალმა, თითქოს ძალიან გაუხარდა მისი დანახვა. გვერდით მოუჯდა, მელუქნეს ღვინო მოატანინა, დაუსხა და დაისხა, აქეთურ-იქითური გამოჰკითხა, წელან ხმამალა მობაასე კაცები კი ნელ-ნელა ილალებოდნენ დუქნიდან. დიდება ხვდებოდა, რომ ჯალათის ყურადღება შემთხვევითი არ იყო, მაგრამ თავს ისე აჩვენებდა, თითქოს მისი გულწრფელობა მართლა სჯეროდა.

„ხომ შეგიწყალა ხელმწიფემ, შენ კი არ გინდოდა სასახლეში შესვლა“. — თქვა მერე სიკვილიამ თავზიანი, ნიშნის მომგები ღიმილით, ვითომ, შენთვის კარგი მინდოდა და, ტყუილად არ მენდობოდიო.

„ააშენებს ღმერთი, დიდი პატივი მცა, დამაპურა და შემოსა, თორემ ამ ზამთარს ვერ გადავიტანდი,“ თქვა დიდებამ და გაიფიქრა, ნეტა, რა იყო ნასყიდა-ეფენდის მოწყალების მიზეზიო.

იქნებ, ნასყიდა-ეფენდის იმედი ჰქონდა, რომ დიდება ხალხში ილაპარაკებდა ამ ამბავზე, იტყოდა, როგორ აპატიეს დანაშაული, როგორ გაუმასპინძლდნენ და გაათავისუფლეს. ამით ხალხში სამართლიანი და მოწყალე მმართველის სახელი შეექმნებოდა ნასყიდა-ეფენდი-ფაშას და იმხანად, ეს, ალბად, სჭირდებოდა მას, თორემ ფეხებზე არ ეკიდა დიდება და დიდებანაირი კალატოზები? თუ ეს მართლა ასე იყო, მაშინ, ეტყობა, მთლად არარაობას არ წარმოადგენდა დიდება მბრძანებლის თვალში, და ამის გაფიქრებაზე, დიდებამ უნებურად გაედიმა.

„ერთ კარგ რამეს გეტყვი,“ უთხრა სიკვილიამ და ქონიანი ხელი მხარზე დაადო. მისი წითელი, საზოზლარი ხელის შეხებაზე დიდებას შეაჟრჟოლა, რადგან ცოცხლად წარმოიდგინა, როგორ აღებდა ჯალათი სისხლიან ტორს თავის მსხვერპლს, როცა მოსაკლავად მიჰყავდა თხემის ადგილზე.

„აჰ, მდინარის პირას, მეჩეთი შენდება. თუ გინდა, ისე მოგიხერხებ საქმეს, რომ მოვაცემინებ მანდ სამუშაოს.“

„არ მინდა“, თქვა დიდებამ.

„კარგად დაფიქრდი. გაკეთდები, იმდენ ფულს იშოვი. მთელი ცხოვრება გეყოფა. ხუროთმოძღვარ გლახუნას აქვს დავალებული გეგმის შედგენა. თუ შენც წაეხმარები, ქერის ორმოში ჩაეარდები“.

„გლახუნას რასაც ავალევენ, ყველაფერს აკეთებს, მე მაგდენი სად შემიძლია?“

„იცოდე, მეკლისი ძალიან მოწადინებულია ეგ საქმე რომ შესრულდეს“.

„ვერ შევძლებ. არ ვიცი მე მეჩეთის აგება. მაგაზე არასდროს მიმუშავია“.

„ეკლესიის ამგები მეჩეთსაც იოლად ააგებს. შენ ისეთი ოსტატი ხარ, ყველაფერს შეძლებ. დამიჯერე, შენთვის უკეთესი იქნება“.

„ვერ დაგიჯერებ. არ არის ეგ ჩემი საქმე“.

„ნუ გეზარება, ნუ ხარ ყოყმანა კაცი. მე წავალ და ნასყიდა-ეფენდის ვთხოვ, მოგიხერხოს ეგ საქმე. იქნებ, შენც გამოუშონ. ათასი ვინმეა მსურველი, ყველას კი არ იღებენ“.

„ნუ შეწუხდები, ნურც იმას შეაწუხებ. არ მინდა“.

ჯალათმა ცივი ბოლმით შეხედა დიდებას და უშნოდ გაიღიმა.

„რა გაეწყობა?! კარგი. იფიქრე კიდევ. მოგვიანებით გინახულებ!“

წამოდგა და კარში გავიდა.

იგი სასახლეში მივიდა, და როცა ფაშასთან შესვლა მოახერხა, ორი სიტყვით მოახსენა:

„არ უნდა“.

„არ უნდა და ნუ უნდა!“, გესლიანოდ თქვა მბრძანებელმა.

„მოესპო?“ ჯალათმა ხელი მოჭრილად მოიქნია, ვითომ თავი ხომ არ წავაგდებინო.

„ხელი არ ახლო. შიშვლით ჩავედეს!“

ნასყიდა-ეფენდი გულადი კაცი იყო. რაკი ბაღლობა სამწყყესურში ჰქონდა გატარებული, ათასნაირ მოულოდნელ ფათურაკს თავიდანვე იყო შეჩვეული. იგი თხების არვეს პატრონობდა და ზოგჯერ თხები ისეთი სალი კლდის წვეროზე აიყვანდნენ ძალაუნებურად, რომ იქიდან ჩამოძრომას დიდი გაბედულება და თავშეკავება სჭირდებოდა. ეკლიანი ბუჩქნარით დაფარულ ფლატეზე გაჩხერილი ნასყიდა აულელებლად და აუჩქარებლად პოულობდა გამოსავალს და შინ მშვიდობით ბრუნდებოდა. თავის არვესაც ერთგულად უვლიდა. არც მგლების ეშინოდა, არც წყვილიადისა და უამინდობის, და ამის გამო უფროსები ხშირად აქებდნენ და უწონებდნენ საქციელს, ხასიათს, და ნასყიდას გული სიხარულით და სიამაყით ევსებოდა, რადგან არაფერი არ სიამოვნებდა ისე, როგორც უფროსების შექება, და მუდამ ცდილობდა, ეს შექება დაემსახურებინა. სწორედ ამიტომ იყო დამჯერე და ყველა დავალების გულმოდგინე შემსრულებელი, და არა ისე ონავარი, როგორც მისი ტოლი ბევრი მწყემსი ბიჭი. ეს თვისება ნასყიდას ბოლომდე შერჩა, უფროსების პატივისცემა, მოწიწება და რიდი სისხლსა და ხორციში ჰქონდა გამჯდარი. უფროსებისგან წაქეზებული, ამხანაგებს მუდამ უპირისპირდებოდა და ამის გამო, თანატოლებს არ უყვარდათ, თუმცა უფროსები უფასებდნენ მეცადინეობას. ნასყიდასაც ეს უნდოდა, თანატოლებს თავსაც არ უყადრებდა, აღზევებულთა შორის სურდა ადგილი ბაღლობა ისე გაატარა, რომ სხვა

მისი ტოლი ბიჭებისგან გამორჩეულად იყო. სხვებზე წინ დგომა ადრეულ ასაკიდან შეუყვარდა, ხასიათის თვისებად ექცა.

როცა თათრები მოვიდნენ, ნასყიდას მამა და ნათესავები მყისვე იმათ სამსახურში ჩადგნენ და ნასყიდაც იმათ მიებარეს. ერთხანს სანჯაყ-ბეგის კარზე ცხოვრობდა და ზოგიერთივით მტრებად არ აღიქვამდა ამ ხალხს. მაშინ არც კი იცოდა, რომ მისსავე თანამემამულეთა შორის ბლომად იყვნენ ისეთები, თათრებს თავისი ქვეყნის დამპყრობლებად რომ მიიჩნევდნენ და ებრძოდნენ. ეს მერე შეიტყო. რაც თავი ახსოვდა, თათრებს ხედავდა და ეგონა, რომ მუდამ ასე იყო და ასე იქნებოდა. მაგრამ მთლად ასეც არ იყო თურმე.

ერთ დღეს, სოფლის მოედანზე დაბორკილი ჰაბუკი მოიყვანეს. ტანსაცემელშემოფლეთილს ტანზე სისხლიანი ზოლები ემჩნეოდა ცემისგან. მხრებამდე ჩამოშვებული ქერა ხუჭუჭა თმა ჰქონდა, გრძელი წამწამებით დაჩრდილულ ცისფერ თვალებში უნუგეშო მზერა ჩასდგომოდა. პირმოკუმული მძიმედ სუნთქავდა, ყელზე გამობურცული ხვანჯი გამალებით აუღ-ჩაუდიოდა და წარამარა ნერწყვს ყლაპავდა. იგი ქალწულივით ნაზი და გამხდარი იყო და სოფლის მოედანზე მორეკილ ხალხს უჭირდა იმის დაჯერება, რომ ამ სუსტმა ჰაბუკმა ორი იანიჩარი მოკლა. ხელებშებორკილი ჰაბუკი დააჩოქეს, ოქროსკულულებიანი თავი დაახრევიანეს, მერე მოვიდა კამეჩივით შავი ჯალათი, ორივე ხელით აღმართა გრძელი, პრიალა ხმალი, უცბად მოიქნია და კისერზე დაჰკრა. წარკვეთილი თავი მტვერში გაგორდა და ნასყიდამ დაინახა, როგორ კუმავდა ტუჩებს აწ უკვე სხეულს მოცილებული, გადაჭრილი ძარღვებიდან ამოხეთქილი სისხლით გასვრილი ლამაზი თავი.

იმ დღიდან დაინტერესა სიკვდილის საიდუმლოებამ და ღრმად დააფიქრა სიცოცხლის უქანასკნელი წუთის ზეშთა-

გონებამ. სიკვდილს ხშირად ხედავდა ადრეც, როცა საქონელს კლავდა სოფლის ხალხი. საოცარი ურყოლა იტანდა და სიამოვნებდა ამის ცქერა, მაგრამ ისინი უტყვენი იყვნენ და ვერ გაიგებდი, რას ფიქრობდნენ და რას განიცდიდნენ სიკვდილის წინ, ან თუ გრძობდნენ სიკვდილის მოახლოებას. თუმცა, მაინც შეიმჩნეოდა, რომ რაღაცას გრძობდნენ ცხოველები, ვინ იცის, იქნებ, განიცდიდნენ კიდევ უქანასკნელი წუთის სიმწვავეს ჩუმად, თავისთვის. აკვირებულ აზრად ექცა ნასყიდას იმის გამოცნობა, თუ რა ხდებოდა სიკვდილის კარიბჭესთან მდგარი სულდგმულის სულში, და ამიტომ ცხოველის დაკვლა თუ იყო საჭირო, თხისა ან ხბოისა, უკან არ იხვედა, თავის თავზე იღებდა ამ დავალებას და სიამოვნებით ასრულებდა, რათა სიკვდილზე დაკვირვების საშუალება ჰქონოდა.

მაგრამ ეს მაინც ის არ იყო, რაც გაუმხელელ სურვილად ჰქონდა მიჩქმალული თავისი არსების სიღრმეში.

მას ადამიანის მოკვლა სწყუროდა! ეს იყო მისი ყველაზე უნეტარესი, სანუკვარი, თამამი და გაბედული სურვილი...

ერთხელ, საძოვრიდან რომ მოერეკებოდა თხების არვეს, თათრებისგან აწიოკებულ სოფელს წააწყდა. ნასახლარებს ჯერ კიდევ ბოლიასდიოდა. სოფლის მოსახლეობა ეკლესიაში შეერეკათ და ამოებუგათ, საქონელი წაელალათ, მხოლოდ ძაღლები დარჩენილიყვნენ, რომლებიც გულშემზარავად ყმუოდნენ. მხარზე კომბალგადებული ნასყიდა დაცარიელებულ ორღობეში მოაბოტებდა, როცა უცებ, დაწვას გადაჩენილი ერთ-ერთი სახლის ერდოზე ორ მცირეწლოვან ბაღს მოჰკრა თვალი. ბიჭი შვიდიოდე წლისა იქნებოდა, გოგონა სამიოდესი. ჩუმად, გაშტერებით უყურებდნენ ისინი ნასყიდას და როცა ნასყიდა ბანზე ავიდა, არც კი განძრეულან.

„ რას აკეთებთ აქა?“

ბაღლებს ხმა არ ამოუღიათ.

„სად არიან თქვენი პატრონები?“

კვლავ დუმილი.

„ხმა ამოიღეთ, თქვე ყურუხმსალებო, თორემ ყურებს დაგპირით!“ და ნასყიდამ ქამარზე დაკიდული ყამა ნახევრამდე ამოსწია ქარქაშიდან ბაღლების შესაშინებლად.

და უცებ, პატარა ბიჭი სწრაფად, სხაპასხუპით ალაპარაკდა.

„ყველანი ეკლესიაში არიან, აგე, იქა!“ ხელი გაიშვირა სოფლის შუაგულისაკენ.

„თქვენ აქ რას უდგებართ?“

„მამამ დაგვმალა აქა“.

„სადა?“

ბაღლები ისევ გაჩუმდნენ. მაშინ ნასყიდას ისევ გაეღვიძა სულში ეშმაკი და გრძელი ყამა ქარქაშიდან დაადრო.

„აბა, მოდით აქა, თავები უნდა დაგპირათ!“ მუქარით თქვა და გასუსული ბავშვები სვეტზე აყრა.

თავდახრილი გოგონა, წარბშეკრული, ქვემოდან იყურებოდა და დასაკლავად გამზადებულ ბატყანს ჰგავდა, მრავალგზის რომ უნახავს ნასყიდას, მაგრამ გრძნობდა იგი სიკვდილს, ეშინოდა სიკვდილისა? ცხადია, შეშინებული და დამუნჯებული იყო, უცხო მოძალადე თავზარს სცემდა, მაგრამ ჰქონდა მთელი სიგრძე-სიგანით წარმოდგენილი მუქარის აზრი? ნასყიდა აკვირდებოდა ამ ბავშვის გაკუმტულ სახეს და ცდილობდა ამოეცნო, რა განცდები ბობოქრობდნენ იმის პატარა გულში. იგი ხედავდა შიშს და უნდოდა გამოეცნო, რით იყო ეს შიში გამოწვეული. როცა ყამა ბლავვი პირით ყელზე მიადო, ბავშვს ცივი რკინის შეხება არ ესაიშოვნა, თავი ასწია და ტუჩებმოწყურულმა, სახემოდრეცილმა, სატირლად გამზადებულმა მოხუჭული თვალებით ამოხედა მწვალბეგლს. მაშინ ნასყიდამ გოგონას თავი დაანება და ბიჭს მიუბრუნდა:

„მოდით, ჯერ შენ მოგაპირე თავსა“.

გაფითრებულ პატარა ბიჭს ნესტოე-

ბი უცაცხაბებდა, გამშრალ ტუჩებს ენით ისველებდა და წარამარა ნერწყვის ყლაპავდა, ზუსტად ისე, როგორც სოფლის მოედანზე დასჯილი ოქროსთმიანი ჭაბუკი. ნასყიდამ ყამა ბლავვი პირით ყელზე გაუნახუნა და უცებ, პატარა ბიჭი ჩაიკეცა, მუხლები მოეკვეთა, ნასყიდას შეეშინდა კიდევ, შემთხვევით რამე ხომ არ ვაგნეო, მაგრამ არავითარი ნაკაწრი ბიჭს არ აჩნდა. ნასყიდამ ყამა დაავდო და მუხლებზე დამდგარმა ბიჭს თავი აუწია. თვალებგახელილი, ერთბაშად გალურჯებული ბავშვი ნერწყვის აღარ ყლაპავდა, არც ენას ამოძრავებდა, მხოლოდ ერთხელ დაიხრიალა და გაშეშდა.

გოგონამ ტირილი მორთო, ხოლო ნასყიდას შიშისგან ტანი აებურძვლა. გოგონას ხელი დასტაცა და ორლობეში ჩაარბენინა, მაგრამ ბავშვი უძალიანდებოდა, ძმისკენ იწევდა, არ მიჰყვებოდა და ბავშვის კივილზე სოფლის ძაღლები მოცვივდნენ და გააფთრებული ღრენით შეუტიეს ნასყიდას, რომელიც იძულებული გახდა, პატარა გოგონასთვის თავი დაენებებინა და კომბლით გაეკვლია გზა. ასე, აყეფებული ძაღლებით გარშემორტყმულმა დატოვა იმ უბედური სოფლის სანახები.

შინ რომ მივიდა, ახლობლებს უამბო, რაც ნახა, მხოლოდ იმ ბედუკულმართი ბაღლების ამბავი გამოტოვა. თათრების სამსახურში ჩამდგართაც სძულდათ მათი ველური სისასტიკე. აფორიაქდნენ, ავიწვიშდნენ, დედაკაცებმა თავში ხელი იცეს, მამაკაცები კი შეიკრიბნენ და აოხრებულ სოფლის გზას დაადგნენ.

ნასყიდას არ უყვარდა იმ ამბის მოგონება, და არც იგონებდა, თუმცა ცხადია, ახსოვდა, რა დაავიწყებდა. ეს იყო პირველი სიკვდილი, რომელშიც ბრალი ედო. მაგრამ მერე, თათრების სამსახურში მყოფი, იმდენ სიმხეცეს წააწყდა, რომ ამისთანები აღარაფრად მიაჩნდა და უდანაშაულო კაცის დასჯა, თუ ეს მის საქმეს სტირდებოდა, სრულებითაც არ აწუხებდა და არ ეთაკილებოდა.

თათრებთან გაიზარდა იგი, მაგრამ თათრული კარგად ვერ შეისწავლა. მაინც უწიგნური კაცი იყო, თუმცა თავისებურად ნიჭიერი, მოხერხებული, პატივმოყვარე და ცბიერი. წერა-კითხვას ძალზე გვიან დაეუფლა და შეიძლება, ამანაც შეუშალა ხელი. ისიც უნდა ითქვას, რომ წერა-კითხვა ცოტა ვინმემ თუ იცოდა ნასყიდას გარემოცვაში და ნასყიდას თავისი ცოდნით თავიც კი მოსწონდა შინაურთა წრეში, რადგან სამღვდლოებასთან და მწიგნობარ ხალხთან მაშინ არაფერი ესაქმებოდა და იმათი განსწავლულობის ბევრი არაფერი გაეგებოდა. ცხადია, ნასყიდა-ეფენდის განათლებას უამრავი ხარვეზი გააჩნდა. შემდგომში ამ დანაკლისს გულმოდგინედ მალავდა, როცა აღზევდა, თავისი თავი ყველაზე ჰკვირნადაც კი წარმოედგინა, რაც ყოველთვის ემართებათ აღზევებულთ, მაგრამ გარკვეული შეზღუდულობა, მოუმზადებლობა და უცოდინარობა ქვეყნის საქმეებისა, სათანადო აღზრდა-განათლება მიუღებელს, ბოლომდე გაჰყვა. თუმცა თათრული ქვეყნების მართვა-გამგეობას დიდი განათლება არც სჭირდებოდა, ასე რომ უწიგნურობას არავინ უთვლიდა ნაკლად.

ყველაფერი თათრული მოსწონდა ნასყიდას, რადგან ძალა თათრების ხელში იყო. ნასყიდა-ეფენდის ამა ქვეყნის ძლიერთა შორის სურდა ტრიალი. არაფერზე უკან არ დაიხევდა, საკუთარ მშობლებს გაყიდდა, ოღონდაც ამისთვის მიედლწია. თათრების გარეშე რას მიაღწევდა და იმიტომაც იყო, რომ მუდამ თვალში შესციცივებდა ამ ხალხს. მაგრამ, მიუხედავად იმისა, რომ იმათ მარქაფაში იყო გარეული, მაინც ზერეულე წარმოდგენა ჰქონდა თათრებზე, რადგან არც სათათრებში უტხოვრია და არც ლაშქრობებში ხლებია მათ. თათრებს იგი მხოლოდ ქარვასლებში და სამდივანბეგობებში ხედავდა, სადაც გაფუჭული დიდვაჭრები და კუშტი მოხელეები ისხდნენ, რომელთაც ძალუ-

ძღოთ დაპყრობილი ქვეყნების ნებისმიერი მკვიდრების გაქრობა-განადგურება. ნასყიდა-ეფენდი მალე მიხვდა, რომ თათრების გულს მოიგებდა და ძალზედაც დაწინაურდებოდა, თუ თათრების ორგულ მოხელეებს თათრებთან დაასმენდა. ამას იგი აკეთებდა კიდევაც და თათრული საქმის ერთგული თავაკაცი ხდებოდა. თათრები უფასებდნენ სამსახურს და ნასყიდა-ეფენდი წინ მიდიოდა. სხვანიირი წინსვლა წარმოუდგენელი იყო, რადგან სხვა გზა არ არსებობდა.

მალე ფაშამ თავისი კარის ბაზიერთუხუცესად დაადგინა და თათრულ ყაიდაზე სამსონჯი-ბაში უწოდა. აქაც გამოიჩინა თავი. საუკეთესო ჯიშის ძაღლები შეარჩია და გაწვრთნა. ნასყიდა-ეფენდი იმიტაც გაითქვა სახელი ქვეყანაში, რომ თავისი ძაღლებით და სეკბანებით არა მარტო სანადიროდ ახლდა ხელმწიფეს, არამედ ზოგჯერ შარაგზის ყაჩაღებსა და ავაზაკებსაც იჭერდა. ეს ამბავი ბევრს ქვეყნისთვის სასიკეთოდ მიაჩნდა, თუმცა ამით ყაჩაღობა და ავაზაკობა არ მოსპობილა. მაგრამ როცა ნასყიდა-ეფენდი ფადიშაჰის ფირმანის თანახმად, ფაშად დაადგინეს, მართალია, ბევრს გაუტყვირდა, როგორ მოახერხა სახელოვანი ფადიშაჰის გულის მოგებაო, მაგრამ ბევრს გაუხარდა, ეშველება ქვეყანას რამე, ამ კაცს ჩვენზე გული შესტკივაო.

ეს სულ წინასწარი ვარაუდები იყო, მოცილითა მიტქმა-მოტქმა. ზოგიერთები იმასაც კი ამბობდნენ, თათრებისადმი მისი ერთგულება სულ მოგონილი ამბავია, მხოლოდ და მხოლოდ ნილაბია, გულში იგი ჩვენიანიაო, მაგრამ როცა ნასყიდა-ეფენდი თათრებს აღუთქვა, თქვენს ლაშქარში ორჯერ მეტ ხალხს გამოვიყვან ვიდრე ძველ ფაშას გამოჰყავდაო, კეთილმოსურენიც კი დაეჭვდნენ და დაიბნენ. ეს ამბავი სულაც არ იყო ქვეყნისთვის სასარგებლო და არც ის, ხარკის აღებისას ქვრივსა და ოხერსაც რომ არ ინდობ-

და. რა თქმა უნდა, ფადიშაჰის ვეზირები ავალბდნენ ამას და ისიც იძულებული იყო, შეესრულებინა მათი დავალება, მაგრამ რატომ ძველი ფაშა არ იჩენდა ასეთ სისასტიკეს, ის ყოველად ჩლუნგი და უთვისებო ადამიანი, საკუთარი ჰარამხანის სათამაშოდ რომ იქცა?

იქნებ, ნასყიდა-ეფენდი-ფაშას თავის გამოჩენა სურდა, დიდებული ფადიშაჰის კარზე დაწინაურება და იმიტომაც იჩენდა ასეთ გულმოდგინებას?

როცა თაბრიზს სალაშქროდ მიმავალმა ფადიშაჰმა ახალციხეში შემოიპარა, ნასყიდა-ეფენდი-ფაშამ დიდი და პატარა ქუჩაში გამოიყვანა, რათა ყვაილებით ხელში მისალმებოდნენ დიდ სულთანს, უზარმაზარი ქვეყნის ბატონ-პატრონს და მფლობელს. ჩაუშები, ყაფუჯები, ყადიასკერები და მუთეფერიკები მოედანზე განლაგდნენ. თავისი ვეზირებით, სერასქერებით და ყაფუდინებით გარშემორტყმული, ოქროს ჩალმით თავდამშვენებული ხონთქარი ფერადი თულებით შემკობილი ტახტრევანიდან გადმობრძანდა. ნოხებით მორთული სახლების სახურავებზე და მაღალ ხეებზე ამძვარი ხალხი გაფაციცებით აღევნებდა თვალს სასახლის წინ ჩამწყრივებულ დიდებულებს. ადგილობრივმა ბეგებმა ძვირფას სტუმრებს ძვირფასი ძღვენი მიართვეს. აღელვებულმა ნასყიდა-ეფენდი-ფაშამ, ამ დიდებული სტუმრობით გაბედნიერებულმა, მჭექარე სიტყვით მიმართა ხონთქარს. აღმოსავლური წესის თანხმად, აღმოსავლეთიდან აღმომავალი მნათობი უწოდა, ქვეყანაში სითბოსა და სინათლის შემომტანი.

„...ამის გამო, მე და ჩემ ხალხს, დედამიწის ზურგზე არ გვეგულება თქვენზე უძვირფასესი არსება, მბრძანებელო! ილდეგრძელეთ უკუნითი უკუნი-სამდე! ამინ!“

ასე დაასრულა თავისი განთქმული სიტყვა ნასყიდა-ეფენდი-ფაშამ.

შემდეგ გაიმართა ცხენბურთი და მარულა, სხვადასხვა თამაშობანი, ცეკვა,

სიმღერა, ათასგვარი ჯამბაზობა და მუშაითობა. ნასყიდა-ეფენდი-ფაშას ვარდა ამგვარი სანახაობების გამართვა, ზარ-ზეიმების მოწყობა სახელმწიფოსათვის მეტად საჭირო საქმედ მიაჩნდა.

ამბობდნენ, დიდი ფადიშაჰი მოიხიბლა ნასყიდა-ეფენდის სიტყვითა და დახვედრითო. იმ ღამეს, როცა თავისი ხალხის წესისამებრ, ფლავით ისე გამომძღარა, რომ ბლოყინი ავარდნია, ნასყიდა-ეფენდისთვის უთქვამს, კარგად მემსახურები, კმაყოფილი ვარ შენითო, და დამატებით ასი ურემი ალალი უთხოვია თავისი ჯარისთვის.

ამის შესრულება დიდ სიძნელეს წარმოადგენდა. ხალხი ისედაც წელში იყო გაწყვეტილი. ნასყიდა-ეფენდი-ფაშამ თავისი დევთერდარი დაიბარა და დიდი სულთნის ბრძანების შესრულება დაავალა.

„ვერ შევძლებთ, მწყალობელო!“ სასოწარკვეთით ამოიკვნესა დევთერდერმა.

„უნდა შევძლოთ! — მტკიცე, შეუვალი ხმით ბრძანა ნასყიდა-ეფენდი-ფაშამ. — ჩვენი ხალხი მორჩილი და გონიერია. ყველანაირად უნდა დავარწმუნოთ ერი, რომ ასეა საჭირო, ეს მისთვის უკეთესია. მომავალში ეს დამატებითი ხარკი სიკეთეს მოგვიტანს. ფადიშაჰის გამარჯვება, ჩვენი გამარჯვება!“

დავალბა შესრულდა. უკანასკნელი სარჩო-საბადებელი წაართვეს გლეხებს. ასი ურემი ხონთქარს გაუზგანეს.

ამის მერე ნასყიდა-ეფენდი-ფაშა უფრო გათამამდა, თავდაჯერებული გახდა. დიდი ფადიშაჰის მხარდაჭერის იმედით, ზოგჯერ სხვა ბეგლარბეგებს, ფაშებს და ვეზირებსაც კი აღარ ეპუებოდა.

შინ სულ სხვანაირად იქცეოდა. ყველა, რაიმეთი ცნობილი და გამორჩეული კაცის ფადიშაჰის სამსახურში ჩაყენებას ცდილობდა. ასეთ ადამიანებს იახლოვებდა, მათთვის არც საჩუქრებს ინანებდა და არც საზეიმო ქება-დიდებას, რაც ასე ძლიერ უყვარდა ამ

ხალხს. ეს კარგად იცოდა ნასყიდა-ეფენ-
დომ და თანდათანობით აღწევდა მიზანს.
ცრუმამულიშვილები, ცრუსარდლები,
ცრუმშენებელნი, ცრუმგონები და
ცრუმეცნიერნი კაცნი ერთმანეთს ეჯი-
ბებოდნენ, რათა ნასყიდა-ეფენდის
გული მოეგოთ და დაწინაურებულიყე-
ნენ, რამე ეშოვათ. იმის ყველა სიტყვას
და ბრძანებას უყოყმანოდ მხარს უჭერ-
დნენ. ნასყიდა-ეფენდისაც ეს უნდოდა,
ამ ადამიანების დახმარებით ხალხში
სწორი და სამართლიანი მმართველის
სახელის განმტკიცებას ცდილობდა.
თუმცა ხალხს ჭკუას ვინ ჰკითხავდა,
მაგრამ მაინც ასე ერჩივნა ახალ ფაშას.
ის ძველი ნაზირ-ვეზირებიც, რომელიც
მან განდევნა და მათ მაგივრად ახლები
შემოიკრიბა, სამაგიეროს გადახდას კი
არ ფიქრობდნენ, არამედ ცდილობდნენ
კვლავ გამოენახათ გზები ქვეყნის მმარ-
თველთან დასახლოებლად.

ნასყიდა-ეფენდის სურდა თავისი ქვე-
ყანა სათათრეთის ყველაზე ერთგულ და
მოწინავე ვილაიეთად ექცია და წარჩი-
ნებულთა და დიდებულთა მხარდაჭე-
რას თხოულობდა ამ საქმეში, თავისივე
საკუთარი, სულით დაცემული, წელში
გამტყდარი და გაღატაკებული ქვეყნის
წინააღმდეგ.

წარჩინებულნი და დიდებულნი ეხ-
მარებოდნენ, რითაც შეეძლოთ, ზოგნი
სიტყვით, ზოგნი საქმითაც.

ეკლესიის ზარები აღარ რეკდნენ
არსად, თათრდებოდა ქვეყანა.

დიდება მონასტერში აღიზარდა. მი-
სი ნათესავეები ერთხანს თათრებთან
ბრძოლას გაუბრძოდნენ, ის კი არა, ემ-
სახურებოდნენ კიდევაც, და ამის გამო,
მონასტერში ყოფნისას, დიდებას სირ-
ცხელი თრგუნავდა მუდამ.

ბერები დიდი სიყვარულით ეპყრო-
ბოდნენ მას, ისევე როგორც აქ
მობარებულ სხვა ყმაწვილებსაც. ასწა-
ვლიდნენ მშობლიური ერის სიტყვი-
ერებას და წარსულს, უნერგავდნენ სა-

მშობლოს სიყვარულს. ისინი არავის
კიცხავდნენ, მოთმინებით და შეწყინ-
რებით განიხილავდნენ ყველა მოვლე-
ნას, არასოდეს არავისზე წამოსცდებო-
დათ აუგი. მათ არ უგრძობინებიათ
ყრმისათვის, რომ თათრების სამსახურ-
ში მყოფი მისი ნათესავეები არ მოსწონ-
დათ. ერთი გადაკრული სიტყვაც კი არ
დასცდენიათ ამის შესახებ, რადგან ნა-
თესავეების შეცდომებსა და შეცოდებებ-
ში დიდებას არავითარ ბრალს არ სდებდ-
ნენ. იგი უყვარდათ და გულთბილად
ექცეოდნენ, მაგრამ რაც დრო გადიოდა,
მით უფრო მწარედ განიცდიდა დიდება
იმ განსხვავებას, რომელიც მისი ნათე-
სავეების მიწიერ, წვრილმან სურვილე-
ბსა და მონასტრის ბერების ამაღლე-
ბულ საქმიანობას შორის არსებობდა.
ამ სხვაობას ისე განიცდიდა, როგორც
ღალატს, როგორც ზურგში მუხანათუ-
რად ჩაცემულ მახვილს. და რამდენა-
დაც მისი ნათესავეები თათრებს ეთვი-
სებოდნენ, იმდენადვე სძულდა დიდებას
თავისი ქვეყნის მტრები. და რადგან
სძულდა, არ ეშინოდა მათი, და რადგან
არ ეშინოდა, იმათ წინააღმდეგ საბრძო-
ლველად მუდამ მზად იყო.

ცხადია, აღმზრდელებმა შთაუწერეს
ასეთი აზრები, სამშობლოს მტრებისა-
დმი ასეთი დამოკიდებულება. მიბაძვი-
სა და ათვისების დიდი უნარი აღმოაჩი-
ნდა ბალოობიდანვე. და ამ ადამიანმა,
ჯერ სრულიად ჩამოუყალიბებელმა
ყრმამ, ზოგჯერ გაუბედავმა და მორი-
დებულმა, ზოგჯერ შეურიგებელმა და
თამამმა, ზოგჯერ ფრთხილმა და თავ-
შეკავებულმა, ზოგჯერ ჯიუტმა და თავ-
დაუშვარელმა, ზოგჯერ დამთმობმა და
მორჩილმა, ზოგჯერ ჭირვეულმა და ავ-
ყიამ, უკანასკნელმა გააგდო ხელიდან
ხმალი, როცა თათრები მონასტერს შე-
მოესივნენ და ააწიოკეს.

უფრო სწორი იქნება, თუ ვიტყვით:
ხმალი კი არ გაუგდია, გააგდებინეს.
გაკოპეს, ძელზე მიაბეს და რამდენიმე
ხანს, ვიდრე გადაბუჯული მონასტრის
ეზოში კვამლი ტრიალებდა, ხოლო და-
ფეთებული და აჭიხინებული ცხენე-

ბიდან ჩამოქვეითებული სიფაპიები ქონებას იტაცებდნენ, — არ იცოდა მან, რას უპირებდნენ, დაწვავდნენ, სარზე გასვამდნენ თუ ჩამოახრჩობდნენ. მაგრამ წამითაც არ შეჰპარვია შიში გულში, მხოლოდ აუწერელ ზიზღსა და სიძულვილს გრძნობდა დამპყრობთა მიმართ, რომელნიც არა მარტო მისი ქვეყნის, არამედ ადამიანთა მოდგმის დაუძინებელ მტრებად ესახებოდნენ. ეს დაუშრეტელი სიძულვილი მოძალადეებისადმი იმდენად აკნინებდა მათ დიდებას თვალში, რომ ყოველგვარ ძრწოლას უჟარგავდა ძელზე მიბმულს, დამარცხებულს, შეურაცხყოფილს.

მიუხედავად ამისა, იგი ელოდა სიკვდილს და ისე იყო დაძაბული, რომ ლამის იმ ხედ გადაიქცა, რომელზედაც იყო მიბმული. ყველა გაწყვიტეს, მხოლოდ ის დარჩა ჭერჭერობით ცოცხალი. ნელი ნაბიჯით მიუახლოვდა ყაფუ-ყულუების ცხვირბაჭუა ალა, ჩაწითლებული, სისხლნასვამი თვალები მიაპყრო და წინ დაუდგა ცალი ხელით დონიშ-შემოყრილი. ჩალმა გვერდზე მოქცეოდა, მეორე ხელში სისხლიანი ხმალი ეჭირა. უეცრად ხმალი ზე აღმართა და იმის ნაცვლად, რომ თავი მოეკვეთა თავისი ტყვისათვის, ხმლის წვერით თოკები ჩაჭრა, რომლითაც ცმაწვილი ძელზე იყო მიბმული, და გაანთავისუფლა.

„წადი!“

დიდება გაშტერებული იდგა. სიკვდილს შეგუებულს, თითქოს არ უნდოდა დაეჯერებინა რაც ხდებოდა, რათა ხელმეორედ არ განეცადა მოსახდენისადმი თითქმის უკვე დაძლეული შიში. თათრებისაგან იგი მუხნანათობის გარდა, არაფერს ელოდა.

„თავისუფალი ხარ!“ დაცინვით გაიმეორა მეთაურმა და თავის ხალხს მიუბრუნდა, „წავიდეს ეს გიაური და გააგებინოს გზას აცდენილ ურჯულოებს, რაც მოელთ, თუ არ დაგვემორჩილდებიან!“

დიდება მანც არ იძვროდა. მაშინ თათრები ცხენებს მოახტნენ და აუწერელი წივილ-ყვირილით დატოვეს იქა-

ურობა. ძელთან მდგარმა დიდებამაც ირწმუნა, რომ ცოცხალი და დაუძინებელი ფალი იყო და ამჯერად ასცდა ბედის ლახვარი. მუხლზე დაეცა და ატირდა. შემთხვევით, ეკლესიის ჯვარმოგულჯილ გუმბათს ახედა. და თუმცა ირგვლივ ამდენი სისხლი იყო დაღვრილი და ამდენი გვამი ეყარა, უფალს მაინც მადლობა შესწირა გადარჩენისათვის.

მოყვასის სიკვდილი დიახაც მუდამ ამწურებს და აუბედურებს ადამიანს, მაგრამ სანამ კაცს სული უდგას, იგი ქვეშეცნეულად მუდამ მადლიერია განგებისა...

სიკვდილს გადარჩენილი დიდება დაქცეული მონასტრიდან შინ აღარ დაბრუნებულა. თათრებს შეგუებული ნათესავების არც ხილვა სურდა და არც დახმარება, მათი იმედი არ ჰქონდა და ამიტომ არ იცოდა, საით წასულიყო. სწორედ ამ დროს, სამრეკლოს ნანგრევებიდან იქ დამალული მოხუცი ბერი ანთიმოზი გამოძვრა. ეს ბერი იერისკაცობაში განთქმული კალატოზი და ხუროთმოძღვარი იყო და მთელი ქვეყანა შემოვლილი ჰქონდა. მოხუცმა დიდებამ თან წაიყვანა და ერთ ნაყოფიერ, მაგრამ ყველასაგან მივიწყებულ, მიყრუებულ და გაჩანაგებულ ხეობაში მიიყვანა. ისინი აქ დასახლდნენ და ყოველდღიური შრომით გაჰქონდათ თავი. სწორედ ანთიმოზ ბერმა შეასწავლა დიდებას კალატოზობა. ვიდრე იმ უკაცრიელ ხეობაში ცხოვრობდნენ, დიდებამ მდინარისპირა ველზე ერთი მომცრო საყდარიც კი ააგო ანთიმოზ ბერის ხელმძღვანელობით და ლოცვა-კურთხევით გამხნეებულმა. მაგრამ როცა მოხუცი ბერი ანთიმოზი მიიცივალა, დიდებამ მიატოვა საკუთარი ხელით ნაგები ქოხი, საყდარი, მცირე ყანა, ფუტკარი და ქალაქის გზას დაადგა.

ქვეყანა წალეკილი იყო. სადაც თათრებს გაველოთ, იქ ზე აღარ ხარობდა. ძლივს ჩააღწია დიდებამ ძირფესვიანად დანგრეულ ქალაქამდე, რომელიც მტერს

ეჭირა. თათრებს ქვა ქვაზე არ და-
ეტოვებინათ, მაგრამ მაინც უამრავი ხა-
ლხი აწყდებოდა აქაურობას: გაპარტა-
ხებული სოფლებიდან აყრილნი, უსახ-
ლკაროდ დარჩენილნი, ლუკმაპურისა
და ბედის მძიებელნი, სხვა ქვეყნები-
დან მოდენილი ლტოლვილნი, სხვადა-
სხვა ენაზე მოლაპარაკე დამშეული
ბრბო დაწინააღმდეგებდა უპატრონო ქალა-
ქის ქუჩებში და განსხვავებული მიზ-
ნებით და მისწრაფებებით შეპყრობილ-
ნი, ერთმანეთს ძარცვდნენ, ხოცავდ-
ნენ, არ ინდობდნენ. თუ ადგილობრივ
მკვიდრთ ქალაქის აღდგენა სურდათ.
უცხო ტომის ხალხს რაიმეს წაგლეჯისა
და შოვნის სურვილი ამოძრავებდა, და
ერთ ხანს, ჩაშვებულ ნანგრევებს შო-
რის ჩასახლებული ადამის ძენი ყველა-
ფერს ანადგურებდნენ, არსებობისათ-
ვის იბრძოდნენ, შიმშილობდნენ, ირყ-
ვებოდნენ და იყვნენ ასე.

იმავ ხანებში, თათრებმა მათ ჯარში
ნამსახური ერთი აქაური კაცი მმართველად
დანიშნეს და ფაშა დაარქვეს.
ყველამ იცოდა, რა მმართველიც იყო
ის, რა ძალა გააჩნდა და რის გაკეთება
შეეძლო თავისი ქვეყნისათვის. მაგ-
რამ ხალხი მაინც შინაურს უფრო
ენდობოდა, ვიდრე უცხო მოხელეს,
თუნდაც ეს შინაური დამპყრობლებს
ემორჩილებოდეს და მხოლოდ მათ
ბრძანებებს ასრულებდეს. ამიტომ, რო-
ცა ახალმა ხელმწიფემ თათრების გან-
კარგულებით ციხე-გალავნის აღდგენა
დაიწყო, ყველა ამ სამუშაოს მიაწყდა,
რადგან ბევრს ეგონა, რომ ამ საქმეს
თავისი ქვეყნის საკეთილდღეოდ აკეთე-
ბდა და არა უცხო ჯარისათვის, რომე-
ლიც განახლებულ გალავანში უნდა ჩა-
მდგარიყო, რათა მონობაში ჰყოლოდა
დაპყრობილი ერი.

ქალაქში ჩამოსულმა დიდებამაც მი-
აშურა ამ სამუშაოს. თავდაპირველად,
მასაც სურდა ქვეყნისთვის რაიმე სა-
სიკეთო მოემოქმედნა, მაგრამ ქვეყანა
ისე იყო წახდენილი და განადგურებუ-
ლი, რომ მის მკვიდრთ მხოლოდ ერ-
თადერთი რამ აწუხებდათ: როგორმე

თავი გაეტანათ. ეს არ იყო ადვილი სა-
ქმე. სწორედ ამიტომ ქურდობა, დაჯიჯი-
ჩალობა სათაკილოდ აღარ ითვლებოდა.
სიტყვა „ქურდი“ „ვაჟაკის“ შემცვლე-
ლი ცნება გახდა, ქურდობით თავიც კი
მოსწონდათ. ყველანი ქურდობდნენ და
ტაციაობდნენ. ღირსეული კაცები ისე
იყვნენ შეშინებულნი თათრების თარე-
შით, რომ ხმის ამოდებას ვერ ბედავ-
დნენ. ვინც ბედავდა, ის იღუპებოდა...

ასეთ ვითარებაში საზოგადო საქმეზე
თუ გასაჭირზე ფიქრი უაზრობად ქცე-
ულიყო და დიდებამაც ლუკმაპურზე
იწყო ზრუნვა. იგი ციხე-გალავნის მშე-
ნებლობაზე დაიჭირავეს და მალე გამო-
იჩინა თავი, როგორც მუყაითმა ოსტა-
ტმა. მუშაობაში საზრიანი და დაუზარ-
ელი გამოდგა ბევრი თავისი თვისტომ-
ისაგან განსხვავებით. წელში მოკაკული
დაათრევდა მძიმე ლოდებს სულისშემ-
ხუთველ აღმართზე, როცა ეს საჭირო
იყო, ხოლო კედლები ისეთი სიზუსტით
და სისწრაფით ამოჰყავდა, რომ მალე
გაითქვა სახელი, ვით ყველაზე უნარი-
ანმა კალატოზმა. მოშურნეებიც მაშინ
გაუჩნდნენ პირველად, მაგრამ ზო-
გიერთნი პატივს სცემდნენ და რჩევა-
საც კი ეკითხებოდნენ. დიდება არავის
ეჯიბრებოდა და უპირისპირდებოდა. რა-
მდენადაც მუშაობა უყვარდა, იმდენა-
დგე სძულდა ტრაბახი და თავის მოწო-
ნება. იყო თავისთვის, თავისი საქმით
გატაცებული.

სწორედ მაშინ წააწყდა პირველად
ნასყიდა-ეფენდის, თხის ტყავებში გაზ-
ვეულს, ახლად ამოყვანილ გალავნის
კედლებზე რომ აღამებდა და ათენებდა
დღემუდამ. ამით ისე განსხვავდებოდა
სხვა ზედამხედველებისაგან, რომ ხა-
ლხმა მყისვე შეამჩნია და გამოარჩია.
ახალი ჩამოსული იყო თავისი მიყრუე-
ბული სოფლიდან და ეს ნამწყემსარი,
რომელსაც მშენებლობისა ბევრი არა-
ფერი გაეგებოდა, უდიდეს გულმოდგი-
ნებას იჩენდა, არიგებდა კალატოზებს
და ხუროთმოძღვრებსაც კი, უთითებ-
და, ასწავლიდა, როგორ ემუშავათ.
ზედამხედველის თანამდებობა ამის

უფლებას აძლევდა და მასაც თავის გამოჩენა სწყუროდა, რათა გაემართლებინა მისი აქ დამნიშვნელი სანჯაყბეგის ნდობა. იგი ეჭვით და შურით შესტკეპროდა მედრესედამთავრებულ მულაზიმებს, თუმცა თვითონ იმათზე დიდი ადვილი ეკავა და მეტი პატივი ჰქონდა მინიჭებული. მაგრამ პირველ ხანებში ისინი მაინც აღიზიანებდნენ მას, რადგან შარიათის ბევრი ისეთი კანონი იცოდნენ, რომელზედაც ნასყიდა-ეფენდის წარმოდგენა არა ჰქონდა. როცა ფეხი მყარად მოიკიდა, ეს შური გაუქრა, მაგრამ ახლა ზიზღით და დაცინვით ეპყრობოდა განათლებულ ხალხს, რადგან იმათ არავითარი ძალაუფლება არ გააჩნდათ. მხოლოდ ძალაუფლების მქონენი იყვნენ ღირსნი ყურადღებისა მის თვალში და იღვწოდა იგი ძალაუფლებისათვის, თავს არ იზოგავდა, არც სხვებს ზოგავდა, მუშებს აქეზებდა, ძალას ატანდა, რომ სამუშაო კარგად შესრულებულიყო და უფროსებს შეემჩნიათ ნასყიდას თავგამოდება. დაუღალავი, მონდომებული, საქმის ერთგული და დაუნდობელი აღმსრულებლის თვისებები გამოავლინა ზედამხედველად ყოფნისას. თუ ვინმეს ზარმაცობას შეამჩნევდა, სასტიკად უსწორდებოდა. ზოგჯერ საკუთარი ხელითაც კი როზგავდა დადანაშაულებულ მონას ან მუშას. შეიძლება, მალულ ინტერესს უღვიძებდა კაცის წვალება, როგორც ბაღოთში თხების დაკვლა. ზოგჯერ თათრების სამართალში აძლევდა დამნაშავეს, ხოლო თათრების სამართალი ყველამ კარგად იცოდა, რაც იყო. ისინი ცოცხლად ტყავს აძრობდნენ ადამიანს. ნასყიდასი ეშინოდათ. უკვე მაშინვე ჩანდა, რომ ეს კაცი შორს წავიდოდა თათრების სამსახურში. წავიდა კიდევ. მაგრამ მანამდე ბევრი ბრძოლა გადაიტანა აშკარა თუ ფარული. ფაშას გარემოცვაშიც კი იყო ხალხი, რომელთაც სასტიკად აღიზიანებდათ ნასყიდას თავგამოდება და გულმოდგინება, მისი სი-

მკაცრე, საწყალი ხალხის მიმართ. რომ იჩენდა და წესრიგის სიყვარულით ამართლებდა. მისი მოწინააღმდეგეებმა ტკიცებდნენ, ნასყიდა განდიდებისკენ მისწრაფვისო და არ სწამდათ მისი გულწრფელობა და სამართლისმოყვარეობა. ისინი ანგარიშს არ უწევდნენ იმ გარემოებას, რომ ნასყიდას მართლად ის მიაჩნდა, ვისაც ძალა ჰქონდა და თვითონაც ძალიან უნდოდა დაწინაურება, ძალაუფლების მოპოვება, სხვათა ზემოთ დგომა. ამიტომ შოლტავდა და აწამებდა მოზოზინე მუშებს, მეტრისმეტად დაზვიანულ ჯალამბრებს რომ ჩასტიდებოდნენ გაწამებულნი. ყველას შიშის ზარს სცემდა, ქალაქის კედელთან გამართულ ალაჩოყებთან რომ ჩამოვილიდა მედიდური ნაბიჯით, მონები და დაქირავებული მუშები თვალს არიდებდნენ. სადაც ნასყიდა გამოჩნდებოდა, იქ მუშაობა არ ფერხდებოდა. მონებისა და ტყვეების გარდა, ყველანი რაღაც გასამრჯელოს იღებდნენ და არსებობდნენ ძალღუმადურად. დინარი, ღირჰემი, ახჩა და ფლური გაუფასურებულიყო, ფარას ძალა დაკარგული ჰქონდა, და ცოტას თუ არ წაიქურდებდი, ან რამეს არ იმარჯვებდი, ისე თავს ვერ გაიტანდი, მაგრამ გულხელდაკრეფილი ჯდომაც ხომ არ შეიძლებოდა? ქალაქის მოსახლეობას რომ ამ ციხის აღდგენაზე არ ემუშავა, შიმშილით ამოწყდებოდა და ესეც რომ არ ყოფილიყო, უგალავნო ქალაქი ვერ იარსებებდა.

აქედან ჩანს, რომ რაღაც აზრი მაინც ჰქონდა ნასყიდა-ეფენდისა და მისთანების საქმიანობას ქვეყნისათვის, თუმცა ისინი თათრების კაცები იყვნენ...

დიდება ამჩნევდა ნასყიდას და ერიდებოდა.

მონებს შორის ერთი გაქვალტყავებული მოხუცი ერია. დიდი ხნის წინათ ჩავარდნოდა თათრებს ტყვედ, როგორღაც ამ ქალაქში მოხვედრილიყო და ახლა აქ გალავნის აგებაზე ამუშავებდნენ. ამბობდნენ, მაღიართა ქვეყნიდან არის. ისე იყო გამხდარი, მკლავებზე ძა-

რღებები დაჭიმული სიმებზე თასდა. თავაზიანი ღიმილი სახიდან თითქმის არასოდეს შორდებოდა, ეტყობოდა, შეჩვეული იყო გასაჭირის მოთმინებით ატანას. სხვაზე ნაკლებად არ შრომობდა. მშენებლობის საქმეში კარგად ერკვეოდა, ხან ხსნარს აზავებდა, ხან აგურს ალაგებდა, ხან ხარაჩო ამოჰყავდა. დიდებას უყვარდა ეს მოხუცი. ისიც კეთილად ეპყრობოდა ყმაწვილს და ზოგ რამეს ასწავლიდა.

ერთხელ, როცა გაუსაძლისი სიცხეები დაიჭირა, მოხუცს თავბრუ დაეხვა, ხარაჩოდან ჩამოვარდა და გრძნობა დაკარგა. მუშებმა მაშინვე თავი მიანებეს საქმეს და შემოეხვივნენ, რადგან ყველას უყვარდა ეს ადამიანი. ერთმა წყალი მოურბენინა, მეორემ — ძმარი. როგორც იქნა, მოასულიერეს, წამოაყენეს და ლოდზე ჩამოსვეს. სანამ მოხუცი სულს ითქვამდა, ამხანაგები თავზე ადგნენ და ამხნევებდნენ, გულს შეთებდნენ. ამ დროს ნასყიდა-ფეხენდომ ჩამოიარა და უქმად მდგარ ჯგროს აუყვირა, შეუტია და გარეკა. აბუზღუნებული მუშები უხალისოდ დაიშალნენ, მხოლოდ ლოდზე ჩამომჯდარი მოხუცი არ იძვროდა ადგილიდან. ნასყიდამ რომ ეს დაინახა, ბრაზისაგან აცახცახდა და გამეტებით დასცხო შოლტი. სისხლმა იფეთქა მათრახის ზოლებით დასერილი სხეულიდან. მოხუცმა სახეზე ხელები აიფარა და წაიქცა. შორიახლო მდგარი დიდება ადგილს მოსწყდა, მოხუცს გადაეფარა და საკუთარი ტანი შეუშვირა წივილით წამოსულ მათრახის წნულს.

მერე რა მოხდა, დიდებას არ ახსოვდა...

გონს რომ მოვიდა, თეთრად შეფეთქილ ოთახში იწვა. კედელზე ხის პატარა ჯვარი ეკიდა, რომელზედაც მაცხოვარი იყო გაკრული. დიდება წამოიწია, რათა გაეგო, სად იმყოფებოდა, მაგრამ დასერილი სხეული მწვავედ ასტიკვდა და ისევ დაცვა საწოლზე. მხოლოდ ახლა იგრძნო, რომ მალამოებით გაყდნთილ ჰინჯებში იყო გახვეული. ამ

დროს კარი გაიღო, ოთახში წვერგაბარსული ბერი შემოვიდა და დაამშვიდობდა. „ნუ გეშინია, კათოლიკე ბერების მისიაში ხარ, არაფერი გიშავს“.

დიდებამ იცნო ბერი. ეს იყო რომაელი მისიონერი, რომელსაც მამა იოანეს ეძახდნენ. მან უამრავი ენა იცოდა და ამ ქალაქში მცხოვრებ სხვადასხვა ტომის ხალხს, ყველას თავიანთ ენაზე ელაპარაკებოდა. მთელი ქალაქი იცნობდა, როგორც კარგ მკურნალს და მწიგნობარს, გაკირავებულთა შემწყვალეს და დამრიგებულს.

„საიდან მოხვედი აქ, მამა იოანე?“
„ბედმა თუ უბედობამ მოგიყვანა!“
გაიღიმა ბერმა.

დიდება დამშვიდდა და ისევ დაიძინა. ასე დარჩა იგი კათოლიკე ბერების მისიაში. მამა იოანემ უმკურნალო და მალე ფეხზე წამოაყენა. მაგრამ გამოჯამრთელებულმა დიდებამ აღარ ისურვა ძველ სამუშაოზე დაბრუნება, ციხისკენ გახედვაც კი არ უნდოდა და სთხოვა მამა იოანეს მისიაში დაეტოვებინა. ბერი დათანხმდა და დარჩა დიდება საცხოვრებლად აქ. იგი ერთგულად ემსახურებოდა მამა იოანეს და თავისუფალ დროს, ისიც ცდილობდა ნიჭიერი და შრომისმოყვარე ჰაბუკის განსწავლას. სახარებას უკითხავდა, ასწავლიდა ენებს, უყვებოდა იმ ქვეყნების ამბებს, რომელიც მას მოეკლო. მამა იოანეს მრავალი ქვეყანა და ღირსშესანიშნაობანი ჰქონდა ნანახი. სად აღარ იყო ნამყოფი, იერუსალიმში მაცხოვრის საფლავთან ულოცია, ეგვიპტეში ყოფნისას, ხეოფისის პირამიდის ჩრდილში მდგარა, ათენის პართენონის მარმარილოს გაკვეთილ ფილაქნებზე დაუდგამს ფეხი, კონსტანტინეპოლის ჯვარმოგლეჯილ დიდებულ ტაძართან მაღულად პირჯვარი გადაუწერია...

მამა იოანე აიღებდა ხოლმე დაფას და უხატავდა იმ საოცარ ნაგებობებს, რომელთა სადარი დედამიწის ზურგზე არ ეგულებოდა. თანდათან ხუროთმოძღვრების ანი და ბანიც აათვისებინა და ვინაიდან ყმაწვილს განსაკუთრებული

ნიჭი შეამჩნია, დაუზარებლად ასწავლიდა ყველაფერს, რაც იცოდა და რაზედაც ხელი მიუწვდებოდა. მალე დიდება კარგი მოქანდაკე და მხატვარი დადგა მის ხელში, მაგრამ ქეშმარიტ ხელოვნებას ამ ჩამორჩენილ ქვეყანაში გასავალი არ ჰქონდა, და მამა იოანე, რომელიც დაუშრეტელი ცნობისწადილით შეპყრობილი ყმაწვილის მოძღვარი გახდა, მიხვდა, რომ ამ ხელობით მისი მოწაფე თავს ვერ გაიტანდა და ურჩია მას ხუროთმოძღვრის გზას დასდგომოდა, მეტადრე კალატოზის ხელობას სრულყოფილად იყო დაუფლებული. ეს არ იყო ადვილი საქმე. ყველაფერი თათრებისთვის შენდებოდა, დიდებას კი არ უნდოდა თათრებთან სამსახური.

მიუხედავად ამისა, ხუროთმოძღვრის ხელობა გულდასმით შეისწავლა. სწორედ ამ დროს, თათრებმა სამლოცველოების აგება აკრძალეს. საცხოვრებელი სახლის ყიდვისა და აშენების შესაძლებლობა ცოტა ვინმეს თუ გააჩნდა. ქალაქის ღარიბი მოსახლეობა მიწურებში და უბადრუკ ქოხმახებში შეეყუთულიყო. მაგრამ ქალაქი მაინც შენდებოდა, ახალ-ახალი შენობები ემატებოდა, თუმცა სინამდვილეში იქცეოდა, იღუპებოდა, რადგან ხალხის გარყვნასა და გადაგვარებას ბოლო არ უჩანდა. რად გინდა სახლი, ქვითა და დუღაბით ნაგები უსულო ქმნილება, თუკი ცოცხალი ბინადარი ამ სახლისა არ გივარგა?

დიდებამ რა იცოდა, რა ექნა. ძალა კი შესწევდა ქადილისა, მაგრამ ისეთი დრო დამდგარიყო, ადამიანის უნარსა და ცოდნას არავითარი გასაქანი არა ჰქონდა. ბედად, კათოლიკეთა მისიამ ქალაქში ლაზარეთის აგების ნებართვა მიიღო ქალაქის ვალისაგან და პატრი იოანეს მითითებით და შუამდგომლობით, ეს საქმე დიდებას დაავალეს.

დიდება დიდი გულმოდგინებით შეუდგა მუშაობას. მართალია, ხუროთმოძღვრებაში არ ჰქონდა საკმაო გამოცდილება, მაგრამ იმდენად სვებედნიერი გამოდგა, რომ არასრულყოფილი ცო-

დნა, რაც პატრი იოანეს საშუალებით შეიძინა, განგებისგან ბოძებულნი გააღრმავა და სულ მალე შესანიშნავ ოსტატად გამოამჟღავნა თავი. მშვენიერი ლაზარეთი აავო, ნათელი, ფართო და მოხერხებული. ავადმყოფები და მკურნალები ლოცავდნენ ამ შენობის ამგებს, ხოლო ხუროთმოძღვრები თავ-შეკავებული დუმილით ათვალიერებდნენ აქამდე უცნობი ოსტატის ნამუშევარს. აშკარა იყო, ამ კაცს ბევრი რამ შეეძლო, და, მართლაც, სულ მალე დიდებამ კიდევ რამდენიმე მშვენიერი შენობით დაამშვენა ქალაქი, სადა და მოხერხებულ ლაზარეთს მრგვალთაღიანი ჭრელი აბანო და ორსართულიანი ლამაზი ქარავსლა მიუმატა. თანდათან წარჩინებული ხალხიც გაიცნო, უფრო სწორად, იმ წარჩინებულებმა შეიტყვეს მისი არსებობა და ერთ მშვენიერ დღეს, ქალაქის ყადმა სასამართლოს შენობის დაგეგმვა და აგება თხოვა, მაგრამ დიდებამ უარი შეუთვალა. თავიდანვე გადაწყვეტილი ჰქონდა ციხეების და დილეგების შენებაში არასოდეს მიეღო მონაწილეობა. ამ უარმა ძალიან გაუფუტა საქმე. წარჩინებულმა კაცებმა აღმაცერად დაუწყეს ცქერა. ამას ისიც დაერთო, რომ ამ დროისათვის დიდებამ იმ გზების ძიებაზე დაიწყო ფიქრი, რომელიც სამარცხვინო მონობიდან გამოიყვანდა მის ერს, თუმცა ხალხი შეჩვეოდა მონობას და ვერც კი წარმოედგინა უთათრებოდ ცხოვრება, იმდენად შესისხლხორცებოდნენ თათრულ ყოფას. ბევრნი იყვნენ ისეთები, სიტყვით სამშობლოს სიყვარულს რომ ირწმუნებოდნენ, მაგრამ ამას თათრების ერთგულ სამსახურთან ათავსებდნენ, თითქოს შესაძლებელი იყოს, ორ ბატონს ერთდროულად ემსახურო. ან ერთი უნდა გძულდეს და მეორე გიყვარდეს, ან იმ ერთს უნდა შეეთვისო და მეორე დაამცირო.

„ვერ შესძლებთ ღმერთსაც ემსახუროთ და მამონსაც!“ აფრთხილებდა მათ დიდება მაცხოვრის სიტყვებით, მაგრამ ეს ესმოდათ ვერცხლის მოყვა-

რულ ფარისევლებს და დასცინოდნენ მას.

დიდება ზედავდა, რომ იყვნენ ადამიანები, რომელთაც გულწრფელად აწუხებდათ სამშობლოს სავალალო ზვედრი, მაგრამ ვერავითარ გზას ვერ ხედავდნენ ამ ვითარებიდან თავის დაღწევისა.

ცხადი იყო, აშკარა ბრძოლით თათრებს ვერ დაამარცხებდი და მონობის უღელს თავიდან ვერ მოიშორებდი, მაგრამ ხომ შეიძლებოდა მტრის გამწვანება წვრილმანი შეტაკებებით? არ უნდა მიგეცა მათთვის ფეხის მოკიდების და დამშვიდების საშუალება, აუცილებელი იყო მტრის განუწყვეტელი შეწუხება, მათთვის ამ მიწაზე დამკვიდრების გაძნელება, შიშის თავს მოხვევა, უნდობლობის დათესვა, რათა თათრებს, მუდმივი დაძაბულობით გულგაწყალბებულთ, შინაგანად, სულიერად მაინც ვერ დაემორჩილებინათ ეს ქვეყანა, რომელიც ამისათვის მტკიცედ უნდა შეკავშირებულიყო ერთი მიზნის ქვეშ, უნდა გაერთიანებულიყო ერთი სწრაფვით ანთებული და ფარული ბრძოლა გამოეცხადებინა თათრებისათვის ყოველი ფეხის ნაბიჯზე, მიწის ყოველ მტკაველზე, ყოველ წუთს და ყოველ წამს. წინააღმდეგ შემთხვევაში, ქვეყანა გაათავადებოდა და გადაგვარდებოდა. მაგრამ არ ჩანდა, რომ ამ მაღალ შეგნებამდე და გადაწყვეტილებამდე იყო მისული უმეცარი ერი. პირიქით, ქვეყანა შორს იყო ამისგან, ბევრნი საკუთარ შეილებს ყიდდნენ მონათა ბაზარზე, საიდანაც მერე ისინი იანიჩართა ჯარში მიდიოდნენ, რომელიც მათ მშობელ ქვეყანას ანადგურებდა. დროის სულისკვეთება მძლავრად დაძრული მეწყერივით მიაქანებდა ერს გადაგვარების უფსკრულში. ვის შეეძლო ამ ზევის შეჩერება? ისევ განგებას! მაგრამ როგორ, რა სახით? დიდება ვერ ზედავდა ძალას, ქვეყანას რომ შემოაბრუნებდა ახალ გზაზე, წაღმა შემოატრიალებდა უკუღმა დატრიალებულ ბე-

დის ჩარხს. გულგატეხილი და შეურიგებელი ამოდ ეძებდა თანამოაზრეთ ამ გულგაცივებულ და უმოძრაო უღბნოში. სწორედ ამ დროს გაიცნო ნიკიფორე ბერი.

ეს მოხდა მამა იოანეს სიკვდილის წინ.

მისია კარგა ხანია გააუქმეს, ბერები სამშობლოში დაბრუნდნენ, მხოლოდ მოხუცი და უთვისტომო მამა იოანე დარჩა თავის პატარა ქოხში, ამ უბედურ ხალხს უცნაურად შეთვისებული და მიჯაჭვული. იმათი ჭირი ჭირად აჩნდა გულს და იმათ სიხარულსაც ხალისით იზიარებდა.

„იმიტომ ხდება თქვენში ამდენი უაზრობა, რომ უაზროდ და უმიზნოდ ცხოვრობთ. ღმერთი ნუ დაივიწყეთ. ვინც ღმერთს ზურგს შეაქცევს, იმას ღმერთი სჯის! ასწიეთ თავი მაღლა, მხოლოდ საკუთარ თავზე ნუ ზრუნავთ ცხოველებივით. გონს მოდიეთ!“

მოუწოდებდა მამა იოანე თავის მცირერიცხოვან მრევლს, მაგრამ ვინ უგდებდა ყურს მის ქადაგებას?! ციებციხელებით შეპყრობილი ლოგინად რომ ჩავარდა, კაცი არ დარჩა მისი მომკითხავი. მხოლოდ დიდება პატრონობდა ავადმყოფს, ყოველ საღამოს ნახულობდა და ერთხელაც, შინ რომ ეწვია, იქ ვილაც შავგვრემანი კაცი დახვდა, ყორნისფერი თმა-წვერი მთელ სახეს რომ უფარავდა და საშიშ იერს ანიჭებდა. იგი შავ პალეკარტში იყო გახვეული, წელზე თოკი ჰქონდა შემოჭერილი და დაჩქლეითი ფეხისგულები მოუჩანდა. ამ კაცს დიდება არ იცნობდა, არასოდეს ენახა იგი. ლოგინად ჩავარდნილ მამა იოანეს ერთი ლატაკი დედაკაცი უვლიდა, რომელსაც დიდება გასამრჯელოს უხდიდა, და ამიტომ, იმ საღამოს, ძალიან გაუკვირდა ქოხში უცხო ადამიანი რომ დახვდა.

„ესეც ჩემი ნამოწაფარია, ამასაც ქვეყნის შველა სურს“, უთხრა მამა იოანემ. ნიკიფორე ბერი საიდანღაც, შორიდან ჩამოსულიყო ქალაქში.

„იარაღის შოვნას აპირებთ?“ ჰკითხა დიდებამ უცნობს.

იარაღით ბრძოლას ახლა არავითარი აზრი არა აქვს, — ბოხი ხმით თქვა მან — მე ერთი განადგურებული მონასტრის განძი ჩამივარდა ხელში. მიწა და ქალაქის განაპირას ახალი მონასტერი ავაგო!“

„ვინ მოგცემს მაგის უფლებას?“ გაცინა დიდებამ.

„ფადიშაჰის კარზე გადატრიალება მოხდა. სანამ თათრები ჩვენთვის მოიცილიან, უნდა ვისარგებლოთ ხელსაყრელი ვითარებით“.

„მერე?“

„სწორედ მონასტერია ახლა საჭირო. ერს სული უნდა შთაებროთ, უნდა დავუბრუნოთ რწმენა ღვთისა, უნდა განათლოთ“.

„ვითომ ივლიან მონასტერში?“

„როგორ არ ივლიან?! შენ გგონია, ერს სიმართლე არა სწყყურია? არავინაა მართლის მტყმელი, თორემ ასეთი კაცი თუ გამოჩნდა, ყურს დაუგდებენ და გაჰყვებიან...“

„არა მგონია“.

„არ დაიჯერო! ბატის სცემენ, იწამებენ...“

დიდება უსმენდა ნიკიფორე ბერს და კარის ღიობიდან გასცქეროდა მეწამული ღრუბლების იქით ჩაწურულ მზეს. ქვემოთ მოჩანდა ღვარჯიშებისაგან ჩამომზღვეულ ფლატეებს შორის ჩავარდნილი ქალაქი. ფარეხებში ცხვარი ეყარა. ბომბორა ძაღლები ჩახლეჩილი ხმით ყეფდნენ. მიწიდან ამოხეთქილი ცხელი წყაროებით აორთქლილ ღელეში ნახევრად გაშიშვლებული დედაკაცები სარეცხს რეცხავდნენ. სერზე ალვის ხეები შრიალებდნენ. ცხოვრება მიედინებოდა, ხალხი შრომობდა, ჭამდა, სვამდა, იძინებდა. მეტი რა იყო საჭირო? იქნებ, ის, რაც ერთეულებს სწავლიათ, სულაც არ არის მისაღები ბრბოსათვის?

„შენ უნდა ააგო ეს მონასტერი. შენს გარდა, ამას კაცი ვერ შეძლებს. მხოლოდ შენ ძალგის უანგაროდ მო-

ჰკიდო ამ საქმეს ხელი. ამის გაკეთება აუცილებელია. მამა იოანეს ამ შემსრულებელი შენს გარდა სხვა არავინ ეგულება“. დაჯინებით უმეორებდა ნიკიფორე ბერი ერთსა და იმავეს და ბოლოს დიდება დათანხმდა, ირწმუნა, რომ ამ საქმის შესრულება შეიძლებოდა. ეს ისედაც მისი ოცნება გახლდათ, ოცნება, რომლის განხორციელების იმედი თითქმის დაკარგული ჰქონდა. შავი ღლისთვის გადანახული ფული ნიკიფორეს განძად დაუმატა და სამ წელიწადში ეკლესია ააგო.

მაგრამ როდენი სიმწარე შეხვდა? რამდენჯერ ავინეს, ლანძღეს, თათხეს. ვინ არ უშლიდა ხელს, ვინ არ ერეოდა მის საქმეში. ისეთი ხალხიც კი გამოთქვამდა თავის აზრს, ეკლესიაში რომ არასოდეს ყოფილა. ბევრს მამულიშვილს საჭიროდ არ მიაჩნდა ეკლესიის აგება, რაცა გვაქვს, იმისთვის ვერ მოგვივლიაო, ბევრს ეშინოდა თათრებს გავალიზიანებთო, ბევრი კი უსაგნო ყბედობით თავს ირთობდა, რადგან სხვა გასართობი ამ გავერანებულ ქვეყანაში არ იყო. სხვის გაჭირდაში გაწაფულ ხალხს საკუთარი თავი უცოდველი კრავი ეგონა და ათასგვარ შარს სდებდნენ, ათასნაირ მიზეზს იგონებდნენ, რათა როგორმე ხელი შეეშალათ; თუმცა იყვნენ ისეთებიც, რომლებიც ამ საქმეს თანაუგრძობდნენ, მაგრამ რატომღაც ვითარება იმგვარად იყო აწყობილი ამ ქვეყანაში, რომ კეთილი საქმის მხარდამჭერნი ყოველთვის მარცხდებოდნენ, ხოლო უგუნურობის მომხრენი ყოველთვის იმარჯვებდნენ.

დიდება მაინც თავაუღებლივ შრომობდა, ღღე და ღამეს ხარაჩოზე ატარებდა, მიწყვი მშენებლობაზე დაქირავებულ მუშებსა და ხელოსნებს შორის ტრიალებდა, აქ ცხოვრობდა, აქ ათევდა ღამეს, ჯერ დაუმთავრებელ სამრეკლოს კიბის ქვეშ გაშლილ თივაში იძინებდა, აქ ათენებდა და აქ აღამებდა, ერთხელაც არ ჩასულა ქალაქში გასართობად, თავშესაქცევად, ერთფეროვან შრომაში გადიოდნენ ღღეები, თვეები, წლები.



მაგრამ ვინ რა დაუფასა? მშენებლობა რომ დამთავრდა და ეკლესიის სანახავად ხალხი მოგროვდა, დიდება იდგა მათ შორის თავშიშველი და ჩამოფლეთილი, ისეთივე ლატაკი და მიუსაფარი, როგორც შორეულ სიყრმეში, გადაბუგული მონასტრიდან გამოქცეულმა პირველად რომ მოაშურა ქალაქს. ახლა თანამგრძნობივ აღარავინ ჰყავდა, პატრი იოანე კარგა ხანია მოკვდა და მისი ღარიბული მიწური ნიკიფორე ბერმა დაიკავა. ლურჯი ეკლესიის ამგებ დიდებას არც სახლი ვაჩნდა, არც სახელი, არც სახსარი, მაგრამ იგი მაინც უბედნიერესი კაცი იყო ეკლესიის ირგვლივ შეგროვილ ადამიანთა შორის. სწორედ ამიტომ იღიმებოდა მარტომარტო მდგარი, განთავისუფლებული, უღარდო.

იმ ღამეს, შინ რომ ბრუნდებოდა, ვილაცხებმა დაიჭირეს, სცემეს, თავზე ლაფი დაასხეს, მერე აშმორებულ გუბეში ჩააგდეს, ეს რა ავიშენებია, აღარ დაგინახოთ ჩვენს ქალაქში, თორემ მოგვლავთო. ძლივსძლივობით ამოძვრა ლაფდასხმული ხუროთმოძღვარი წუმპედან, ტალახიანი გუბე გამოარღვია და ქალაქიდან გადაიხვეწა.

... ახლა კი მეჩეთს აგებდნენ და ხმას არავინ იღებდა.

ეკლესიას უკანა მხრიდან ხეხილის ბალი ეკრა. ეს ბალი ბერებმა გააშენეს დიდებას შედგენილ გეგმისამებრ. ხეები გაიზარდნენ, დამშვენდნენ, მაგრამ დროთა განმავლობაში მოუვლელობისგან გაველურდა ტვერი. ტყეს შეერია აქაურობა. მონასტერს შეფარებულმა დიდებამ კარგა ხანია შეამჩნია, რომ ამ ტყეში ხშირად იკრიბებოდნენ ვილაც ჰაბუკები, რომელიმე ხის ძირში სხდებოდნენ და დიდხანს რაღაცაზე ბუბოდნენ. ზოგჯერ მათ ქალებიც ახლდნენ.

დიდებამ არ იცოდა, ვინ იყვნენ ისინი. საღალღობოდ რომ არ მოდიოდნენ აქ, ეს კი ცხადი იყო. უმეტესწილად ჩუმად საუბრობდნენ ხოლმე.

დიდებას გული მიუწევდა მათკენ. მაგრამ როგორ გამოლაპარაკებოდა უცნობებს, ან როგორ ჩარეულიყო იმთ ბაასში?

ბოლო დროს საქმე ცუდად მიუდიოდა. სამიკიტნოში, ჯალათთან საუბრის შემდეგ, ახლოს არავინ ეკარებდა. აღარც სამუშაოს აძლევდნენ, აღარც თარჯიმნად აჰყავდათ. ზოგჯერ ენის უცოდინარს იხმარებდნენ და გასამრჯელოსაც უხდინდნენ, დიდებას კი ზედაც არავინ უყურებდა. სულ დაეშვა და დაჩაჩანაქდა. მთელი დღე უქმად დაწანწალებდა ქალაქის ქუჩებში და თათრებს აგინებდა. ერთ ღამეს, როცა მშინერი და გამწარებული მონასტერში დაბრუნდა, კიბის ქვეშ ღამის გასათევად აღარ შეუშვეს. დიდება გაცოფდა, ყვირილი ატეხა, მაგრამ არაფერმა გაჭრა, ბრძანებაა ასეთიო, თავის მხრივ აღრიაღდა დარაჯიც.

„რის ბრძანება, რა ბრძანება, ამ ეკლესიის აგებას მთელი ჩემი ჯანი და ქონება შევალე, ეხლა ღამეს აღარ მათევიანებთ?!“

„მე არ ვიცი, შენ ვის რა შეალე, განკარგულება მოვიდა, მონასტრებში ღამის თევა აიკრძალოსო!..“

„როდის მოვიდა ეგ განკარგულება?“

„დღესა!“

„მერე მამა ნიკიფორემ რა თქვა?“

„რა უნდა ეთქვა? ბრძანება-ბრძანება!“

კარგა ხნის ყაყანის შემდეგ, დიდება ლანძღვა-გინებით გაეცალა ეკლესიას. გაგულისებული ტყეში შევიდა. ბოლმა ახრჩობდა, სულს ძლივს ითქვამდა. უცებ მიხვდა, მარტო ის კი არ აღიზიანებდა და აღშფოთებდა, რაც ამ წუთში მოხდა, არამედ ყველაფერი ის, რაც ამ მომენტს წინ უძლოდა. ათასი დამცირება, ათასი მარცხი. მთელი ტანი უცახცახებდა, მაგრამ ტყის მყუდროება უნებურად აწყნარებდა, თითქოს ნელ-ნელა შორდებოდა ყოველდღიურობის სიწვრილმანეს. რაც უფრო ღრმად შე-

გურამ გვაგუშიძე
ლიღება

დიოდა ტყეში, მით უფრო გრძნობდა, რომ სულ სხვა აუცილებლობას უნდა დამორჩილებოდა, ვიდრე იმ ვნებებს, აგრერივად რომ ზეობდა ერთად შეგროვილ ადამიანთა მრევლში. დრო იყო, სულზე ეზრუნა და უზენაესისაკენ მიემართა მზერა, მაგრამ ისეთი ხელობა ჰქონდა, რომ ხალხს ვერასოდეს მოსწყდებოდა, ჭეშმარიტებას უტყბო წიაღში ვერ დაუწყებდა ძებნას. ისევ აფორიაქდა და უცებ, ზურგს უკან ფაჩუნი გაიგონა. თითქოს ვიღაც ფეხაკრფით მიიპარებოდა სადღაც და შემთხვევით წანელი გადაუტყდა ფეხქვეშ. სწრაფად მოაბრუნა თავი და თვალი მოჰკრა მოჩვენებას, ხეებს შორის რომ მიციმციმებდა გამჰვირვალე ნისლივით. მშვენიერი ქალის სხეულს ჰგავდა თვალწინ გაეღებულ ლანდი და უზომო ცნობისმოყვარეობით შეპყრობილი დიდება უკან მიჰყვა უჩუმარ აჩრდილს. უცნაურმა სირბილემ უჩოლად დაუარა ტანში, სასურველ ქალს ის არასოდეს შეხებია და დალაპარაკებია, არასოდეს განუცდია ის ნეტარება, მშვენიერ ასულთან ურთიერთობას რომ მოსდევს. მხოლოდ იაფფასიან მეძავეებს იცნობდა. ისე გაიყვანა წუთისოფელი, რომ ქვებისა და აზელილი თიხის ცქერით ამოიღამა თვალები. მეტი მან არაფერი იცოდა და ახლა თითქოს დაკარგულის ანაზღაურება სწყურიაო, აღარ დაგიდევდათ ვინ იყო ეს ტყის ბინადარი, ალი თუ ხორცშესხმული არსება, დაუფიქრებლად მისდევდა მის კვალს იღუმალად მიჩუმებულ ტყეში, ვიდრე ლანდმა ბებერი მუხის ძირას დანთებულ კოცონთან არ მიიყვანა, რომლის ირგვლივ ტყავებში გახვეული ახალგაზრდები ისხდნენ. ერთ-ერთი წამოდგა, კოცონს ფიჩხი დაუმატა და ოქროსფერი ნაპერწკლები ურიცხვი ციციანთელუბივით აფრინდნენ ცაში.

დიდება შედგა, ხეს ამოეფარა. ვინ იყო ეს ხალხი? ისინი აღრეც ჰყავდა შემჩნეული, მაგრამ ლამდამობითაც თუ იკრიბებოდნენ, ეს აღარ იცოდა. რა-

ტომ ჰქონდათ ამორჩეული ეს ადგილი? ხმადაბლა ლაპარაკობდნენ. ცეცხლის ტაკუნის აზნობდა სიტყვებს. მაგრამ ახკარა იყო, რალაცისათვის ემზადებოდნენ, რალაცის აპირებდნენ საიდუმლოდ. ბოლოს დიდება მიხვდა, ფადიშაჰის დიდგვზირს უნდა დასხმოდნენ თავს, როცა ის ამ ქალაქში შემოივლიდა ბაღადაის გზაზე დამდგარი, და მასთან ერთად, მისი მხლებლები უნდა ამოეხოცათ.

„ჩვენი ბრძოლა არ არის სისხლის და ხორცის წინააღმდეგ, არამედ მმართველობათა წინააღმდეგ, ხელისუფლების წინააღმდეგ, ამ წუთისოფლის სიბნელის მპყრობელთა წინააღმდეგ, ცისქვეშეთის ბოროტების სულთა წინააღმდეგ!“

„უმჯობესია, მოკვდეს ერთი ადამიანი ხალხისთვის, ვიდრე მთელი ერთი დაიღუპოს!“

ეს ახალგაზრდები წმინდა სახარების სიტყვებით ლაპარაკობდნენ და დიდება საბოლოოდ დარწმუნდა, რომ ისინი აჯანყებას აპირებდნენ. როცა წარმოიდგინა თათრების ძლევა მოსილება და დაუნდობლობა, გააოცა ამათმა დაუფიქრებელმა თავგანწირვამ, თუმცა მყისვე მოაგონდა ის დრო, როცა თვითონაც შესაძლებლად მიაჩნდა თათრებთან ბრძოლა, ლურჯი მონასტრის აგების შემდეგ ქალაქიდან გადახვეწილმა ისევ თავის მშობლიურ მთებს რომ მიაშურა, სადაც გულთბილად მიიღეს დაკარგული ძე შეცთომილი, უძლები შვილი. დააპურეს, დაასვენეს, მერე ცხვრის ფარა მიანდეს მოსამწყესავად.

მთა-ბარი შემოიარა და გაეცნო ხალხის მდგომარეობას. ყველგან სიღარიბე და უმეკრება ნახა გამეფებული. თათრებს მთლად წაელეკათ და დაექციათ ქვეყანა, და დიდება, იალალიდან იალაღზე რომ მიერეკებოდა ფარას, თითქოს თეთრად აქოჩრილი ხუჭუჭა ტალღა მიგორავდა მის წინ, — მიყრუებული სოფლებისა და მოზრდილი დაბების

მცხოვრებთა წეს-ჩვეულებებს ეცნობოდა და უკვირდა ამ ხალხის მოთხოვნილებათა სიმდაბლეს და წარმოდგენათა სიმწირს. თათრობით შეწუხებული ერი გრძნობდა, რომ საქმე უკან მიუდიოდა, მაგრამ არავინ ცდილობდა გამოსავლის პოვნას, რადგან იმედი ვადაწურული ჰქონდათ და ხელი ჩაქნეული. მაშინ დიდებამ ქადაგება დაიწყო. დღესათუ პატარას, ქალსათუ კაცს, მოხუცსათუ ახალგაზრდას ყველას მოუწოდებდა წინააღმდეგობა გაეწიათ მტრისთვის, არ მიეღოთ თათრის რჯული, ჩეშალათ ყოველგვარი თათრული წამოწყება, ყოველნაირად შეეწუხებინათ და შეევიწროვებინათ ისინი, რათა არ მიეცათ აქაურ მიწაზე დამკვიდრებისა და ამოსუნთქვის საშუალება. მაგრამ ვიღაცამ დაასმინა დიდება და ერთ მშვენიერ დღეს, მაღალი მთებიდან ბარში რომ მოერეკებოდა ცხვარს, ნასყიდას კაცებმა შეიპყრეს და დილეგში ჩააგდეს.

ნასყიდა მაშინ უკვე ძალიან დაწინაურებული იყო თათრების სამსახურში. სექბანად დანიშნული გასაქანს არ აძლევდა დიდებასაირ კაცებს. მაგრამ დიდებამ მანც მოახერხა დილეგიდან გაქცევა და ისევ მთებს მისცა თავი.

დადიოდა სოფლიდან სოფლად, ბოლოს ერთ შეძლებულ აზნაურს გუთნისდებდა დაუდგა. ხნავდა და თესავდა, ისეთ ურმულს წამოიწყებდა ხოლმე წკრიალა ხმით, რომ მასთან ერთად შრომა ყველას ეხალისებოდა. თუ დრო რჩებოდა, თიხისგან სხვადასხვა ქანდაკებებს ძერწავდა და ხალხს ურიგებდა. მაგრამ ერთ მშვენიერ დღეს, აზნაურმა გაიგო ნასყიდას კაცები რომ დასდევდნენ დიდებას და შეშინებულმა დაითხოვა. ამის შემდეგ, ულუქმაპუროდ დარჩენილ დიდებას იქ აღარ დაედგომებოდა და გაეცალა იმ მხარეს. ერთ მიყრუებულ სოფელს მიადგა. სოფლის განაპირას მოტიტვლებული მწვანე გორაკი ხასხასებდა. ამ გორაკზე დიდება საყდრის აგებას შეუდგა. საყ-

დრის აგება მაშინ კანონით აკრძალული ჯერ კიდევ არ იყო და სოფლებში ხალხისთ ეხმარებოდნენ მშენებელს. დღიური სარჩოც კი გამოუყვეს, მაგრამ მუშაობის დამთავრებას ცოტა რომ უკლდა, ვიღაცამ ისევ გასცა, ბარიდან ნასყიდას კაცები ამოვიდნენ, ცხენის ქურდობა დააბრალებს და წაიყვანეს.

ისევ დილეგში ჩააგდეს. ნასყიდამ ის საყდარი დაანგრევინა და თათრების მადლობა დაიმსახურა. დიდება კი ორ კაცისმქამელ თათართან იჯდა ხაროში. ეს თათრები ალყაშემორტყმული ციხიდან გამოქცეულიყვნენ, უდაბნო გამოევლოთ, სურსათი და წყალი რომ გამოლოვდათ, ერთი თავიანთი ამხანაგი შეეჭამათ და მერე თავისიანებს შეერთებოდნენ. ამათ კი დილეგში ჩაეყარათ, ციხე-სიმაგრე რად ჩააბარეთ მტერსაო.

„კაცის ხორცი რამ შეგაჭამათ?!“ უკვირდა დიდებას.

„ისე თავს ვერ გავიტანდით!“ პასუხობდნენ ისინი.

დიდებასთვის ძნელი წარმოსადგენი იყო ის დაუძლეველი წყურვილი სიცოცხლისა, რომელიც გაიძულებს ადამიანის შეჭმის ფასად შეინარჩუნო არსებობა. მეტადრე, იგივე თათრები, ამხანაგი რომ შეჭამეს, ახლა მზად იყვნენ ბრძოლაში გაეწირათ თავი დანაშაულის გამოსასყიდად.

რა საიდუმლოა აქ დამალული, რა ჭეშმარიტებაა შეუცნობელი? ვერაფრით ვერ მიმხვდარიყო დიდება და ისევ ებაასებოდა კაცისმქამელს, სურდა ბოლომდე ჩასწვდნოდა მათი სულის ფსკერზე დალექილ იდუმალ გამოცდილებას, როგორც ქვესკნელის ანარეკლს, მაგრამ ვერავითარ იდუმალს ვერ გრძნობდა და ვერაფერს განსაკუთრებულს ვერ ამჩნევდა ამ აბლაყულ, მოუხეშავ კაცებს, თითქოს სატანური საწყისი ჩვეულებრივ ადამიანურ არსში იყო განხორციელებული, და სულაც არ გეჩვენებოდა ამისგან

განსხვავებულ, განსაკუთრებულ რაობად. ეს თათრები უბრალო კაცებს ჰგავდნენ, რომელთაც სიცოცხლე სწყუროდათ და რომ არ გცოდნოდა, სხვა კაცი შეჰქამეს, არაფრით მიიქცევდნენ ვინმეს ყურადღებას.

ერთ მშვენიერ დღეს, ისინი დილეგიდან გაიყვანეს, გაასამართლეს და თავები მოჰკვეთეს, როგორც ფადიშაჰის მოღალატეებს, რომელთაც მნიშვნელოვანი ციხე დაუთმეს მტერს.

დიდება ერთ ხანს, მარტო დარჩა დილეგში. მერე ვილაც ნაცემი კაცი შემოუტდეს ორმოში. ძლივს მოასულიერა დიდებამ იგი. გონზე მოსულმა ტუსაღმა ლაპარაკი გაუბა და როცა გაიგო, დიდება ერთ დროს ხუროთმოძღვარი იყო, გულწრფელ რჩევასავით შეაპარა, ფაშა სასახლეს იგებს და თუ ამ საქმეში ჩაებმები, იქნებ, ციხიდან გამოგიშვანო. დიდება მიხვდა, ვინც იყო ეს კაცი და სურვილი გამოთქვა ამ საქმეში მონაწილეობისა, მაგრამ იქვე ეჭვით დასძინა, ვინ გამომიშვებსო. მეორე დღეს, მედილეგემ ორმოდან ამოიყვანა და იგივე წინადადება გაუმეორა. დიდება უყოყმანოდ დათანხმდა, მაგრამ როგორც კი სატუსაღოს კარი გაუღეს, ისევ გაიქცა და ტყეს შეაფარა თავი.

ამჯერად ვილაც აბრაგებს გადაეკიდა, დამლამობით მტერს რომ არბევდნენ. დიდება მათთან დარჩა. აღარც ძერწვა იზიდავდა, აღარც ხატვა, აღარც შენება. ყველაფერზე ხელი ჩაიქნია. იბრძოდა, სხეულზე ჭრილობები ემატებოდა, იღლებოდა, ბერდებოდა. ერთხელ ისე მძიმედ დაიჭრა, რომ რამდენიმე თვით ლოგინად ჩავარდა. ვილაც ქვრივ-ოხერი, კბილებჩამპალი, გონჯი დედაკაცი უვლიდა, რომელიც, გამოჩანმრთელებულს ხარჭობასაც უწყევდა, მაგრამ როგორც კი ძალა მოიკრიბა, მიატოვა დედაკაცი, იმისი იმედებით და რულუნებით ამოქარგული ბუდე. საქმე მოსწყურდა, ხელები ექავებოდა, ისევ მონატრა ძერწვა, ხატვა, კეთება. სოფ-

ლიდან სოფელში დაეხეტებოდა, ვის არ ხვდებოდა, ვის არ ესაუბრებოდა, ყანა მოიარა. ყველა უკმაყოფილო იყო, წარჩინებულიც და მდაბიოც, მაგრამ მაინც შეჩვეული და შეგუებული გაუსაძლის ყოფას. განუწყვეტელმა მარცხმა ხალხს ბრძოლაზე ხელი ააღებინა. მომრავლდნენ მოლები, ცრუწინასწარმეტყველნი, ინგრეოდა ტაძრები, ეკლესიის აგებაზე ხომ ლაპარაკიც ზედმეტი იყო და მაშინ დიდება ერთ დიდ სოფელში დაბინავებული, საფლავის ლოდების კეთებას შეუდგა. ეს საქმე იმით სიამოვნებდა, რომ ლოდებს მშობლიურ ენაზე უკეთებდა წარწერებს და ჩუქურთმითაც თავის გემოზე ამკობდა. ამ ყოფაში მყოფს კვლავ მოაგნეს ნასყიდას კაცებმა, დაიჭირეს და სიკვდილი გადაუწყვიტეს, მაგრამ მერე ჰამადანში მიმავალ ლაშქარს გააყოლეს სამომრად, ეგონათ, იქ დაიღუპებო.

მართლაც, პირველსავე შეტაკებისას, დიდებას შუბი ჩასცეს მხარში და ცოცხალ-მკვდარი დაეცა იგი ბრძოლის ველზე. როცა ხმლების ჩახაჩუხმა, ჯაჭვების ჯგლეთამ და ცხენების ჭიხვინმა გადაიქუხა და მეომართა გვაგებით მიმოფენილ მინდორზე ღამემ ბნელი ფარდა დაუშვა, მომაკვდავმა თვალი გაახილა. ტკივილი და სისუსტე განძრევის საშუალებას არ აძლევდა, მაგრამ ავბედითი წყვილიადიდან აღმომავალი ყმულილი აფთრისა აფრთხილებდა, ფხიზლად ყოფილიყო, თვალი არ მოეხუჭა, რათა მხეცებისა და ყვავეყორნების კერძად არ ქცეულიყო. ამიტომ ფხიზლობდა განთიადამდე, თავს ძალას ატანდა, რადგან საწუთროზე გულარენილს და სიცოცხლით დაღლილს, მაინც ეშინოდა სიკვდილის.

განთიადისას, გამარჯვებული ლაშქარის ფორანმა ჩაიარა ბრძოლის ველზე. მოთარეშეები იარაღს კრეფდნენ, ზუჩებს, ჩაფხუტებს, ჯავშან-მუზარადს ხდიდნენ დახოცილთ, ხოლო სულთმობრძავთ ხოცავდნენ. მაგრამ ისე ჩაუარეს დიდებას, რომ ვერ შეამჩნიეს და

მეორედ გადაურჩა იგი სიკვდილს. მთელი დღე ეგდო თავარა მზის გულზე გახრწნილი გვაშების და ცხენთა ლეშების სუნით აყროლებულ მინდორში. გრძობას რომ ჰკარგავდა, ეგონა, მეძინებო, გონს რომ მოდიოდა, ეგონა, მეღვიძებო. საღამო ხანს, შემთხვევით ჩამოვლილმა მენახირემ იბოვა და რძე ჩაასხა პირში. და ვინაიდან ჯერ კიდევ არ ეწერა სიკვდილი, იგი გადაარჩა, თუმცა დიდხანს იავადმყოფა.

სწორედ მაშინ იგრძნო პირველად ნამდვილი დაღლა. პირველად მიხვდა, რომ მის ოცნებებს და მიზნებს აღსრულება არ ეწერა. ვერასოდეს ვერ შექმნიდა იმას, რაც ეწადა, ვერ მიადწევდა სრულქმნილებას და კიდევ რომ მიეღწია, არააობისკენ მიმავალი გზის ბურუსი წაშლიდა იმის კვალს, რაც აქეთ რჩებოდა. ქედი მოიდრია და დაბრუნდა ქალაქში, სადაც აღარავის ახსოვდა და აღარავის სჭირდებოდა, რადგან აქ მხოლოდ მედროვეებს ულხინდათ და ბედის ჩარხი შემგუებელთა სასარგებლოდ ტრიალებდა, ცხოვრების დაუწერელი კანონების თანახმად.

ლამის სიჩუმე ნაკუწებად იქცა. მწერები ფაჩუნობდნენ, ღამურები ფართხალებდნენ ცაში, სადღაც ნადირი აყმუვლდა, ცეცხლთან თავშეყრილი ახალგაზრდები კი ისევ ლაპარაკობდნენ, ისევ თათბირობდნენ.

დიდებას შერცხვა მსტოვარივით რომ იყო დამალული სიბნელეში. რა ჰქონდა დასამალავი, შორიდან რად უნდა ეთვალთვალა ამ ახალგაზრდებისათვის, განა ისინი მისიანები არ იყვნენ?

საფარიდან გამოვიდა და ცეცხლისკენ გაემართა. აქ მყოფი ერთადერთი ქალიშვილი წამოდგა და წარმოთქვა:

“შევიმოსოთ ღმერთის სრული საჭურვლით, რათა შევძლოთ წინ აღვუდგეთ ეშმაკის მზაკვრობას!”

ამ სიტყვებთან ერთად, დანარჩენებს ჰატარა ხატები დაურიაგა.

დიდება ცეცხლს მიუახლოვდა და უცბა, ყველანი მისკენ შემობრუნდნენ. გაშტერებული უცქერდნენ, იარაღზე ედოთ ხელი, ნაზი ქალიშვილიც კი ავად და უნდობლად იმზირებოდა.

„მე დიდება ვარ, ყმაწვილებო, ნუ გეშინიათ!“

„ვინა?“

„ლურჯი მონასტრის ამშენებელი!“

„აჲი მაგ მონასტრის ამშენებელი მოკლესო!“ ეჭვიანად თქვა ერთმა.

„არ მოვუკლივარ, მე ვარ! — წამოიძახა დიდებამ. — თქვენს ლაპარაკს ყური მოვკარი და იმიტომ მოვედი. თქვენთან მინდა ყოფნა!“

„მაინც, რას მოჰკარი ყური?“

„დიდვეზირს რომ თავდასხმას უპირებო...“

„ვინ გითხრა, საიდან მოიტანე?“

„ეს კაცი ქალაქში მე არ შემხვედრია...“

„ვინ გამოგაგზავნა?“

„მე კი მეცნობა. ერთხელ სიკვდილა-ჯალათთან ერთად პურს ჰამდა დუქანში.“

„აბა, თქვი ეხლავე, ვინა ხარ და აქ რა გინდა?..“

„დიდება ვარ, ყმაწვილებო, ხუროთმოძღვარი, თქვენი გამარჯვება მინდა...“

დიდებას ხელი დასტაცეს, ტყის სიღრმეში შეათრიეს და ხეზე მიაბეს. მერე ცეცხლი ჩააქრეს, ნაღვერდული მიმოაბნეის, ფეხებით გათელეს, მიწა მიაყარეს და სასწრაფოდ დაიშალნენ, დაიფანტნენ აქეთ-იქით ღამის წყვილადში.

დიდება დარჩა ხეზე მიბმული.

მთელი ღამე ღრღნიდა თოქს. განთიადისას, როცა ძალა გამოეღია და დაძაბვისაგან სასტიკად ასტივდა კისერი, მიხვდა, ამაოდ ირჯებოდა. ტანთ შემოხვეული ერთი ნახვევი რომ გადაეხრა კიდევ, დანარჩენებს რას უზამდა? ხელებს მაინც ვერ გაითავისუფლებდა. არავითარი საშუალება არ არსებობდა

თავის დახსნისა. უიმედობამ გული შეუკუმშა, წყვილიდი სულს უბნელებდა, ძარღვებში სისხლი ეყინებოდა. რამდენ ხანს უნდა ყოფილიყო ასე, რას უპირებდნენ, რა ელოდა? უცებ, განწირული ხმით დაიღრიალა, იქნებ ვინმე იყოს ახლომახლო კეთილი ან უკეთური, ან მონასტრამდე მივაწვდინო ხმაო. შორეულმა ექომ ავად დაიგუგუნა ტყეში და დიდებას თვითვე შეეშინდა თავის ამოძახილის. მოეშვა და მინებდა უმწეო ტყვეობას, სასოწარკვეთილი და ავი ფიქრებით შეპყრობილი. აღარც კი ახსოვდა, რამდენ ხანს იჯდა ასე. სიცივე სხეულს უხვრიტავდა და შიგ ტანში უძვრებოდა, ნემსივით წვრილი და მწვავე მტკივნეული.

ოდნავ რომ ინათა, თავი ასწია და შორს, ნისლში მცურავ ხეებს შორის, მისკენ მომავალი მოჩვენებები დაინახა. შავი ლანდები ავბედიითად აბუზულიყვინენ, ყოველ ხეს და ბუჩქს ჩხრეკდნენ, ზვერავენენ, უჩუმრად მოდიოდნენ, თითქოს მიწას ფეხს არ აკარებდნენ ბოროტი სულებივით მოფრენილინი საიდანაც, ხოლო ერთი ყველაზე ახმახი და საშინელი, ტანსაცმელშემოფლეთილ, თოკებით ხელებშეკრულ ქალიშვილს მოათრევდა აქეთ. საბელმოდებული ქალიშვილი ტორტმანით მორბოდა, ზოგჯერ ეცემოდა, მაშინ წელში მოხრილი ახმახი ჩერდებოდა, ორივე ხელით მძლავრად ქაჩავდა თოკს, წამოადგებდა თავის მსხვერპლს და ისევ მოათრევდა. დანარჩენები შორიანლო მოსდევდნენ მათ. როცა მოახლოვდნენ, დიდებამ იცნო ისინი. ახმახი — ჯალათი სიკვდილა იყო, ხოლო ხელებშეკრული ქალიშვილი — ის ასული, რომლის მჩვენეირებამ გაუაზრებელი სიხარული გაუღვიძა გულში წუხელ და აქეთკენ წამოიყვანა. იმ ბიჭებს რაღა ბედი ეწიათ? შეშფოთდა დიდება და აწრიალდა. ამასობაში ყველანი ნაცეცხლართან შეიკრიბნენ, გადაქექეს იქაურობა, მაგრამ დიდებას ჯერ ვერ ამჩნევდნენ. არც დიდება იღებდა ხმას. ქალიშვილი

ისევ დაეცა და ამჯერად ჯალათს აღარ წამოუგდია ზეზე.

„აქ იკრიბებოდით?“ დაიღრიალა მან. ძალაგამოცლილი ქალიშვილი ხმას არ იღებდა.

უცებ, ერთი ჩაფარი დიდებას წააწყდა, სახესთან მაშხალა მიანათა და ყვირილი მორთო. ყველანი მოცვივდნენ და ხეზე მიბმულ კაცს მიაჩერდნენ.

„ვინ ხარ?“ დაუყვირა ჩაფარმა.

სიკვდილაც მოახლოვდა, თან მიწაზე მოაჩოჩილებდა თავის მსხვერპლს, წამოდგომის საშუალებას არ აძლევდა. მან იცნო დიდება. რატომღაც სრულეობით არ გააკვირვებია მისი აქ დანახვა. მხოლოდ წარბები აზიდა და დაცინვით შემოხედა.

„სალამი, ბატონო დიდება, ვინ მიგაბათ ხეზე?“

„არავინ!“

„თქვენ თვითონ ხომ არ მიებით?“

„ჰო“.

სიკვდილამ სახე დამანჭა და თვალი უყო თავის რაზმელებს, ვითომ, უყურეთ ამას, რა მოხერხებული ვინმე ყოფილაო. იმათ თავშეუკავებელი ხარხარი აუვარდათ. მუცელზე ხელს იჭერდნენ, ქანაობდნენ, ვერ აყურებდნენ სხეულის სიღრმიდან ამოვარდნილ ხეიხინს. სიკვდილამ ერთ ჩაფარს რაღაცა ანიშნა, ისიც მიუახლოვდა დიდებას, თოკები ჩაჭრა და გაათავისუფლა, მაგრამ დიდება არ წამომდგარა, ისევ მუხლებზე იდგა თავჩაქინდრული და მხრებჩამოყრილი.

„მაშ, შენ თვითონ მიებით?“

დიდება ხმას არ იღებდა.

„ყოჩად, ბატონო დიდება, აფერუმ თქვენს ვაჟკაცობას“, და უცბად ხმა შეეცვალა: „ყური მიგდე, შე ყეყეჩო, ამ ქალს იცნობ?“

„პირველად ვხედავ.“

„ვინ იყვენ აქა, და რამდენი იყვენ?“

„მე არავინ მინახავს.“

„მაშ, შენ თვითონ მიებით — გაუმეორა კითხვა ჯალათმა და მათრახი მოიქ-

ნია. — შენ თუ კაი კაცი ხარ, რად მი-
გაბეს ხეზე? ან ამათთან რა ვინდოდა?”

„არავისთანაც არა ვყოფილვარ. მე
ჩემთვისა ვარ!“

„რამდენნი იყვნენ-მეთქი, აქა?“ ისევ
დაიზუზუნა მათრახმა.

გამწარებულმა დიდებამ თავი ასწია
და ქალიშვილის თვალებს წააწყდა, და-
უნებოთ რომ მისჩერებოდნენ, გაშეშე-
ბულნი, გაფართოებულნი, აბრიალე-
ბულნი. ისიც მუხლებზე იდგა ნახევრად
გაშიშვლებული, თმაგაწეწილი, მაგრამ
მანც უმანკო, მომხიბლავი, მოსალოდ-
ნელი შეურაცხყოფის თუ სასჯელის
მოლოდინით გაოგნებული.

„ამ გოგონას რას უპირებთ?“ წამო-
იძახა დიდებამ.

ნეტავ, სულ არ გადაყროდა წუხელ
მას და გაპყოლოდა თავის გზას, ათას-
ჯერ გატყეპნილს და ერთფეროვანს,
სადაც არც მშვენიერი ქალები შეხვედ-
რია არასოდეს და არც მათ გამო
მღელვარება განუცდია.

ჯალათმა ვაიცინა.

„რაც სხვებს, ისიც ამას!“

„სხვებს რაღა უყავით!“ ისევ იყვირა
დიდებამ.

„დავიჭირეთ და ხეებზე ჩამოვკიდეთ,
მამს! ქანაობენ ეხლა იქა!“ ენა მოიჩლი-
ქა სიკვდილამ, ვითომ ბავშვს ეფერე-
ბათ.

„ეს გოგონა დამნაშავე არ არის, ეს
იმათთან არ ყოფილა, ეს...“ აცახცახე-
ბულ დიდებას ხმა ჩაუწყდა.

„გმადლობთ, ბატონო დიდება, გმად-
ლობთ, ყველაფერი გვეჩერა, რასაც
გვეუბნები!“ ზიზღნარევი ღიმილით
წარმოთქვა სიკვდილამ და მდაბლად
დაუქრა თავი.

უცებ, დიდება ქალიშვილის მზერას
წააწყდა და გაოცდა. იგი ზიზღით უმ-
ზერდა მას, როგორც გამცემს, როგორც
მოღალატეს. ცხადი იყო, არ ენდობო-
და, მისი არც ერთი სიტყვა არ სჯერო-
და. შეიძლება, ეს ყველაფერი, რაც
ახლა აქ ხდებოდა, წინასწარ მოფიქრე-
ბული თამაში ეგონა.

დიდებამ ამოიღმუვლა და მიწაზე და-
ემხო. როგორ დაერწმუნებინა მისი
გამწარებული ასული, რომ მოღალატე
არ იყო და მათ დალუპვაში ხელი არ
ერია?

აღარ ღირდა სიცოცხლე! აღა-
რავისთვის იყო საჭირო! თანამედროვე-
ნი ჩაქოლვას უპირებდნენ, მომავალნი
არ იცნობდნენ! ვიღასთვის იღვწოდა,
რისთვის არსებობდა? სწორედ იმათ,
ვიზეც იმედს ამყარებდა, შემოგზავნილ
დამსმენად მიიჩნიეს და ხეზე მიაბეს,
უკაცრიელ ტყეში დატოვეს ნადირთა
კერძად. ვერც რჩევით გამოადგა მათ,
ვერც საქმით უშველა. იმ ჭაბუკების
თვალში სამუდამოდ შერცხვენილ კა-
ცად დარჩა, სინდისგარეცხილ მოღალა-
ტედ. ეს უბედური გოგონა რომ რო-
გორმე დეხსნა მტარვალთა კლანჭები-
დან, მაგრამ როგორ, რანაირად? სავე-
ბით ცხადად იგრძნო თავისი დამარცხე-
ბა და უძლურება და მწარედ ატირდა
დიდება, უხმოლ, უცრემლოდ.

თავი რომ აწია, მარტო იყო. მოჩვე-
ნებები გაუჩინარებულყვენენ, თითქოს
რომელიღაც ხის ფულუროში შეძვრნენ
და გაქრნო. ქარმა დაუბერა და ხეები
ააშრილა, მაგრამ ვერ გაიგებდი, საი-
დან ქროდა იგი და სად მიდიოდა.

დიდება წამოდგა. ძლივს გამოაგნო
გზა ტყიდან. ძლივს მოდიოდა. საიდან-
ღაც მამლის ყვირილი მოესმა. ინათა.
ფერდობზე მკრთალად გამოისხა ლურ-
ჯი მონასტრის კონტური, მაგრამ დიდე-
ბას იქით არ აუხედიდა, ქალაქისკენ და-
ეშვა, რომლის ჩაბნელებულ და ჩაშავე-
ბულ ქუჩებში მაწანწალა ძაღლები
ყმუოდნენ.

ტყეში ღამენათევს, მთელ ტანში
სტენდა, ამტრევედა. პირველსავე ნან-
გრევს მიაშურა, რომელიც ნაკვეთ იყო
სავსე, და კუთხეში ჩაქდა, მოიკუნტა.
სიცივისაგან აძაგძაგებდა და მყრალი
სუნიც აწუხებდა, რომელიც აქ იდგა.
ცუდ დღეში იყო ჩავარდნილი, მაგრამ
ეს რა სახსენებელი იყო იმ ახალგაზრ-
დების ბედთან შედარებით, რომლებ-

თანაც მისვლა გულისთ ეწადა?! რატომ გაიმეტეს სასიკვდილოდ თავი, რამ შთააგონა მათ ეს უაზრო საქმე, ან ვინ-ღა დააფასებდა მათ თავგანწირვას? ახლა ისინი გიჟებად გამოჩნდებოდნენ ხალხის თვალში და მართლაც იყო რა-ღაც გაუმართლებელი იმათ საქციელში. განა შეიძლება შიშველი ხელებით ებრძოლო პირსისხლიან ურჩხულს, ვით წმინდა გიორგი გველშაპს, როცა წინასწარვე ჩანს, რომ განწირული ხარ? ტყუილად ხომ არ არის ნათქვამი, საცა არა სჯობს, გაცლა სჯობსო, მაგრამ სულ გაცლამ, დათმობამ და მოთმენამ ბოლოს და ბოლოს შეიძლება საკუთარი ბუღიდან გადაგხვეწოს!

ვიღაცამ ხომ უნდა გამოიღოს თავი, ვიღაცამ ხომ უნდა ამოიღოს ხმა, სასო-წარკვეთით გაიფიქრა დიდებამ და მიხვდა, რომ საშველი არ ჩანდა. სიცოცხის არტახებით შეეკოჭილმა ნაგავი გადაქე-ქა, ღრმად ჩაძვრა შიგ, რომ ოდნავ გამთბარიყო. ყელამდე ძინძღში ჩაფ-ლულმა ცოტა შვება იგრძნო, კიდურებ-ში სისხლი აუმოძრავდა. უფრო ღრმად ჩაძვრა ნაგავში, ძინძღლი თავზეც დაი-ფარა. არაფერს გრძნობდა უსახლვრო დაღლილობის გარდა. სიცარიელედ და უაზრობად განითქვიფა ყოველი, რაც აქამდე აწუხებდა და აღელვებდა, ამოქ-მედებდა და ასულდგმულებდა. ქარი ნანგრევის ღიობებში თავისუფლად ნა-ვარდობდა და მომაბეზრებლად ზუზუ-ნებდა. ზოგჯერ ძლიერი მონაბერი ბრეს ააფრიალებდა და ძუძუში განაბული დიდება თავისდა უნებურად ღიზიან-დებოდა. მაგრამ აღარ ცახცახებდა, აღარც ფიქრობდა და ისე ჩასთვლიმა, რომ არ გაუგონია ბუკი და ნალარა, დიდი ვეზირის მობრძანებას რომ აუწ-ყებდა ქალაქს...

●

გალავნის კარიბჭესთან ნასყიდა-ეფენ-დი-ფაშა და მისი ამაღა დახვდნენ დი-დებულ სტუმრებს. ცხენებზე ამხედ-რებული იანიჩრები ქალაქში შემოვიდ-

ნენ. მათ წინ მოუძღვებოდა ქვეყნის მმართველი ფადიშაჰის დიდი აფენდი-დანიარჩენი ჯარი ქალაქის ირგვლივ გაშლილ კარვებში იყო დაბანაკებული. ქალაქის მოსახლეობა, წესისამებრ, ახ-ლაც ქუჩებში იყო გამოყვანილი.

დიდი ვეზირი და დიდებულები სა-სახლეში მიბრძანდნენ, ხოლო იანიჩ-რები წინასწარ გამზადებულ ფუნდუ-კებში გაანაწილეს. მცირე ხნის დასვენების შემდეგ, დიდებული სტუმარი გოგირდის აბანოში მიაბრძანეს. ეს აბა-ნო დიდებას აგებული იყო. ფართო და ნათელი ოთახების ფირუზისფერი კედ-ლები ზურმუხტითა და სადაფით იყო დამშვენებული, იატაკი ლალითა და იაგუნდით დაფენილი. დიდვეზირს მო-ეწონა აქაურობა, ტანთ გაიხადა და ნასყიდა-ეფენდი-ფაშას თანხლებით სა-ბანაო დარბაზს მიაშურა, რომლის შუაგულში, მარმარილოსაგან გაკეთე-ბული ფართო აუზი ცხელი წყლით იყო გალიცილიცებული. ბროლის შუშებით შემკული მოლურჯო გუმბათი მკრთალ შუქს უშვებდა ზემოდან. ხის ქოშებიან-ნი მექისეები და დალაქები კედელთან ატუზულიყვნენ. დიდვეზირი მარმარი-ლოს კიბით ჩავდა აუზში და დიდად ეამა გოგირდოვანი წყალი. შადრევნები საამოდ ჩუხჩუხებდნენ, ფერადი მარ-მარილოსგან გაკეთებულ გველშაპები-სა და ლომების თავებს დაღებული ხა-ხიდან ცხელი წყლის ღვარი გადმოსდი-ოდათ.

„მშვენიერი აბანოა, ვისი აგებუ-ლია?“ ჰკითხა დიდვეზირმა ნასყიდა-ეფენდი-ფაშას და სიამოვნებისგან მკერდზე ხელი მოისვა.

„ხუროთმოძღვარ დიდებასი“. უხა-ლისოდ მიუგო ნასყიდა-ეფენდი-ფაშამ. დიდვეზირმა გემრიელად იბანავა. მე-ქისეებს თვით ნასყიდა-ეფენდი-ფაშა ეცილებოდა მაღალი სტუმრის განბან-ვაში.

„შესანიშნავი მექისეობა გცოდნია!“ შეაქო სტუმარმა კმაყოფილი მასპინ-ძელი.

ბანაობისა და გაპარსვის შემდეგ, დიდვეზირს იქვე, მოსასვენებელ ოთახში მორათვეს საუბრე. ფაფუკ ზეწარში გახვეული, ნონდაფენილ ტახტზე წამოწოლილი სიამოვნებით მიირთმევედა სოსხლისფერ შარბათს, სხვადასხვა ტკბილეულობას, ჰალვას და ხილს. იგი ტკბილად ებასებოდა ნასყიდაფენდი-ფაშას. ამ გულთადი საუბრის დროს თავისი ჯარისთვის სანოვავე მოსთხოვა და ფადიშაჰის ბრძანებაც შეახსენა, ყოველწლიურად ასი საპალნე აბრეშუმის სათათრეთში გაგზავნისა.

„შესრულებულ იქნება ქვეყნის მპყრობელ ფადიშაჰის ბრძანება!“ თავი დახარა და მკერდზე ხელი მიიღო ნასყიდაფენდი-ფაშამ.

აბანოს შემდეგ დიდვეზირს და მის ამაღას ქალაქის ღირშესანიშნაობანი დაათვალიერებინეს. ნასყიდაფენდი-ფაშამ სტუმრები მდინარის პირას გაკაფულ ტყესთან მიიყვანა და აუწყა მათ, რომ ამ ადგილზე მეჩეთი აიგებოდა. დიდვეზირმა მოიწონა ეს განზრახვა. ნასყიდაფენდი-ფაშამ ამცნო მას, რომ წმინდა ტყე შეგნებულად გააჩეხინა, რათა ხალხს დავიწყებოდა თავისი ძველი ადათი, მალე გადასულიყო ახალ რჯულზე. ეს განზრახვაც მოიწონა დიდვეზირმა. ნასყიდაფენდი-ფაშამ თავისი საყვარელი ხუროთმოძღვარი გლახუნა იხმო, რომელიც გაბრწყინებული თვალებით შესცქეროდა საპატიო სტუმარს და მოწიწებით უხსნიდა მომავალი მეჩეთის გეგმას. დიდვეზირი ამოქნარებდა და თავს უქნევდა.

ამის შემდეგ გადახურული ბაზარი დაათვალიერეს. დიდვეზირს იგი ბნელი და ვიწრო მოეჩვენა და ნასყიდაფენდი-ფაშამ აღუთქვა, რომ ამ ნაკლს გამოასწორებდა. მერე ლაზარეთში შეიარეს. დიდვეზირს აქ ხმა არ ამოუღია. ბოლოს დიდებას აგებულ ფუნდუქს მიადგნენ. ეს იყო ციხესავით მტკიცედ ნაგები რკინისკარიანი ოთკუთხედი შენობა, რომლის ლამაზად მოკარწყულ ეზოს დიდი აუზი და ჩუქურ-

თმებით შემკობილი შადრევანი ამშვენებდა. შორეულ კუთხეში მოჩანდა აქლემების სადგომი, თავლა, საჯინბო. დიდვეზირმა ორივე სართულზე განლაგებული მოსასვენებელი ოთახებიც დაათვალიერა და კმაყოფილი დარჩა.

„ვისი აგებულია ეს ქარვასლა?“ იკითხა მან.

„ხუროთმოძღვარ გლახუნასი!“ უყოყმანოდ იცრუა ნასყიდაფენდი-ფაშამ და თვალი თვალში გაუსწორა.

„ქარგია!“ თქვა დიდვეზირმა, მხარზე ხელი დაადო ნასყიდაფენდი-ფაშას და კარში რომ გამოდიოდნენ, სხვათა შორის უთხრა:

„მართლა, ბაღდაღში სალაშქროდ ხუთი ათასი მეომარი მჭირდება და უნდა გამატანო!“

„შესრულებულ იქნება თქვენი ბრძანება!“ მდაბლად დაუკრა თავი ნასყიდაფენდი-ფაშამ.

ისინი სასახლეში დაბრუნდნენ მრავალრიცხოვანი ამაღის თანხლებით, სადაც დიდი მეჯლისი გაიმართა. უხვად ისმებოდა შარბათი, გემრიელი ფლავი, ქებაბი, შამფურზე შემწვარი ცხვრები და შვლები, ხაშლამა და ნაირ-ნაირი თევზეული ერთმანეთს ცვლიდა. როცა მოცუკვავე ქალიშვილები შემოიყვანეს დარბაზში, სუფრა სხვადასხვანაირმა ხილეულმა და ტკბილეულმა დაამშვენა. თვალწარმტაცი ასულები ნარანარად როკავდნენ და გამხიარულებულმა დიდვეზირმა ღიმილით გადაულაპარაკა ნასყიდაფენდი-ფაშას:

„ასოდე ასეთ ტურფა მხევალს რომ გაუგზავნიდე დიდებულ ფადიშაჰს, ჩინებული საჩუქარი იქნებოდა!“

„შესრულებულ იქნება!“

ბოლოს ნადიმიც დამთავრდა. დიდვეზირი და მისი მხლებლები სასახლიდან გამოვიდნენ. ცხენებზე ამხედრებული იანიჩარები ქუჩის პირას ჩამწკრივებულიყვნენ და დიდვეზირის გამოჩენას ელოდნენ. იმათ უკან შეგროვილ ბრბოს სტუმრების ნახვა ეწადა. დიდვეზირს ოქრო-ვერცხლით მორახტული შავი ცხენი მორათვეს. იგი ამხე-

დრდა, ბედაური ყალყზე შეაყენა და დაძრა. ნასყიდა-ეფენდი-ფაშა გვერდით მიჰყვა საპატიო სტუმარს. ქუჩებში გამოფენილი ხალხი ჩუმად უმზერდა ძლიერთ ამა ქვეყნისა, ისინი კი ნელა მიაქვეყნებდნენ ცხენებს, ფლოქვების თქარუნე ქალაქის ყველა უბანს სწვდებოდა.

გალავნის კარიბჭესთან დიდგვზირმა ცხენი შეაჩერა და მალა, ფერდობისკენ აიხედა, სადაც ტევრში მღვარი ლურჯი მონასტერი მოჩანდა, მთელ ქალაქზე ამდლებული, საღამოს ბინდით გაიდუმალებული, არაამქვეყნიური დიადი სიმშვიდის გადმომფენელი მის ფერხით გაშლილ მიდამოზე. დიდგვზირმა დიდხანს უმზირა ეკლესიას. იგი წარმოშობით ბერძენი იყო, ათი წლის ასაკში მოწყვეტილი საკუთარ კუთხეს. ვინ უწყის, იქნებ, ახლა ბუნდოვნად წარმოუდგა. ალაგ-ალაგ ზეთისხილის ხეებით დაფარული, კირქვით შეფეთქილი ლილისფერი ხრიოკი გორაკები, მისი მშობლიური სახლიდან რომ ჩანდა მიწყვი? ერთ-ერთ გორაკზე მრგვა-ლგუმბათიანი ეკლესია იდგა. იქნებ, მოაგონდა მშობელი დედის კალთა, ცხოვრების ორომტრიალში და ამქვეყნიური დიდებისათვის ბრძოლაში გადავიწყებული, მაგრამ მაინც მესხიერების რომელიღაც შორეულ კუნძულში სათუთად შემონახული? ბუკი და ნალარა ქალაქს ბრწყინვალე სტუმრების წასვლას აუწყებდა და უცებ, დიდგვზირი გამოერკვა, ლურჯ მონასტერს თვალი მოსწყვიტა და მოღუშული სახით შეხედა ნასყიდა-ეფენდი-ფაშას.

„ვისი აგებულია ეს ეკლესია?“

ნასყიდა-ეფენდი-ფაშას შიშისგან გული გადაუქანდა. დიდგვზირის ჩახლეჩილი ზმა ავისმომასწავებლად მოეჩვენა. ხომ შეიძლებოდა, გაბრაზებულყოფილი დიდგვზირი, რატომ აქამდე არ დაანგრეთ ურჯულოების სახლიო? თვითონაც არ იცოდა, რატომ არ გააკეთა ეს საქმე ამდენ ხანს და ვერ მოესაზრებინა, რით ემართლა თავი. მხოლოდ ეს კი იყო, რომ გულში გადაწყვიტა, თუ

ახლა საყვედურს გადავრჩი, ხვალვე დაეანგრევეო. საშინელი ბრაზი დაიწყო. შლი იგრძნო ამ ტაძრის ამგებინების მართ.

„ხუროთმოძღვარ დიდებასი!“ თრთოლვით თქვა მან.

„დიდებული ნაგებობაა!“ — ჩუმად ჩაილაპარაკა დიდმა ვეზირმა, — ჭეშმარიტი ოსტატის ხელი ეტყობა; კარგი იქნება, მეჩეთად გადაკეთდებოდეს!“ და ცხენი დაძრა.

„აუცილებლად გადავაკეთებთ, დიდი ხანია განზრახული მაქვს!“ წარმოსთქვა ნასყიდა-ეფენდი-ფაშამ და შვებით ამოისუნთქა.

ისინი გასცდნენ ქალაქის კარიბჭეს. ველზე განლაგებულ ჯარს ცეცხლი დაენტო ირგვლივ და ეს ურიცხვი სინათლეები თითქოს ყოველნაირ საზღვრებს შლიდნენ და აერთიანებდნენ ცისქვეშეთს. ყველანი ამ ქვეყნიერებას ეკუთვნოდნენ, დაპყრობილნიც და დამპყრობელნიც, ყველანი ერთნი იყვნენ წარმავალ წუთისოფელში და თვით სამშობლოც კი კარგავდა თავის მნიშვნელობას უზენაესი რაობის წინაშე. მხოლოდ დმერთი იყო ერთადერთი ჭეშმარიტება, ერთადერთი მისწრაფება, რომლის წიაღში აღარც დაჩაგრული არსებობდა და აღარც მჩაგვრელი, არამედ მხოლოდ კეთილი სული, მრავალტანჯული, მრავალგუნებაგადატანილი, ნუგეშისმცემელი სული ჭეშმარიტი, რომლის მიღება არ შეეძლო ქვეყნიერებას, რადგან არ იცნობდა და ვერ ხედავდა მას. ამიტომაც არავის ძალუძდა ქვეყნიერების განსჯა და გამართლება, მხოლოდ მისი ხსნა და გადარჩენა იყო საჭირო.

წყვდიადი თანდათან ჰნთქავდა სივრცეს და უჩინარდებოდა ყოველივე ირგვლივ ნელ-ნელა. ბანაკს მიახლოებულმა დიდგვზირმა კიდევ ერთხელ შეაჩერა ცხენი. გულთბილი მასპინძლობისათვის მადლობა მოახსენა ნასყიდა-ეფენდი-ფაშას და საჩუქრად ძვირფასი ხალათი გადასცა. მდაბლად თავდახრილ ნასყიდა-ეფენდი-ფაშას მადლიერებისა და სიხარულისაგან თვალზე ცრემლები

მოადგა. მოწიწებით ჩამოართვა საჩუქარი და კალთაზე ეამბორა. სწორედ ამ დროს ხურჯინგადაკიდებული ორი ვირი მოჰგვარეს. ნასყიდა-ეფენდი-ფაშამ მორიდებით მიმართა დიდვეზირს.

„ამ ხურჯინში ოქრო-ვერცხლი და ძვირფასი თვლებია, მეუფეო! მიიღეთ როგორც მცირედი რამ საჩუქარი ჩვენი მადლიერი ერისაგან. მეორე ხურჯინში ოქროთი და ალმასით შემკული ხატები და ჯვრებია, ამ ხალხის ძველი რწმენის ნაშთი. მე ეს განძი მათ ჩამოვართვი და მსურს დიდებული ფადიშაჰის სალაროს შეემატოს იგი!“

დიდმა ვეზირმა მადლობა გადაუხადა, თვალი ჩაუკრა და ღიმილით უთხრა:

„ყოველივეს მოვახსენებ მის ბრწყინვალეობა ფადიშაჰს. იმედი მაქვს, მალე სატანტო ქალაქში გიხილო დივანის წევრად და ნაზირ-ვეზირად, ან თუნდაც სახელმწიფოს მთავარ კაფუდინ-ფაშად!“

ნასყიდა-ეფენდი-ფაშას ზღვა თვალთ არ ენახა, მაგრამ დიდვეზირის დაპირებამ საფადიშაჰოს ზღვაოსნობის

გამგებლად დანიშვნაზე, გული მღელვარებით აუძგერა.

დადგა განშორების უამი. დიდვეზირმა მამაშვილურად დაარიგა, უკანასკნელად შეახსენა მისი ვალდებულებანი და ბოლოს დასძინა:

„დიდებულმა ფადიშაჰმა ბრძანა, რაკი შენი ზალხი ჯერ კიდევ არ გათათრებულა მთლიანად, საზღვრებიდან და ზღვისპირეთიდან ყველა სოფლები აყარონ და იმათ ადგილზე თათრები ჩამოასახლონ!“

„დაუყოვნებლივ აღსრულებული იქნება მაღალღირსეული ფადიშაჰის სურვილი!“ მსწრაფლ მიუგო ნასყიდა-ეფენდი-ფაშამ.

ამის შემდეგ დიდვეზირმა ცხენი შეატრიალა და ბანაკისაკენ გასწია. ამაღლა უკან მიჰყვა. იანიჩარების აღამაც დასძრა თავისი რაზმი. მომეტებული მადლიერებისგან გულაჩუყებული ნასყიდა-ეფენდი-ფაშა დიდხანს იდგა გორაკზე და თავბრუდამხვევი იმედებით აღსავსე გასცქეროდა ძვირფას სტუმრებს, სანამ ისინი არ გაუჩინარდნენ უსასრულოდ გაჭიმულ ველზე ჩამოწოლილ ბინდში.



ბურსაპირი. ადგილის დედა

იპარავ — იცის.

ღალატობ — იცის.

სიტყვას ტებ — იცის.

როცა სილაჩრის ოფლი ჟონავს შუბლიდან —
იცის.

...პაპამ მითხრა და ეს ნათქვამი სხეულში ჩამრჩა

არაგვის ჭალას არაგვი რომ ატყვია, ისე:

— ისე უნდა იცოცხლო და იცხოვრო —

ადგილის დედის სული არ შეწუხდესო.

...დაცარიელდა ბურსაპირი.

ყველა წავიდა.

წავიდა და... გადასხვაფერდა,

შუბლზე არ ადგას ა, იმ დიდი პაპების შუქი.

მე ზოგჯერ ვფიქრობ:

ამ კანონებს ხომ არ გაუსხლტნენ,

ადგილის დედის შემოხედვას ხომ არ გაექცნენ?..

ჭიუხის წვერებს არწივი დაჰფრენს.

— მანდ ილივლივე, ქვევით-ქვევით არ დაიწიო

და მძორის ჭამას არ დაეჩვიო.

შენი ჭირიმე,

მანდ იფრინე, ჭიუხის შვილო.

გემის ჩაძირვა

აქ ჩაიძირა გემი.

ალუბლებით გაჩახჩახებული გაზაფხული

წავიდა ფსკერისკენ.

დიდი გლოვა. იყო.

ტიროდნენ მთვარე და ვარსკვლავები,

გრიანებდნენ ღრუბლები.

გემზე ორნი იყვნენ —

გოგო და ბიჭი

და მშვიდად შეხვდნენ კატასტროფას —

თითქოს ელოდნენ.

ბიჩინაბა ყორიანული

აი, იმ იფნზე მინდა გითხრათ —

ერთ მხარეს წყალი ჩამოუღის,

მეორეზე — გზა.

მესამე, მდინარე, არ ჩანს —

ის უამია.

მდინარეს ძირი გამოუთხრია.

დაკარგულ მიწას ამაოდ ეძებენ წყალში მოტივტივე ფესვები.
გზა კი... —

ცულიც ბევრჯერ აჩქამებულა მის ტოტებში

და ხერხსაც ბევრჯერ გაუვლია.

ერთხელ სამიზნედაც ამოირჩიეს —

ათასი ტყვია შეაყარეს.

ლურსმნებსაც ვერ დაითვლი —

ხეზე ჰკიდებდნენ ლურსმნებით

ხან ბაირალებს,

ხან აფიშებს

და ხან სურათებს...

ერთხელ მგზავრებმა ცეცხლიც დაანთეს

და ცალი გვერდი გამოუბუგეს.

ბედია —

ზოგი ხე ისე მოკვდება

ცულის, ხერხის, ცეცხლის არსებობასაც ვერ გაიგებს.

...

აი, ამ კაცზე მინდა ვითხრათ —

ბიჩინაგა ყორიაულზე.

ის ხე ამ კაცმა გამახსენა.

შარშანწინ მოკვდა ბიჩინაგა.

არც კენესა ვინმეს გაუგია, არც საჩივარი

და სიკვდილამდე სულ ფეხზე იდგა.

ისევ იძიდან უნდა დავიწყოთ

გამშრალა სისხლი ციხეებთან.

სამრეკლო სდუმს და აღარ ახსოვს აქ აღარავის

უკანასკნელად ვინ დარეკა ზარი,

უკანასკნელად ვინ ამართა ხმალი

და ვინ თქვა:

— წავალ.

გამოაცილა დედაკაცმა.

გუბდებოდა და გუბდებოდა ცრემლი თვალებთან.

როცა იგრძნო, რომ ველარ შეძლებდა

გამკლავებოდა ცრემლის ნიაღვარს,

ქალი შედგა და ა, იმ ცრემლებში

ამოვლებული ღიმილით უთხრა:

— ხელ მოგემართოს,

წუხელ კარგი სიზმარი ვნახე,

დაჭრილი იყავ,

თავს ყორნები დაგტრიალებდნენ

და ყორნებს შენზე არ უშვებდა ადგილის დედა.

უკანასკნელად ვინ დაწერა ეს წმინდა ტექსტი:

— წავალ...

— ხელ მოგემართოს...

ჩვენ იმათ შემდეგ სულ ტყუილად ვიხეტილეთ,

უნდა დავბრუნდეთ,

უნდა მოვნახოთ ისინი,
იმათი წესით უნდა ვიცხოვროთ.
ისევ იქიდან უნდა დავიწყოთ.

რატომ მოვიდა ეს სიყვარული...

რატომ მოვიდა ეს სიყვარული.
უცხო მგზავრით გზად მიმავალმა
სულ ერთი წამით შემოიარა
თუ აქ აპირებს დარჩენას და ჩამოსახლებას.
რა უდევს გულში?
უნდა აადულოს ზღვები,
უნდა გადაადნოს ქვეები,
უნდა აადილოს მდინარეები,
უნდა აგრგვინოს ღრუბლები?..
თუ ისე წავა,
როგორც ქარი დაჰქროლებს ხოლმე —
ხეს გადალუნავს,
მწვანე ტოტებს ააფრიალებს
და ტანის გრეხვით გაფრინდება სხვა ხეებისკენ.
რატომ მოვიდა ეს სიყვარული?

მევენახის სიკვდილი

გარდაიცვალა მევენახე.
რძალმა სამხარი რომ მიუტანა
ვაზებში იწვა ისე მშვიდად, ისე ლამაზად,
თითქოს შვილების გვერდით ეძინა
და შაბიამის ლურჯი ზღვები ესიზმრებოდა.
— შენდობა ჰქონდეს,
ვისი სულიც, ვისი ნამუსიც
ამ მიწას მოსდევს და აცოცხლებს დასაბამიდან,
ვისი ოფლიც კი გაუონილა ვაზის ძირებში —
ასე იცოდა თქმა,
ვენახში პურს რომ გატეხდა,
თოხის პირზე რომ შუადღის მზე თავს იწონებდა.
სამხრის დასასრულს პატარა ყანწს კვლავ გაავსებდა:
— ღმერთო მაღალო,
არ დაუკარგო ჩვენს სიტყვას ფასი,
არ დაუკარგო ჩვენს სიტყვას ძალა, —
მოქნეული ხმლის, ვენახებში ამართულ თოხის,
ბელტებში დინჯად მიმავალი ხარ-გუთნის ძალა.
ახლა ველარ თქვა —
დაეძინა უსაზღვრო ძილით
და შაბიამის ლურჯი ზღვები ესიზმრებოდა.
ის გადავიდა,
ის ჩავიდა,
მაგრამ არ ჩაქრა.

ის ჩაიძირა ვენახების ოკეანეში
და მე ვხედავდი —
მისი თმები იქცნენ ფესვებად.
მისი თვალები გადაიქცნენ ყურძნის კუმპლებად.
მე დაინახე, როგორ იქცნენ ვაზის ფოთლებად
მისი ხელები.
მისი ტანი კი ველურ ვაზს გავდა, —
ვაზიდან ჩვენი წინაპრები ჯვრებს აკეთებდნენ
და ეკლესიის კარებს თლიდნენ.
ის ჩადიოდა ძალიან ღრმად,
უხვედრ ფენებში,
იმ უსასრულო წიაღებში ჩაჰქონდა ფესვი,
სადაც მტრის ხელი,
მტრის წერაქვი ვერ ჩასწვდებოდა.
ის ჩადიოდა,
როგორც ლუზა, რომ მგრგვინავ ქარებს
არ მოეგლიჯათ ხომალდი და არ დაემსხვრიათ.
ის ჩადიოდა ძალიან ღრმად,
რომ გაზაფხულებს
ახალ უმძლავრეს სიმღერებად ამოეტყორცნათ.
ის ჩადიოდა,
რომ ამ მიწის ადგილის დედას
დედის მანდილის დამცველებად ამოეგზავნა.
მან ჩაიტანა ისტორია იმ ღრმა ფენებში,
როგორც რისხვა და როგორც მიზანი,
როგორც იმედი და როგორც ცეცხლი,
როგორც მეხი და როგორც გრიგალი,
როგორც ლოცვა და როგორც სანთელი.
არც შვილები და არც სხვა ხალხი —
მკვდარ მევენახეს
ეს კახეთის მზე,
ეს ალაზნის ცისფერი ველი,
ალაზნის ველზე მოელვარე ცისფერი ზღვები
ასაფლავებდნენ —
თავის დაღლილ შვილს ისტუმრებდნენ
და უკანასკნელ სადღეგრძელოს ეუბნებოდნენ.
უკანასკნელად გაიხედა ისტორიისკენ
და დაინახა ამირანი კლდეზე დაბმული.
მან გაიგონა ყორნის ფრთების შავი შრიალი
უერთდებოდა ამირანის სისხლიან კენესას.
ის კენესა მთიდან დაგორებულ ლოდის ხმას ჰგავდა.
მან გაიხედა გამოვლილ გზისკენ
და დაინახა აიეტის სამეფო კარზე
გადაიშხივლა მრისხანებამ, როგორც კომეტამ
და წამოვარდა ვეშაპვიით მძინარე ქარი.



•

კა ყმან თავს ყმად მიდებდეს,
უშლელ ციხეს მიგებდეს,
დარდის კოშკებს მიღწედეს,
სისხლით ფიცთ წიგნს მიწერდეს,
ფეჰქეშ ფარდაგს მიფენდეს,
წყლულში ლურჯ ბრძამს მიფევდეს,
შურ-მტერიანთ მიცელდეს,
ზამთრის ყურძენს მიწევდეს,

ხოხობ-კაკაბს მიჭერდეს,
მთვარესად' მზეს მირწევდეს,
დალალ-კავებს მიგრებდეს,
ცად სავალ ჯაჰვს მიწნევდეს,
ანგელოზსთან ნათქვამ ფიცს
ვერცრაგვერ ვერ მირყევდეს, —
ლექს ერთ წუთს არ მაცლიდეს,
სადარბაზოდ მიწვევდეს.

•

თავის ცა-ღურბლის მონატურო,
მდულარე ცრემლებ მონაწურო,
ზურმუხტ წყალ-ჭალა' გაწირულო,
შხამიან პირით დაკმილულო,
გულს გლოვის მანდილ დახურულო,

ხალიზ დაჯურულ-დაწურულო,
სულს გმინვა-ჩივილ აჩენილო,
დარდის ტარებად გაჩენილო.
დედულიდ' მამულ მონაწყურო,
ცხვათ მიწას ცრემლად მონაჰკურო.

•

ა, ის ღრუბელინ' მიყვარან, ბოროლაზე რო
დიანო...

ხალხური

მე ა, ის ღრუბელნ მიყვარან,
სპეროზის თავ რო სცრიანო,
ა, ის წყარონი მიყვარან,
წელფერდს რო ჩამოსჭრიანო.
მე ა, ის მზის სხივენ მიყვარან,
ნისლებს რო ამოღგლიანო,
ა, ის ქარ-ბორბალნ მიყვარან,
ხეებს ფესვამდ რო ხრიანო.

ა, ის ჯევის წყალნ მიყვარან,
საზღვრებს რო კმლით სთხრიანო,
ა, ის სათიბენ მიყვარან,
ჰილტა'ებ ყურს რო სჭრიანო.
ა, ის ღურბლის ჯარნ მომწონან,
ხანდხან მეხთაც რო ხყრიანო,
მე ა, ის ნისლებ მაცოცხლებს,
სპეროზის თავ რო სცრიანო.

•

მთრების წყალ მოვ, მთრებელსავით
შუ'მპუარიდ' მართალ,
ნაწვეთ მღერის წკაპა-წყუბით
ბანედაის კართან.

წართხალ თეთრად შებერებულ,
ცირცელ ღვივის სახლთავ,
ბინდდებ, სოფელ იმალების,
დგას ძაღლების წკაე-წკაე.

* ჰილტა — კალია

* შუ'მპუარიდ — შეუპოვარი

არწივის მკარ-ბეჭ ხქონდავ,
ჯარ-ირმის ყვირილივ,
შურთხის თვალეზ ხქონდავ,
შელის ნუკრის ტირილივ.

ღურბლებ იწეწავენ ჩამონარცხილ თმებს,
გამა'ხედვენ* მთელ ზამთრ ნაწუხ, სულშეხუთულ მთებს,
ზევის ნაჯურნ გიკვაღავენ თავქვიასკ გზებს,
ჩახკრფს თავის უბე-ჭოჩხში** ალაზან ცივ წყლებს,
ბუბუნა'ებ მიხქ-მოხქარგვენ ფარდაგებით გზებს,
ხეებ ნელა შა'ცხროებენ ფოთოლმღერით ტყეს,
ხვეერდ ჩე'ცმებ მოზიბინეა ჩამოშაულ მთებს,
გუ'ჩინდების საგურგურა გულის მიჯნურ მწყერებს.

* გამახედვენ — გამოახედებენ.

** ჭოჩხი — კალთა.

ციკლიდან „თუში ქალის ნათყვანი“

საიქოს გზაიავ
ყვავილებით ნაქარგივ,
საიქო არისავ
ყველა დარდის საკარგივ,
საიქოს მთაიავ

წვერნაწვედენივ ცათამდივ...
წე'დივ, წე'დივ, — მაქეზებდ,
სამზეოსად გათავდივ...
ფექს უკვენ ვზღვმოდ, ვჩიფჩიფებდ:
მაქავ ვიყოვ ნატანჯივ.

არ, არ, თქვენ სულს დავენაცვლ,
თქვენ ლეგ-ლუგა ქათიბებს,
თქვენ დავგაღულ შუბლებსა-დ
თქვენ ნათესარ-ნათიბებს,
თქვენ ჭრელ-ჭრულა წინდაებს,
თქვენ თავსაყარ საფიხენეს,

თქვენ ნაცვეთარ ბილიკებს,
თქვენ გადამრჩენ ნაციხრებს,
თქვენ კმალ-ხანჯარს, თავჩაჩქნებს,
ყანის სამკალ სათითრებს...
ჰო, ჰო, თქვენ სულს დავენაცვლ,
საფერაო-საფიცირებს.



პარასკევი, შაბათი და „გამოტოვებული“

მოთხრობა

მე ამ მოთხრობას ხელმეორედ ვწერ. ცდის სახეს მივცემ ამ საქმეს. დავწერ ხელმეორედ მოთხრობას სათაურით — „პარასკევი, შაბათი და „გამოტოვებული“ და შევადარებ პირველ, ამავე სათაურის მქონე მოთხრობას, რომელსაც მზის სინათლე რომ ეხილა, შეეძლო უმოკლესი გზა გაეკაფა ჩემთვის მკითხველთა წარმოსახვითი გილიოტინისაკენ.

ასეთი მოთხრობები საკმარისზე მეტი მაქვს. ისე მიწყვიტა, როგორც კონსერვის ხუფწამობერილი ქილები — გადაყრაც მენანება, მოწამვლისაც მეშინია. მაგრამ ამ ბოლო მოთხრობასთან ახლოსაც ვერ მოვა ვერც ერთი. წაკითხვა და გაოგნება ერთია. სამად სამ დღეში მომხდარი, მეტად ჩვეულებრივი ამბავი ისე გავებრე და გვაბაჭიბუქე, ისეთი დრამატული ბული დავაყენე, გახსენებაც მიმძიმს.

მაშინ პირობა დავდე, არაფრის და არავის გულისთვის...

სულ ერთია, მაინც მკითხავენ, რას ნიშნავსო „არაფრის და არავის გულისთვის“, ამიტომ აჯობებს, ახლავე ავხსნა, თუ რამ მიბიძგა ასეთი სამარცხვინო ნაბიჯისკენ.

ერთხელ, მეგობრების ვიწრო წრეში, პირობა დამიდგია, აღარ ვიზარმაცებ და ვიმუშავებ-მეთქი. მაიძულებდნენ, ნებით ამას ვერ ვიზამდი. მართო ეს რომ ყოფილიყო, კიდევ არაფერი. მაგრამ თურმე ამ პირობის დადებისას უკიდურესად სანდომიანი გამოხედვა

მქონია და მათ ეს რამდენიმეჯერ უსინდისოდ შემახსენეს. |

ჩემს ტუბილ მეგობრებს ეგონათ, რომ მე მათი თხოვნით შევექმნედი უზადო ქმნილებას სათაურით „პარასკევი, შაბათი და „გამოტოვებული“ და ისინი, თვითონ არაფრისმაქნისები, იამაყებდნენ ჩემით. ამიტომ და კიდევ იმიტომ, რომ სიტყვა მივეცი, თავს ძალა დავატანე და აღვწერე ქვემოთ მოცემული ამბავი.

წარუმატებლობამ დიდი სამსახური გამიწია. მე მივხვდი იმას, რაც აქამდეც უნდა მცოდნოდა: ყველაზე ძვირფასი ადამიანის სიყვარულისთვისაც კი ვერ გავაკეთებ ვერაფერს, თუ თავს დავინდობ და ჩემს ნაწილს არ ჩავაყოლებ სტრიქონებს.

ცდის არსიც ამაში მდგომარეობს — დროებით, მხოლოდ დროებით გადავიწყებ მეგობრებს და ამჯერად ვიქცევი ახალგაზრდა ექიმ ქალად და სახელად ლიზას დავირქმევ.

სალამი, შენდა, მუხა, მაწანწალა დედაკაცო!

თქმა რად გინდა, ისედაც ვიცი, გეჩქარება, ბევრი გელოდება, მაგრამ თუ მაგ მკერდში ნამდვილი მუზის გული გიძგერს, დამიჯექი ცოტა ხანს და სხვებთან შენი. ორეულები გაავზავნე. დამიჯექი თუნდაც იმიტომ, რომ ერთ-თავად მამაკაცებთან დადიხარ და მეტად

გულუბვი ხარ მათ მიმართ. რას კარგავ, ხომ უკვდავი ხარ, ყელამდე დრო გაქვს და ხანდახან ჩვენც დაგვხედე, იქნებ შენი სათუთი ნერგებისთვის არც ჩვენ დაგახვედროთ მწირი ნიადაგი.

გადამიფრიალე თავზე ეგ შენი სიფრიფანა ფრთა, ამიშალე ერთფეროვნებისაგან მაგრად ჩაწნეხილი სიტყვათა და აზრთა მარაგი და ისე ოსტატურად ამაწყობინე, ბევრი, ძალიან ბევრი თაყვანისმცემელი გამიჩინდეს.

უმაღლური არ ვიქნები — თაყვანისმცემელთა მეოთხედს შენ დაგიტომბ. კარგი, მესამედი იყოს. არც ერთთ მეტი! ბოლოს და ბოლოს არავითარ ხარჯებს შენ არ სწევ, მხოლოდ ფრთის აქნევა დაგჭირდება და ეს გარგებს კიდევაც. ამ ბოლო დროს ისედაც გასუქდი, დამძიმდი და გატლანქდი.

რა შუაშია აქ ვაჭრული სული? ნუთუ შენ უარყოფ იმას, რომ საბოლოო ჯამში კეთილსინდისიერი, ურთიერთშეთანხმებული გარიგება საუცხოო რამაა?

ამასთან, ვაჭრული სული რომ მქონოდა, ასეთ წინადადებას კი არ შემოგთავაზებდი, გეტყვოდი, თაყვანისმცემლები შენ, ფული მე-მეთქი, მაგრამ არ გაკადრე, ჩემმა შეგნებამ არ დამართო ამის ნება. ამასაც რომ თავი გავუნებოთ, ფულს, მოგებსენება, ხუთი ფუნქცია გააჩნია და არც ერთ მათგანს შენთან ხელი არა აქვს. იმიტომაც ხარ უკვდავი. მე კი, საცოდავ მოკვდავს, ფული მჭირდება თუნდაც იმისთვის, რომ შენ — ასერიგად ნანატრ სტუმარს, პირგამეხებულს და ავზნებულს არ დაგვხედ.

ხომ ხედავ, რა ფართოა ჩემი აზროვნებისა და სურვილების ჰორიზონტები, ამიტომ იყავ კეთილი, მომწყვდიტე ყოველდღიურ ცხოვრებას, ამიყვანე სხვებზე მაღლა მათთვისვე სასარგებლოდ და მაწერინე და მაწერინე ტყუილი და მართალი.

წინააღმდეგი თუ არ იქნები, პირველი მოთხრობიდან, რომლის შექმნის

დროს შენ, ეშმაკმა იცის, სად დაძვრებოდი, სათაურს დაეტოვებ.

როგორც ჩემი თანავტორი, თავს ვალდებულად ვთვლი, ჩავაყენო საქმის ვითარებაში: „პარასკევი, შაბათი და „გამოტოვებული“ ნიშნავს სამ დღეს — პარასკევს, შაბათს და კვირას.

დღეები ჩემს წარმოსახვაში მეხსიერებამ სკოლის დღიურში ჩაწერილი ცხრილის მიხედვით ჩაბეჭდა. ორშაბათი — პირველი გვერდის პირველი დანაყოფი, სამშაბათი — პირველი გვერდის მეორე დანაყოფი და ასე შემდეგ. მხოლოდ კვირაა გამოტოვებული, კვირა არ ჩანს არსად. ამის გამო დღემდე კვირა ჩემთვის საერთო განრიგიდან ამოვარდნილი, ფურცლის შიგნით ჩაკარგული, თითქმის ცარიელი დღეა.

მიუხედავად ამისა, კვირალდე ჩემთვის იგივეა, რაც ბავშვებისათვის ზაფხულის არდადეგები, მაგრამ არც ისე შინაარსიანი.

მახსოვს, პირველი მეოთხედის დასაწყისში დამრიგებელმა ასე გვითხრა, ეს მეოთხედი თქვენი ცოდნის საფუძვლის ჩამყრელია და, ამდენად, ძალზე მნიშვნელოვანია. აბა, თქვენ იცით, კარგად ისწავლეთო.

შემდეგ გამოირკვა, რომ ყველაზე მოკლე მეორე მეოთხედი არაფრით ნაკლები არ ყოფილა პირველზე. ამას მოჰყვა ხანგრძლივობით გამორჩეული მესამე მეოთხედი, რომლის უდიდეს მნიშვნელობას, გიჟი თუ არ იყო, ყველა მიხვდებოდა. მეოთხე მეოთხედზე რაც ითქმებოდა, თავისთავად ცხადია.

ასე რომ დავიბენით. გუმანი გვკარნახობდა, რომ ლამაზად გავგაცურეს, მაგრამ, კერძოდ, როდის, ამას ვერ მივხვდით.

ბოლოს საკუთარი აზრი დაგვებადა — ყველაზე მნიშვნელოვანი ყოფილა არდადეგები, კარგი დასვენება და ძალის მოკრება, რათა ყველაფერი ეს თავიდან მოგვესმინა.

დაახლოებით ასეთია ჩემთვის ახლა კვირალდე: მსუბუქი საქმე, შუადღის



ძილი, ვასართობი წიგნები და პირადი ჰიგენა.

ხსენებული „გამოტოვებული“ ბევრად არ განსხვავდებოდა სხვა კვირადღეებისაგან. მაგრამ სჯობს თანმიმდევრობით, დღიურის მეორე გვერდის მეორე დანაყოფით დავიწყეთ.

პარასკევი გათენდა უქარო, ოდნავ ნისლიანი, მაგრამ თბილი და ეს უკვე კმაროდა იმის მიზეზად, რომ სახლიდან მშვენიერ ხასიათზე გამოვსულიყავი.

უჩვეულო სიმსუბუქით მივაბიჯებდი ქუჩაში. სხეულის არც ერთი ნაწილი ნათხოვარი არ მეჩვენებოდა, ნამდვილად ჩემი იყო და ადვილად ვიმორჩილებდი.

არავისთვის არასდროს მიკითხავს, როგორ აგვარებენ საქმეს თავის სხეულთან. უმრავლესობას, ალბათ, სისულელედ მიაჩნია ამაზე ფიქრი, მე კი „ხელები სად წავიღო“-ს საკითხმა სიცოცხლე გამიმწარა.

რამდენჯერ მიოცნებია მსახიობობაზე, მაგრამ როცა წარმოვიდგენდი რომ ვიღაცის სურვილით უნდა გამეგლო ამ წერტილიდან იმ წერტილამდე და ეს სრულიად ბუნებრივად უნდა გამეკეთებინა, სწრაფადვე ვიღებდი ხელს განზრახვაზე.

ერთხელაც, აღმოჩენა გავაკეთე. სიარულისას მუსიკის ხმას თუ გავიგონებდი, დაძაბულობა იმწამსვე მეხსნებოდა და რიტმს აყოლილი ბუმბულივით მსუბუქი ვხდებოდი.

უცნაური ხასიათის გამო არ გავამხილე ეს საიდუმლო — მინდოდა სხვებს აღმოვეჩინე, თვითონვე ამოეცნოთ ჩემი ეს თავისებურება და მერე მე ვიციოდო.

უქმად მაინც არ ჩაუვლია ამ სიახლეს. თუ მუსიკის ხმა არსაიდან ისმის, ჩუმად ვლიღინებ და ასეთი გზით ვალწევ საკუთარი სხეულის ფლობით გამოწვეულ სიამოვნებას.

მგონი, ისეთი შთაბეჭდილება შეეჭმენი, თითქოს ზედმეტი წონა მაწუხებდეს და ძლივს დავთრევდე სხე-

ულს. პირიქით, ჩემი სიგამბდრე ნაცნობების საყვარელ სახუმარო თემატურაზე ულა, მაგრამ მე ეს იოტისოდენადაც არ მწყინს. ამას ხომ უამრავი დადებითი მხარე ახლავს.

მაგალითისათვის, ვზივარ მეტროს ვაგონში. ვზივარ ფეხი ფეხზე გადადებული, თვალებმინაბული. ბუხს არ ვაფრენ. ამ დროს შემოდის ფაშფაშა ქალი, პირდაპირ ჩემკენ იღებს გეხს, თვალში ვეპატარავები. გამწევს ხელით და უბოდიშოდ მაჯდება ბარძაყზე. ბედის კმაყოფილია, თავს არხეინად გრძობს. შემდეგ გაჩერებაზე ვაგონში ასეთივე ჩასუქებული ქალი შემოგოგდება და მაინცდამაინც მე დამადგამს თვალს. იმ პირველი ქალის ქვეშ რომ არ ვიყო ამოდებული, ესეც უყოყმანოდ იგივეს ჩაიდენდა. ამ დროს მე — თავაზიანობის განსახიერება — მკვიცხლად ვდგები და ადგილს ვუთმობ ახლად შემოსულს. იმ ადგილს, რომელზედაც ნორმალურად განვითარებული ორი წლის ბავშვიც ძლივს დაეტეოდა. ძნელია იმის წარმოდგენა, რა ნეტარებას განვიცდი ამ ორი ქალის შემხედვარე, დაბნეულები რომ შესეკქერიან ერთმანეთს. ვალმოხდილი სახით შორი-ახლოს ვდგები და მოქმედების განვითარებას ვადევნებ თვალს. უფრო ხშირად ახლად შემოსული ისეთ სახეს იღებს, თითქოს ჯდომა სასტიკად ჰქონდეს აკრძალული.

ეი, ქალბატონო მუზა, რა ცელქობის გუნებაზე დამდგარხარ?! ახლავე დამბარუნე ჩემს სათქმელთან და აღარც შეეცადო ჩემს გასულელებას!

ამრიგად, მსახიობი ჩემგან არ გამოვიდა და იმ პარასკევ დილით ღიღინით მივიდიოდი სამსახურში. ჩრდილის მოხდენილობით გაცოცხლებული და ნასიამოვნები იმას ვფიქრობდი, სიცოცხლის რამდენი წელიც არ უნდა ერგუნებინა ბედს ჩემთვის, მაინც უსამართლო იქნებოდა ჩემს მიმართ. სულ რამდენიმე დღის წინ თვითმკვლელობაზე რომ ვფიქრობდი, უთუოდ სიგიჟესთან ახ-

ლოს ვიყავი. თვალი არ მეცეს, ჯან-
მრთელი ვარ, ჩემი საქმე მომწონს,
სიყვარულის უნარი ჯერ არ დამიკარ-
გავს და, რა ჯანდაბა უნდა მინდოდეს იმ
მოსაწყენ სამარეში? გულშიც აღარ
გავივლებ ასეთ ცოდვას.

პოლიკლინიკა, სადაც მე ვმუშაობ,
ქალაქის გარეუბანში იმყოფება. ამ
ძველ. ორსართულიან შენობას უკვე
დიდი ხანია ალებას უპირებენ, მაგრამ
თანამშრომლებს, რომლებიც ახლომახ-
ლო ცხოვრობენ, ვერა და ვერ მოაცუ-
ვლევინეს ფეხი ადგილიდან.

შენობა გორაკზე, მისასვლელად ძალ-
ზე მოუხერხებელ ადგილზე იდგა და
პაციენტებს, თუ მაინცდამაინც დიდი
გაჭირვება არ ადგათ, ეზარებოდათ იქ
ამოსვლა. ამიტომ საქმე ცოტა გვექონდა
და ვმუშაობდით წყნარად და შეხმა-
ტკილებულად.

პირველ სართულზე, რეგისტრატუ-
რასა და ლაბორატორიაში, ძირითადად
ახალგაზრდა გოგონები მუშაობდნენ.
მათ თავიანთი წრე ჰქონდათ, უფრო
მხიარული და მეგობრული. მეორე სარ-
თულს შედარებით სოლიდური იერი
ჰქონდა. საქმიანი გამომეტყველებით
ვისხედით ყველანი, რათა მომსვლელთა
რიდი და პატივისცემა დაგვემსახურებინა.
ეს აუცილებელი პირობა იყო პოლიკ-
ლინიკის პრესტიჟის დასაცავად, მას
ხომ უზარმაზარი ნაკლი ჰქონდა — დე-
რეფენებში წამლების სუნი არ იდგა.
წამლები ცოტა გვექონდა და ისიც ისე-
თები, სუნი რომ არ ასდიოდათ. ამიტ-
ომ, ჩვენი არსებობის საჭიროება
რომ დაგვემტკიცებინა, შეძლებისდა-
გვარად მკაცრები ვიყავით.

როგორც კი მივუახლოვდი შენობას,
ჩრდილთან თამაშს თავი დავანებე. თავ-
დაპყრილად მივესალმე გოგონებს, ავე-
დი კიბეზე, ჩავუარე ჩემს კაბინეტს,
შევადე კარი წარწერით „მთავარი ექი-
მი“ და გამეღიმა.

აგერ, უკვე მეათე დღეა, ამ ოთახში
ვმუშაობ, მაგრამ ჯერ კიდევ ვერ შევე-
გუე აქაურობას. სხვისი ტანსაცმლის

სუნი, სხვისი ხელით ნაწერი უბრა-
ლები, სხვისი გემოვნებით მორთულ
კედლები — ყველაფერი სხვისი. უცნო
ნივთებს ვერ შევეგუე, თანამდებობა
კი ადვილად შევიფერე. ერთდროულად
კეთილი, მომთხოვნი და სამართლიანი ვი-
ყავი თანამშრომლებთან. თავაზიანი მო-
მსვლელებთან. არაჩვეულებრივი აქ არა-
ფერი იყო, ეს ხომ ჩემი შინაგანი ბუნე-
ზიდან გამომდინარეობდა. ასე მჯერო-
და მე, მაგრამ ზოგჯერ გამიილეებდა
აზრი, რომ ერთ მშვენიერ დღეს მთავა-
რი ექიმის ადგილი საბოლოოდ განთა-
ვისუფლდებოდა და ჩემგან ნაფერები
ხალხი სიტყვას შემაწყევდა ამ თანამ-
დებობის დასაკავებლად. გულის კუნ-
ჭულში ისე თბილად გაიფაჩუნებდა
ეს იმედი, ისე ნაზად ესალბუნებოდა
ჩემს თურმე არსებულ პატივმოყვარეო-
ბას, რომ პატარ-პატარა ანგარებებს ად-
ვილად ვპატიებდი ჩემს თავს.

ვუხელომდვანელებდი ორიოდ ათეულ
ადამიანს და შით ცოტათი მაინც მო-
ვადუნებდი საკუთარი თავისადმი სიბ-
რალულის შეგრძნებას, ასე რომ მილ-
რდნიდა გულს.

დღის ბოლომდე მონდომებით ვიმუ-
შავე, ყველაფერი მოვაწყსრივე და ის-
ის იყო წამოსვლას ვაპირებდი, რომ
ოთახში ახალგაზრდა ბიჭი შემოვიდა.
სწორი, მოხდენილი ცხვირი და ლამაზი
ტუჩები ჰქონდა. გამხდარი იყო და ისე-
თი სხარტი, რატომღაც, თავი ვალდე-
ბულად ჩავთვალე, დაუყონებლივ მეპა-
სუხა ყველა მის შეკითხვაზე.

— მთავარი ექიმი მინდა, — თქვა
შემოსვლისას.

— შევბუღებაშია. მე ვცვლი.

აბა, ღმერთი ჩემს მხარეზე ყოფი-
ლაო, ჩაილაპარაკა, სკამი მაგიდასთან
მოიდგა, დაჯდა და თითები ერთმანეთს
გადააჭლო.

— ბიულეტენი უნდა მომცეთ, —
გადაჭრით მითხრა.

— გეტყობა, ჩემო მეგობარო, პირ-
ველად ხარ ავად, — ირონიით ვუპასუ-
ხე.

— ავად თქვენი მტერი იყო. კაჟით ვარ.

— მაშ, როგორ მოგცეთ ბიულეტენი? — ვკითხე.

— ნაცნობობით.

მომკალით და ასეთი ხალხისადმი გულგრილი ვერ დავრჩები.

გამეცინა, მერე შეწუხებული სახე მივიღე:

— რა უხერხულ მდგომარეობაში ჩამავადე, რომ იცოდე. ეს საქმე ხომ უბნის ექიმს ევალება.

— ვიყავი უბნის ექიმთან, — მიპასუხა სწრაფად. — საშინელი ვინმეა. მიკვირს, როგორ აჩერებთ თქვენთან. ერთი ამბავი ამიტხა და გამომავლო. თანაც, უზრდელი ხარო, ასე მითხრა.

თანაგრძნობის იმედით შემომხედდა და როცა მე წარბები ზემოთ ამეზიდა, კმაყოფილმა განაგრძო:

— ჩემი ზრდილობა აბუჩად ჯერ არავის აუგდია. ისეთი გადაყრუებულობა, თავისი ახალგაზრდობა აღარც ეხსომება და მე რას გამიგებდა. აი, თქვენ სულ სხვანაირი ხართ.

თვალეში თაფლი ჩაიღვარა და მზის სხივები ჩაიყენა.

— შენ, გეტყობა, ეშმაკსაც ამოსდები ლაგამს, — ვუთხარი. — ალბათ, ცოტა გაცხარდი და კარგად ვერ აუხსენი შენი გასაჭირი.

— ნახევარ საათს ვუხსნიდი, — ხელები აიქნია. — გულახდილად, ადამიანურად ვუთხარი, გოგო მიყვარს, ესტონელი. ახლა დედამისთან ერთად ჩამოვიდა, ბიჭვინთაში არიან და რომ არ ვნახო, ავად მაშინ გავხდები. ან გავგიჟდები, ან სულაც მოკვდები. ეს ურჩევნია იმ ქალს?

— არა მგონია, აქ არავინ გვყავს ასეთი მახინჯი სულის პატრონი. შენ ესეც უთხარი, დააშინე შენი ჯანმრთელობის შერყევით?

— კი.

— მაინც უარზეა?

— ყურიც არ შეიბერტყა.

— სწორად მოქცეულა. ყალბი საბუ-

თების შედგენისათვის ჩვენთან რად ისჯებიან.

ბიჭი ერთხანს გაოცებული მიყურებდა, მერე მე კი არა, უფრო თავისთვის შესძახა:

— კი მაგრამ, იცით რამდენი ჩვენებური ბიჭია ახლა იქ? ენე კი ისეთი ლამაზია!

და დაწვრილებით ამიწერა ენე. ისეთი სურათი დამიხატა, ცოცხალ ადამიანს ჯერ არ უშობია.

სიტყვა არ გავაწყვეტინე. პირიქით, მინდოდა დიდხანს ელაპარაკა და გაეხანგრძლივებინა ჩემთვის უცნაური სევდის შეგრძნება.

ვუყურებდი ბიჭს. უცებ, როგორც არაერთხელ დამმართნია, მომეჩვენა, რომ ეს ოდესღაც უკვე იყო. ვისხედით მე და ეს ბიჭი ერთმანეთის პირისპირ და მე ვნატრობდი, დიდხანს გაგრძელებულიყო ასე. მერე ოთახში ვიღაც უნდა შემოსულიყო და ჩვენი მყუდროება დაერღვია. არ მახსოვს, მომსვლელი თვითონ იყო შავბნელი და არასასიამოვნო პირი, თუ ცუდი ამბის მომტანი უნდა ყოფილიყო.

ისე ვიყავი ამაში დაჯერებული, რომ მოლოდინით მივაჩერდი კარს, მაგრამ არავინ შემოსულა. ალბათ, მოვლენები მაშინ სხვაგვარად წარიმართა.

ერთი რამ მაოცებდა ყოველთვის. ნუთუ ბუნებას, ასეთ დიდ გამომგონებელს, უფრო ახლისა და უკეთესის მოფიქრება არ შეუძლია და მანც და მაინც ვილაციასგან ნასესხები სული უნდა შთაგებდეს? ეჭვი მეპარება. ამ ამბავსაც სიზმარში ვნახავდი, უეჭველად სიზმარში ვნახავდი და აღარ მახსოვს. წესით, ამ ბიჭს იშვიათი სახელი უნდა ერქვას.

— რა გქვია? — შევეკითხე.

— ანდრო.

— სად მუშაობ?

— მოზაიკების ასაწყობ საამქროში. ძალიან კმაყოფილი ვარ სამსახურით, მაგრამ ახალი მისული ვარ და შეგებულება არ მეკუთვნის. ფულის საკითხი

სრულებით არ მადარდებს, ადგილის დაკარგვა კი ნამდვილად არ მინდა. ხომ გესმით? მიშველეთ, რა! — ბავშვივით შემომიხვეწა.

— მომისმინე, ანდრო. თხუთმეტი წლის ბიჭი მყავს. მისთვის დედაც მე ვარ და მამაც. აქედან გამომდინარე, ადგილის დაკარგვა არც მე მაწყობს.

ანდროს ხმა აღარ ამოუღია, მხოლოდ ტუჩები გამობერა. ან ბედს ურიგდებოდა, ან სხვა გამოსავალს ეძებდა.

უცებ, რაღაც ეშმაკად, თავი დამნაშავედ ვიგრძენი.

— რომ შეგვამოწმონ? — ვკითხე, თუმცა ვიცოდი, ამაზე ვერაფერს მიბასუხებდა.

წამოვდექი და ფანჯარასთან მივედი. პილიკლინიკის ულიანდაგო ეზოში მატარებელი შემოვიდა, სვლა შეანელა და ბოლოს გაჩერდა. მგზავრებს შორის ხელად გამოვარჩიე ანდრო, რომელიც მოხერხებულად იკვალავდა ხალხში გზას და სადღაც მიიჩქაროდა.

შემოვბრუნდი, ავიღე ფურცელი, კალმისტარი და ანდროს გავუწოდე:

— დაწერე შენი ვინაობა, მისამართი, წლოვანება და სამუშაო ადგილი. სამი დღე გეყოფა?

— ხუთი! — წამითაც არ დაფიქრებულა, ისე მიპასუხა.

მიხვდა, რომ მომხიბლა. სწრაფად დაწერა, რაც ვუთხარი, მადლობა მომიხადა და გარეთ გავარდა.

ფურცელი ავიღე და მის ქვეშ გაცეცილი ორმოცდაათმანეთიანი დავინახე. ფულს ხელი დავავლე და ანდროს გავეკიდე. კიბეზე ჩარბოდა.

— ანდრო! — დავუძახე.

ამოიხედა.

— ეს რა არის?

გაიცინა, მადლიერების ნიშნად მკერდზე მიიდო ხელი და გზა განაგრძო. ჩემთვის ჩავიბურტყუნე, ამდენი მაინც რა საჭირო იყო-მეთქი და ოთახში შემოვბრუნდი.

კარი, შიგნიდან ჩავრაზე და მთელი

ტანით ავეკარი. ყელიდან და ყურებიდან სიმხურვალე წამოვიდა და პიტხუცხუცხუ ხეზე მომედო.

ვითომ არ შემიმჩნევია, ანდრომ ფურცლის ქვეშ ფული რომ ამოსდო, რა გაცეხული და აღშფოთებულიც კი დავრჩი!

ეტყობა, იმ დროს ჩემი შინაგანი დამცველები ამოქმედნენ. ადამიანის — ამ შემთხვევაში კი ჩემი — სული ხომ სათბურის ყვავილივით ნაზია და ეს გონივრული მოწყობილობა-რომ არ გვიცავდეს ასეთი დედობრივი მზრუნველობით, უშველად ყველანი ტაკატაკუცით გადავიწვებოდით.

ამავე დროს ვიღაც უცნობი დაჟინებით ცდილობდა ჩემს გამოტეხვას, რომ ვითვალთმაქცე. დაე, ასე, იყოს, შევამჩნიე! მაგრამ თხოვნით მე არაფერი მითხოვნია და ანდროსმაგვარი სულელები თუ არსებობენ, რა ჩემი დანაშაულია.

ფული მაგიდაზე დავაგდე. ოთახში სიარულს მოვყევი, მერე სკამზე ჩამოვჯექი, მუშტი მუშტს დავადგი და ზედ ჩამოვდე ნიკაპი.

ეს მწვანე პეპელა ასე იოლად და უსირცხვილოდ ჩემთან პირველად შემოფრინდა. ვერც გავერკვიე, როგორ უნდა დავხვედროდი. რაღაც გარდატეხა უნდა მომხდარიყო ჩემში, თითქოს მწვერვალს მივალწიე და სულის შებერვაზე ერთ-ერთ მხარეს უნდა დაქვანებულიყავი. წინასწარ ვიცოდი, საიდანაც დაუბერავდა სიო და არც წინააღმდეგობის გაწევას ვაპირებდი, მაგრამ გული მაინც მეორე მხარეს მრჩებოდა. იქ, სადაც რჩებოდა ჩემი ახალგაზრდობა, უშუალობა და ყველაზე მეტად გულდასაწყვეტი — უდარდელობა მწერთა ამ ნაირსახეობის მიმართ.

ფულთან მე ჩემებური, ბევრისაგან განსხვავებული დამოკიდებულება მქონდა. უდარდელობა თავიდან იყო — სიყმაწვილეში. მერე გამიჩნდა აზრი, რომ ჩემი სილამაზე ისედაც მაძლევდა ნებას სადა კაბაშიც მოხდენილი ვყო-



ფილიყავი, სახის ცოცხალ ფერს ვერაფერს დააკლებდა მორიდებული სადილი, ხოლო იმისათვის, რომ ბევრი მენახა და გამეგო, უცხო ქვეყნებში წიგნებით მოგზაურობაც კმაროდა. შემდეგში, შეჩვენებული ვიყო, თუ მახსოვდეს, როდის და რატომ, ფულთან გაჯიბრების დიდი უინი გამიჩნდა.

გაუგონარი თამაში წამოვიწყე. ნაცნობებს თავს ვაწონებდი. რას აღარ ვაკეთებდი, ვხუმრობდი, ვცრუობდი, ვიგონებდი ათასნაირ გასართობს და მეტად ემოციურად გადმოვცემდი. პირად განცდებს იმ იმედით, რომ ჩავითრევდი თუნდაც ერთ ადამიანს, ვინც სარფიან საქმეზე წასვლას ჩემთან ყოფნას ამჯობინებდა.

ბევრი ეთანხმებოდა ფულზე ჩემს დამცინავ შეხედულებას. მეთანხმებოდნენ, არ უარყოფდნენ, მაგრამ როგორც კი საშუალება მიეცემოდათ, თავდავიწყებით მისდევდნენ ხსენებულ ჭრელ პეპლებს და პირწმინდად ვაიწყდებოდი მეც, ესეც და ისიც.

მიამიტობისათვის მხოლოდ ბავშვები არ ისჯებიან და ასეთ შემთხვევებში მე ისე დამცირებულად, ისე ეულად ვგრძნობდი თავს, თითქოს ჩემს პირად და ძლიერ, მაგრამ უღირს მეტოქეზე გამცვალეს. მოჩვენებითობის გარეშე მწყინდა.

ამიტომ ვიყავი იმ პარასკევს ასეთ გაურკვეველობაში, არ ვიცოდი, რას მიქაღდა შემდეგი საფეხური.

შესაძლებელია, უფრო პრაქტიკული, უფრო საღად მოაზროვნე გავხდარიყავი, მაგრამ როცა კარადის სარკეში ეზოში მდგარი ახლად ამწვანებული ხე დავინახე, ჩემთან მსგავსება ვერ ვიპოვნე და ყელში ბოღმა მომაწვა.

ქუჩაში რომ გამოვედი, უკვე შებინდებული იყო. შევეცადე არავის შევხვედროდი. საკუთარ თავს დალატე შევასწარი და მისი განადგურება მსურდა. ეჭვიც არ მეპარება, ანდროს მაგივრად ვილაც გარეწარი რომ შემხვედროდა, ასე არ მომეწამლებოდა გუ-

ნება, მაგრამ მე პირველად სწორედ ეს შეყვარებულ ბიჭი გავყვლიყვლიყვნიე. სამუშაო დღე დამთავრდა, ხალხს შინ მიეჩქარებოდა, ათასი საფიქრალი და საზრუნავი ჰქონდა ყველას, მიწიერი და გამართლებული.

ანდრო გამგზავრების სამზადისში იქნებოდა და, ალბათ, როგორ განცვიფრდებოდა, იმ წუთას ჩემს გულში რომ ჩაეხედა. ახლომახლო ბაღი რომ ყოფილიყო, შევიდოდი, მივიმალებოდი ბუჩქებში და ვიტყობდი.

მთავარ ქუჩაზე გავუხვებე. ტელეფონის ჯიხური დავინახე, შევედი და ნომერი აკრიფე.

— ჯერ არ წასულხარ? — შევეკითხე.

— საიდან მირეკავ, უკვე მიხვედი შინ? — გახარებული ჩანდა, აღარ ელოდა ჩემს ზარს.

— არა, ქუჩიდან გირეკავ. რომელ საათზე მიდიხარ?

— ცხრის ნახევარზე. რაღაც ხმა არ მომწონს შენი.

— გეჩვენება, — ვუთხარი. — მარტო რომ მიდიოდე, გაგაცილებდი.

ხმა არ გამცა.

— მენატრები, — სიტყვა ყელში გამეჩხირა.

— მითხარი, რა დაგემართა? ხომ გატყობ.

— უსიამოვნება შემემთხვა, — ვთქვი და გამეცინა. — სისულელეა. როგორც ყოველთვის, ვაზვიადებ.

— აღარ იტყვი? — ჩამაცივდა.

— ახლა არა. რომ ჩამოხვალ გიამბობ.

— ვერ მოვისვენებ.

— ხომ გითხარი, მნიშვნელოვანი არაფერია, — იქით დამჭირდა მისი დაწყნარება, — მასხრად ამიგდებ, როცა გიტყვი.

რაღაცას ფიქრობდა, მერე უეცრად სრულიად სერიოზულად მითხრა:

— დილთი მღვდელი შემხვდა. ცუდად მაქვს დაცდილი. მაშინვე ვიფიქრე, უიღბლო დღე მელის-მეთქი.

— ცრუმორწმუნეც ვახდი, საყვარელო?

— როდის არ ვიყავი. არ მითქვამს შენთვის?

— არა.

ასანთმა გაიჩხაკუნა ყურმილში.

— იქნებ როგორმე მიმახვედრო, — მითხრა მცირე ხნის შემდეგ. — შემიძლია დაგეხმარო?

— კი.

— თქვი მერე, რას მაწვალე! რა გინდა?

— შენთან მინდა, — ვუთხარი ხმაღალბა.

თვალეები დავხუჭე. ნესტოებზე მისი თბილი და მიმზიდველი სუნთქვა ჩემსას შეერია და სული შემეხუთა. ტუჩები ჩემი ნებართვის გარეშე დასცილდნენ ერთმანეთს.

— მაკოცე? — მკითხა მოულოდნელად.

უპასუხოდ დავტოვე, ხელს მიშლიდა ოცნებაში.

— მისმინე, — მოისმა ყურმილში, — მე შემიძლია დავრჩე.

— შეგიძლია, როგორ არა, მაგრამ არ დარჩები.

— ქვეყანა არ დაიქცევა.

— არა, წახვალ, — საბოლოოდ გამოფხიზლდი. — მე გავიქეცი ახლა.

— მოიცადე! — შემაჩერა. — ძალიან გთხოვ, გაიმეორე.

— რა გავიმეორო?

— ერთხელაც მაკოცე.

გამეცინა, არ მიყვარს ქარაფშუტა ხალხი-მეთქი, ჩავძახე და ყურმილი ჩამოვკიდე.

ამასობაში ჩემი სევდა სადღაც გაპარულა და აღარც მცდია მისი დაბრუნება.

ვერ მოვითმინე, იქვე გადავთვალე მთელი ჩემი ავლადიდება. სულ ოთხმოცდაცამეტი მანეთი მქონდა. ამ თანხით მე შემეძლო ერთი საჭირო ნივთის შეძენა, მაგრამ იმდენი რამ მჭირდებოდა, ერთის ამორჩევა გამიჭირდა.

ხალხით გაჭედვით ავტობუსში ვიდე-

ქი, გლახისა და ქილა ერბოს ნივთი რომ გამახსენდა და ხელჩანთა მკვლელობის როდ მივიკარი გვერდზე. ამ მარშრუტის ავტობუსებს ხომ გამორჩეულად ეტანებოდნენ ხელმრუდეები. სულ ჭედვა იყო, სულ ერთმანეთს ვაწყდებოდით და ძნელი ხდებოდა იმის გარჩევა, ვინ მოგეკრო განგებ და ვინ — შემთხვევით.

ერთხელ, ამ ორიოდე წლის წინ, სწორედ ამ გზით მივემგზავრებოდი. უკანა ბაქანზე ვიდექი. შუაში ერთი ხნიერი კაცი იდგა, ხელი ზემოთა სახელურისთვის ჩაეკლო. გახსნილი პალტოს ჯიბიდან მანეთიანი ამოხსროდა, ცოტაც და ამოუფარდებოდა.

მე ჩემს საფიქრალს ვფიქრობდი და ანგარიშიუცემლად ვუყურებდი ამ კაცის ჯიბეს.

ზამთარი იდგა, ყველას მუქი ფერის ტანსაცმელი ეცვა და ამ ფონზე უცებ კარგად გამოიკვეთა ვიღაცის ბავშვური ხელი, რომელიც გაუბედავად გაცოცდა ჯიბისკენ, მერე ისევ უკან შეიწია. ასე განმეორდა რამდენიმეჯერ ხელსაყრელი შემთხვევის მოლოდინში.

გვერდზე გადავიწიე და ბავშვს შევხედე. პატარა ხელის პატრონი ჩემი შვილი აღმოჩნდა.

მუხლები მომეკვეთა, მაგრამ თავს ძალა დავატანე, ხალხში გზა გავიკვლიე და გოგას სწორედ იმ წუთში ამოვუდექი გვერდით, დაჭმუჭნილ მანეთიანს ჯიბისკენ რომ მიიქანებდა. მაჯაზე ხელი წავავლე.

ამომხედა. თვალეები ჩასწითლებოდა, მძიმედ სუნთქავდა. დრო დასჭირდა იმისთვის, რომ მიმხვდარიყო, ვინ ვიყავი. საბოლოოდ დაიბნა.

ხელი მოვუჭირე. იქამდე ვუმატებდი ძალას, სანამ ფრჩხილები ხორცში არ ჩაესო. ტკივილისაგან სახე მოედრიცა და ბოლოს გახსნა მუტა.

თვალეებით ვანიშნე, დაგდებული ფული პატრონისთვის დაებრუნებინა. არ უნდოდა, უჭირდა ამის გათამაშება,

მაგრამ ისე ვუყურებდი, უარის თქმა ველარ გაბედა.

სახლამდე ჩუმად ვიარეთ. გუნებაში ვწონიდი, რა მეთქვა მისთვის, უფრო მწარედ როგორ დამესაჯა. მოვფიქრე კიდევ სათქმელი, მაგრამ მერე სხვა გზა ვარჩიე — გამანადგურებელი სიჩუმის ვარდა, არაფერი ვაღიროს.

გოგა ელოდა, ელოდა ჩემს ლანძღვას. მაგრამ მე ცივად ვუვლიდი გვერდს. გული გასკდომიანი მქონდა, ნაცემი ძალივით რომ მდევდა უკან, ხან რას მეკითხებოდა, ხან რას, მე მაინც არ ვტყუდებოდი — თითქმის ერთი კვირა ვაწვალე ასე.

ბოლოს, როცა ჩავთვალე, რომ საკმარისად დავსაჯე, დიდი თავშეკავებით შევუბრუნდი. მას მერე ვუთვალთვალე, განგებ ვუწყობ მაცდუნებელ გამოცდებს, მაგრამ აღარაფერი მსგავსი არ შემინიშნავს.

ჩემთვის კი ამ შემთხვევას სულ სხვა გაგრძელება ჰქონდა.

თანაბარ შუალედში, დაახლოებით ორ კვირაში ერთხელ, ერთი და იგივე სიზმრებს ვნახულობდი. დაწოლისას წინასწარ მაკანკალებდა ამ სიზმრების მოლოდინში. მუდამ სადღაც ვსეირნობდი, მივიდიოდი მარტოდმარტო და მუდამ გოგა გამომიხტებოდა ცხვირწინ. მერე გაიქცეოდა გოგა და მე უკან მივდევი. დაუღალავად მივდევი, ვეწეოდი, ცალი ხელით მაგრად ვიჭერდი, მეორეთი კი ვცემდი. ვცემდი და როგორ! გამეტებით ვურტყამდი სახეში, ვიდრე ცხვირ-პირიდან სისხლი არ წამოუვიდოდა, მერე ძირს დავახეთქებდი და წიხლებს ვუშენდი მის მომჩვარულ სხეულს. გოგა უხმოდ იკრუნჩხებოდა და მხოლოდ დროდადრო დამიძახებდა.

მე ვიცოდი, რომ ეს გოგა იყო, ჩემი ბიჭი, სიბრაულისგან გული მერეოდა, ვნატრობდი, ძალა გამომლეოდა და უსულოდ წავექეულიყავი, მაგრამ ამის მაგივრად, თმებში ვწვდებოდი გოგას და მიწაზე ვახლევიანებდი თავს.

არაქათგამოცილილი, ოფლად დაღვ-

რილი ვიღვიძებდი. საზოგადოებრივ შეგონების მოსაშორებლად ცივი წყლით ვიბანდი პირს, დასამშვიდებელ წამალს ვყლაპავდი და ისევ ვწვებოდი გოგას გვერდით. ფრთხილად, რომ არ გამეღვიძებინა, საბნის ქვეშ მის მხარს ვეხებოდი და პატიებას ვთხოვდი ჩემი არადამიანური სიზმრებისათვის.

გოგა მშვიდად, თანაბრად სუნთქავდა. მისთვის ხომ ეს ამბავი დიდი ხნის ჩაბარებული იყო წარსულს. ვერც კი მიხვდებოდა, რას ვერჩოდი, როცა მის ცხოვრებაში ახლა პირველხარისხოვანი, მეორეხარისხოვანი და სადღაც მეთვრამეტეხარისხოვანიც მისი პირველი სიყვარული იყო.

როგორც მოველოდი, შინ მისულს ორივე ადგილზე დამხვდა. ორშაბათი და პარასკევი საღამოები ეკას თავისუფალი აქვს და გოგასთან ერთად ესპანურ ენას სწავლობენ. გოგას გაცილებით ურჩევნია გართობა, მაგრამ ეკას ხათრით არათუ ესპანურს, უცხოპლანეტელთა ენასაც ხელად აითვისებს. საბედნიეროდ, ეკას ასეთი სურვილი არ ებადება.

მიყვარს ეკა. ვიდრე ეს სუფთათავალება გოგო გვერდით ეყოლება ჩემს ბიჭს, შემიძლია მშვიდად ვიყო.

სირცხვილია, მაგრამ უნდა ვთქვა: რამდენჯერ ჩუმად შემოვპარულვარ ოთახში და უცაბედად წამოვგდომივარ თავზე, მაგრამ არც ერთს წარბიც არ შეუხვრია, სიტყვაც არ შეუწყვეტიათ.

ამჯერადაც ასე იყო. შევიპარე, შევხედე და უკვე მერამდენედ გავიფიქრე, რომ ეს მე ვიყავი ცოდვილი და მატყუარა.

ამ ერთი დღის განმავლობაში სიყვარულის სამი სურათი ვნახე: გოგასი, ანდროსი და ჩემი. პირველმა ჯერ არ იცის, რა უნდა, მეორემ — ძალიან კარგად იცის, მე კი აღარ მახსოვს. არც მე, არც მას არ გვახსოვს, რას მოვიტხოვთ ერთმანეთისგან.

ეკა და გოგა სამზარეულოში არ გამოვიდნენ, ამიტომ ყურნალების მაგი-

დაზე გავუშალე სუფრა და ახლოს მივუჩოჩე. სხვა დროს მე სამზარეულოში ვეწყობოდი, ვაზეთს დავიდებდი წინ და ისე ვსადილობდი, მაგრამ ახლა მათთან მომინდა ყოფნა. რალაც მიხაროდა და ვერ მიმხვდარიყავი. ჯანსაღი კბილებით გემრიელად კბეჩნენ ხორცს, ლამაზად ჭამდნენ და მსიამოვნებდა. მე პატარა ნაჭრებად ვაჭუცმადებდი ხორცს და ფრთხილად ვღეჭავდი.

— დედ! — მითხრა. გოგამ, — ზეგ ბეთანიაში მიდიან ბავშვები. ხომ გამიშვებ?

— როგორ არა! — ვუპასუხე, — ჩამოხვალ იქიდან ენაგადმოგდებულნი და მაშინვე ლოგინში შეძვრები. არ ვიცი შენი ამბავი? შენს გაკვეთილებს მე ვისწავლი.

— გაკვეთილებს ხვალ მოვაშაადებ. პირობას გაჟღევ!

დაცინვით შევხედე.

— ჩავბარებ, — მითხრა გოგამ.

— ერთად ვისწავლით, — შეეშველა ეკა.

— შენც მიდიხარ? — ვკითხე ეკას.

— დიახ.

— უფროსი მოგყვებათ?

— დათოს, მამა, ავტობუსით წავვიყვანს.

ეკა ვედრებით მიყურებდა.

— რა გაგატანოთ? — დავფიქრდი. — ჭათამი მაქვს, შევწვავ, ნამცხვარს გამოვაცხობ, ხილსაც ვიყიდი.

გოგა წამოხტა და მომეხვიო:

— ზიზი, შენ ყველაზე კეთილი და ლამაზი ქალ ხარ! არა, ეკა? ვინმემ რომ მითხრას, დედაჩემი დედაშენს სჯობაო, ცხვირს დავუნყავ!

— ნუ მეძახი ზიზის, რამდენჯერ გითხარი, — ვუყვირე გოგას. — თანაც ეს სულელური კილო! ვისგან გადმოიღე? რა სწრაფად ითვისებ ყოველგვარ სისაძაგლეს!

— არავისგანაც არ გადმომიღია, გული მთხოვს შენი სიკეთის შექებას.

— მომწყედი თავიდან, — სიცილით მოვიშორე გოგა.

ეკა სუფრის ალაგებაში მომეხმარა. წიგნები წამოკრიბა და დამემშვიტებ კარამდე მივაცილე. გოგა უკან გაჰყვა.

სწორი და ძლიერი ფეხები აქვს გოგას, მყარად დააბიჯებს. ასე მითხრეს, ეს იმის ნიშანია, კარგი მამაკაცი დადგებაო. ჩემმა მეგობარმა მითხრა, თან ეშმაკურად ჩაიციანა.

მე არ გამცინებია, პირიქით, იმედით ჩავებლაუტე ამ აზრს. თუ ეს ნამდვილად ასეა და თუ გოგას სხვა მისატყუებელი ან მიმზიდველი მხარეები არ აღმოაჩნდა, ეს იქნება თავისებური წინამძღვარი იმისა, რომ იგი ეყვარებათ. ეს კი, თავის მხრივ, განაპირობებს არა მარტო გოგას ბედნიერებას, არამედ იმასაც, რომ თვით გოგა იქნება კარგი ადამიანი. რაღაზე არ მიხდება ფიქრი...

კვლავ გოგას ვუყურებდი. ფეხები კი აქვს ჩამოქნილი, მაგრამ შარვალი ძლივს უფარავს კოჭებს. გადაწყდა, ხვალვე ვყიდულობ შარვალს გოგასთვის. თუ ვერ ვიშოვი კარგ შარვალს, მაშინ შევაკერინებ. სხვა ყველაფერი მოიცდის.

ოთახში ცეკვით დავბრუნდი რა საქმესაც არ მოგვიღე ხელი, უმაღლვე მივატოვე. შეუცნობელი სიხარული ხელს მიშლიდა მუშაობაში.

ბოლოს სავარძელში ჩავეშვი, ფეხები ამოვიკეციე და ჟურნალის წაკითხვა დავაპირე. ასევე დამრჩა თვალები ერთ სტრიქონზე მიშტერებული.

როგორ მითხრა... მღვდელი შემხვდაო. მხოლოდ ახლა გამინათდა გონება. მღვდელი მას შეხვდა, უსიამოვნება — მე. მაგრამ მან გაათანაბრა ეს ორი შემთხვევა, ჩემი გასაჭირი თავისად მიიღო. და ეს ისე დაუფიქრებლად, ისე ბუნებრივად იყო ნათქვამი, როგორც თავისთავად ცხადი. ეს გაცილებით მეტი იყო, ვიდრე ველოდი.

უცებ, როგორც არასოდეს, ისე მომინდა მისთვის სიკეთის გაკეთება. საკუთარ უნიათობაზე თანდათან ბრახი მემატებოდა. დასწყევლოს ღმერთმა, რა დავიბადე ასე არაფრისმაქნისი —

კარგი ექიმი ვყოფილიყავი, ან დალაქი. თუნდაც ქსოვა მცოდნოდა. ჩემი ხელით მოვუქსოვდი შავ პულოვერს, მკერდზე აცდენილი ზოლებით.

რით აღარ ვცაღე ჩემი სინახის გამოხატვა და ბოლოს დავასკვენი, რომ მე მისთვის მხოლოდ ერთი რამის გაკეთება შემიძლია — არასოდეს არ ვინანებ მის სიყვარულს. სულ ეს არის, მაგრამ ვიცი, მას არ ეცოტავენბა.

იშვიათად მძინებია ასე ტკბილად და უდარდელად, როგორც იმ ღამეს.

შაბათი გათენდა. გოგა სკოლიდან დროზე დაბრუნდა, ეჩქარებოდა შარვლის ყიდვა.

და აი, მე და გოგა უნივერსალის შენობაში შევედივართ. პირველ სართულზე, პარფიუმერიის განყოფილებასთან გოგა შევაჩერე.

მღაზიებში სიარულის დიდი მოყვარული არასოდეს ვყოფილვარ, მაგრამ თუ შევედი, ამ განყოფილებას გულგრილად გვერდს ვერ ვუქცევ. ხარბად ვისუნთქავ სუნამოების, საპნის, პომადის არეულ სურნელს. მიყვარს ნელსაცხებლების რეკლამების კითხვა და წამით მათი სასწაულმოქმედი ძალის დაჯერება.

ახალი და ყურადსაღები არაფერი იყო. მხოლოდ ინის ყიდვა დავაპირე. გამყიდველი ქალი გრძელი დახლის ბოლოში იდგა და ქალსა და კაცს ელაპარაკებოდა. დაველოდე, მაგრამ რაკი აღარ მომხედა, დავუძახე:

— ერთი წუთით!

არც გაუგონია, ისე იყო გართული. კიდევ დაველოდე. ყველაფერი ხელმეორედ გადავათვალიერე, ცარიელი კოლოფები ავიღე, წავიკითხე, მერე საყვედურით სავე თვალები მივაპყარი გამყიდველს, იქნებ შერცხვეს-მეთქი, მაგრამ უშედეგოდ. მისი ყურადღება მთლიანად მიეჯაჭვა დიდ სპორტულ ჩანთას, კაცს რომ ეკავა. კაცმა გახსნა ჩანთა, იქიდან შეკვრა ამოიღო და გამყიდველს გაუწოდა.

ვიღაც დადის ტყეში, მთაზე, მინდორ-

ში, აგროვებს ბალახს, მერე რეცხავს, ახმობს. ვიღაცა ამ ბალახს ხელებს ამზადებს, ვიღაც ტვირთავს, ვიღაც ყიდის, მე კი ამდენი ხალხის ნაშრომი ჭიქაში უნდა ჩავაწვეთო და გადავკრა, რათა ამ ერთი განჩინებული ქალის უტიფრობისგან გული არ გამისკდეს.

ყველაზე სამართლიანი იქნებოდა, დამეძახა ამ ქალბატონის უფროსებისათვის და მეჩვენებინა, დღისით — მზისით როგორ ევაჭრება უცხოელებს, მაგრამ მე ფეხი არ მომიცვლია. შევინაცვლე მხოლოდ — ხან მარჯვენა, ხან მარცხენა. სწორედ ამიტომ ვთვლი, რომ ჩემი სული, ვიდრე ვინმე უბედურს ჩაუსახლდება, კარგად უნდა გაიფილტროს.

ამასობაში გამყიდველმა გახსნა შეკვრა, რომელშიც სხვადასხვა ფერის ქალის ქვედა საცვლები იყო. ერთი ცალი გაწელა და ტანზე მიიზომა. ფასი კითხა.

— ოცდათხუთმეტი, — დამტკრეული რუსულით უპასუხა ქალმა.

— ამდენი არ მინდა, ცალ-ცალკე გაყიდოს, — შესთავაზა გამყიდველმა.

ქალი კაცს გამოელაპარაკა და მერე უარის ნიშნად თავი გაიქნია.

გამყიდველმა თავის ამხანაგს დაუძახა. ახლა მან დაიწყო საცვლების ტრიალი, მოითათბირეს, სანახევროდ ვიყიდოთო, მაგრამ ვინაიდან კვირის შვიდ დღეზე გათვალისწინებული საცვლები ორზე უნაშთოდ არ იყოფოდა, ერთი ოც მანეთს სდებდა, მეორე თხუთმეტი.

უცხოელს ფული მიუთვალეს. დამადგა სმველი, ახლა მანც გამისტუმრებენ-მეთქი, მაგრამ შეეცდი, პირწმინდად დავიწყნოდათ თავიანთი მოვალეობა. კიდევ რა გაქვთო, ანიშნეს.

გაბრაზებულმა გოგას ჩავავლე ხელი და ის-ის იყო უნდა წავსულიყავი, რომ უცხოელის ხელში ფრანგული სუნამოს ლურჯი კოლოფი დავინახე და ადგილზე გავშემდი. სულის წარწყმედაც ამას ერქვა!

წარწერა კოლოფზე თანდათან გაი-

ზარდა, ალაპლაპდა და ათასნაირ ფერებად გაიშალა. თვალი მომეჭრა. დაძაბულობისაგან პირზე მომდგარი ნერწყვი ხმაურით ჩავყლაპე.

— გოგა, შეხედ! — წავიჩურჩულე. გოგა შემობრუნდა.

— ეს ისეთი არ არის, ადრე რომ გქონდა? — მკითხა გოგამ.

— ჰო, ის არის. სხევანაირებიც ხომ მქონია, მაგრამ ამას ვერც ერთი ვერ შეედრება. სხვებს მძაფრი სუნი აქვთ, ზოგჯერ თავსაც აგატყიებს, ეს კი ძალიან ნაზია, — ისე ვუხსნიდი გოგას, თითქოს ხვალ ამ თემაზე საკონტროლო უნდა დაეწერა და ძალიან გამოადგებოდა.

— მერე, იყიდე. თუ მოგწონს, — მითხრა გოგამ.

— რას ამბობ, სამოცდახუთი მანეთი ღირსო! — ვუთხარი, მაგრამ ადგილიდან არ დავძრულვარ.

— ხომ გაქვს მაგდენი? — მკითხა გოგამ.

შევხედე. გოგა მიხვდა, რა დიდი ცდუნების წინაშე ვიდექი და ილიმბოდა.

— შარვალი? — ვკითხე უმწეოდ.

— სხვა დროს მიყიდე. მე რომ მიხვდა, ისეთი მაინც არ შეგვხვდება.

ერთხანს ვფიქრობდი.

— არა, არა. წავიდეთ! — რამდენიმე ნაბიჯი გადავდგი და ისევ მოვტრიალდი.

— იყიდე, ზიზი, იყიდე, — ხელი წამკრა გოგამ.

— ჰა? ვიყიდო?

— ჩქარა, თორემ დაგასწრებენ!

ფული ნელა გადავთვალე, იქნებ მართლა დამასწროს ვინმემ და მდგომარეობიდან გამომიყვანოს-მეთქი. მერე გოგას მივაჩეჩე, მაგრამ ისევ გამოვართვი და მე თვითონ მივედი უცხოელთან. კოლოფი ჩანთაში ჩავმალე და სწრაფად გავეცალეთ იქაურობას.

ქუჩაში რომ გამოვედით, გოგას მკლავი გავუყარე და მივეხუტე. რატომღაც მომინდა, პატარა ყოფილიყო,

ქვისთვის ფეხი წამოეკრა, წაქცეულიყო და ატირებული ხელში ამეყვანა კისერში მისი თბილი ცრემლები ჩამღვროდა.

ვგონებ, გოგას მოსწონდა ასე სიარული, რადგან მხოლოდ დიდი ხნის შემდეგ მკითხა:

— საით მივდივართ?

გოგას დაუკითხავად შეევუხვიე სანაყინეში. გოგა ნაყინის რიგში ჩადგა, მე კი ცარიელ მაგიდას მივუჯექი. ხელით სუნამოს კოლოფი მოვსინჯე.

ხვალ დილიდან სახლს დავალაგებ, სარეცხს დავრეცხავ, საღამოს ვიბანავებ. გამშრალ თმაზე თუ რამდენიმე წვეთ სუნამოს დავიპყურებ და თმას კეფაზე სარკით დავიმაგრებ, ზეგ დილით, თმას რომ გავიშლი, საუცხოო სურნელს დავაფრქვევ. ცოტათი შეიძლება კაბის ბოლოებიც დავნამო, ყურის ძირებში კი აღარ წავისვამ ზედმეტი იქნება.

რაგინდ სულელურადაც უნდა ჩანდეს, შინიდან უფრო თვითდაჯერებული გამოვალ. გამვლელ-გამომვლელები, იკრავენ თუ არა ამ ნაზ სუნს, აუცილებლად გამომხედავენ. გაურკვეველი სიამოვნებით გაბრუებული მგზავრებიც უფრო ზრდილობიანად მომექცევიან. ცხადია, მასაც მოეწონება.

გოგამ ნაყინი მოიტანა, ათმანეთიანის ხურდა მაგიდაზე დამიდო და კოვზების მოსატანად წავიდა. როცა გოგა დაბრუნდა, ფული მისკენ გავაცურე და ვუთხარი:

— ეს შენ გქონდეს.

ნაყინს გულმოდგინედ ჩიჩქნა დავუწყე, ავთქვიფე, ნელ-ნელა ვლოკავდი კოვზს, ოღონდ თვალები ზემოთ არ ამეწია.

უგულოდ ვუსმენდი გოგას მონათხრობს რომელიღაც მასწავლებელზე, რომელსაც, თურმე, განუტრჩეველად წელიწადის დროისა, მუდამ ყველაფერი მწვანე ეცვა. ტანსაცმელი, ფეხსაცმელი და საყურეები — სულ მწვანე. თავიდან ეს ძალიან ართობდა ბავშვებს, მა-

გრამ მალე მობეზრდათ და ახლა თურმე აღიზიანებთ კიდევ. ცდილობენ, თვალი აარიდონ. ასე თქვა გოგამ.

როგორც კი თავისუფალ დროს ვინახლეთ, მივალ იმ ქალთან და საიდუმლოდ გავუხმელ, რომ მიკროსკოპის ლუბის ქვეშ ვართ ამოდებულები და ფრთხილად იყოს.

ერთი სული მქონდა, გოგას საზოგადოებისთვის თავი დამეღწია, მივსულიყავი შინ და ეკასთვის გადამელოცა იგი. მიუხედავად ამისა, მორიგი სისულელე ჩავიდინე — მლიქვნელურად დავპატიყე კინოში.

საათნახევრის განმავლობაში წამდაუწყებლად გოგასკენ ვიხრებოდი და ფილმის შინაარსს ვუხსნიდი. რამდენიმეჯერ შენიშვნა მომცეს, გოგამაც მიხოვა, გაჩუმდიო, მაგრამ მე თავს ვაღლებულად ვთვლიდი ამეხსნა, რომ ფილმის გმირი არც ისე ცუდი იყო, თუ მის საქციელს სხვა მხრიდან განვიხილავდით.

ფილმის გმირმა კარიერისთვის საყვარელი ქალი თავიდან მოიშორა, სასამელში საწამლაგი ჩაუყარა.

ნეტავ ის რას იზამს, წინსვლაში ხელს რომ ვუშლიდე? ამის ჩამდენი ის არ არის, მაგრამ ბედის გამოცდა არ მიყვარს, სჯობს, არ შევეუშალო ხელი.

კინოთეატრიდან გამოსულს ლაპარაკის ხალისი დამეკარგა. ვაკვირდებოდი გამვლელებს და მათი ვინაობის გამოცნობას ვცდილობდი. ერთი კაცი არ მომიწონა. გავიფიქრე, ალბათ ძაღლებს იჭერს ქუჩაში-მეთქი. გოგასაც ვუთხარი. საიდან იციო, მკითხა. ვიცნობ-მეთქი. გოგამ კაცს ისეთივე თვალებით შეხედა, როგორც მე ვუყურებდი ძაღლებზე მონადირეებს ბავშვობაში. ამან დამაახლოვა გოგასთან. ახლა მეც მძულდა ის კაცი. იმიტომ მძულდა, რომ მჭირდებოდა ასე.

შინ მისულმა გოგას შარვალი გავახდეინე, ტოტების ბოლოები ჩამოვშალე, შიგნიდან სხვა ნაჭერი დავაკერე და გავრეცხე. ოთახში ისე არ გამივლია, თაროზე შემოდებული სუნამოსთვის

არ შემეხედა და ხელი არ შემეწია. თაროზე კი სუნამო მაშინ დავდგინე, როგორც ეკა ჩვენგან წავიდა.

„გამოტოვებული“ დღე; ჩვეულები-სამებრ, რეცხვა-დალაგებას მოვანდომე. საღამოს ვიბანავე, თმა გავიმშრალე და საზეიმო განწყობით მივადექი სუნამოს. გამჭვირვალე ქალაღი ფრთხილად შემოვაცალე.

გახსნილი კოლოფიდან პატარა, ოთხკუთხა ქალაღი ჩამოვარდა. გულმოღვინედ, რამდენიმეჯერ წავეკითხე. ორიოდ სიტყვა გავარჩიე: „გარანტია“, „პროდუქტი“ და ბოლოს, მისამართი.

გენდობით-მეთქი, ჩავილაპარაკე და ქალაღი გვერდზე გადავდე. ცისფერ ხავერდში ლამაზად ჩასმულ ბოთლს საცობის მოძრობა დავუპირე, მაგრამ ისე მჭიდროდ ჰქონდა დაცობილი, ძვრავერ ვუყავი. ცხვირსახოცი მოვახვიე და ისე ვცაღე ბელი, მაინც უშედეგოდ. მერე გამახსენდა, როგორ ვაღაუტყდა ერთ ჩემს ნაცნობს საცობი და სანამ ბოთლს ყელი არ წაატეხა, ვერაფერს ვახდა.

მახათი მოვიშველიე, საცობის ძირი ამოვიჩიქნე, მაგრამ არც ამან მიშველა.

გოგას დაბრუნების დრო მოსულიყო და ავჩქარდი. რატომღაც არ მინდოდა ასეთ შესანიშნავ წუთებში მოწმე მყოლოდა.

მაკრატელი მოვიმარჯვე, გავშალე და საცობს ამოვდე, ნელ-ნელა ამოვწიე. სანახევროდ რომ გავხსენი, უცებ მაკრატელი ამისხლტა, ბოთლის გატეხვის შიშით სიფრთხილედ დავკარგე და მაკრატლის წვერი მარცხენა მაჯაში ვიტაკე.

ტკივილისაგან დავიკარუნჩხე, ჩემივე ხმა ვერ ვიცანი.

როცა თვალში სინათლე დამიბრუნდა, დავინახე წითელი წინწყლებით დაფარული მაგდა, სკამები, კაბა, იატაკი.

ჭრილობა ღრმა უნდა ყოფილიყო, თუმცა მე ამას ვერ ვხედავდი — თქრითალით მდიოდა სისხლი. ჭრილობა მოვიბანე, გავიწმინდე და შევიხვიე. სის-

ხლის წვეთები სველი ტილოთი მოვ-
წმინდე.

აუტანელი ტკივილის მიუხედავად,
ისევ სუნამოს მივუბრუნდი. საცობი
ადვილად მოვხსენი და დავყნოსე. ერთ-
ხელ, მეორედ, მესამედ. თითი დავის-
ველე და ნესტოების ქვეშ წავისვი.

უეცრად მთელი სხეულით მოვეშვი.
ისეთი გულგრილობა დამეფულა, ქვე-
ყანა რომ დაქცეულიყო, თვალს არ და-
ვახამხამებდი. მშვიდად დავახურე
ბოთლს საცობი და კარადაში შევინახე.

ერთხანს უზაროდ ვიჯექი. მერე სია-
რულს მოვეყვი, თითქოს რაღაცას ვე-
ძებდი, მაგრამ ბოლოს მივხვდი, რომ
არაფერი არ მინდოდა.

აღარც მახსოვს, როგორ აღმოვჩნდი
აბაზანის კიდეზე ჩამომჯდარი. თუ არ
ვცდები, ტკივილის გასაყუჩებლად
მტკივან მახას ოღნავ ვიხვლდი.

გოგას შემოსვლა არ გამიგია. აქ რას
აკეთებო, მკითხა და შეხვეული მაჯა
რომ დამინახა, თვალები გაუფართოვდა:

— რა დაგემართა?

— გავიჭერი.

— მაგრად?

— ჰო.

გოგა რომ არ მოსულიყო, ყველაფე-
რი რიგზე იქნებოდა. მაგრამ ის ისეთი
დაბნეული იდგა, ისეთი უმწეო თანაგ-
გრძნობით მიყურებდა, რომ თავი ვე-
ღარ შევიკავე, ტუჩები მომედრიცა.

— ძალიან გტკივა?

— ჰო, ძალიან, — თავი ხელებში
ჩავრგე და მოურიდებლად ავტირდი.

რა მოხდებოდა, რა მოხდებოდა გო-
გა ასეთი იდიოტი არა მყოლოდა, სხვა
ნორმალური ბავშვებივით მოეთხოვა
ჩემგან, ეჩხუბა, თავი შეებრალებინა
ჩემთვის წუწუნით. ეს კი ყველაფერზე
თანახმაა, ვერ ხვდება, რომ ყველაზე
ძნელი გასაძლები სწორედ მისი მორ-
ჩილებაა.

ამასობაში გოგა ადგილზე წრიალებს,
დამამშვიდებელ სიტყვებს ეძებს:

— არა უშავს, გაგივლის.

— ჰო, გამივლის. — გავუღიმე გო-

გას. — რომ იცოდე, ისე აღარ მტკივა.
ახლა გადი, პირი უნდა დავიბანო.
გოგამ ვახშამი გაამზადა.

ძილის წამალი დავლიე, რამდენიმე
სიტყვით გამოვკითხე გოგას მგზავრო-
ბის ამბები და დასაძინებლად დავწე-
ქით. შევეცადე, კარგი რამ გამეხსენე-
ბინა.

„უღაბნოში, წყურვილისგან რომ
ვკვდებოდეთ, წყლის უკანასკნელ წვეთს
შენ დავითმობდი“.

ძილ-ბურანში გამეღიმა. სად წამი-
კითხავს ეს სიტყვები?

უღაბნოშიო.

უღაბნო რის უღაბნოა, თუ არ ცხე-
ლა. უღაბნოში ცხელა. ჩემს ოთახშიც
ცხელა.

ოთახის ფანჯარას სარკმელი აქვს,
მაგრამ იგი უსასრულოდ მაღლაა. თა-
ვის სიმაღლეზე კედელი უნდა გამოვ-
თხარო, შევდგე იმ ადგილზე, მერე ისევ
გამოვთხარო ოთხჯერ თუ ხუთჯერ,
რომ იმ სარკმელს მივწვდე. სად შემ-
წევს ამდენი ძალა, მაგრამ ასე წოლა
გავუღვით სიკვდილს უღრის.

ვდგები და ფეხშიშველა მივიღივარ.
უღაბნოს ცხელი ქვიშა ფეხისგულებს
მითუთქავს. დადგმულ ტერფს სწრა-
ფადვე ვიკეცავ და თითქმის მივბრბივარ.
აუტანელი სიციხეა.

ენას გარეთ ვადგებ. ასე იქცევიან
სიცხეში ცხოველები და იქნებ მეც მი-
შველოს-მეთქი. ენის წვერზე დაგრო-
ვილი ნერწყვი ძირს ეცემა და შიშინს
იწყებს.

საღლაც ვცდები. ამ დროს, ალბათ,
სუნთქვის სხვა ხერხი არსებობს, უნდა
ვისუნთქო პირით და რიტმულად.

პირით უფრო მეტი ცხელი ჰაერი
შევისუნთქე და თითქმის ამოვწურე
სხეულის სინოტივის მთელი მარაგი.
რომ წავიქცე და მოვკვდე, არც დავლ-
პები, გამხმარი ფოთოლივით ამაფრია-
ლებს ქარი. მე კი არ მომწონს ამ უკი-
დეგანო სივრცეში ფარფატი, თანაც
ქარის ნებაზე.

ახლა ისიც აქ რომ იყოს, ჩემს გვერ-



დით, ჩემსავით რომ ხმებოდეს და მე უცებ წვეთი წყალი გამიჩინდეს, დავუთმობდი?

ამაზე დიდი თვითგვემა არც გამიგონია.

და, მაინც, რომ იყოს?

არ არის და რატომ უნდა იყოს?! ღმერთმა ნუ ამყოფოს!

მაინც?

არა, ვერ დავთმობდი. ხელი ან ფეხი რომ დასჭირებოდა, დაუფიქრებლად მოვიკვებოდავდი, უკანასკნელ ლუქმას მივაწვდიდი, მაგრამ ზედმეტს ნუ მომთხოვენ.

ჯერ წვეთი წყალი მიყვარს, მერე იგი. გრილმა სიომ დაჭკროლა. გახურებული შუბლი მისკენ მივაბრუნე და შორს მოკირწყლული ბილიკი დავინახე. ბილიკი შუაგულ უდაბნოში იწყებოდა. ხრეში გრილი იყო და ამიტომ ფეხისგულეებზე ჩხვლეტა ადვილად ავიტანე. მეგონა, ბილიკი ისევე მოულოდნელად შეწყდებოდა, როგორც დაიწყო, მაგრამ ცოტა ხანში გზაზე ჩიხური დავინახე.

მიუხახლოვდი. ჩიხურში თეთრწინსაფრიანი ქალი იდგა და გაზიან წყალს ყიდდა. ანაფორის ფართო ჯიბეში ხურდა მოვჩხრიკე და რიგში ჩავდექი. სულ ხუთი-ექვსი კაცი იდგა ჩემს წინ.

ონკანიდან მოჩხრიალე წყლის დანახვას მოთმინებიდან რომ არ გამოვეყვანე, ზურგისკენ შევბრუნდი და ყურები თითებით დავიციე. დაახლოებით გამოვიანგარიშე, რამდენ ხანში უნდა დამდგარიყო ჩემი ჯერი და შემოვბრუნდი.

წინ მდგომთა რაოდენობა გაორკეცებულიყო. კბილი კბილს დავაჭირე და ჭიუტად ჩავაცქერდი მიწას. ისევ გამოვთვალე დრო, მაგრამ თვალეები რომ აეწიე, რიგი კიდევ უფრო გაზრდილი მეჩვენა.

გაოცებულმა მიმოვიხედე. ქვეყნის ოთხივე მხრიდან და ამ ოთხი მხრის კიდევ ოთხი მხრიდან ჩიხურისაკენ ადა-

მიანები მოემართებოდნენ. მათგანს თავისი ჭიქა ეკავა ხელში და ისეთი მოწყურებული სახეებით მოდიოდნენ, წინ რომ გადავდგომოდი, ფეხქვეშ გამთელავდნენ.

ცაზე შეველმფრენი გამოჩნდა. ჯიხურის ზემოთ გაჩერდა, იქიდან კიბე ჩამოუშვეს და ზღვა ხალხმა იწყო დენა.

სანამ ზემოთ ვიყურებოდი, მიწას პირი გაუხსნია და უამრავი პატარა-პატარა გვირაბებიდანაც ჭიქიანები გამოცვივდნენ. ყველა თავისებურად მიილტვოდა მიზნისაკენ, ყოველგვარ მისაღებ და მიუღებელ ღონეს ხმარობდნენ.

რამდენიმე ისეთიც აღმოჩნდა, რიგში ჩადგომა რომ იკადრა, მაგრამ ისე, მთლად ბოლო რომ არ ყოფილიყო.

მე თანდათან უკან ვიხევდი. თანდაყოლილი უსუსურობის გამო მხოლოდ ვბუტბუტებდი საპროტესტო სიტყვებს. ამავე დროს თვალს ვერ ვაცილებდი პირთან მიტანილ გამჭვირვალე ჭიქებს. ვხედავდი, რა თავდავიწყებით ეკვროდნენ გაპობილი ტუჩები ჭიქის კიდეს, როგორ გამომწვევად მოძრაობდა ხორხი, მესმოდა შუშაზე კბილების ზომიერი რაწყუნის და მუხლები მეკვეთებოდა.

მოწოლილი ნერწყვი ხმაურით გადამეყლაპა. რიგიდან გამოვედი და გზას გავუდექი. გადავდგი რამდენიმე ნაბიჯი და შემოვტრიალდი.

კარგად იყავით, რიგში წინგამძვრლებო და ურიგოებო! მე თქვენთან არა ვარ.

თუ სადმე წყაროს წავაწყდი, ხომ კარგი, თუ არადა, თქვენთან მაინც არ დავბრუნდები. სულაც არ მოვიწყურვლავ. ვიტყვი, რომ არ მწყურია. სულ ვიმეორებ და ვიმეორებ, რომ არ მწყურია. ათასჯერ ვიტყვი: არ მწყურია, არ მწყურია, არ მწყურია! სრულებით არ მწყურია!

აი, უკვე აღარ მწყურია!



მოცალოზის ჟამი

რომ მთელი ჩემი ცხოვრება
ფუჭმა ფიქრებმა გალია...
ვატა-წაშაპელა

1. ტრაგედია № 47

გულში მაგრა ვაგინებთ ერთმანეთს:
მე იმის გამო.

რომ არ მაძლევენ გადასწრების საშუალებას,
რომ მთელი ძალით ერეკებიან
და სწორედ მაშინ.

როცა უკვე უნდა გავცდე და გადავასწორო,
ისინიც მკვეთრად უმატებენ ხოლმე სიჩქარეს
და ამ მიხვეულ-მოხვეულ გზაზე
ლამის მანქანა დამამტვრევიან:
რამდენჯერაც კი სახიფათო მოსახვევებში გავყავი თავი,
მუდამ შემხვედრს გადავეყარე.

ისინიც მაგრა მაგინებენ:
იმიტომ რომ ოთხნი არიან,
ხორციტ გავსილნი. მანქანაში ძლივს ეტევიან
და მოზარდების რძეშეუმშრალ ბაგის ღიმილით
სისხლი სწყურიათ. ელანდებთ ლეწვა და მტვრევა.
ამიტომაც მაქვებენ, მეტ რისკსა მოხოვენ,
და ბრაზობენ და მაგინებენ სიფრთხილისათვის.
ეს გზა ჩემია.

ესენი კი ვინ არიან,
ამ გზაზე მაქვს ჭიბი მოჭრილი
და აქეთაც და იქითაც სულ მეჩქარება,
რომ, როცა მივალ, მივხვდე ხოლმე გაწბილებული,
სულ ტყუილი რომ ყოფილა ჩემი სიჩქარე.

მშვიდობით, დედამიწის ყველა გზავ და ყველა კუნჭულო,
მშვიდობით, ყველა ქალაქო, რომლებსაც ვერ გნახავთ!
მშვიდობით, ნიუ-იორკო, პარიზო, პრაღა,
რომო, რომელსაც გეწოდება მარადიული!
ჩემამდე ხომ მშვენივრად გასძელ,
ჩემს შემდეგაც მარად იყავი.

მშვიდობით, რადგან ვერ შევხვდებით სულ უბრალო მიზეზის გამო:
ყოველ პარასკევს მე დავდივარ ჩემს ძველ სოფელში,
კვირა საღამოს კი დაღლილი ქალაქს ვბრუნდები,
(რომელსაც ჩვენში თბილისს ეძახიან).

ბოლო მოსახვევში,
ვიდრე გზა. თითქოს ამოსუნთქვისთვის.

სულ ცოტა ჭნით გასწორდებოდა,
კიდევ ერთხელ შევეცადე, რომ გადამესწრო,
მაგრამ წინ თვითმცლელს შევასწარ თვალი
და კვლავ შევფერხდი.

ისინი კი დამცინიან,

უკვე ერთმანეთს არ ვუმაღლავთ ჩვენს გულის ნადებს...

— ილიოტებო! მე იმიტომ კი არ გასწრებთ, რომ გეგიბრებით,

იმიტომ, რომ მომდევნ და ვერ გავქცევით...

მომდევს სოფელი დუქნებითა და ტალახებით,

მოუნელებელ სიყვარულით, მოგონებებით,

მომდევს წარსული, მომდევს აწმყო, და მომავალი

და ასე ვივლით ქალაქამდის მღევარ-ღევნილი,

ვიდრე ტრამვაის რელსებიდან არეკლილ შუქით

არ დაფრთხება და გაბრუნდება თვალბამწვარი.

გზა რომ გასწორდა, სულ გადაირივნენ,

მაგრამ მე ახლა ყველაფერი ფეხებზე მეკიდა,

მომბეზრებოდა ეს თამაშიც და ეს განცდებიც,

მე ზუსტად ვიცოდი, ორ კილომეტრში წყარო რომ იყო

და ეს მოზარდები ცდუნებას რომ ვერ გაუძლებდნენ,

ესეც ვიცოდი...

სოფლიდან რომ გამაძღრები ბრუნდებოდნენ, ესეც ვიცოდი,

და რომ სისულელე იყო ჩემი სიჩქარე — ესეც ვიცოდი

და იქ, სადაც არასდროს გამეჩერებინა მანქანა, გავეჩერდი.

— როდემდის უნდა ვიცხოვრო ასე?!

ვკითხე მე ჩემს თავს, პირველივე ჩრდილში დამჭდარამა.

მომწამვლელი რიტორიკა!..

ამ სიტყვების მთქმელს მშვიდი სიმატოვზე ესაჭიროება,

არაჩვეულებრივი დრო სულიერი ცხოვრებისა,

რომლისკენაც ბილიკი ვერ გაუკვალა,

რადგანაც იგი თავის თავთან არ დადის სტუმრად

და ამის გამო იმის სულსაც ობი მოსდებია

და დაყრუებულა,

როგორც გამოუყენებელი და გაუქმებული სამეზობლო კარი.

რადგან ამქვეყნად ფიქრის გარდა ყველაფერი იცის ცოტ-ცოტა,

მოცალეობის ქამი არის იმისი მტერი —

მესამე ხელი, რომლისთვისაც ადგილი ვერ გამოუნახავს

და რომელიც თავის ორ ძმას ცხოვრებას უშლის.

რადგან, აჰა, მას მოცალეობა! აჰა, სიმშვიდე!

რას იფიქრებს, სად ჩამოჯდება?

ისევ და ისევ ნანახსა და განცდილს იცოხნის

და გვერდს მიწოლილ კოკასავით ნელ-ნელ იცლებს.

ყოველ განაფხულს, ყოველ ზაფხულს და შემოდგომას

რომ არ უწევდეს თავის მიწისთვის დამლული შრომა,

რომ ყველაფერი იყოს მოთავებულ-მოკრიალებული,

რომ ყველა ღობე იყოს მთელი და უცვლელი

და სარეველებიც თავისით ქრებოდნენ,

ასე რომ არ აღეღებდეს სეტყვა და ქარი!

მაშინ დაჯდებოდა...

ღიახ. მშვენიერი ბილიკით მივიდოდა
თვით ზეცის გულზე აღმართულ სკამამდე
და რაზე იფიქრებდა ზედ გადაწოლილი?
ნუთუ სიყვარულზე და ნუთუ სიკვდილზე?
ნუთუ სამყაროზე,

რომელსაც ვერ გამარგლავ და ვერც შეაკეთებ?

აქ კი რა არის. ცხოვრებაში. რაშიცა ვდგავართ
და სუფთად რომ გამოვიდეთ, იმასა ვცდილობთ?
შიში და იმედი ერთმანეთს მისდევენ
თავჩაქინდრული კამეჩებივით,
ხან ერთის ჩრდილი დაგვეცემა, ხან მეორესი.

მხოლოდ უძრავი აჩერებს მოძრავს.

და, ვისაც უნდა, დაუძვრეს ცხოვრებას — უნდა იცხოვროს.

განა უკეთესი არ არის ცხოვრება, როდესაც ელი?

უცებ რომ მოგადგება, უცებ რომ დასჭირდები,

შენ კი უგუნებოდ ხარ, ანდა წასასვლელი...

ვიდრე მიწა შეჭამს ადამიანს, მანამ ჭამს ცხოვრება

და თუ ვინმემ მოახერხა იმისთვის დასხლტომა — მარტოოდენ ცხოვრებით

უნდა იცხოვრო ცხოვრების ჯიბრით,

ხოლო როდესაც გაგიჭირდება — უნდა მიაწვე!

ისე მიაწვე, რომ ანჯამებიდან ჩამოიღო ცხოვრების კარი.

განა იმიტომ არ ვაქებთ კაცობას, რომ ჩვენც გვინდა კაცები ვიყოთ?

წყვილად ვიძინოთ, თორემ აბა ცალი ხელით ტაშს ვინ დაუკრავს!

ჩემს ცხოვრებაში მხოლოდ შიმშილი მახსოვს ტკბილად,

როცა გავძეხი და ვთქვი გულში — კარგადა ვარო;

სწორედ მაშინ მეტირა დედა!

აბა რად გინდა, მშვიერი იყო და მაძლარი გერქვას,

მაძლარი იყო და მშვიერად იწოდებოდე?!

როგორ შეიძლება, რომ ის იყო, რაც შენ არა ხარ!

ყოველთვის, როცა გაგიჭირდება — მიმართე ანტიპოდს.

რადგანაც: როგორიცაა შენი ანტიპოდი, ისეთი ხარ შენ!

თუ შენა ხარ ნაყარი მიწა,

რომლის წვერზედაც სათავესოს დაეძებენ ხარბი ქათმები,

შენი ანტიპოდი სალი კლდე იქნება,

რომელზეც, ბოდიშიდა, ველარ აფორთხდება ვერცერთი დედალი.

და არც მამალს გაუწევს გული.

ასე რომ, გახსოვდეს:

— უნდა ითამაშო შენი ანტიპოდი!

ეს იყო დაჭრილი თუ მომაკვდავი კალია,

რომელსაც ჩაცუცქული თავზე დავყურებდი.

ჭიანჭველები მიათრევდნენ — ეს კი ფეხს იქნევდა,

კამეჩის ბარკლის ხელას — ჭიანჭველებისთვის.

ამათაც არ ჰქონდათ მარტივი ცხოვრება:

ბალახებს ედებოდა კალიის სხეული

და ჭიანჭველები ოფლად იღვრებოდნენ.

მხოლოდ მე შემეძლო ყველაფრის მოსპობა,
მაგრამ ყურება მერჩია ამათი წვალების:

არასდროს მენახა დაჭრილი კალია —

მე ის მუდამ მახსოვდა გამსხლტარი, ასხლეტილი,
როგორც დამცხრალ ცეცხლიდან თავახსნილი ნაპერწყალი.
ახლა კი უმწეოდ იქნევა კიდურებს.

არაფერს ნიშნავდა ჩემთვის მათი განცდები
და რამდენიც არ უნდა მეფილოსოფოსა,
ადამიანები არ იყვნენ ესენი.

მე თვალწინ დამიდგა, შორეულ ინგლისში
ექვსასი წლის წინათ ტორფში ჩამარხული
და როგორც ეწერა „მშვენივრად შენახული“
მამაკაცის გვამი:

ხარის ნაწლავის თოკით იყო დამხრჩვალნი,
პირქვე დაგდებული, ნაგვემი, დაჩეხილი,
ასსამოცდათხუთმეტი სანტიმეტრი ყოფილა,
წითელი ჰქონია თმაცა და წვერიც...

ორი თითით დავწვდი გატანჯულ კალიას
და ხარების ნატობ ჭანჭრობში ვისროლე.
სულ ცოტათი შეილახა ბუნების კანონი,
სულ ცოტათი გაერია სინდისი კაცისა,
სულ ცოტა ხნით აირია მოქმედების ადგილი,
გაირწა-გამოირწა და ისევ დალაგდა,
როგორც გაზმორებული წამიერად გველი...
და ექვსასი წლის შემდეგი დროის კაცისათვის
კალია სიცოცხლემოუწყინარ ტალახს ჩაეკირა.

აბა, რა გითხრა,

გამოდის, რომ უნდა იცხოვრო!

ავადმყოფ გულით, ავადმყოფ ნაღველით
სხვის წამლებზე უნდა ირბინო.

არასწორად გააჩერო აფთიაქთან მანქანა,
აჩქარებულ გულით სულსწრაფად შევარდე,
მეაფთიაქე გოგონას სხივები ესროლო,

დიდი მადლიერებით გამოართვა კოლოფი
და აჩქარებულ გულით სწრაფად გამოვარდე
და ამაყად შეხედო ამკრძალავ ნიშანს,
რომელიც არც პირველია და არც უკანასკნელი.

აბა, რა გითხრა,

გამოდის, რომ უნდა იცხოვრო,

კვლავაც დრო მოიპარო და ძველ მეგობართან

დალიო ყავა — ძველისძველ გემოთი.

და სიამოვნებები კვლავაც უნდა დამალო,

კვლავაც უნდა იცხოვრო, კვლავაც ითამაშო,
სხვის წამლებზე ირბინო, სხვის ბედზე იცინო,
სხვის სისულელეზე, სხვის უაზრობაზე...

შენი კი დამალო.

რალაცა კენესის ჩემს მანქანაში,
კენესის თავისთვის და უნებურად,
არც შველას ითხოვს, არც დახმარებას,
კენესის თავისთვის და უნებურად.
სწორედ ისეთ დროს, როცა ყოველი
მიჩუმებული და ტკბილი ხდება,
რალაცა კენესის ჩემს მანქანაში,
კენესის თავისთვის და უნებურად.

2. და გარბოდა დილა გილიაში...

გამარჯვება, დილავე,
როცა უფრო გრილა,
როცა ჯერ არ ცხელა
და ვვარჯიშობთ ყველა.
ერთიორისამი,
ბალახს შვენის ნამი,
ძაღლებს, მეძაღლეებს
რისხვა ჩვენი, წყევლა,
თვალს ვარიდებთ ყველა,
ფეხს ვარიდებთ ყველა.
ეს ვინ მეძაღლეა,

გამოჭრილი ველად,
ორაგველიძეა,
კოტე, ჩვენი გელა,
ააბმურზე შეუბამს
რკინის ბურბუშელა
და მისდევენ ორნივე
წარმოსახულ მელას...
ძაღლებს, მეძაღლეებს
რისხვა ჩვენი, წყევლა,
თვალს ვარიდებთ ყველა,
ფეხს ვარიდებთ ყველა.

სუყველას ამათ — ხანშიშესულთ, მობერებულებს,
ზედ ეტყობათ, თუ რა ფასი ადევთ ოჯახში.
დამოკიდებულებები, ურთიერთობები,
ასეთი გაფუყული და მნიშვნელოვანი ცნებები,
მოკრძალებულადაა აღბეჭდილი ამათ ტანსაცმელზე,
რადგანაც დილა
მხოლოდ ბალიშებიდან გამოყოლილი ნაოჭები როდია,
ის აბრაგანია,
როგორც ხეებით სუნგაკეთილშობილებული ქალაქის პარკი
მხოლოდ ჯანმრთელობის ბილიკებით დაქსელილი სამოთხე როდია,
ის თავშეკაფარია...

შეხედეთ ამ ორს (აქ სიმარტოვე არ არსებობს),
ჰაერშიც რომ იყვნენ შებმულნი
იმასაც კი ოდნავადაც ვერ გასძაბავდნენ...
შეხედეთ ამ ორს —

როგორ მშვიდობიანად დაასრულეს თავიანთი მართონი სკამიდან სკამამდე
და ახლა დაფუშული დუნდულებით ძირს ეშვებიან.
დაცალეთ!.. დაცალეთ!..

უფრო აქტიურნი, რომლებსაც ძარღვებში
წვენთა მოძრაობა არ შეჰყოვნებიათ,
თუმცა კი ხტუნავენ და დაცანცარებენ,
კი მზიარულობენ და კი იცინიან,
რაც უნდა ლომებად და მგლებად გადიქცენენ,
მიბრუნდნენ, მობრუნდნენ და სახე იცვალონ,



მაინც, მაინც ეტყობათ თუ რა ფასი ადევთ
თავიანთ ოჯახში — იმ ლამაზ ცოლშიღონ.

გახელს ეძახიან გარღვეულს,
ჭუჭყიანს ეძახიან გასარეცხს.

ხოლო ეს ქალი — ჯანმრთელობის ბილიკის მეფე,
სუნაყოლილი ამძუნებულ მურა, დათვივით
ასაკისათვის შეუსატყვის ავხორცულ სახით,
მეგობარს თვისას თქალს მოჰკრავს და ბოხად გასძახებს:
— ერთი წრე მაქვს დარჩენილი ჩემო შუროჩქა,
ვერ გავჩერდები,
მერე შევიდეთ კაფეში და ვიჭუჭყუოთო.
ვაი ამის ქმარს,
ეს ქალი რომ ჯანმრთელი იყოს,
გულის მანკი რომ არ ჰქონდეს, ვაი ამის ქმარს!

3. პანაშვიდი: ორი ქალი

ჩვენს ცხოვრებაში როდისა ვართ ყველაზე მშვიდნი?
— სხვის პანაშვიდზე.
როდის ვიცლით, რომ ვიბაასოთ ჩვენს დამპალ ღვინოზე?
— სხვის პანაშვიდზე.
როდის ვკორობთ, როდის ვანცობთ, როდის ვიცინით?
— სხვის პანაშვიდზე.
როდის ვნახულობთ, ასე წელი ვინც არ გვინახავს?
— სხვის პანაშვიდზე.
სად ვივებთ ხოლმე, ვინ მომტყდარა, ვინ კარგად არის?
— სხვის პანაშვიდზე.
სად ვივებთ ხოლმე, თუ ვინ მოხსნეს, თუ ვინ დანიშნეს?
— სხვის პანაშვიდზე.
სად ვნახე მეც ორი ძველი ნაცნობი ქალი?
— სხვის პანაშვიდზე.

ვინდათ, ვიქნები გულუბრყვილო სოციოლოგი
და გეტყვით მიზეზს, რად დავდივართ სხვის პანაშვიდზე?
— იმიტომ, რომ თეატრებში გაღარბდა რეპერტუარი
და ვიდრე სახლში მივალთ ხოლმე და გადავიცვამთ,
უკვე ვიღლებით.

როცა ახალგაზრდა იყო და როცა ლამაზი,
მიეჩვია — ამ ორთა ღირსებათა გამო,
სხვებზე მაღლა ეგრძნო თავი ღრუბლებამდე.
მის პატივმოყვარეობას (კლოუნია ბუნება)
მეუღლის რეპუტაციაც უმაგრებდა ზურგსა,
მაგრამ დიდხანს არ გაგრძელდა ამის ტივტივიც
(აკი ვთქვი: ბუნება კლოუნია-მეთქი),
თავისივე გაზრდილებმა წყალქვევით ჩაძირეს.

ქალიც, მიუხედავად გარეგნული სიმხნევისა, ფერუმარილიანობისა და უზრუნველობისა — სინამდვილეში აბა როგორ იქნებოდა უზრუნველი, როცა პატივმოყვარეობით ისეთ რამეს ენაბრა, რაც ცვალებადია და რაც მენაბრისგან განუწყვეტელ ზრუნვას და სულის ბერვას მოითხოვს. ჰოდა აკი მოტყდა, ნერვიული შეიქნა, თან ქმრისთვის ღალატიც აღარ შეჰფეროდა და ენებებია ჩასაკლავად კათარასებს მიჰმართა. ქმარმა ქალიგან სიცოცხლეგატანჯულმა ახლა მოულოდნელად ხელი გამოიღო და ხმაც აიმაღლა, დამცინავიც შეიქნა და ქალი ნელ-ნელა მარტოდმარტო დარჩა. ერთს (გითხარით, ბუნება კლოუნია-მეთქი). მთელი სიცოცხლე მოსწონდა ის ქალი მაგრამ ისეთი უმნიშვნელო იყო, ქალის კაბის კალთაც კი არ შეჰხებია. ახლა კი რა უჭირს ადგილი ეჭირა და ქალს შეუტია. უკეთ: ქალის ნარჩენებს. მაგრამ როგორც კი ერთმა ეს იფიქრა, ქალმა უეცარი ნახტომი მოასწრო: ღვთისმოსავი შეიქნა, ცხარე, აქტიური და ერთის ვიზიტები კიდევაც მოსწონდა, რადგანაც ჟინს იკლავდა იმისი დამოძღვრით.

პანაშვიდის სადარბაზოს კიბის საფეხურებზე მე სამჯერ მირჩინა იმის ცოლის მკერდმა. მიცვალებული გვიცდიდა მეხუთე სართულზე, მაგრამ საინტერესო მისი შვილი იყო, ამიტომ სადარბაზოდან მიცვალებულამდე ხალხით იყო ასხმული საცოდავი კიბე და რამდენჯერაც კი რიგი შედგა და შეტოკდა, მე ბეჭებზე მრჩენდა იმის ცოლის მკერდი, დიდი და მოვლილი, საიმედოდ დაბმული. აი, სულ ეს იყო ჩემი შურისძიება — იმას ვუყურებდი, აქეთ-იქით მზირალს, მიმსალმებელს, მჭვრეტელს, ცრუ იმედით აღვსილს.

4. ნაპახუმეხვის პენაპეი

— რა მოაქვს კითხვას კაცისათვის, აი, ამ კაცისთვის, ამ კონკრეტულისთვის? რომელიც ცდილობს რომ ამგვარად გამოჰკლიჯოს თავი სინამდვილეს. პირველ რიგში ტექსტს მიჰყვება (მიყოლა არ გაუჭირდება), მერე აცდება და მარქაფად შებმულ ცხენივით ტყუილადლა მისდევს სტრიქონებს. შემდეგ წიგნს მთლად გასცდება და გაეთიშება

და გაუტევეს საკუთარი ლიანდაგებით —
თავის ფიქრებში, ვიდრე რამეს არ წააწყდებოდა
და არ მიხვდებოდა, რომ წაკითხულის არაფერი არ გაუგია.

ისევ კითხულობს,

ახლა უფრო ყურადღებით და დაძაბულად...

ისევ ასცდება,

წიგნის ფრაზები და იმისი ჭრელი ფიქრები
მორევივით ერთ ადგილზე ატრიალებენ,
ვიდრე რაიმე რეალურს არ მოეჭივდება,
ან ტელეფონი არ დარეკავს,
ან ვიღაც არ დაიხმართებს.

ძილი!.. ძილი!..

უცებ გახსენდება, რომ იგი არსებობს.

უებარი წამალი და განმკურნებელი,

როდესაც გინდა, რომ დრო გაიყვანო:

„გავიღვიძებ, ერთ ყავას დავლევ

და ისიც ჩამოვა“...

„დავიძინებ, და რომ გავიღვიძებ, უკვე იქ ვიქნები“.

ან: „არასაინტერესო ადგილი მექნება გავლილი“.

ძილი!.. ძილი!..

იაღონი, ბელურა... მაგრამ მე არ მიზის იგი წამწამებზე...

არ მახსოვს, ვისგან გამიგონია,

მრავალჯერ კი შეიძლება ასეთი რამ რომ მომხდარიყო

(ყველა ამ დროს ბავშვი ვიყავი)...

ფარდაგამოფარებულ ურემს გვერდით რომ მივყვებოდი,

ხატობაში რომ მივდიოდით... და იქ ვიღაცამ დაიჩურჩულა...

მორზე რომ ისხდნენ მოფიხვნი ქალები

და გულიდან რომ გადავარდათ ჩემი იქ ყოფნა

და თავისდაუნებურად საიღუმლოს რომ მაზიარეს...

რომ უმტკიცა და უმტკიცა და რომ ვერაფრით ვერ დაუმტკიცა
თავის სიმართლე,

როცა უკვე თქვა ყველა სიტყვა, რაც კი იცოდა

და მაინც იმას ვერაფერი გააგებინა,

გამწარებულმა გულს დაიღო ორივე ხელი

და მაშინა თქვა...

მთვარიან ღამით

აუჩქებელი რომ მოვყავდი საწყალ ბებოჩემს,

სხვა სოფლიდან რომ მოვდიოდით,

ჯერ რომ ქალის გასწვრივ იარა,

ჯერ მეც მიწას რომ დავყურებდი,

მერე რომ წყალი დავვიხვდა და ახლა ის ტობა

და მე მთვარე მდინარიდან რომ მეძახოდა,

მერე რომ მშრალზე გავიდა და კვლავ ფეხთ ჩაიცვა

და ერთი წამით მეც ტერფებით ბალახს შევეხე,

მერე რომ გზას დავყურებდი ძილმორეული,

და აღარავის როლში უკვე აღარ ვიყავი
და მათრახად ხელთნაჭერი წიკვლაც ჩამვარდა,
გზით რომ ვიცანი ჩვენი სოფლის მოახლოვება,
რომ დავმშვიდდი და,
ჩანს, კმაყოფილს წამით ჩამთვლიმა,
უცებ რომ შედგა ბებოჩემი,
მეც რომ შევეტოკდი
და ჩემიანად რაც შეეძლო შორს გადიხარა,
გადიხარა და მთელი ძალით გადააფურთხა...
მერე „ბარგი“ შეისწორა, კარგად მომირგო
და ვიდრე ნაბიჯს საბოლოოდ გაიმგლებდა,
თავი ასწია ამაყად და მთვარეს გახედა
და... ამან უთხრა მთვარეს რამე,
თუ ის მთვარის პასუხი იყო,
ასეთნაირი სიტყვები მე არა მსმენოდა...

არ მახსოვს, ვისგან გამიგონია...
მრავალჯერ კი შეიძლება ასეთი რამ რომ მომხდარიყო —
მახსოვს ადგილი და დრო მახსოვს,
სუნიც კი მახსოვს
იმ ჰაერის, იმ წუთებისა,
მაგრამ არ მახსოვს ის სიტყვები და იმ აზრსაც ველარ ვიხსენებ
იმ ერთადერთი სიტყვებით რომ გამოითქმოდა.

ამიტომ და იმიტომ, იმიტომ და ამიტომ,
მოდით მე ისევ ჩემს ხიჭვზე ვიფიქრებ.
თუ როგორ შემესო, იმას არ მოვუყვები,
მე იმას გვიამბობთ, თუ როგორ ვეძებდით:
— ვეძებეთ, ვეძებეთ, მაგრამ არსად იყო,
ჯანაბასო! — ვთქვით და თავი დავანებეთ.
მაგრამ ერთ კვირაში ისევ შემაწუხა
და ისევ გავხსენით ძველი ნაეჭვარი.
ისევ ვეძებეთ და ისევ არაფერი
და ჩვენც ძველებურად თავი დავანებეთ.
მერე კიდევ ისევ... და ისევ გავხსენით,
ალზემოტარებული ნემსით კვლავ ვეძებეთ,
ისევ არაფერი... და ისევ მოვეშვიტ.
მერე ერთ კვირაში იმ ჩვენმა ნაჩიჩნმა
თავი გაიმაგრა და კანი გაიხმო
და მეც ფრთხილად, მიპარვით ფრჩხილით ავიციცქნე,
ორი თითი მოვეუჭირე მერე შესიებულს
და არ ამოფრინდა დამალული ხიჭვი!
ორმოსავით დამრჩა იმისი ნამყოფი,
წელია გასული და ახლაც მეტყობა.
ხიჭვი უამრავჯერ შემსობია, მაგრამ
ასეთი ამბავი არ გამიგონია.
სად იყო, ნეტავი, რაც ჩვენ ის ვეძებეთ!..



ღია არჩვადე

ღღის დასაწყისზე იფიქრე მუდამ,
დასასრული კი დადგება ისეც,
გადაათეთრებს პატარა გუნდა
შენს ათრთოლებულ მხრებსა და

კისერს.

ასჯერ ტკივილის ტოლი და სწორი,
ნუ შეჩერდები, წადი, იარე,
ამოათავე აღმართი მალე,
საცაა უნდა გაბრწყინდეს მოლი,
რომ არ მოაკლდეს ცეცხლი შენს
თვალებს.
გულს კი — იმედი, იმედი ყოვლის.

როდესაც მიჭირს აზრის მიგნება,
როცა აღარ ჩანს ჩემი სავალი,
როცა მიჭრება და არც მიჭრება
მრავალში — ერთი ერთში — მრავალი.
როდესაც ღმერთო, შენი სანთელი
ხელს მიწვავს როგორც მდუღარე
ცრემლი,

მაშინ იმედად ერთი ქართველიც
მე საქართველო მგონია მთელი.
როცა მიჭრება ყელში სათქმელი,
იმის ნაცვლად რომ სიმღერად ენთოს,
გვედრებ, იმედად ერთი ქართველიც
შენ საქართველოდ მიქციე ღმერთო!

შენ ღამეების ცისფერ სიზმრიდან
მიახლოვდები, ფიქრო მიმჭრალო,
ანდამატივით მსუსხავ, მიზიდავ,
ტანჯვით ნაპოვნო, თეთრო ფიქალო.

და აღარ ვიცი, თუ რა გიწოდო,
სევდიანია ოდნავ კვეტარი,
სევდიანია და წმინდანივით
არის მშვიდი და არის ნეტარი.

ნაძვის ტოტები, გრილი, სოველი,
გამოდარებულ ღღის ფონზე შრება
და მე ტკივილებს ისე მოველი,
ვით განწირული მოელის შვებას.
ვინ მელოდება, ვინ არის ნეტავ,
მაბრუნებს თქვენსკენ სიმწრის

სოფელი

და მოგონებებს ფიქრებით ვკეტავ
და ვხედავ ფოთლებს ყვითლად
მოფენილს.

ვპოვე მამული, სიტყვა დავძარი,
თუმცა სიტყვის თქმა ძალზე მიჭირდა,
ამოიზარდა თეთრი ტაძარი
ჩემი სიციხადის ტანჯულ სიზმრიდან.
ტკბილ-მწარე ღღენი ერთად გუბდება,
მიდის საუფლო თავისი წესით
და მე ვბრუნდები, ასე ბრუნდება
მკერდში გული და მიწაში თესლი.

ერთი სხივივით როცა დამაკლდი
ცრემლო, ტკივილის დიდო მალამო,
მე მიგაცილე ხელის კანკალით
და ჩაგაბარე ფრთხილად საღამოს.
საღამო იდგა მეწამულ ფერში
და მის მკლავებში წვიმა წვალობდა,
გადმოდიოდა თანდათან ჩემში
მერე ფიქრად და ჩიტის ვალობად.



ბვირილების ველზე დამარხული სიზმარი

მოთხრობა

1.

სტებს იქით, თიხნარ მალღობზე ჩამავალ მზეს შავი კვამლი ფარავდა. გორაკებიდან გაშმაგებით მოვარდნილი ცხელი ქარი რუხ ღრუბლებს მოერეებოდა და ზედ სოფლის თავზე მორევით ატრიალებდა. დროდადრო წყნარად ცრიადა, მერე ქარი ისევ შეწყვეტდა სისინს, აიჭრებოდა მალა, გადაუტროლებდა ტყეს, გორაკებს, უზარმაზარ ველ-მინდორს და შორს მიჰქონდა წვიმაც, მაგრამ გავიდოდა ერთი-ორი წუთი და სადღაც ისევ შემზარავად და გამეტებით დაიგრუხუნებდა, წუთით მიჩუმებულ სამყაროში დედამიწა, წყალი და ჰაერი, ყველაფერი, რითაც სავსეა ეს უკიდევანო სამყარო, — დანდგარებდა, იძვროდა.

ექლესიასთან გამალებით მოქროდნენ ტანკები, დაფეთებით მითუხთუხებდნენ თავქვე და მტვრის კორიანტელში მინდორზე იშლებოდნენ. თვითმფრინავები გამაყრუებელი გრუხუნით ეშვებოდნენ ძირს, მერე ისარივით იჭრებოდნენ ჰაერში. დედამიწაზე მეტეორივით სწრაფად, წივილით ცვიოდა ბომბები, ფეთქდებოდა, კვამლის ბუღში ინთქმებოდა ყველაფერი. სროლის ხმა ხან მიუღწიდებოდა. ხან ისევ ახალი ძალით იფეთქებდა. ჰაუბიცებისა და ქვემეხების ზათქს უურთასმენა მიჰქონდა...

ერთ საათში ბრძოლამ ტყის სიღრმეში გადაინაცვალა. სიკვდილგადავილი სოფელსა და ტრიალ მინდორში საღამოს სიჩუმემ და სიგრილემ დაისადგურა.

გზის გაღალმა ბინდბუნდში მწუხრისფერად მოჩანდა სოფელი. ირგვლივ დამწვარი ტანკები, გარუჭული ქვემეხები, მანქანები და მწყობრიდან გამოსული სამხედრო აღჭურვილობა ეყარა.

დაღამდა, მაგრამ სინათლე არსად ანთებულა. ეგ იყო, მთვარემ ჭერ შიშნულად ჩამოხედა სივრცეში მიკარგულ სოფელს, მერე ღრუბელ-ღრუბელ წამოვიდა, ზედ მიწისა და ცის შესაყართან — ეკლესიის ოქროსფერი გუმბათის თავზე დაჭდა, გაიღურსა და ასე დარჩა დიდხანს.

სწორედ ამ დროს გზის პირას, თხრილში დაჭრილმა თვალი გაახილა. ირგვლივ სიჩუმეა. ოდნავი ჩქამიც კი შეაფიოდ გაისმის დაცარიელებულ, კვამლით ახრჩოლებულ მინდორში. დროდადრო აქა-იქ თუ გაიკვნენებს რომელიმე ჭარისკაცი, ჭერ კიდეც რომ შერჩინა სული. ირგვლივ აღარაფერი მოძრაობს, აღარაფერი ისმის. შორეთში იკარგება ბრძოლის შემდეგ დამცხრალი ყუინა, თანდათანობით ქრება ცეცხლი, წიდან მთელ მინდორს რომ მოსდებოდა. კვამლის მრუმე ბურუსი მაქლახუნასავით დასწოლია დედამიწას. დაჭრილი კვნესის, ბორგავს, უნდა გაერკვეს, სად მოხვდა ტყვია, რა აწუხებს ან ჭრილობა როგორია — მძიმე, მსუბუქი თუ მომაკვდინებელი. უცებ თავში საშინელი ტკივილი იგრძნო, თვალთ დაუბნელდა, პირი გაუშრა, სწყურია, საცაა, ენობიერებასაც დაკარგავს, მაგრამ არა, ჭერჭერობით გადარჩა, სისხლიან ქორორთან ხელი მიიტანა, ჭრილობა მოისინჯა — ტყვიას მხოლოდ კანი გაუკაწრავს, ძვალი კი საღი და მრთელი უნდა ჰქონდეს. მარცხენა იდაუვზე წამოიწია, მაგრამ ტკივილმა ისევ მიწას გააკრა. გონს რომ მოეგო, შარვალი ჩაიწია, ჭრილობა გაისინჯა. რის ვაი-ვაგლახით შეიხვია და შეისვენა. დიდხანს იყო გაუტრებული, თუმცა ტკივილი უფრო და უფრო ტანჯავდა. თქმულე თითქმის ციცხლი ეკიდებოდა, სისხლით სავსე ჩიქმაში ფეხი რუმბივით ედო. ტკივილი ოდნავ არომ დაუცხრებოდა და წამოფარფატებულ ფიქრებს თავს მოუყრიდა, ის შემზარავი წუთი აგონდებოდა, — თვალწინ დაუდგებოდა მალღობი, ახმახი, ფიცარივით გამბადარი ოფიცირი, რომელმაც ზედიზედ ესროლა, მერე რა მოხდა, აღარაფერი ახსოვს...

ძალა მოკრბობა, საღ ფეხზე გადაგორდა, ეკლესიის გუმბათზე გარინდულ მთვარეს თვალი გაუსწორა. რის ვაი-ვაგლახით ამოფოხვდა თხრილიდან. დიდხანს და შეუღვენებლივ მიფოფხა-

ვდა. ბოლოს, ახწინდამოდებულ თხრილს რომ მიაღდა, შეჩერდა, ქარი ამოიღო. უკან მოიხედდა, დამსკლარი ტურები ხელისგულით გაიწმინდა და კვლავ გაფოფხდა. მარცხენა ფეხი უსაშველოდ სტკიოდა, ზოგჯერ კი ისეთი ცეცხლით წვადა, იძულებული იყო, კარგა ხნით შეჩერებულიყო და დაეცადა, როდის მიუყურებოდა.

მზით გარუჯულ, გამხდარსა და მტვერში ამოგანგლულ ჭარისკაცს გულისრევის მწვევად შეგრძნებამ არაქათი გამოაცალა. ცალკე სივხემ გაასავთა და ცალკე ტკივილმა შეუხუთა სული, მაგრამ აზრი არ დაუქარგავს. წამებ-წამებით ჩაღორღა წვიმებით ჩარეცხობდა, ჩახრამულ ღრანტეზე. ფერდობსა და გაუთიხავ მდელიებს მთვრელ უკვე დღუსვით ანათებდა. ჭაგებში აქა-იქ ამოწრდილი, ფერდაქარგული ბალახი უნაითოდ ლაპლაპებდა. აქედან უკვე კარგად მოჩანდა სოფელი. სულ ახლოს, სოფლის ბოლოში, ალიზის სახლი იდგა. ერთ ფანჯარაში სინათლემ გაიღვია, მაგრამ ისევ სწრაფად ჩაქრა. იმ სახლის გადაღმა, სწორ ადგილზე, ხიცოცხლენამკვდარი ქოხები მიმოფანტულიყო. ციცაბონაპირიან ხევს აქეთ შამბნარით დაფარულად კარგა მოწრდილი გუბურა ლაპლაპებდა. წვიმისგან ჩამორეცხილი ვიწრო ბილიკი სწორედ ამ გუბურასკენ მიემართებოდა. დაჭრილი თხემლის ბუჩქებისკენ გახობდა. აი, იმის შიშით, ხევში არ გადავიჩხოო, ერთხანს შეისვენა, ძალა მოიკრიბა და ნელა დაიძრა. ენის წვერით ისველებდა დამსკლარ ტურებს — პირი უხურდა და წყურვილი ახრჩობდა. ირგვლივ სიჩუმე იდგა, მხოლოდ საღდაც შორიდან მოისმოდა მანქანის თუ მოტოციკლის ხმა და მათუბიციების გრუხუნე. ძებორციელი არსად ჰკუნებდა. ცოტა ხნის შემდეგ შორიახლოს ძალღმა დაიყუდა და მერე ისევ სიჩუმე ჩამოწვა.

დაჭრილი მოიქანცა. ახლა უფრო ხშირ-ხშირად ისვენებდა, კბილების ღრჭილით ვასცქეროდა ცას, სადაც დროდადრო ინთებოდა და ქრებოდა მერთალი ვარსკვლავი. დასავლეთიდან მძიმე ჩაქუფრული ღრუბლებით გამალებით მოიწვედნენ წინ და ზედ სოფლის თავზე შემოჭარულ ღრუბლებს უერთდებოდნენ.

ჩაქუფრული ცა თანდათან დაბლა ეშვებოდა. ბნელდებოდა. უცებ შორეული ტრამლიდან გაგუებით მოვარდა ქარი და მთელი ძალით ეძვრა ტყეს. ტყე ერთი პირბა შექანდა, გამარგად, მაგრამ ვერ გაუძლო — ახმაურდა; მერე ქარი უკან გაქანდა, ჩახუტებულ გორაკებს მიეტყლაშუნა და ზუზუნით გადაუარა ყორღანს, ისევ ხაშინელი სიმლიერით წამოუქროლა და აგორებული ღრუბლის ყომრალიდან წვეთ-წვეთად წამოიყოლა წვიმა. გორაკების თავზე ისეთი ძალით იელვა, რომ ირგვლივ ყველაფერი განათდა და წვიმა თქეშად წამოვიდა. დაჭრილმა გახურებული შუბლი წვიმას მიუშვირა, ღრმად შეისუნთქა ნოტიო, გრილი ჰაერი და იქით გაიხედა, სადაც წელან მთვარე ჩანდა.

2.

შუალამისას გამოელვია. წვიმას გადაეღო. დაჭრილმა გაღუმშული, ტალახში ამოგანგლული, ქაშიდან ამოჩაჩული გიმნასტურა გაისწორა, ჰრილობას თითები ფრთხილად შეახო და ნერწყვი გადაუღმა — უწყსლოდ ტანჯავდა წყურვილმა პირი გაუშრო და გამოფიჭა.

უცებ პროექტორის ძლიერმა შუქმა მიწდორზე გადაირბინა და ტყის ზოლი გაანათა. მიწდვრად სიკვდილის სამკაულბივით ეუარა ქვემეხების ნამსხვრევები. დამწვარი ტანები, ნაღმტყორცნები, მანქანები, დახოცილი ადამიანები...

მკვდრებს არ აცვიათ შავი კოსტიუმები, არც გალაქული ფეხსაცმელები. მკვდრებს გულზე არ აქვთ ხელები დაკრეფილი, კუბოში არ წვანან, ისე ყრიან მიწაზე. მათ თავით არ სხედან ჰირისფულები, არავინ ტირის. მეკრდაღელი ბიჭები ყრიან მიწაზე და თითქოს... იციანია.

ცოტა ხნის შემდეგ ცამ ისევ დაალო ხახა, დაიგრუხუნა და გაიღვია. დაჭრილი მარჯვენა მხარეს გადაწვა და გაბობლდა. სველ მიწაზე ხოხვა უფრო გაუჭირდა. სხლტებოდა, ცურავდა. სიბნელეში აღარაფერი ჩანდა...

დაჭრილს დროდადრო ძალა ელევდა და სული ეხუთებოდა, მაგრამ თავს არ ზოგავდა, რაც შეეძლო სწრაფად მოძრაობდა. სანამ გერმანელები ტყესა და მიწდორს გაწმინდნენ, იქაურობას უნდა ვასცლოდა. ამიტომ ჩქარობდა. გადატყავებული მუხლისთავებიდან სისხლი სდიოდა. ყრველი მოძრაობა ჭოკხეთურ ტკივილს აუენებდა. იდაყვები სულმთლად გადაუყვლიფა. პირმოკუმული გასცქეროდა ჩახნელებულ სოფელს. აღმართზე რომ მიფოფხავდა, რამდენჯერმე ძირს ჩაცურდა. გული ამოუჭდა, ქანცი გაუწყდა — სულშეხუთულმა მაინც მოახეჩხა აბობღება. ერთგან თხრილთან შეჩერდა და სველ მიწაზე, როგორც ბალიშზე, მშვიდად მიდო თავი. დაისვენა, სიმწრის ოფლით დანამული თვალები გიმნასტურის სახელოთი ამოიშრალა და იქვე ახლოს თხრილს დაშტერდა. თხრილში მკვდარი ჭარისკაცი ეგდა. მუსხარადის ლაპლაპზე იცნო გერმანელი, რომელსაც ფართოდ გახილვლ თვალებში მთვარის ყვითელი შუქი ეღვრებოდა. დაჭრილმა კბილები გახრჭიალა და გახობდა.

ორი საათი კიდევ იბობდა. გათენებისას ძალა გამოეცალა და ღონემობილი მიეხვეწა. თვალი რომ გაახილა, თეთრად შეღებილი მესერი, თეთრი ჭვარი და არყის ხეები გაარჩია. მესერს იქით სასაფლაო ჩანდა.

3.

თბილი მოწმენდილი დილა იდგა. გორაკებიდან წამოსულ სიოს თან მოჰქონდა სველი ბალახისა და მიწის სურნელი. შორიახლო ცხენმა დაიფრუტუნა. თაფლისფერი კოჭლი ყირგი-ზულა მძივდ, გაჰირავებით მოათრევდა მარხილს, რომელზეც ახალგაზრდა ქალი იჯდა. ცხენს, ეტრამოდო, უჭირდა ტვირთის ზიდვა. კისერი და მთელი ტანი ოფლისგან უზუნაინდა, დაღლილობისგან დაბერილ ჩიჩვირს მალა-მალა სწევდა და თავს ძალას ატანდა, არ წაქცეულყო.

მარხილი სასაფლაოსთან გაჩერდა. იქიდან ქალი გადმოვიდა, ცხენი მესერზე აღვირით მიაბა. თავსაფარი მოიძრო, წამოწითლებულ, ოფლიან სახეზე მოისვა და გაწეწილი თმა შეისწორა. ცხენმა წინა ფეხები ააბაკუნა. ყურებდაცკვეტილმა ჭრელმა ლეკვმა მარხილს შემოურბინა და ცხენის ფეხებთან ჩაცუსცა. ქალმა მარხილიდან წერაქვი და ნიჩაბი გადმოიღო, სასაფლაო მოათვალიერა და განაპირა ადგილას, იქ, სადაც არყის ხის ჩრდილი ეცემოდა, მიწის თხრა დაიწყო. მზე თითქოს ტყიდან ამოდიოდა და სველ ტვერს აბრწყინებდა. სოფლის გზატკეცილზე გერმანელთა ტანკები გუგუნებდნენ. შუაგულ შარაზე გახიზული მანქანის ძარაზე ჭარისკაცები ხორხოცებდნენ. ფრონიდან საინტარული მანქანების გრძელი კოლონა მოდიოდა. გზაჭვარედინზე გერმანელი ჭარისკაცი კოლონას მიმართულებას ამღევდა.

ქალი საბარეს თხრიდა. დროდადრო ჩერდებოდა, დააღუპით ჩამოსულ ცრემლებს მკიღებით იშვრალბდა და მწუხარედ დასცქეროდა მიწას, რომელიც წერაქვის ყოველ დარტყმაზე ყრუ ხმას გამოსცემდა. ისეთი დღე იდგა. კაცს სიცოცხლეს რომ მოანატრებს. მზე უხვად იღვრებოდა, უფრო აბრწყინებდა და აკაშკაშებდა ისედაც მოკრიალებულ ცას. ქალი ღონივრად უნაცვლებდა წერაქვს.

გუშინ მოუკლა უნტერმა მოხუცი მამა.

დილადრია ბერიკაცი — გამოთავანებული, დაურუბული, გამხდარი და წელში მოკაკული — ეზოში გამოფრატუნდა. სიციხით დაბრუტულ, გადაყვითლებულ ბალახში შევიდა, აქანკალბული დიხანს უსინჯავდა ცხენს ნატკენ ფეხს. ცხენი ფრუტუნებდა. სწორედ ამ დროს დაიპირიალა კუტიკარმა, მოხუცი ძლივს წამოიკაჯვა და ბეცი თვალტყინა ეზოში შემოსულ მალა-მალალ გრძელკისერა გერმანელ ოფიცერს მიაპყრო. ოფიცერს მკერდზე ავტომატამოკიდებული ჭარისკაცები შემოჰკვნიენ. მოხუცმა უკან დაიხია, ხეს მიეყრდნო და პირჯვარი გადაიწერა. გერმანელმა რაღაც დაიუვირა. მოხუცმა ვერაფერი გაიგო. იმითომ კი არა, გერმანულად რომ დაუვივირეს — მის დავსილ ყურებს არაფერი ესმოდა. ოფიცერმა კიდევ რაღაც დაიუვირა. ჭარისკაცებმა ავტომატები მოიმარჯვეს. მოხუცი გახევდა, აცახცახებულ ხელი ჰაერში გაუშვებდა. ოფიცერმა ახლა უფრო ხმამაღლა დაიუვირა. სანამ მოხუცი გონს მოვიდოდა, რვიოლვერი ამოიღო, ცისფერი, ცბიერი თვალები მოჰუტა, ჭერ ჰაერში გაისროდა და, როცა დაინახა — შიშისგან ფერწასულ და აცახცახებულ მოხუცს გული გასკდომაზე ჰქონდა, ორჭერ ზედოზედ ესროლა. ყველას გასაკვირად, სიბერისგან დაუძლურებული ბერიკაცი უცებ არ წაქცეულა. ჭერ ჩაიშუხლა, მერე, გეგონებოდა, სავარძელში ჩაეშვაო, თხემლის ძირში ჩაჭდა. გაოცებული თვალებით შეხედა უნტერს: „რატომ?“ და სანამ სული ამოუვიდოდა, ერთხელ კიდევ გაისმა გასროლის ხმა. ტყვიამ მოხუცს შუბლი შეუნგროა. არ დაუკვენია. მხოლოდ ღიად დარჩენილ სევდიან თვალებში გაკვირება აღებებდა. იმავე წუთში საჩხებიდან გამოვარდა მოხუცის ქალიშვილი. კიბეზე შეჩერდა, ეზოში გაიხედა და თხემლის ძირას გულაღმა გაშოტილი მამისკენ კვილით გაქანდა.

უნტერმა რევიოლვერი ბუღვეში ჩაღო, აწვივებულ ქალს აღმაცერად გახედა და ეზოდან გავიდა.

4.

ქალი გაშმაგებით, თავგანწირვით თხრიდა. ხელისგულები სულმთლად გადაეკვლიდა, მკლავები დაეღალა, სახეზე ოფლი წურწურით ჩამოსდიოდა. თვალწინ ედგა მოხუცი მამის ღიად დარჩენილი, გაკვირებული თვალები. ტირილისგან გამშრალი და გამოფიტული, შეუსვენებელი თხრიდა, რათა მზის ჩასვლამდე მოესწრო მამის დამარხვა. წერაქვს ნიჩაბს უნაცვლებდა. მთელი ძალით ურტყამდა. მიწა ყრუდ გუგუნებდა. გუგუნის საღდაც სიღრმეში იპარგებოდა.

უცებ ლეკვმა ყურები ცქვიტა, დაიწკაწკაწკა და ვიღაცას თუ რაღაცას შეუყეფა. ქალმა

ნიჩაბი დაადგო და მიწაყრილზე ჩამოჭდა. ლეკვი წამოხტა, ყუფით გაიბრინ-გამოიბრინა და ქალთან მივიდა. ცოტა ხნის შემდეგ ისევ დაიყუფა, კუდი აპრიხა, საღდაც გაიქცა. იქ ერთ ადგილას იტრიალა, მერე უკანვე გამოქანდა და ქალს კალთაზე შეახტა. ქალმა თავზე ხელი დაუხვია. ლეკვმა დაიყუფა, კაბის კალთაში კბილები ჩაავლო და, რაც ძალი და ღონე ჰქონდა, გაქარა. ქალი მოუფერა, კალთაში ჩაისვა, ლეკვი კი ისევ წყმუტუნებდა, კალთიდან გადაუხტა და საღდაც გაიქცა.

ქალი თავშიშველი იჯდა. ნიავი უწუნავდა თმას, უფრიალებდა კაბას, ნელა, შეუმჩნევლად უშრობდა ოფლს სახეზე, ყელზე, მკლავებზე. შრილებდნენ არყის დიდრონი ხეები, სასაფლაოზე მძიმედ ირხეოდა ბალახ-ბუღაბი. თეთრი, ქათქათა ღრუბლები, აქა-იქ იასამნისფრად რომ მთვრალადებულაყვნენ, ზანძარ... უდარდელად მიცურავდნენ დასავლეთისკენ. შუადღის მზე შენგვერდლად, ჭოჭობითურად აცხუნებდა, ნაღვერდაღვივით ცახცახებდა და საღაც იყო, გადაიხრებოდა კიდეც. ქალმა აწკაწკავებულ ლეკვი ისევ კალთაში ჩაისვა, ორივე ხელი შემოხვია და აწითლებული, ვახურებული ღოყა მიაღო ბანჯგვლიან თავზე. ლეკვი გაიტრუნა, სულმთლად გაილურსა, მერე ერთიანად აუღოკა ხელები და სახე.

ქალმა ლეკვი მიწაყრილზე დასვა, წამოდგა და თბრა განაგრძო. თბრიდა დიდხანს და გამომავლით. მზისგულზე მიწასაც ცეცხლი მოსდებოდა, გამთბარყო, ნოტიო სუნს გამოსცემდა. ძალდი ყუფით იქლებდა იქაურობას, ყურადღებას ითხოვდა. ქალმა ნიჩაბი დაადგო და ძალს შეხლე. ლეკვმა უფრო თამამად შეუყუფა, უკან-უკან წავიდა, ქალს მივარდა, ფხსაცემელში კბილები ჩაასო და ღრენას მოჰყვა.

— რა ამბავია, რა დაგემართა? — ქალი გაქცეულ ძალს გაჰყვა.

მესერს იქით, დიდ მიწაყრილთან დაჭრილი იწვა. ერთი ხელი თავზე ედო, მეორე წინ გაეშვირა. ქალმა ჭერ უკან დაიხია; მერე შიში დათრგუნა და ჭარისკაცს მიუახლოვდა. დაჭრილი მძიმედ სუნთქავდა. გაშვებულო, დახეთქილი ტურჩები მაგრად მოეკმუა, დაკარგულ, გაუპარსავ ლოყებზე სისხლი შეხმობოდა.

ქალმა აქეთ-იქით გაიხედ-გამოიხედა, მერე დაიჩოქა, მღუმარედ დააცქერდა. დაჭრილმა, ეტყობა, იგრძნო, რომ მის ახლოს ადამიანი იყო. ჭერ ცალი წარბი აწიდა, მერე უღონოდ, სისხლიანი მარჯვენა ხელი ოდნავ მომუშტა და რაღაც წაიჩურჩულა.

ქალმა ვერ გაიგო, რა თქვა ჭარისკაცმა, დაიხარა და სახეში ჩააცქერდა. დაჭრილს სიციხისაგან აღმური ასდიოდა, გავრავრებული შუბლი და ტურჩები ოფლით ჰქონდა დაცვარული.

— რაო, რა თქვი, წყალი გინდა?

დაჭრილმა ამოიგმინა და გადატრიალება სცადა. ჭერ ერთი თვალი გაახილა, მერე მეორე. მხედველობა დაძაბა, მაგრამ ვერაფერი ვარჩია.

— რა გინდა, წყალი? რომ არა მაქვს. ღმერთო ჩემო, იქნებ დაიცადო, ჰა? ჰო, ჰო, უნდა დაიცადო, გაუძელი, გაიგი?

დაჭრილმა კვლავ ამოიგმინა. ქალმა ცხვირსახოცით შუბლიდან ოფლი მოსწმინდა და წამოდგა.

5.

მზე გორაკებს მიეფარა. დაჭრილი კენესოდა და დროდარო ტკივილისგან გონს ჰქარგავდა. სასაფლაოს გადასწვრივ სათიბში, ქალიშვილი ბალახს ყრიდა.

„ოღონდ გერმანელებმა არ დამინახონ, ოღონდ... ოღონდ...“ — ფიქრობდა და ბალახს მარხილში ბლუჭა-ბლუჭა ისროდა.

საქმეს რომ მორჩა, მარხილი დაჭრილთან მიაყენა. უტრიალა, უტრიალა, ვერაფერი გაახერხა. ბოლოს ჭარისკაცს ილიებში მკლავები ამოსდო. დაჭრილმა დაიგმინა.

„აბა, შენც, შენ თვითონაც მომეხმარე...“ — ჩურჩულებდა ქალიშვილი და დაჭრილს მარხილისკენ მიათრევდა.

„ცოცხალი ადამიანი უფრო მძიმე ყოფილა... ცოცხალი მოძრაობს, ძლიერია...“

ერთი მარხილზე დააწვინოს, მერე ყველაფერი ადვილია. მთავარია მარხილზე დააწვინოს, მაგრამ დაჭრილი ძალზე მძიმეა, ქალს არაქათი აღარა აქვს — მკლავები მოემჩვარა და მუხლებიც ეკიცხება.

შორიდან ავტომანქანის გუგუნე ისმის. შარაგზაზე ადამიანის ჩრდილები მოჩანს. „გერმანელები არიან. სოფელში პატრულებით დამრწინა“, — ქალიშვილს გული ეკუმშება, ცივი ოფლი ახსამს, მაგრამ მოგონილი სიმშვიდით მიერეკება კოჭლ ცენს. ეკლესიასთან, რიყეზე მარხილი აჩაქაუდა, მაღალი გუმბათის ჩრდილი სოფლის სალაუბოს ეცემა. ომის დაწყებამდე აქ დედაკაცები იხსდნენ ხოლმე; დაქალიშვილებული გოგონები გათენებამდე აქაწუნებდნენ მშენსუშირას და სასიყვარულო თავგადასავლებს ჰყუებოდნენ. ყოველ საღამოს წელავდნენ გარმონს და გულიდან ამოსულ სიმღერებს მღეროდნენ. ბატისტინა, ყუყუი ბიჭები ქურდულად.



ჭურგს უკან უსაფრდებოდნენ გოგონებს, ყურს უგდებდნენ მათ ლაპარაკს და როცა რომელიმე ცქვიტი გოგო თვალს მოჰკრავდა, ყველანი ერთად დაედევნებოდნენ ცნობისმისწავრებულს. თმით დაითრევდნენ, ააყვირებდნენ, ტანსაცმელს გააძრობდნენ და საცვლებსამარტა გაუშვებდნენ. მთელი სოფელი მხიარულობდა. ახლა კი ირგვლივ სიკვდილის აჩრდილი ძრწოდა. აბინიებული ყანებსა და სათიბს ნაშგლისა და ცელის ნაცვლად, გულდაგულ ანადგურებდა შტრის ბომბები, იბრუებოდა მინდორი.

ორღობეში ჩრდილები გამოჩნდა. ქალს შიშისაგან გააურთოლა. ცხენმა დაიფრუტუნა და ლაგამი გაღეკა.

— სდექ! — გაისმა მკაფიო შეძახილი.

ქალმა ცხენს სადავე დაუჭირა. ცხენმა ფეხები ააბაკუნა და დაიფრუტუნა.

გერმანელები იარაღის უღარუნიტ გამოქანდნენ.

— დედაკაცია, — გერმანულად დაიყვირა პოლიციელებმა.

ქალმა თანასოფელელი სტენკა ბლინოვი იცნო. იგი ფეხებგაჩაჩხული, გაფხორილი იდგა და მარხილს ათვალეირებდა.

— შენა ხარ, ულიანა?

— მე ვარ, — ყრუდ უპასუხა ქალმა.

— ჩვენ კი პარტიზანი გვეგონე, — გაიღრჩია სტენკა.

— პარტიზანი რომ ვიყო, რაღა მიქირს — ვერ გიცნობდი, მგლის ქურქში ხარ გამოწყობილი.

— აბა, აბა. ეგეთები არ იყო, — შუბლი შეიკრა სტენკამ. — მაგ სიტყვისთვის სხვას ცხელ ტყვისა დავახლიდი. შენ კი გაფრთხილი და ტყუა მოიკრიბე...

— გამატარე!

სტენკამ უყურა, უყურა, მერე მარხილს დაადგა თვალი და, ბოლოს, როგორც იქნა, გვერდზე მიდგა. მარხილმა პრიალიტ ჩაუარა.

ომამდე ბლინოვი ერთი უსაქმური, შფოთისთავი, მაჩხუბარა იყო. გოგონებს მოსვენებას არ აძლევდა, ყველას ეტორლილებოდა, სიყვარულს ეფიცებოდა. ამისთვის ბევრჯერ დაუყვავთ სოფელს ბიჭებს. ომი დაიწყო თუ არა, გადაიკარგა. ამბობდნენ, ტყვედ ჩაბარდა და გერმანელებს ემსახურებო. აი, გამოჩნდა კიდეც...

ულიანამ ცხენი ააჩქარა. მარხილმა ჩაღისსახურავიან ქოხებს ჩაუარა და მარჯვნივ, უშველებელ ეზოში ჩაუხვია. ულიანა სწრაფად გადმოხტა, ცხენს აღვირში მისწვდა და მარხილი ბოსელთან მიაყენა. მერე მოტრიალდა, ჰომეკართან მიიბრინა, მიაყურა და გაიქცა, მეზობელთან გარბოდა, ბოსტან-ბოსტან ჰქრიდა გზას და თავქუდმოგლეგილი გარბოდა.

— ნასტასია ფეოდოროვნა, ნასტასია ფეოდოროვნა! — ულიანამ ფანჭარაზე დააკაუნა და დაუცადა. გული გამაღებით უბაგუნებდა, ტანზე ოფლი წურწურით ჩამოსდიოდა.

— რომელი ხარ? — ჩურჩულით იკითხეს სიხნელიდან:

— მე ვარ, ულიანა.

— ა?!

— ნასტასია ფეოდოროვნა, ულიანა ვარ, ულიანა!

— რა მოხდა? ღმერთო ჩემო...

— ჩაიკვით და გამომყევით.

ნასტასია ფეოდოროვნა კარებში გამოჩნდა. იგი წედატანს იცვამდა.

— რა მოხდა?

— ოქ... დაჭრილი ვიპოვე, დაჭრილი... ჩვენიანია.

— უფალო!..

საბმელთან ცხენი მიწას ტორავდა და ლაგამს ღრღნიდა. ნასტასია ფეოდოროვნამ მარხილს შემოუარა, ბალახი გადაქექ-გადმოქექა და დაჭრილს თავით დაუღდა. ულიანამ ფეხებით ასწია. ჭარისკაცმა სიმწრისგან ამოიგმინა და რაღაცა წაიღულღულა.

— აბა, მოიხვეწე, მოიხვეწე, — ნასტასია ფეოდოროვნა დაჭრილს უკვე ტანსაცმელს ხლიდა. — ხედავ, ულიანა, ბარძაქში ყოფილა დაჭრილი. დახე, მეორეც სად აქვს მოხვედრილი...

— თავიც სისხლიანი აქვს, ღმერთო ჩემო, სულ სისხლით არის მოსვრილი, — დაიკვნენა ულიანამ.

— აბა, ლამაა კარგად მომინათე. ვნახოთ, რა ხდება. ჰოო-ო, ჩემო კარგო, დაჭრილი კია, მაგრამ მავთო რომ ნებავით, ისე არა. გაიქე, წყალი მომირბენინე...

სიცხისგან გათანგული, ტკივილებისგან დაოსებული ჭარისკაცი ბოსელში თივაზე იწვა, მუხლებზე ჩაჩოქილი ნასტასია ფეოდოროვნა ყურადღებით უსინჯავდა იარებს. შინაურ წამლებს აღებდა. შეხვევის დროს ჭარისკაცი ხმამაღლა გმინავდა და კბილებს აღრუილებდა.

— სისხლი ბლომად დაუკარგავს, — თქვა მოხუცმა, როცა ჭრილობების შეხვევას მორჩა. — ეს საცოდავი მშვიტი იქნება. ქვაბში ამ დილით მოდულეებული რძის ფაფა მიდგას,

სწორედ მისწრება ამისთვის. წავალ, მოვუტან. შენ კი, ჩემო კარგო, შუბლზე სველი ტილო დაადე, ტურები წყლით დაუსველი.

ულიანამ თვლებით დახარა, ცხვირსახოცი ცივი წყლით დაასველა და ჭარისკაცს მუხლზე დააფინა.

— აბა, ერთი მიმიშვი, მიმიშვი, — ნახტასია ფეოდოროვნა დაბრუნდა და ილიაში ამოჩრილი ფუთა ულიანას მიაწოდა. — გამომართვი, ჩემი კაცის ნაქონია. სკივრში მქონდა შენახული. ტანზე გამოვუცვალათ. მერე გაიქეცი და სამხედრო ტანსაცმელი ეწოში დამარხე.

ნახტასია ფეოდოროვნამ წედანდელივით მუხლზე ჩაიჩოქა, კაბა ფეხებზე ამოაკეცა, ქვაბიდან ხის კოვზით ფაფა ამოიღო და ჭარისკაცს პირთან მიუტანა.

— აბა, ჩემო მშვენიერო, ერთი თვალს გაახილე. შო, შო, ასე, ასე, აბა მიდი...

მარგამ ნახტასია ფეოდოროვნა ტყუილად იძახდა მიდი, მიდო, ჭარისკაცი მთლად მოუშვა და ცნობიერებაც დაკარგა. ულიანა გაფითრდა. აცახცახებული ხელები პირზე აიფარა და მოხუცს შეაკვერდა. ნახტასია ფეოდოროვნა დიდხანს ცდილობდა ჭარისკაცისთვის როგორმე კრიკა გაეხსნა, კარგა ხანს იწვალა. ჭარისკაცს სიცოცხლის ნიშანწყალი აღარ ეტყუბოდა. გახშირებული სუნთქვა შეუწყდა, მიტკლისფერი სახე ჭერ აუჭრებდა, მერე აქა-იქ მტლე დედო და სულ გალურჯდა. ნახტასია ფეოდოროვნამ ერთი გულიანად შეიკურთხა, ჭიბიდან რკინის კოწვი ამოიღო და წვალბე-წვალბებით ავადმყოფს კბილებზე ჩასჩარა.

— აბა, მარდა და, წყალი მომარწოდე! — მოხუცი ულიანას მიუბრუნდა.

წყლის წვეთი გადასცდა თუ არა, ჭარისკაცს ხველა აუვარდა. წამით უნიათოდ გაახილა თვალი, დახეთქილი ტურები ოდნავ აცმაცუნა და ისევ დაკარგა გონება. ნახტასია ფეოდოროვნამ კვლავ ჩააწვეთა წყალი.

6.

ნესამე დილა თენდებოდა. ულიანა საბძლის კარის ღრიქოდან სოფლის შარას გასცქეროდა. სოფლსაბჟოს დიდ ეწოში გერმანელები ფუსფუსებდნენ. დილის რთერაუს ტყიდან თხელი ნისლი მოჰქონდა. ნისლივით ბრუნავდა ულიანას ფიქრიც. სიბნელეში ჭარისკაცის ურუ გმინვა გაისმა. ნახტასია ფეოდოროვნამ თვალი გაახილა, წამოიწია და დაჭრილს გამოელაპარაკა.

— წყალი... — დაიხრიალა ჭარისკაცმა.

ულიანამ თვლებით ჰკითხა მოხუცს, რა ვქნაო და, როცა თანხმობა მიიღო, ჭარისკაცს თავი წამოუწია და წყალი დააღვინა. ცოტა ხნის შემდეგ ჭარისკაცს სუნთქვა მოუბრუნდა; ისედაც მოქანცული, გატანჯული სახე უფრო მოედრია. ნახტასია ფეოდოროვნამ კუშიტი, ბებრული თვალებით შეხედა და მიხვდა, რომ ტკივილის ეს საშინელი შემოტევა მარტო სიცოცხლის ნიშანი კი არა, სიკვდილზე გამარჯვებაც იყო.

ულიანა დუმდა, შეშფოთებით ადევნებდა თვალს მოხუცის ხელების მოძრაობას, სახის გამომეტყველებას, ხოლო როცა ნახტასია ფეოდოროვნამ კუშიტი წარბები გახსნა და ტურის კუთხებშიც მკაცრი ნაოქები გაეშალა, ქალიშვილი მიხვდა, რომ რაღაც სასიკეთო მოხდა. შიში, რომელიც გულში ჩაბუდებოდა ერთბაშად გაუქრა.

— წადი, დაისვენე, — უთხრა ნახტასია ფეოდოროვნამ ულიანას, — ბიჭს აღარა უჭირს რა, ჩვენია უკვე. შენ კი ცოდო ხარ.

— თქვენ უფრო გჭირდებათ დასვენება. მე აქაც კარგად მოვეწყობი.

— რად მამრანებ, ჩემო კარგო. უძილობისა რა მეტყუბა. ჩემისთანა ბებერი ყველაფერს იოლად აიტანს, შენ კი ნორჩი ხარ, ადვილად მოტუდები.

ულიანა დიდხანს იჭდა კუთხეში მიყუწყული. ბოლოს, როცა ნახტასია ფეოდოროვნამ უბრძანა, უხმოდ წამოდგა, ეწოში გავიდა, ცხენს წყალი დააღვინა და ჩაბნელებული ქოხის კარი შეადო. იქ ყველაფერი ძველებურად ეწყო — კახანზე მაშის გახუნებული, გაქუცული ხიფთანი და ტოტბგადმობრუნებული შარვალი ეკიდა; გრძელ, განიერ რუსულ ღუმელზე ხვადი-კატა თვლიდნენ; შუაგულ ოთახში ახალთახალ მუშაბაგადაფარებულ მაგიდაზე ყვავილების იაფფასიან ლარნაკში ფოთლის ნაფლეთი ტივტივებდა; გაზეთებით აჭრელებულ კედელზე ულიანას მშობლების ახალგაზრდობის სურათი ეკიდა.

ულიანა საწოლზე ჩამოჯდა, თმა ჩამოიშალა, დაქანებული მხრები ჩამოუშვა და გაირინდა. დიდხანს იჭდა ასე, მერე რული მოერია. ძილში მამა ესიზმრა, მერე სახლში უზარმაზარი ურჩხული შემოვიდა, მარტი დაუნოსა, პირიდან ცეცხლი ამოაფრქვია, დაიწვილა და გაქრა.

ულიანა უშეშა გამოადვიდა.

სწორედ ამ დროს კარზე ჭერ ფრთხილი, შემდეგ კარგა გვირავი ბრახუნი გაისმა. ულიანა სწრაფად წამოდგა. სიზმარში გადატანილი შიშისაგან აცნალებული ხელებით გახსნილი საკინძე შეიკრა და კარისკენ გაემართა.

— ვინ არის?

— მე ვარ, სტენკა. — მოისმა ყრუ, მოგუდული ხმა.
ულიანამ იგრძნო, როგორ დაუდგა თმა უაღრესად, როგორ გაუჩერდა წამით გული და რა ყრუანტილმა დაუარა სხეულში. სანამ პასუხს გასცემდა, სტენკამ კიდევ დააკანკა.
— რისთვის მოხვედი, რა გინდა?
— ხომ გითხარი, მოვალ-მეთქი. ერთი წუთით გამიღე კარი!
— შენი გზით წადი, თორემ ქვეყანას შევყვრი...
— ეგ რომელი ქვეყანა გინდა შეჰყარო? — ბოროტად ჩაიჭირებოდა სტენკამ. — ერთი წუთით შემომიშვი, თვალს შეგავლებ და მერე მართლა ჩემი გზით წავალ.

სტენკამ კარს ხელი ჰკრა. კარი გაიღო. კაცი ბარბაცით შემოვიდა და იჭაურება არყის სუნით ააქოთა. ულიანა კედელს აეკრა, ხელები მკერდზე აიფარა და სული შეუგუბდა. სტენკა ვერ ხედავდა კარს უკან დამალულ გაფითრებულ, აცახცახებულ ქალს. როცა თვალი მოჰკრა, კარი მიხურა და წინ დაუდგა.
— არ მომეკარო! — კბილებში გამოსცრა ქალმა.
— განა იმისთვის მოვედი, რომ გული გაგიხეთქო. შენცა ხარ რაღა, — ბუტბუტებდა სტენკა და ფეხდაფეხ დასდევდა ულიანას, რომელიც მაგიდას გარშემო უვლიდა. — მომისმინე, ულიანა, მე შენთან სიყვარულმა მომიყვანა, შენ კი... ეგ ვითომ რაღა საჭიროა?
— არ მომეკარო, ხელი, ხელი-მეთქი, გაიგე...
— მოდი, ჩემო მტრედო, დადექ, ერთი, დაიცა...
ულიანამ ორჯერ შემოურბინა მაგიდას, სკამი აიტაცა და შეჩერდა.
— არ მომეკარო-მეთქი, მოლაღატე!..

სტენკა გაფითრდა, ნერვების მთელი დაძაბვით შეიკავა თავი, მწარე ღიმილით გადადგა ქალისკენ ნაბიჯი.
— დადგი სკამი, ულიანა, რატომ უყვრის? მე შენთან კარგი საქმისთვის მოვსულვარ, შინაურულად მინდა მოგელაპარაკო. მუდამ იმას ვფიქრობდი, ულიანას შევირთავ, სიამტკბილობით ვიცხოვრებთ, ერთმანეთი გვეყვარება-მეთქი, შენ კი, შენ შიგ გულში მიიტყამ, არც მე-კითხები და ისე მიიტყამ.

— წადი აქედან!
— შენ მე აქ მოსვლას ნუ დამიშლი, — შუბლი შეიკრა სტენკამ, მალაყელიან, პრიალა ჩქემბეზე დაიხედა და მკლავზე შემოხვეული სვასტიკიანი ნაჭერი გაისწორა. — ჭირს წაუღია ყველაფერი — ვერმანელებიც, ბოლშევიკებიც. ყველას დედა... ოღონდ ჩვენ ვყოფთ კარგად!..

— არ მომეკარო! — ულიანამ სკამი აღმართა.
— აბა, მითხარი, რისთვის უყვრის, ძვირფასო? დღეს იქნება თუ ხვალ, მაინც ჩემი უნდა გახდეს, — სტენკამ მოასწრო სკამის გამოღლეჭა, მაჭაში ჩაებლაუჭა, მკერდზე მიიკრა. — ო, რა კარგი ხარ, რა ტკბილი. გაჩუმდი და ხელები მომხვიე. ჩემო გემრიელო, ჩემო სიცოცხლე! გამძვინვარებული ქალი უკან-უკან იხევდა, ხელს ჰკრავდა და რაც ძალი და ღონე ჰქონდა ყვიროდა:

— არაშადავ, მრუშო, მოლაღატე!
— ნუ ყვირი, ნუ ყვირი, მე ხომ შენთვის სიკეთე მინდა. განა სიყვარულისთვის ასე სჯიან? გაჩუმდი-მეთქი, გეუბნები! — ბუტბუტებდა სტენკა და ქალის გაბუსხული, აკანკალებული ტურნისკენ მიიწვავდა.
— ხელი გამიშვი, შე მაწანწალავ, შენა! — შეჰკვილა ულიანამ და კბილებით ლოყაში ჩააფრინდა. სტენკამ შეჰკვირა და სიმწრისგან გაოგნებულმა ქალს ხელი უშვა.

ულიანა უკან-უკან წავიდა. მაგიდიდან წყლით სავსე ლარნაკი აიღო და შემართა. კბილებ-დაკრეჭილმა, გაცოფებულმა სტენკამ ლოყაზე ხელი აიფარა.

— ეს-ს რატომ? იმისთვის, რომ მიყვარხარ? მე ხომ შემძლია მოგკლა?
— მომკალი!
სტენკას, ეტყობა, ტკივილმა ცოტა გაუარა, რევოლვერისკენ წაღებული ხელი ჩამოუშვა.
— გავწამდი. შენ კი სულილი ხარ. სიყვარულისთვის აი, რა დღეში ჩამაგდე. წასვლით წავალ, მაგრამ იცოდე, კიდევ დავბრუნდები. — მერე ბრძანებით დააყოლა: — რაც უნდა მოხდეს, მაინც დავბრუნდები!

მძიმე ნაბიჯით მაგიდას შემოუარა, ერთხანს შეჩერდა. ძალდატანებითი სიმშვიდით შეხედდა ულიანას, ლოყაზე ერთხელაც მოისვა ხელი და კარი გაიჭახუნა. ქალიშვილი დიდხანს იდგა აკანკალებული. ყურს უგდებდა სტენკას ნაბიჯების ხმას, მერე, როცა ყველაფერი მიწყნარდა, ლოგინზე დაემხო. ცრემლიანვით აცახცახდა და ქვითინი ამოუშვა.



ჭარისკაცი ფაფა ქამდა. კარის გასწვრივ, თივაზე მოკუნტული იჯდა ულიანა. ცისფერი ქვედატანის ქვეშ შეემალა. დროდადრო ჭარისკაცი თავს მალდა სწევდა, დიდრონ შვ თვალებს ულიანას მიაპურებდა და იღიმებოდა. ულიანაც მორცხვად უღიმოდა. ბოლო დროს ჭარისკაცმა საგრძობლად მოიყეთა. ძალა მიეცა და ფერი მოუვიდა. გახარებული ნახტასია ფეოდოროვნა ამბობდა: თვალი დაუდგეთ გერმანელებს. ჩვენი ბიჭი კვლავ ჰანშრთელი და სალსალამათია. მალე ბუკს ავახმინებთ!

— ბუკი რაღა შუაშია? — ეკითხებოდა ულიანა და თვალს დაჭრილისკენ აპარებდა.

— გერმანელებს რომ გავუუთავთ, ბუკს ავახმინებთ, აბა, რა იქნება!

აი, ხსლაც, ნახტასია ფეოდოროვნა შემოვიდა. კალათით მოცხარი და ფუმფულა პური მოიტანა.

— მეგონა, მოგასწრებდი, შენ კი, ჩემო კარგო, ფაფა უკვე გაგითავებია. ღმერთმა შეგარგოს!

დაჭრილმა გაიღიმა, ტუჩები ხელისგულით მოიწმინდა და თევში განზე გასწია.

— გესმით, როგორ წაწარებას მიწა? — ნახტია ფეოდოროვნა მოცხარს თიხის კილაში ჰურდა. — მოდიან ეგ გასაწყვეტები. აღარ გათავდენენ. მთელი დღეა ტანებს მოაგრუხუნებენ... მოცხარი მოგართვი ჩაისთვის, სურნელოვანია და სასარგებლო, — ნახტასია ფეოდოროვნა გაჩუმდა, პირი მოკუმა და ძლივსგასაგონად დაუმატა — გუშინ ფაშისტებმა მაკარ ტიხონიჩი ჩამოახრჩვეს.

ულიანამ ელდანაკრავით წამოიწია.

— ეგ როგორ, მაკარ ტიხონიჩი ხომ პარტიზანებთან იყო?

— ეჰ, ჩემო კარგო, განა ყველა, ვინც რუსად არის დაბადებული, რუსია?! იმ არაშნადა სტენკას გუშინ დილით უნაში დაუწახავს მაკარი და დაუბეზღებია. — ნახტასია ფეოდოროვნა ხვნივით წამოდგა, თევშები გასარცხად წაიღო.

დაჭრილმა გვერდი იცვალა, ულიანას ხელს შეეხო.

— ულიანა, ვინ იყო ეგ მაკარ ტიხონიჩი?

— ჩვენი სოფლის საბჭოს თავმჯდომარე, — ყრუდ მიუგო ქალმა.

ჭარისკაცმა თვალები დახუჭა, კარგა ხანს ხმა აღარ ამოუღიათ. ულიანა მოღებულ კარში იყურებოდა. ბოსტინს ბოლოს ჭიკოზე წამოცმული საფრთხობელა ქანაობდა. ღობის ძირას ოროვანი და კინჭარი მომრავლებულიყო. უყურებდა ცხელი ზაფხულის ხვატიოა და მოუვლელიობით გვერანებულ ბოსტანს თვალწინ დაუდგა თხმელის ჩრდილში გულაღმა გაშოტილი, თვალღიად დარჩენილი მამა, პატარა, ჩია მოხუცი, რომელსაც მის სიცოცხლეში არაფერი დაუშავებია, ხმაშალდა სიტყვაც არავისთვის უკადრებია და, ვიღაც გადამთიელმა მხეცმა, კაცმა რომ არ იცის, რატომ ან რისთვის, ტყვიით შუბლი გაუხვრიტა. ულიანას თვალები ცრემლით აევსო. ჭარისკაცის ხმამ გამოაფხიზლა:

— ულიანა!

— გინდათ რამე?

— არაფერი.

— აბა, რატომ დამიძახეთ?

დაჭრილმა თვალები გაახილა და ისევ დახუჭა.

— შინ წადი, აქ კოლოები არ მოგასვენებენ.

— დაძინება თუ მინდა, კოლოები რას დამაკლებენ. ცოტა ხანს კი წავალ, ნახტასია ფეოდოროვნას მარილს გამოვართმევ.

— სასესხებლად მიდინარე?

— ჰო, ცოტას ვისესხებ.

— საქართველოში მარილს არ სესხულობენ. ხალხი ამბობს, მარილის სესხება არ ვარგაო.

„საქართველოში... ქართველი ყოფილა...“ — გაუღევა ულიანას. ერთხანს იყუჩა, მერე ჰკითხა:

— რატომ არის ცუდის ნიშანი მარილის სესხება?

— არ ვიცი, ასე კი ამბობენ.

მესამე დღეს ულიანა მანძვ წავიდა მარილის სასესხებლად. ის იყო, ეზოდან გავიდა, რომ არემარე შეწაწარდა, დაიქუხა ერთხელ, მეორედ და სოფლის ბოლოს, გუბურასთან, სადაც გერმანელთა ორი ასეული იდგა, შავი კვამლი ავარდა. ჰაერში ატყორცნილი მიწა და ნაღმის ნამსხვრევები შორს გაიშალა. ულიანას შიშისგან გააჟრუოლა. როგორც იქნა, მეზობლის სახლამდე მიიბრინა და დახურულ დარბაზზე დააკაუნა.

- ნასტასია ფეოდოროვნა!
- ა?
- მე ვარ, დეიდა ნასტასია, მარილზე მოვედი.
- რაზე მოვედიო?
- მარილი მინდა, იქნება ცოტა მომცეთ.
- ა-ა, მარილი... დაიცა, დაიცა.

ულიანა კედელს აეკრა და იქით გაიხედა, საიდანაც წედან აფეთქების ხმა მოისმა.

- როგორ არის? — ფანჯარა გამოაღო მოხუცმა.
- კარგად. რატომ არ გამოჩნდით?

ნასტასია ფეოდოროვნამ ტუჩები თეთრი თავსაფრის ბოლოთი მოიწმინდა, აქეთ-იქით მიმოიხედა და ჩურჩულით თქვა:

- მე იქ, პარტიზანებთან ვიყავი, ცოტაოდენი სურსათი წავუღე.
- ულიანამ ტოპრაკს ხელისგული შეუშვირა.

- იქ... ჩვეინაზე არაფერი გითქვამთ?
- ვუთხარი. იმ არამზადას სტენკას ამზავიც მოვახსენე.

იათქოს მკერდიდან მძიმე ტვირთი მოხსნესო, ულიანამ მოულოდნელად სულიერი სიმშვიდე იგრძნო.

8.

მზით გადახრუყულ ეზოში სოფლსაბჭოს შენობისაკენ, სადაც გერმანელების კომენდატურა მოეთავსებინათ, ზურგშექცევით იდგა პურის მაღაზია. აქ ყოველდღე ორი ავტომობიანი ჯარისკაცი წინ და უკან დადიოდა და თვალს არ აშორებდა გამველ-გამომველთ. პურის მომლოდინე ხალხი ყოველ დღით მაღაზიის წინ გროვდებოდა. უმთავრესად მოხუციები და ქალები იყვნენ. აი, მოფრატუნდა სოფლის უხუცესი, ყველასაგან პატივცემული დოსიფეი ივანიჩი, სიბერისაგან დაჩაჩანაკებული და დაპრუებული ბერეკაცი. მშვიდობიანობის დროს სოფელში გამოჩნდებოდა ხოლმე თუ არა, ყველანი ქუდს უხდიდნენ და თავს მდაბლად უქრავდნენ. კაი ხანი იყო, მოხუცი აღარავის ენახა და თვალი რომ მოჰქრეს, მდუმარედ დახარეს თავები. მოდიოდა ნელი, ბებრული ნაბიჯით. ქუდი არ ეხურა და რალაციით მიცვალბულს ჩამოგავდა. ბეერს დოსიფეი ივანიჩი ცოცხალიც აღარ ეგონა. გაუხარდათ მისი დანახვა და პატივისცემით დაუთმეს გზა. დოსიფეი ივანიჩი პარმალთან მივიდა, იტრიალა, იტრიალა და, როგორც იქნა, კიბეზე მოეწყო.

კარმა გაიჭრიალა. გამოჩნდა პოლიციელის ფორმაში გამოწყობილი სტენკა.

— დღეს პური არ იქნება! — გერმანულად თქვა მან.

ხალხმა ერთმანეთს გადახედა.

— რაო? — ყურზე ხელი მიიღო დოსიფეი ივანიჩმა.

— პური არ იქნება! — გაიმეორა სტენკამ და გოროზად გადახედა ცალ მხარეს შეგროვილ ქალებს.

— შენ რაო, რუსული დაგავიწყდა? — დაუყვირა ნასტასია ფეოდოროვნამ. — ერთი ამ გერმანელს დამიხედეთ, როგორ იბღინებდა.

— აბა, აბა, მოკეტე! — დაიღრიალა სტენკამ. — აქ კოლმეურნეობა არ გეგონოს. თუ ჭკუით არ იქნებით, მთლად მშვიგრები დარჩებით..

— მეხი კი დაგაყარე მაგ გერმანულ თავზე, აბა!

— ენას მოუყელით და შინ გასწით!

— შენგან კარგს მაინც არ მოველოდით. პირწავარდნილი მამაშენი ხარი — ნასტასია ფეოდოროვნამ კაბის კალთები ისე აიკეცა, გეგონებოდათ, გუბურაზე უნდა გადახტისო. — რაც იმას მოუვიდა, შენც იმას დაიჭერ.

ხალხი ნელ-ნელა დაიშალა. ავტომობიანმა ჯარისკაცმა დედაკაცები კომენდატურის წინ არ გაატარა. სტენკამ მოახერხა და ულიანა დაიმარტოხელა.

— პური გინდა? გიშოვი.

ულიანამ ნაბიჯს აუჩქარა. სტენკა დადევნა.

— ახლავე გიშოვი. ამბობენ, კარგა ხანს აღარ იქნებაო, მე კი გიშოვი. დაიცა, სად გარბიხარ! ნახე, რა მიქენი მამინე...

— თავი დამანებე.

— შიმშილით მოკვდები!

— ეგ შენი საქმე არ არის!

— რატომ ჭიუტობ. აბა, გაიხედ-გამოიხედე, რა ხდება ირგვლივ.

— უსირცხვილო!

— იქნებ იმედოვანი გავქვს, რომ წითლები ისევ მოვლენ. არაა, ისინი ველარასოდეს დაბრუნდებიან, მათი მზე უკვე ჩახსვენა. სჭობს, კეკა მოიკრიბო და არსებულ ხელისუფლებას...

— მომწუდი თავიდან, გამყიდველო!

— გულში გერმანელებმა მოსკოვი აიღეს. ყველას სახრჩობელაზე ჩამოჭიდებენ. სამურაი ცნოვრება გვექნება.

ულიანას გულზე ცეცხლი ედებოდა და უკლში საშინლად უჭერდა. ნაბიჯი კი შეინელა, რომ შებრუნებულიყო და ერთი მაგარი ეთხლინა.

— ფიურერის ბრძანება მივიღეთ...

ულიანა შეცბა, როგორც მანქანას დამამუხრუჭებენ ხოლმე, ისე ერთბაშად შეჩერდა. თვალე-ბი მოჭუტა, სტენკა პოლიციელს ზიზღით შეხედა და გაშმაგებით მიახალა:

— წადი ერთი შენიცა და შენი ფიურერიც!

შეშისგან დამფრთხალმა სტენკამ აქეთ-იქით მიმოიხედა, ერთ ადგილას გაშეშდა.

— რაებს როშავ, სულელო, გესმის, რას ლაპარაკობ?!

— გასწი აქედან, თავი დამანებე!

— თავი როგორ დავანებო, როცა უშენოდ ჩემთვის არც დღეა და არც ღამე. განა შენთვის ცუდი გამიკეთებია ოდესმე, ეგრე რატომ მიქცევი? ყველგან იმას გაიძახიან, ამათი დღე დათვლილიაო. საყუთარი თვალითაც ხომ ხედავ, კურდღლებივით გარბიან.

— შენ რატომ არ გაიქევი?

სტენკამ ღვარძლიანად გაიღიმა:

— რომელი კომუნისტი მე ვიყავი, რომ გავქცეულიყავი! მამჩემიც შორს იდგა ამთვან. ულიანამ ბოროტად დაკვესა თვალები და სწრაფად წავიდა.

— დაიცა, რა მიგარბენინებს. თავს ტყუილუმბრალოდ იღუპავ? ომი მალე დამთავრდება, დავმშვიდდებით, ახალ ცხოვრებას დავიწყებთ. გერმანელები ცუდი ხალხი როდია. ერთად ვიცხოვრებთ. სიაშტებილობა მამინ ნახე.

ულიანა თითქმის სირბილით გაშორდა. ეზოში ისე შევარდა, უკან აღარ მოუხედავს. კიბეზე ჩამოქდა, თავი ველარ შეიკავა, ცრემლი წასკდა.

ირგვლივ სიჩუმე იყო. ბინდებოდა. შორს, ზედ ჰორიზონტზე, როგორც ზღვაზე იცის ხოლმე, მომწვანო-მოყვითალო დასალიერი გამოჩნდა, სოფლისაკენ კი გულმოდგინედ მოემუხრებოდნენ შავი ღრუბლები და თან გვიანი ზაფხულის სიგრილე და სინოტივე მოჰქონდათ...

9.

ჰაერში მტვრისა და სიცხის ბული რომ იდგა, თანდათან დაიწმინდა. ზაფხულის მცხუნ-ვარე, შფოთიანი დღეები ნელ-ნელა შეიცვალა და ღამ-ღამობით აგრილდა კიდეც. ქარი სვენე-სვენებით, მაგრამ გულმოდგინედ უბერავდა და ხეებიდან გაყვითლებულ ფოთლებს წყვე-ტდა. ისედაც დაბეჩავებულ სოფელს შემოდგომის ნაღველი ედებოდა.

ჭარისკაცს იარები მოუშუშდა, ტყვიელებიც დაუცხრა, მოლონიერდა და ლოგინზე წამო-ჭდომაც შეძლო. ულიანას მამის ნაქონი სამართებლით წვერი გაიპარსა და ერთბაშად გალა-მაზდა, ბინდებულში, როცა ყველაფერი მიწყნარდა, როცა ქარი წივასა და ფიჩხში წვივლით დაიღალა, ულიანამ ფრთხილად შეაღო საბძლის კარი. ჭარისკაცმა მხრებზე გლეხური ხიფთა-ნი გაისწორა და ზღურბლზე შემდგარ ქალს შეხედა.

— როგორა ხართ? — ჩურჩულით ჰკითხა ულიანამ.

— კარგად. გარეთ რა ისმის?

— გერმანელები ხმას ავრცელებენ, მოსკოვი ავიღეთო.

— არ დაიჭერო, — ხელი ჩაიქინა ჭარისკაცმა. — ხალხს ატყუებენ.

სადღაც ძაღლმა დაიყეფა. ულიანას გაწვდილი ხელი ჰაერში გაუშეშდა, ნელა გააღო კა-რი და გაიხედა. მთვარით განათებულ ეზოში სტენკას ლანდი შემოდდიოდა. იგი ფრთხილად, ქურდულად მოაბიჯებდა და იქაურობას ზვერავდა. ულიანას შეშისგან გული გადაუქანდა, კა-რი მჭიდროდ გადაარაზა.

— რა მოხდა? — ურუ ხრინწიანი ხმით იკითხა ჭარისკაცმა.

ულიანან აცახცახებულ ხელები მკერდზე აიფარა. ათრთოლებული მიბრუნდა ჭარისკა-ცისკენ და გაილურსა.

— რამ შეგაშინა, გერმანელები ხომ არ მოვიდნენ?

სახლის პარმაღზე რაღაც გარახუნდა. ცოტა ხანში მძიმე ნაბიჯების ხმა გაისმა და ბოლოს მიწყდა. კუტიკარმა გაიჭრიალა. ორღობეში უილაქოდ დაიყმუვლა ძაღლმა და სიჩუმე ჩამოწვა.

— ვინ იყო? — ჩურჩულით იკითხა ჭარისკაცმა.

ქალიშვილი: ცხაცხველი მხრები ჩამოუშვა. ჭარისკაცმა მიიწია, თმაში თითები შეუცურა. გრძნობდა, როგორ უსველებდა ლოყას ქალის თბილი და მლაშე ცრემლები.



10.

ნასტასია ფეოდოროვნამ უბიდან კონსერვის ორი ქილა ამოაძვინა, მერე ქვედა კაბა აიკცა და ჩიბიდან შაქრის ნატეხები ამოიღო.

— პარტიზანებმა გამომატანეს, — თქვა და უტიბლო პირით გაიღიმა. — აი, როგორი ცხოვრება დავეიდა. განა ეგრე ვხვდებოდით სტუმარს? ბედელიც სავსე გვქონდა, მარტო ანტონ ივანის ათი სული ნუფი დაუდიოდა; ჩემ ბებერსაც ებადა სარჩო, ამ გასაწყვეტლებმა კი საბინძვლაც არ დაგვიტოვეს, მაგრამ არა უშავს, ჭერ კიდე ვნახავთ... კვლავც ჩაიცმევენ ჩვენს კაცებს ნაღით მოჭედელ ჩეჭმებს! — სიჩუმე ჩამოვარდა. ნასტასია ფეოდოროვნამ ორცხობილები გადმოყარა. — პარტიზანები შენს ამბავს კითხულობენ, მეც უველაფერი ვუამბე.

— ჩემი წასვლის დროც დადგა, — თქვა ჭარისკაცმა.

— წასვლას რატომ ჩქარობ? — სხაპახუპით დაიწყო მოხუცმა. — ღვთის წყალობით არა გიშავს რა, მაგრამ, შენ რომ გგონია, არც ისეა საქმე. ცოტაც დაიცადე, სულ მთლად გამომჩინოვდები და მერე სადაც გინდა, იქით წახვალ.

— ფაქრი ნუ გაქვთ. უკვე კარგად ვარ, პარტიზანებამდე მივაღწევ.

— ისინი ძალიან შორს არიან. სიარული გაგიჭირდება. კრილობებს ნუ ეხუმრები, ძალიან თუ დაატან, გაგიშიზღვდება და მერე ნახვამდის.

— არა მგონია, — დაბეჩითებით თქვა ჭარისკაცმა და ულიანას შეხედა. ულიანა თმას იწნავდა და მათ ლაპარაკს ყურს უგებდა. ჩალის სახურავზე ჭერ ნელა აშარიშურდა ქარი, მერე წვიმამ დასცხო და აცივდა. ულიანამ მატყლის საბანი მოიტანა. დილით ავღრიან ჰორიზონტზე ისევ გამოჩნდა მზე, ალუბლის გამარცვულ ტოტებს დაქარა ხნივი და შუადღემდე გვარინად აცხუნებდა. სამხრობისას დასავლეთიდან მთებივით წამოიშართნენ შავი ღრუბლები, აირღაირივნენ, რყევარყევით წამოვიდნენ და თან ბობოქარი ნიაღვარი წამოიღეს. ღრუბლებში ჩანთქმული ცა მომარგვალდა, სულ ერთნაირად დააპატარავდა. წვიმამ გაშმაგებით დასცხო. ღამით შფოთიანი, აშარი ქარი აწყდებოდა სახლებს, წვილ-კივილით უვლიდა ორღობებს და ძირფესვიანად გლეჯდა უველაფერს.

მესამე დღეს ერთბაშად გამოიღარა. ნაშუადღევს ღრუბლებიდან გამოძვრა მზე. მიწველული ნაღვერდალი რომ გაძლიერდება ხოლმე, ცოტა ხანში ისე აენთო, აელვარდა ტანობი. ამის შემხედვარე შავი ღრუბლები გაიშალ-გამოიშალნენ, გაიკრბნენ და ლაჟვარი აჩანახნდა.

— დღეს სწორს წავალ, — თქვა ჭარისკაცმა.

ულიანამ ქუთუთოები მოკანცულად ასწია, იგრძნო, როგორ გადაუარა ცხელია ტალღამ, როგორ შეუქანდა მეგრდში რალაცა და სხეული მოუღუნდა. მოეჩვენა, რომ უველაზე ცუდო, რასაც ელოდა, უკვე მოხდა; რომ მის გაუხარელ გულს ერთხელ კიდე ჩაესო შხამიანი ისარი და ახლა გაბრძოლებას აზრი აღარ ჰქონდა.

ღამით ჭარისკაცი ბორგავდა, ძილში რალაც წამოიყვია. ულიანა იმწამსვე წამოჭდა, გადახარა და სახეში ჩააქცერდა. ჭარისკაცი იღიმებოდა, მერე, როცა უველაფერი მიწყნარდა, თავჩაქინდრული, გაშტერებული ქალი შეტოკდა, მხრებზე ჩამოშლილი თმა გადაიწია, მოკუნტულიც, დაბუებული ფეხები გაშალა და გადაწვა. მოფარალავებულ ქერში სულ ერთი წამით გამოჩნდა წყლის წვეთივით მოკამკამე ვარსკვლავი, რამდენჯერმე დაბუჭა და გაახილა ნემსის წვერივით ერთი ციკქნა თვალი და მერე ცახცახით გაქარა.

— ულიანა, გძინავს?

— თქვენ რატომ არ გძინავთ?

— სიზმარმა გამომაღვია.

— სიზმარმა?

— ჰო, შენ გნაზე სიზმარში.

— მე-ი?

— გვირილების ველზე მოდიოდი, თეთრი კაბა გეცვა, საქარწინო თეთრი თავსაბურავით გქონდა თავი შემეკული. შუა მინდორში დაგეწიე, ხელში აგუყვანე. ასე ატატებული მიმყავდი, მერე ქარი მოვარდა და გაგიტაცა. ვხედავდი, როგორ მიფრინავდი მალლა-მალლა, როგორ შეუერთდი თეთრ, რძისფერ ღრუბლებს თვითონაც თეთრი და მერე გაუჩინარდი. ცოტა ხნის შემდეგ იმ ადგილას, სადაც ბოლო ჟამს თვალი მოგკარი, წვიმა წამოვიდა, ძლიერი ხოშკაკალი და გავილუმპე.

ულანა ურადლებით უსმენდა: თვალები ხან გაუბრწყინდებოდა, ხან სევდით ევსებოდა.

— მერე სიწმარე გაქრა და ახლა ორივენი ცხადში ვართ.

დილით მზემ ოქროსფრად შედგება ერთმანეთს ჩახუტებული გორაკები. საბჭელში იწვინენ ქალი და კაცი. ორივეს ღრმა ძილით ეძინა, ირგვლივ სიჩუმე სუფევდა და ამ მღუმარებაში ვაჟის გატანჯულ. დაღლილ სახეს პეგელასავით დაჰფოფინებდა შავი ჩრდილი, ხოლო ქალის გაშიშვლებულ, მარმარილოსავით თეთრ ყელს კარის ღრიტოში შემოჭრილი მზის დიდი მორთულ-მოკაშმული სხივი აბრეშუმით აბრწყინებდა. ამ მოწიემე ძილ-ღვიძილში გვირგვინებით მოფენილ უშველებელ მინდორზე მიდიოდა ქალიშვილი. მის ფეხთით მზის ათი ათასი სხივით გაბრწყინებულ სივრცეში თოვლივით თეთრი ტანსაცმლით მოსილი იდგა ოქროსფერთმიანი ღვთისმშობელი, ხელში სანუკვარი ძე ეჭირა — და თვალები ზეცისკენ ჰქონდა აპურობილი. ქალიშვილი შედგა, დაიჩოქა და კაბაზე ემთხვია. სწორედ ამ დროს საღვაც შორიდან მთელი სიძლიერით მოიჭრნენ ცეცხლის ალები, გააფთრებთ ეკვეთნენ ქანდაკებად ქცეულ ღვთისმშობელს და გააქრეს.

11.

ჭარისკაცმა თამბაქო შეახვია და კართან მიმჯდარმა ნაფაზი დაარტყა. აქედან კარგად მოჩანდა ბალი, იქით, დაბლომზე კი — ნახევარი სოფელი. ჭარისკაცი ათვალთვრებდა ხევის პირას მდგარ ბეღლებს, საიდანაც, როგორც ულიანამ აუხსნა, ტყისკენ მიმავალი ბილიკი იწყებოდა. ეს მხარე კარგა მოშორებით იყო სოფლის შუაგულადან, ამიტომ წასვლაც სწორედ ამ გზით ირჩიეს. ნახტასია ფეოდოროვნა ამბობდა, რაღაც ხდება, გერმანელები ან შევსებას ელიან, ან ძალა გამოეცალათ და ჩვენები ტყავს აძრობენ, თორემ, ოფიცრებიდან მოყოლებული, ყველა ჭარისკაცი არაუში იხრჩობოა. სოფელი დღისით დუმდა, დამდამობით კი ხშირად სროლის ხმა ისმოდა. ნახტასია ფეოდოროვნა, ეს გულადი ქალი, სროლის ხმაზე უნებურად ცახცახებდა, უბილიო პირს აწკლავუნებდა და ლოცულობდა.

— მამ, ამაღამ წახვალ? — ჰკითხა ნახტასია ფეოდოროვნამ. — მოგეცადა კიდევ, ცოტა ჯანზე მოსულიყავი.

— დროა უკვე, დედილო, — გაიღიმა ჭარისკაცმა, — დიდი მადლობა ყველაფრისათვის. თუ ცოცხალი დავრჩი, იქნებ კიდევ შევხვდეთ ერთმანეთს.

— მოიცა ერთი, თუ ღმერთი გწამს. რას ჰქვია, თუ ცოცხალი დარჩი, მოხუცებს თქვენნი იმედი გვაქვს, ჩემო კარგო, მტერს ცხვირიდან ძმარი უნდა აღინთო.

კარგა მაგრად ჩამობნედა. ცაზე მხოლოდ ის ადგილი იყო ოღნავ გამბრუნდისფერებული, სადაც მთვარეს უნდა ამოეყო თავი. აღარც მთვარის ამოსვლამდე დარჩენილიყო დიდი დრო. როგორც საათის ისარი მოძრაობს ხოლმე ნელა, შეუშჩინველად, გორაკებს იქით ქურდულად, მოხარვით მოცურავდა ოქროსფერი დისკო. ჭერ ნახევრად გამოჩნდა, გაანათა, მერე სულმოთად ამოყუდელავდა.

— წავალ, ტომსიკას გავამზადებ, — თქვა ულიანამ.

ჭარისკაცმა პაპიროსს მოუკიდა და ფიქრებს მიეცა. უმალ თვალწინ დაუდგა ალანის ქალებს გადამზირალ ცივგომბორის მთებზე შეფენილი მშობლიური სოფელი, არზის გასწვრივ ლურჯად მოხახასავ ვენახები; მზიან ამინდში მობდღვრიალე კაცკასიონი, ხოლო სულ ახლოს წმინდა გიორგის ეკლესიის მწვენი ელში ჩაფუთნულ პატარა სასაფლაოზე შავ მარმარილოს ქვაში ჩასმული დედის ახალგაზრდობის სურათი. მერე დანჭრეული საბარგო მატარებელი, მისივანა, მოთუხთუხე ორთქლმავალი, ომის საშინელებანი...

ულიანა შემოვიდა. ჭარისკაცი წამოდგა, ჩალის ქვეშ მიწა გადაქექა, ნაჭრებში გახვეული რევოლვერი ამოიღო. სწორედ ამ დროს გაიჭირა კარმა.

ულიანა გაშეშდა. კარში სტენკა იდგა. იგი ქალისკენ წამოვიდა. სწრაფი ნაბიჯით მომავალი ვერ ხედავდა ჭარისკაცს, რომელიც უკან, სიბნელეში იდგა.

— რამ შეგაშინა? — ჩახველა სტენკამ. — საბჭელში ვის ემალდები? კარგი ადგილი ავირჩევია, ღმერთმანი, ჭკვიანი ხარ.

— არ მომეკარო! — ქალის ჩუმმა, რისხვით აღსავსე ხმამ სტენკა ვერ შეაშინა.

— ახლა, როცა ნამდვილად ჩამივარდი ხელში, რატომ არ უნდა მოგეკარო.

ხელში სწვდა, მაგრად ჩაბღუჯა. მერე მეორე ხელიც დაუჭირა და ისე ჩაიკრა, ქალს ძვლებმა ტაცუნინ დაუწყო. ულიანა გაუძალიანდა. როგორც იქნა ჭერ ერთი ხელი გაითავისუფლა, მერე მეორე, მაგრამ სტენკამ ისევ გადაუფრთხა ხლები და ზურგსუკან მოუქცია.

— ახლა ჩემი ხარ, — ხვნეშოდა ის და ტანზე ხელებს უფათურებდა.

ულიანამ ერთხელ კიდევ გაიბრძოლა, მაგრამ ძალა არ ეყო. წაიქცა.



ჭარისკაცმა თოჭვე ჩამოკიდებული ნაჯახი დინჯად ჩამოხსნა, მაგრად ჩაბლუჭა და სტენჯას თავში ჩასცხო. სტენჯა ერთი გაიჭიმა და გვერდზე გადაგორდა.

ჭარისკაცმა ნაჯახი თივაზე მიაგდო, სტენჯას იარაღი აართვა და ულიანას აკანკალებული ხელი მოძებნა სიბნელეში.

— დროა, წავიდეთ!

ულიანა წამოდგომისას წაქანდა, ჭარისკაცს მხარზე მიეურდნო და ოდნავ გონს რომ მოვიდა, ბარბაციოთ გაჰყვა. ევო სწრაფად გადაჭრეს, ნასტასია ფეოდოროვნას სახლიდან ალუბლებს ჩაუარეს. მთავრე ღრუბლებში შემდარულიყო. ისეთი სიბნელე იყო, თვალთან თითხ ვერ მიიტანდი. სოფლის გადღმა გზა ყანებისკენ უქცევდა, ირგვლივ შიშისმომგვრელი, ამწარუნეი სიჩუმე იდგა. შიშისიანი დაფეთებული, გულამოვარდნილი ქალი წინ მიდიოდა და წამალუწუმ უკან იხედებოდა. ჭარისკაცი ფეხდაფეხ მისდევდა. დროდადრო ჩერდებოდნენ, თვალს ავლებდნენ ჩაშვებულ სივრცეს, დააყურადებდნენ და ისევ სწრაფად აგრძელებდნენ გზას. მოღუშული, ჭანჭინი ცა უფრო და უფრო მუქდებოდა, საავდროდ გამწვანებული ღრუბლები შავ-ჩოხიანი მოჭიდავეებივით ჩახვეოდნენ ერთმანეთს. ძიძგილაობდნენ, იბრძოდნენ. შუალამე მოახლოვდა თუ არა, ქარმა ერთი მძლავრად დაუბერა და ღრუბლები ერთმანეთს გაჰყარა.

ქალი დაილა. დაჯდა, ფეხები კახის ქვეშ შეიკიცა და ჭარისკაცს ანიშნა, დაისვენო.

ზურგად გადაწოლიანი ქალ-ვაჟი ცახ შესცქეროდა. პაწაწინეტემა, ერთი ციციქნა ვარსკვლავები, წელან ძლივს რომ ჩანდნენ ცაზე, ახლა უფრო გულმოდგინედ აქიატდნენ. ზოგიერთი მათგანი დროდადრო ქრებოდა, მაგრამ ძნელი გასარჩევნ იყო, რომელი ხუჭვავდა თვალს, რადგან მათ ნაცვლად უმალ სხვა იწყებდა კიაფს.

დაღლილი ულიანა მძიმედ სუნთქავდა. სიამოვნებდა გრილი მიწა და ნამიანი ბალახი, ხელებსა და სახეზე რომ ელამუნებოდა. რატომღაც თანასოფელი, ქლექიანი მაწანწალა ქათმების ქურდელი ენაბლუ ეგორიკა მოაგონდა, ამ რამდენიმე წლის წინათ სწორედ ამ ადგილებში რომ მოკვდა. თვალწინ დაუღდა კავანდარა, ფერმკრთალი, ავადმყოფსახიანი ყუეყრი, მთელს სოფელში არავის რომ არ უუყვარდა, მაგრამ მისმა სიკვდილმა მაინც ყველას დასწევინა გული. ულიანას მოეჩვენა, ეგორიკა სწორედ ამ ადგილას ნახეს მკვდარი და გააურჯოლა. უნებურად გაიფიქრა, რომ შეიძლებოდა მასაც ეგორიკას ბედი სწევოდა— მომკვდარიყო აქ, ამ ადგილას, ყველასაგან დაუტირებელი და უპატრონო.

იქვე, მის ვერდით ჭარისკაცი იწვა. თავქვეშ ხელი ამოედო და, კაცმა არ იცის, ეძინა თუ ისე იყო გაუჩრებული. ამან უფრო შეაერთო.

ღრუბლებმა ნელა, ზღაწვით იბრუნეს პირი დასავლეთისაკენ, მადლა-მადლა გადაიარეს. საიდანღაც გორებ-გორებით წამოვიდა მთვარე.

არემარეს ჭერ სილურჭე შეეპარა, მერე მტრედისფრად ინათა. ღამის სიჩუმეში ჩაფლულ მინდორს მოახლოებული დღის სიყოფად დაეტყო...

სადღაც შორს ძალღმა წამოიყვანა... მერე ისევ სიჩუმე ჩამოვარდა. ძალღმა ისევ დაიყვანა. მას ავად და შურინად გამოეპასუხა მერე და მთელ მინდორს მოედო გააფთრებული ყუეფა. ულიანამ თავი ფრთხილად წამოსწია და მერე ელდანაკრავით წამოხტა. სამი გერმანელი ფანტულად მოდიოდა, რაღაცას ლაპარაკობდნენ. განაპირას მდგომი ძაღლები მოჰყვებოდნენ. შუაში ახმახი, გრძელისერა ოფიცერი მოიბიჯებდა. ულიანამ ჭარისკაცს ხელი წაჭკრა, ჭარისკაცი, წამოდგა, ბურქებს ზემოდან გახედა მათკენ მომავალ გერმანელებს. გერმანელების შეძახილი სროლის ხმამ დაფარა. ულიანამ თვალი მოჰკრა სისხლს, რომელიც ჭარისკაცს ხელიდან მოსქვდა. წელში წახრილი ჭარისკაცი სწრაფად გაიქცა. ულიანაც მიჰყვა. ავტომატის ჭერი შეუსვენებლად კაკანებდა.

ჭარისკაცი შედგა. სახეზე სისხლიანი ხელი მოისვა. ორჯერ ზედიზედ გაისროლა. ძაღლი ჰერში გადატრიალდა. მერეში, უფრო დიდმა და ღონიერმა, კამარა შეჭკრა. ტყვიის წუილი ჭერ ისევ ისმოდა, მერე ძაღლიც გულღმა რომ დაეცა, ჭარისკაცმა თავისი რევოლვერი ულიანას მიაჩნა, თვითონ სტენჯას პარაბელუმი ამოიღო და წინ წამოსულ გერმანელს ესროლა. გერმანელი შეტრიალდა, რაღაც დაიღრიალა, მერე ყბა ჩამოუვარდა და ასე ხანადაფრინილი დასკდა მიწას. გაიზუზუნა ერთმა, ორმა, სამმა ტყვიამ, ულიანამ დაინახა წელში წაქეზული ახმახი ოფიცერი, გაიგონა მისი გამყინავი ხმა... იარაღმომარჯვებულ ოფიცერი ქალისკენ წამოვიდა. ულიანამ ზურგს უკან დამაღლდა რევოლვერი ორივე ხელში ჩაბლუჭა და ოფიცერს ზედიზედ ესროლა. ოფიცერმა ხელი მუცელზე იტაცა, თითქოს რაღაცამ გააოცაო, მრგვალი, გადმოყარკლული თვალები გადატრიალა და უმიზნოდ ისროლა. ტყვიამ ჰერში გაიზუზუნა. ულიანამ დაინახა, ტყვილისგან კბილებდაკრეკილ ოფიცერს პირიდან როგორ წასკდა სისხლი. მესამე გერმანელისა და ჭარისკაცის ტყვიებმა თითქმის ერთდროულად გაიზუ-

ზუნეს ბაერში. გერმანელი ჭერ კიდევ ფეხზე იდგა, სიმწრისგან ირწეოდა, თავს ძალას ატანდა, რომ არ წაქცეულიყო. ბოლოს ჩამოგდებული მხრები გაშალა, შეღმუვლა და წაიქცა. ულიანამ კიდევ გაისროლა და ჭარისკაცისკენ გაიქცა. სახეგაფითრებული, სისხლში მოსვრილი ჭარისკაცი გულაღმა ეგდო, ტყვიას საფეთქელი გაეხვრიტა. ულიანამ რევოლვერი დააგდო და ჭარისკაცის გვერდით ჩაიჩოქა. თავგადაგდებულ ჭარისკაცს პირზე სისხლი შეზმოზოდა, ნატყვიარიდან ჭერ ისევ მოჟონავდა მუქი-ალუბლისფერი სითხე. ულიანამ აჯანკალებული ხელით თავი წამოუწია და ჭრილობას ოდნავ შეეხო, მაგრამ მაშინვე მიხვდა, ყველაფერი გათავებული იყო. ჭარისკაცის თბილი სხეული თანდათან ცივდებოდა. ქალს ორივე ხელით ეჭირა მისი უღონო, სისხლიანი თავი. უაზროდ დასცქეროდა ჭარისკაცის უკვე ჩაფერფლილ, ჩაშავებულ თვალებს და ვერ მოეფიქრებინა, რა ექნა. ცოტა ხნის შემდეგ თითებით მოხვეტა მიწა და ბალიშით ამოუგო თავქვეშ...

მზე ტყის მაღალ კენწეროებს დანათოდა. ულიანა მიწას ხვეტავდა. დაღლილობისაგან ოფლი წურწურით ჩამოსდიოდა. ლამაზი, თეთრი ხელებიდან სისხლი მოთქრიალებდა. მზე ჭერ ისევ შუბის ტარზე იდგა, ჭარისკაცი საფლავეში რომ ჩაწვინა. შავგვრემანი, უღონო ხელები გულზე დაუკრიფა, სახეზე თეთრი ბატისტის ცხვირსახოცი გადააფარა და მიწა მიაყარა. მიწა უხმაუროდ ეყრებოდა ჭარისკაცის სხეულს, შავგვრემანს, სიკვდილისგან გაშეშებულ სახეს და თანდათანობით საშინელ კუჭს იკეთებდა.

ოფლში გაწუწული ულიანა აღარ ტიროდა. დაღლილ-დაქანცული, შეძრწუნებული მუხლ-მოყრილი იდგა საფლავთან.

მერე ნელა წამოდგა, შებრუნდა. მის წინ გაღაშლილ სივრცეს გახედა. შორს, მიმქრალ სივრცეებში მკვდრის მზე ოქროსფერ აღმურში ხვევდა მშობლიური სოფლის გორაკებს, ბებერი ალვის ხეების კენწეროებსა და ეკლესიის გუმბათს.



ჰიაკოკონა

მთვარე უკიდებს თეთრ ცეცხლს
მინდორზე
გათიბულ ბალახს,
შეკრულს კონ-კონად.
მე კვლავ აევანთე ბავშვობის ღამე,
ავალაპლაპე ჰიაკოკონა.
გადავახტები,
რომ შემომაწვას

აბობღებული სულზე ჰინკები.
იმ ცეცხლის ალებს თან გაპყოლიათ
ყრმობის ჩიტები ნაჰიკიკები.
მე ვინლა მაქცევს იმ ჩიტად ახლა,
ან იმ ღადარში ჩაკრულ კოკორად.
ველარ ერევა ავსულებს ჩემსას
ბავშვობის ღამის ჰიაკოკონა.

ამოვარდა ცისკრის ქარი,
ტყე და ხევი წამოთელა.
მუხის რტოებს შევეფაროთ,
მო, იფანო!
წამო, თელა!
გადამიჯევს საწყალ ბუჩქებს
ყვითელ-ყვითლებს,

წითელ-წითლებს.
დამიშინებს ბუდეებში
ვაჟას პეშვზე დაზრდილ ჩიტებს.
ბუდეებსაც წავეფაროთ,
მო, იფანო,
წამო, თელა!

იმ მთას იქით

იმ მთას იქით მთები არი,
იმ მთას იქით ველებია.
განა უცხო ტომებია
და გადამთიელებია.
იქაც ჩემი მამულია,
იქაც მუდამ მიმელიან.
იმ მთას აქეთ
ამერია,

იმ მთას იქით
იმერია.
ერთხელ რიხით რომ შევძახო,
მყისვე მომეშველებიან.
იმ მთას იქით მთები არი,
იმ მთას იქით ველებია.

დაღლილი ფრთა

დაღლილი ფრთა შენმა ქარმა
შემიქანა-შემინძრია.
აქლა, სულე, მე აფრენა
მთვარისკენაც შემიძლია.
მომენდევი,
უგატარებ
ვარსკვლავსა და ვარსკვლავს შუა.
ჰორის თავთან,

ბიი! . სლოს
დამრჩა ჩემი ოშოშუა.
მიწა მიხნავს,
ურყეველა
კლდის ბოძებიც შემიძვრია.
რაკი დაღლილ ფრთას შეეხე,
აწ გაფრენაც შემიძლია.



ნუ დააშენებ,
ეს ძველი ციხე
უამთა მოხრობელი და გზის
მკვლევია.

ტაძარი ძველი
საინტერესო
არის იმიტომ, რომ ნანგრევია.
რაც დარჩა, იგი შემოინახე...
აქეთ იყალთო...
იქით გრემია...
გვიხმობს ბაგრატის ტაძრის კედლები,
რადგანაც ახლა ის ნანგრევია.
წარსულის მძლავრი ნაფეხურები
არ გადაფარო ქვებით თლილებით.
ხასხასა ხავსით მკერდშემთბარია
ხან ნათოვლარი,
ხან ნათრთვილები.
კემსავენ ნაფხრეწ ქაჭვის პერანგებს

ზედ წინაპართა ჯმუხა ლანდები,
მაგ ახალ ქევებში გაითელება
იმ აჩრდილების ჯაჭვ-პერანგები.
ნანგრევი გვიხმობს,
ნანგრევი გვზარავს,
ის საბუთია სულის ქართულის.
გადაარჩინე, რაც დარჩა, იგი,
რაც ნარჩენებზე აქვს მიხატული.
ნუ დააშენებ ზედ ლოდებს ახალს,
პირვანდელ სახით ნულა აღადგენ,
ამგვარად უფრო ცხადად მეტყველებს,
ამგვარად უფრო ლალად ლალადებს.
უსმინე იმ ძველ დაფდაფ-ნაღარას,
ნუ მიაშველებ ახალ ფანფარებს.
დრომ უფრო მეტად რომ არ დაშალოს,
ოქრო თაღები გადააფარე.

სიზმარი

წუხელ გამყევი იმ ქვეყანაში,
უსიყვარულოდ საცა ბორგავენ.
გაოცებული თვალით უცქერდი
გამხმარ ხეების მიმრგავ-მომრგავეებს.
არც ბუღბუღები გალობდნენ დილით,
არც ნავარდობდნენ ტყეში ნუკრები.
„— ნუ ქრები, მზეო!“ —
შენ ჩურჩულებდი,
შენ მუდარებდი:
„— მთვარევ, ნუ ქრები!“
მაგრამ იქ მზე და მთვარე ვერა ძლებს,
და, რა თქმა უნდა, შენც ვერ გაძელი.
წინ დაგვხვდა შავი გამოქვაბული,
სხვა გზა არ იყო და ძლივს გავძვერათ.
გადამხმარიყო მინდორ-ველები,

ვერაგულ ბადეს ქსოვდნენ ქალები.
შურით და მტრობით გახელებული
ეხეთქებოდა კოშკებს ქარები.
ზოგი უდაბნოს ჩაფიცებია
და თბრის საფლავებს ცხელ-ცხელ
სილაში...
იქ არა გრძნობენ ნესტანის წერილს
და ტარიელის ცრემლის სიმლაშეს.
არც ცაში ფრენენ
და აღარც ფეხი
უღვათ ტანჯულ და ცოდვილ მიწაზე...
ჩამავლე ხელი
და იმ ქვეყნიდან
სთვარის ღრუბლისკენ გამომიტაცე.

შენ არ იყავ ჩემი ხვედრი,
ჩემი წუთისოფლის წალი.
ჩემი ბრძოლის ველებს ძრავდა
სხვა დაფი და სხვა წინწილი.
მე უღმერთოდ მძარცვეს გზებზე,
ჩემ გომურთან დავრჩი მწირი.
ჭირვარამი ბევრი ვზადე,
არ მიზიდავს შენი ჭირი.

შენ რად გინდა ჩემი ღამე
და ღრუბელი დაწეწილი?!
მარყუევივით განასკვეულა
ჩემი ელვა და წრეწირი.
მანც გახდი ჩემი ხვედრი,
ჩემი წუთისოფლის წალი.

„ბუა — ღია ჩქიმი,
თუთა — მუმა ჩქიმი,
ხეიჩა — ხეიჩა მურიცხეფი —
და ღო ჭიმა ჩქიმი“.

ო, მშობლიურო მიწაო — დედავ,
წყაროვ და დარო ჩემი მამულის:
ვინ დაიმღერა პირველად, ნეტა,
ეს საოცრება და სასწაული? —

გუგუნებს თითქოს მაღალი ქორო:
„რად მიჰქონდაო ცა გულთან ახლოს?“
— იქნება მართლა იმიტომ მხოლოდ:
ყველა ოცნება ზეცაში სახლობს;

ანდა იმიტომ — ლალად გაშლილი
ტოტივით — ფრთონვით, თრთოლვით,
ხალისით
თავის სიცოცხლეს იწყებს ცაშივე
წვიმაც, ლაყვარდიც, აის — დაისიც;

იქნებ აპკურა სისხლი წვეთ-წვეთად
სიმტკიცეს — ციხის ქვათა და კირთა
და ბედის ვარსკვლავს ცაში ეძებდა,
რადგან მიწაზე ცხოვრება ჭირდა;

თუმც მაქვს საკუთარ თავთან
ჭიდილი, —
დრო გადის — მჩუქნის ახალ
ჭირლობას
და პირველყოფილ გულუბრყვილობას
ნელ-ნელა ვკარგავ ყრმობის
ჩრდილივით.

რა ბედნიერი ვიყავ — ვედრებით
ვხმობდი როდესაც ტყიდან წიწკანებს,
როცა ბალახის მწამდა სიმწვანე
და მის სიყვითლეს არ ვიჭერებდი.

უბიწოება მშურდა ყვავილის,
ფოთლებზე ნამის ნელი კანკალი,
ბრწყინვალე ჩემი წყარო კამკამა
ზევსის ღრუბელში ჩასმულ
თვალისით.

ვაშლს ეძიებდა იქნებ ედემის —
დაცვარულს უცხო ნამით, მანანით,
და კიდევ — მარად ბრძენი მღერთების
და უკვდავების ჭკრეტდა სავანეს?..

კენესოდა იგი... იღვა წყვდიადი...
ცას შეჰყურებდა ღამენათევი
და, ვით ციური ცრემლის ციაგი,
სულში იმედის წვეთდა სანთელი.

მღეროდა მყოვარ, რადგან სიმღერით
შრტება პატრუქი ყველა წუხილის
და უფრო კარგი, უფრო ცისფერი
იღვიძებს დილა — მზე რომ უღიმის...

ჯავარიანო მიწაო — დედავ,
წყაროვ და დარო ჩემი მამულის:
ვინ დაიმღერა პირველად, ნეტა,
ეს საოცრება და სასწაული.

ღამეს არ ღრნიდა თავვი ეჭვების
და არც ჭრიალი ქარში ანძების,
მაგრამ თანდათან, ვაგლახ დავბრძენდი,
და წყალში იკლო ელვამ კენჭების.

და ვხედავ, ვხედავ — სოფლისმიერის
მიადვილდება ჩხიბვა ავ-კარგის:
ვხდები უძლური იმის დაკარგვით,
რითაც ვიყავი დღემდე ძლიერი.

ვიტყვი (იობი ცოტას მოითმენს):
თურმე რა ცუდად — დღემდე —
გიცნობდი:

რაც უფრო ვწვდები, ხეო სიცოცხლის,
შენი სინოროჩის პალეოლითებს,
გული სიდრმეებს რაც უფრო
ითხოვს, —
უფრო და უფრო ვშიშვლდები
თითქოს...

გიორგი ათონელი

რომანი

სულ იმას ნატრობდა, ყოველ ძილის წინ, ღმერთო საქართველო დამასიზმრეო, ამ ღამით მაინც.

და ესიზმრა: თეთრ ცხენზე იჯდა თეთრი ქალი, რეცა, ირმის რქეში ნავლევი, მოღიმარი, ყბილებალმასა.

ჰაერეთს იდგა, უხილავსა ჰაერწულზე დამყარებული.

„ვინ ხარ შენ?“ — უნდოდა ეკითხა მძინარე მწირს, მაგრამ ვერც ბაგე შეატოკა, ვერცა სიტყვა დასძრა, სიტყვა სულში უტყვად მდებარე, რადგან სიტყვას ფუძე მოშლოდა.

„შენ გინდა მკითხო, ვინა ვარ მე?“ — გადაიკისკისა ქალმა, მზის სხივთა წკარუნით და შეატოკა შიშველი მკერდი ორივე ნუკრით.

„ორნი ძუძუნი შენნი, ვითარცა ორნი თიკანნი მარჩბიენი ქურციკისანი“, — უნდოდა ეთქვა გიორგის, მაგრამ ვერა თქვა, რადგან ფუძე დასწვოდა სიტყვას.

„მე რომ მოგიკვდი, რატომ მაშინვე არ წამომყევი?“ — ჰკითხა ქალმა.

და უცებ ქალი აღარ იყო შიშველი, არამედ ემოსა კვართი თეთრი, ქათქათა, მონაქსოვი და უკერველი, გულზე ჯვარით ამონაქარგი.

„დედა! ანამაისა!“ — აღმოხდა გიორგის.

„და მიმიღო დედამან შენმან და შემიყვარა, ვითარცა სასძლო მისი“, — სთქვა ქალმა, მზის სხივთა წკარუნით.

„ანამაისა, ჩემო უმანკობავ, ჩემო, ჩემო...“

გაგრ./ელემა. დასაწყისი, იხ. „ციკლარი“ № 3, 4, 5. 6

„სსსუუ, ნუ იტყვი, რადგან არ არსებობს უმანკობა, არცა უცოდველობა, რადგან მეც, ვითარცა ყოველმა სულდგმულმა განველე ჭუჭყიანი გზა ქმნადობისა და დაბადებისა. ხოლო უმანკო და უცოდველი მხოლოდ ჭერ უქმნა დ ი ა“.

„მაგრამ შენი მშვენიერება?“

„მშვენიერება უმანკობის გამორიცხება, რადგან ყოველი მშვენიერი მხოლოდ უმანკობის რღვევის შვილია. მეც ასე გავჩნდი — უმანკო ბუნების მანკიერი და მშვენიერი გამონაყოფი და გამონაშთი. ხოლო, ვინათგან ვიქმენ, უცილობელ იყო უკუქმნაც. და მას შემდგომ, რაც მე შენთან ვიყავ ბედნიერ, მე იმ დღესვე უკუვიქმენ და მიწიერი ყოფნის აგან დავუბრუნდი არყოფნას ანუ მარადიულ ყოფიერებას.

„ანამაისა, ეს შენა ხარ?“

„მე ვარ, სწორედ მე, ხოლო შენ როდისღა დაადგები გზასა უკუქმნადობისასა? როდისღა იხსნი სულს სხეულისგან? თუ შენს მძლავრ სულსაც თავზარს სცემს სიტყვა „სიკვდილი“? გახსოვდეს, ჩემო, სიკვდილი სხეულისგან სულის დაბადებდა, სხვა არაფერი“.

„ანამაისა, ანამაისა, როგორ გავზრდილხარ?“

„მე არ გავზრდილვარ, მე ისევ ის ვარ, ისევ ის პატარა გოგო, ყაყაჩოების ყანაში რომ შეგზვდა ერთხელ, მხოლოდ ერთხელ და მეტჯერ არასდროს. ხოლო ის, რაც ახლა ჩემს გავზრდად და ჩემს სიმწიფედ მიგიჩნევია, იგი მე არ

უარ, არამედ იგი შენა ხარ, შენ რომ ჩემში ხარ, შენი სული ჩემში გაზრდილი და დამწიფებულ-დამწვისებული, შენი ფექტი ჩემში დაწმენდილი და დაბრძენებული“.

„მეც მალე სრულად წამოვალ შენთან და მარადისად ვიქნებით ერთად. წამოვალ, რადგან მე არ მაშინებს სიკვდილი, ანუ სულის დაბადება სხეულისაგან“.

„მალე წამოხვალ? „მალე!“ როდის არს „მალე“?

„მაშინვე როცა მოვიძიებ, რასაც ვეძიებ“.

„რას ეძიებ?“

„ჭეშმარიტებას“.

ამის თქმა და დაიწყებდა მზის სხივებმა:

„რად არს ჭეშმარიტებაი?“

დიდხანს იცინოდა ქალი, თეთრი და თეთრტაიჭოსანი.

(„რად არს ჭეშმარიტებაო“, და სადღაც შორს პილატე პონტოელის უშვარი და უგვანი ხარხარიც გაისმა თითქოს).

„ჭეშმარიტებას ვეძებო? მაშ, შენ შავ კატას ეძებ შავ ღამეში“, დაასრულა ქალმა ნიშგებით.

„მე მხოლოდ ის ჭეშმარიტება ვიგულისხმე, რაისთვისაც ღმერთმა აზრი მისცა ჩემს ცხოვრებას დედამიწაზე“, — წყენით თქვა გიორგიმ.

„და რად არს სახელი მაგ შენი მიწიერი ჭეშმარიტებისა?“ — არ მოეშვა ქალი.

„სახელი მისი — საქართველო!“ — მხურვალედ შესძახა გიორგიმ.

„საქართველო?!“ — აღმოხდა ქალს. აღმოხდა და დადუმდა. ასე იდგა უტყუვად და უძრავად ერთ ხანს. მერე ცხენი დასძრა, ახლოს მოვიდა და დააშტერდა გიორგის სახეს.

„ჰო, შენ ხომ შუბლი ხარ საქართველოსი, ისე ვითარცა — კავკასიონი შუბლი სრულიად დედამიწისა!“

„შენ ეგ ვინ გითხრა?“

„ვინც შენ გითხრა“.

„წმინდამან ნინო!“

„სწორედ“.

„შენ ის იხილე?“

„ვიხილე და ვისმინე მისგან: შუბლი საქართველოსი — გიორგი ათონელი; მკლავი საქართველოსი — არსუკისძე თვალშვენიერი“.

გაოგნდა გიორგი, გაოგნდა და გაშეთდა.

„თვალშვენიერ არსუკისძე, აღმშენებელი სვეტიცხოვლისა — მკლავი საქართველოსი! დიდებულისა, დიდებულის... მაგრამ მე „ათონელი?“ ალბათ, სიზმარში უნდა ვიყო, თორემ მე „ათონელი“, როგორ? როცა ათონს ჯერ ჩემი არც ფეხი შეჰხებია და არც თვალი“.

„მალე იქნები, ძალიან მალე!“ — ჩაურთო ქალმა.

„ათონელი?“

„ათონელი და მთაწმიდელი“.

„მთაწმიდელი?!“

„სწორედ, სწორედ, შუბლო საქართველოსი!“

„ღმერთო, ღმერთო, დამიხსენ და მეოხ მეყავ! დამარწმუნე, რომ სიზმარია ყოველივე, ძილისშორისი და სხვა არაფერი...“

„არა, არ არის სიზმარი და ყოველივე არის სიცხადე — ამბობდა ქალი — ცხადვე არს, რომ მე შენგან წავედი და შენ მე არ გამომყევი, ვინათგან ჩემთან ყოფნას საქართველოსთან ყოფნა არჩიე. მე ვერ შევეძელი დამეძლია შუბლი საქართველოსისა, მაგრამ ევნიკია შექველ დასძლევს მკლავსა საქართველოსისასა“.

— „?!“

„ამინ გეტყვი შენ: ევნიკია მოინელეებს საქართველოს მკლავს“ — გაიმეორა ქალმა.

„ვინაი არს ევნიკია?“ — აღმური წვადა გიორგის.

„ევნიკია ბელზებულისა, დედალი ეშმაკი“.

„ღმერთო, სახიერო!“

„ევნიკია ცხრა წლისა იყო, როცა

პირველად გაუღვივდა კვერცხი მძუნ-
ობისა და სისხლი წიღოვანებისა, და
პირველად რომ ძუძუ ამოეწვერა. ხო-
ლო, თორმეტი წლიდან ევნიკიას ოცდა-
თორმეტივე ჩაღრმავებულში ბელზე-
ბული ჩაუსახლდა. მაგრამ ყველაზე
მძლავრი ძუ ეშმაკი მიინც მარცხენა
ძუძუში ჰყავს — ორგზის ძუ, ძუ-ძუ.“

„და ის ძუ-ძუ...“ ბოდავდა გიორგი.
„და ის ძუძუ შეიწირავს არსუვისძის
მკლავს“.

„ანუ?“
„ანუ საქართველოს მკლავს“, — და-
ასრულა ქალმა.

„ღმერთო, ღმერთო, უკეთუ სიზმარია,
გამაღვიძე, ღმერთო, ხოლო უკეთუ
სიცხადე, ეს სიცხადე სიზმრად მიქციე!“

შფოთავდა, იძვროდა, იბრძოდა გი-
ორგი, ლამის საგულედან ამოვარდნო-
და გული, ლამის სისხლის ცემისგან
გასკდომოდა ძარღვი კათოლიკე.

ქალს თვალი მოსწყვიტა, იქნებ გა-
მეღვიძოსო — და ცას აჭხედა.

და მოეჩვენა: ცას უთვალავი ცეცხ-
ლოვანი ძუძუ აესხა.

მაგრამ ვინ გააჩიოს ძუძუ ანამაისა-
სი, თუ ევნიკიასი?!

ალბათ — ალაგ ანამაისასი, ალაგ ევ-
ნიკიასი!

და უცებ რეცა, ვარსკვლავები გაუ-
შავდა ცას.

და ცვივოდნენ შავი ვარსკვლავნი,
ხმელნი და მსხვრევადნი, ვითარცა
კეცნი.

ცას შეუშინდა და ისევ ანამაისას
ჰკიდა თვალი — ქალსა თეთრსა და
თეთროსან-ტაიჭოსანსა.

„ანამაისა, ანამაისა, სულო ჩემო!“

„რაი გსურს, სურვიელო ჩემო?“

„მწყურია და მარწყულე, ჩემო!“

„რაითა გარწყულო, ჩემო?“

„ცრემლითა ნამტირალევითა ქართუ-
ლისა ვაზისათა“.

„აჰა ესერა, იგემე და იღმერთე იგი
ცრემლი ნაჟური ქართული ვაზისა!“

და მოიღო ქალმა თეთროსანმა, თეთრი
ხელით, თეთრი ვერცხლის კუმკუმა, და

ტუჩი მისი ირმისტუჩა დაუსისწორა/
ტუჩსა სატრფოსასა, და გადმოუშვა
წვრილად, წვრილად, ვერცხლის აშკი-
ვით, მოკამკამე სითხე, ფერად ვაზის
ცრემლის ფერისა, მაგრამ სითხე იგი
ოდენ ხელის მტეენის დადებაზე ეშვე-
ბოდა და უმაღვე ცხელი ქარისძვრა მი-
აქანებდა სადღაც შორს, შორს, სივრ-
ცესა უსივრცოსა, უზღვროსა და უნივ-
თოსა. ხოლო გიორგი ამოდ ელოდა,
პირით გვემული, ცხოველმყოფელ
ცრემლსა მერწყულსა, თავისი ფერი
რომ ჰქონდა, ფერი მხოლოდშობილი —
ფერი ვაზის ცრემლისა და თავისი
გემო რომ ჰქონდა, გემოც მხოლოდშო-
ბილი — გემო ვაზის ცრემლისა, —
მაგრამ ამოდ წვალობდა, ამოდ ჯახი-
რობდა, რადგან სითხე იგი მიჰქონდა
ქარს, — ქარსა უხილავსა და უძვრელსა.

და მხოლოდ ახლა შენიშნა უცნაური
სიზმრით ბორგნულმა კაცმა, რომ ქა-
ლი ცხენზე ვაჟურად იჯდა, ჩვეულებ-
რივ, ვაჟივით გადალაჯული.

„ანამაისა, ცხენზე როგორ შემეძარ-
ხარ, ანამაისა?“

„მაშ, როგორ ვიჯდე?“

„ქალი ხარ და ქალურად, — მარცხ-
ნივ ორივე ფეხის გადმორთხმით“.

„ბავშვობისას ცისარტყელაზე გადახ-
ტომას მივესწრაფოდი, — იქნებ ბიჭად
გადვიქცე-მეთქი, და გავრბოდი თავ-
დავიწყებით ცისარტყელასკენ. მაგრამ
მუდამ ამოდ — რადგან თვითონ მზით
და წვიმით აწყობილი ცის მშვილდი
უფრო სწრაფად გარბოდა ჩემგან. და
მეტი რაღა დამრჩენია — ცხენზედ მა-
ინც ვიჯდე ვაჟურად.“

„არა, არა, ნება არა გაქვს, ქრისტიან-
ნი ხარ, ქრისტიანი!“ — ახრიალდა გი-
ორგი.

„?!“

„აკი ქრისტიანებს სარკინოზთა ხელ-
მწიფისაგან აკრძალული აქვთ იერუსა-
ლიმს გაიარონ მამაკაცურ მხედრულად
ამხედრებულთა?“

„მაგრამ მე ქრისტიანს გარდა ვარ
ქართველი!“

და უცებ ქალმა ცხენს ქუსლი ჰკრა, გატრიალა, გაფრინდა და შეერია სივრცესა უსივრცოსა.

მაგრამ გიორგიმ მაინც მოასწრო თვალის მიწვდენა: თეთროსან მხედარს ზურგიდან სისხლი მოსჩქეფდა.

ბეჭს და ბეჭს შუა, სახამხამეში დაეკრათ შუბი, თითქოს...

და გიორგიმ იგრძნო, ვილაც ანჭლრევდა.

— გაიღვიძე, ქართველო, გაიღვიძემეთქი!

— ჰაა?! — თვალი გაახილა გიორგიმ.

— ქართველი მოჰკლეს!

გველნაძგერალივით წამოიჭრა გიორგი ფეხზე.

ცივ ეკალს მოეცვა სხეული მისი.

— რაო?!

— ქართველი მოჰკლეს-მეთქი, ქართველო კაცო!

— შენ ვინ ხარ? — ისევ სიზმარში ეგონა თავი გიორგის.

— აღარ ვახსოვარ?

— ჰო, როგორ არა!

და, უკვე ჩამომდგარი ცისკრის ნაშუქზე, გიორგიმ იცნო ის სომეხი, გეთსამანიის ბაღში რომ შეხვდა პირველ მოსვლის უამს.

— ჰოო, ძმობილო! — გაეხარდა გიორგის და გული შეიჯერა, იქნებ აქამდე ყველაფერი სიზმარი იყოს და მათ შორის ის საშინელი ნათქვამიც — „ქართველი მოკლესო“.

მაგრამ ეს კი აღარ ყოფილა სიზმარი.

— ქართველი მოკლეს, ძმაო, ვაი რომ მოკლეს! — გაიმეორა სომეხმა, უსაზღვრო წუხილით მოკულმა და დაქანცულმა.

— კარგად გამაგებინე, რა მოხდა, ძმაო? — იკითხა გიორგიმ, თვითონ შეძრულმა, შეძრწუნებულმა და გატეხილმა.

— ნულარ ვაყოვნებთ, მკვდარი მაინც არ შეგვიგინონ და გზაზე ვიამბობ ყოველივეს! — მიაყარა სომეხმა

ქართველს, მკლავში ხელი მოაუღლო გაიქცა და გაიყოლია.

გარბოდნენ და უამბობდა სომეხი გულამომჯდარი: თურმე ცხენზე ვაყურად ვადამჯდარი შედიოდა ახალგაზრდა ქართველი კაცი იერუსალიმში, ოქროს კარებით, მაგრამ სარკინოზ მცველებს არ შეუშვიათ — ან ცხენიდან დაქვეითდი, ან ცხენზე დიაცურად შეჯექ და მას უკან შეგიშვებთ ქალაქშიო. ეს იუკადრისა თურმე ქართველმა, დიაცები თქვენში მოიკითხეთო და გულდაგულ მიუშვია სადავე და მიუძგერებია ცხენი სარკინოზთა კორომისათვის. შემოხვევიან სარკინოზნი ხმლითა და ლახვრით. ქართველმაც წამსვე იწვავდა ხმალი, გადაჰკრა და მხარილივ გადაჰკვეთა მეწინავე არაბი, გადაჰკვეთა და ის იყო მომდევნოს მისწვდა, რომ უკნიდან ბეჭსა და ბეჭს შუა აძგერა იღუმალ მოვარდნილმა არაბმა ლახვარი. მეც სწორედ მაშინ აღმოვჩნდი იქ, „ვაი, დედა“ რომ შემომესმა, და მივხვდი, ქართველი იყო ის უბედური. სისხლი შეაფურთხა მკვლელებს. თვითონ ცხენიდან გადმოეშვა. ხელები შევაშველე. მკვლელები მოკლული ქრისტიანის სისხლში ჩალმების ამოვლებას აპირებდნენ, მაგრამ მივაყვირე — მალე ქართველები აქ გაჩნდებიან-მეთქი; ამის გაგონება და უმაღვე გაიფანტნენ მკვლელნი ქართველისა. ხალხიც, აქამდე თვალსასეიროდ შემდგარი და შედედებული, ისევ თავის გზით დაძრულიყო, უფლის ადგილთა სახილველად, სალოცავად და გულის საოხად. ოღონდ ამნაირ გასიტყვებას მოვკარი ყური: „ვინ არის ეს კაცი, ასე სულელურად რომ კვდება?“, — „ვინ იქნება ქართველის მეტი!“ მე კი მიცვალებული ვიტვირთე და როგორც იქნა გზას მოვაცილე, მლოცველებს რომ არ გადაეთქერათ.

მდუმარედ მისდევდა ქართველი სომეხს. გულში ამას ნატრობდა, ნეტავ სხეც სიზმარი აღმოჩნდესო. მაგრამ არ აღმოჩნდა სიზმარი.

ქალაქის შესასვლელიდან ხელმარ-
ცხნივ ორასი ნაბიჯის დაშორებით, გან-
კერძობით მდგარი ზეთისხილის ხის
ქვეშ ესვენა მკვდარი ქართველი.

ჯვარად გაშლილი იწვა, მხრებდახრი-
ლი, ქართული ჯვარით.

პირველი, რაითაც მისი ქართველობა
მტკიცდებოდა, იყო ქართული „ვაი,
დედა!“

მეორეც — მისი „სულელური სიკვდი-
ლი“: როცა გეუბნებიან, ცხენის ზურ-
გზე მარჯვენა ფეხს თუ მარცხნივ გა-
დაალაგებ, უბატონოდ ხმასაც არავინ
გაგცემს და ბუხსაც არავინ აგიფრენს,
ხოლო თუ იგივე ფეხს მარჯვნივ და-
იჭერ სიკვდილი არ აგცდებო, — რა
ახირებაა, ეს უმარტივესი შესასმინარი
არ შეისმინო და ისე გაჯიუტდე და
„გასულელდე“, რომ ის მარჯვენა ფეხი,
სიკვდილ-სიცოცხლის სასწორზე მა-
ინცა და მაინც სიკვდილის პინაზე და-
აბჯინო?!

და ვის ესმის, ქართველო კაცო, შენი
ღვთაებრივი სიამაყისა დედამიწაზე.
სამყაროს ამ, ქვიშის, შლამის და თვით-
განავალის შლეგიან ნამცეცზე?! ანუ —
მკვლელობის ამ ბოროტ სარეწაოზე?!

ოო, წმიდათაწმიდა სიამაყევე ქართვე-
ლი კაცისა!

— შეხედე, შეხედე, რა დიდებული
სახე აქვს, ადამიანო, ამ ადამიანს! —
შესძახა სომეხმა და ხელი მიუშვირა
მიცვალებულის სახეს.

გამოერკვა გიორგი მძიმე ფიქრთა-
გან.

მართლაც რა სიდიადე აღბეჭდოდა
სახეზე ამ კაცს, სხეულებრივი ანაგებით
საარაკოდ სრულქმნილს. არავითარი ნა-
ტამალი სიკვდილის შიშისა, ანუ საამ-
ქვეყნიო სიცოცხლისათვის გულის-
წყვეტისა. ნუთუ. სიცოცხლეშიც ასეთი
სიამაყე, ვაჟკაცური გზნება და ჭაბუკუ-
რი გაზაფხულობა ეფინა ამ კაციშვილის
სახეზე?

— ჰო, რა დედამ ჰშობაო, იტყვიან
ჩვენში ასეთ შობილზე, — სთქვა გი-

ორგიმ და მადლიერი მზერით შეხედა
სომეხს.

და ისევ დადუმდნენ უცხო. კაცის
უცხო ჭირისუფალნი, ქართველი და
სომეხი, ახლა ჭირისუფლობით ერთად
მყოფელნი.

ვინ იყო ეს ახალგაზრდა კაცი, თვი-
ნიერ მისი ქართველობისა? რისთვის
მოსულიყო საქართველოდან პალესტინ-
ნას? იძულება იყო საქართველოდან
მისი წამოსვლა? („იძულებას“ რა გა-
მოლევს საქართველოში!). თუ პირადი
წადნიერება? („წადნიერებასაც“ რა
გამოლევს საქართველოში!). თუ სამო-
მავლო იღბლის ძიება? (რა მოკლე ყო-
ფილა მისი იღბალი!). თუ ისიც შავ კა-
ტას ეძებდა შავსა ღამეში? (და ნასიზ-
მრევი ანამიასს ნათქვამი გაახსენდა
გიორგის).

სახიდან მარჯვენა ხელზე ჩამოუტარა
მზერა მიცვალებულს გიორგიმ.

კვლავ ხელთ ეპყრა ხმალი მკვდარ
ქართველს, რეცა, რაღაც გამორჩეული
სიმკვრივით და სიკერპით ჩაებლუჯა
ვადა.

სისხლი სინგურისფრად შეშრობოდა
ფოლადს.

სომეხმა ქართველის მზერას თვითო-
ნაც თვალი გაადევნა და თქვა:

— ვერასდიდებით ხმალი ხელიდან
ვერ გამოვართვი.

ისევ სდუმდა გიორგი.

მზე ამოვიდა და დააცქერდა მკვდარსა
და ცოცხლებს.

მკვდრის სახეზე სხივი შეუჩერდა
ახალნაშობ მზეს, თითქოს იქ სანათე-
სავო სხივი ებოვნოს.

ხმალმაც გაიზმორა, ზმორვითა ლაყ-
ვარღოვანთა.

— წავიდეთ, ძმაო! — თქვა სომეხმა.

— ჰო... საით? — გამოერკვა ქარ-
თველი.

— მიწას მივბაროთ ეს უბედური.

— სწორედ, უნდა მივბაროთ... მაგ-
რამ სად?

— იქ, სადაც ასაფლავებენ ქართვე-
ლებს.



— მერე, სად ასაფლავებენ ქართველებს, მე რომ არ ვიცი? — უმწეოდ თქვა ქართველმა.

— სამაგიეროდ მე ვიცი, — მხნედ უთხრა სომეხმა და მიცვალებულთან მივიდა, თავი წამოუწია, იღლიებიდან ხელები შეუყარა, წამოუბიძგა, და წამოჯდა მიცვალებული.

და, მოდი, მომეშველეო, ანიშნა სომეხმა გიორგის.

მივიდა გიორგი, ხელები გულზე დაუკრიფა, ხმალიც გაუსწორა და მერე ფერხითი ჩაუდგა თვისტომს.

და ასწიეს.

და წაიყვანეს (თუ წაასვენეს). ერთად, ერთძალოვნებით და ერთგულოვნებით, ვითარცა ხარნი ყევარნი, შემბოდნენ ქართველი და სომეხი მკვდარი ქართველის ვეება ცხედარს.

ფხაწყობილნი ვიდოდნენ.

და ცოცხალთა ფხანაწყობზე თანაირწეოდა მკვდარი.

მღუმარედ ვიდოდნენ, სამივენნი.

უმძიმდათ ცოცხლებს, მძიმე ტვირთით დამაშვრალთ.

ხოლო მკვდარი — უტვირთოდ, უშფოთველად, ტანმსუბუქად მიირწეოდა.

მზე გახელდა და გამძვინვარდა.

და ცოცხლებს მზე ყელში ამოსვლოდათ.

ხოლო მკვდარი — თავდავიწყებულ მწყურვალეობით ისრუტავდა უკანასკნელ მზიურ საგზალს და საგზნებელს.

მიალწიეს. მივიდნენ. შევიდნენ.

ნაწყვეტი მიწისა, რომელსაც ედგა სურნელი სიკვდილისა და სახელად ერქვა ქართველთა სამარტვილე-საგოდებელი.

ცოცხლებმა მკვდარი მიწაზე დაასვენეს და საფლავად მოსათხრელი ადგილის ძებნას შეუდგნენ.

დადიოდნენ და ეძებდნენ ერთი ქართველის სამუდამო სამკვიდრებელს ქართული ჯვრების, ქართულად ნაჩუქრთმევ და ქართული ეპიტაფიებით აჭრელებულ ქვათა ტყე-მალნარში.

და მოიძიეს ადგილი იგი, ორი ქარ-

თველის საწოლთა შორის: მარჯვენე ჯიშო ჯომარდისძე იწვა, მარცხენე ქუაფქუა შეჩვენებული.

„ვინ შენ ჩემო საქართველო, ქართველმა მომკლა შენს ნატვრასა შინა. წამკითხველო გთხოვ შენდობასა“ — ეწერა ჯიშოს ქვასა ზედა.

„აღვესრულე ქრისტესთვის და საქართველოსთვის. ოხრად დამრჩა სახლი მუხისაი, ბეღელი ხერხული, ქური ნავარძული, ჩაბალახი გულდამყრული, ხმალი გველისპირული. ჩემსა გახსენებაზედა შესანდობლად სულისა ჩემისა დიდროანი მოხეული ჭიქაი ჩაივლებოდეს“ — ეწერა ქუაფქუას ქვასა ზედა.

და მოასვენეს ქართველმა და სომეხმა უცნობი ქართველი უკვე „ნაცნობ ქართველთა“ შორის დასაბინავებლად.

საფლავი იყო, მაგრამ მესაფლავე არ იყო და თვითონ უნდა ყოფილიყვნენ მესაფლავენი.

საფლავის გასაჭრელი იარაღი არ იყო, და ახლა მკვდარი უნდა მიშველებოდა ცოცხლებს: მას ხომ ხმალი ეჭირა ხელში.

და ცოცხლებმა მკვდარს ძლივს გაუმართეს ხელის მტევანი და გამოართვეს ხმალი.

და გიორგიმ ჯერ მიცვალებული გაზომა მისივე ხმლით, მას უკან მისი ზომით მოთარგა და მოხაზა საფლავი და ხმალიც პირველმა აძგერა მიწას.

მიწა ფიცხი და ფხვიერი აღმოჩნდა.

ჭრიდა და თხრიდა ქართველი ქართველის საფლავს. შუა წვივამდე რომ დავიდა, სომეხი შეენაცვლა.

რეცა უფრო სწრაფად და ხერხიანად თხრიდა სომეხი.

და უცდიდა მკვდარი ცოცხლებს, როგორ ენაცვლებოდნენ ისინი ერთმანეთს, როგორ ჭრიდნენ, ასუფთავებდნენ და აკოხტავებდნენ მისთვის მარადიულ საცხოვრისსა და სამკვიდრებელს.

და ის იყო, ცოცხალი კაცის წელამ-

ლევან ხანიძე
გიორგი ამონელი



დე დავიდა საფლავი, როცა სომეხი ქართველს შეენაცვლა, ხმალი გამოართვა, თხრა განაგრძო და უცებ... ხმალი შუა გადატყდა! კაცის შეუმჩნეველად ხმალი უჩინარ ქვათა შორის მოქცეულიყო, კაცმა, აქამდე ფხვიერ მიწას მინდობილმა, ხმალი გულდანდობილად გადასწია და... გადამისხვრა, ავი ზრი-
ალოთ.

მკვდარზე უფრო მკვდრის ფერი დაედო სახეზე სომეხს.

არაფერიყო, მაშინვე ანუგეშა გიორგიმ, ისედაც უკვე საკმარისად მოიჭრა მიწაო. მაგრამ გიორგიმ რა იცოდა რა ცეცხლი დაუტრიალდა გულში ამ საოცარ მოყვასს: რაღა მე, სომეხს, გამიტყდა ხელში ქართველის ხმალიო...

საფლავი კი უკვე მზად იყო.

ძლივსა იღვნენ ფეხზე „მესაფლავენი“.

მიდი და აუბე წესი თქვენებურადო, როგორც იქნა უთხრა სომეხმა ქართველს და თვითონ განაპირდა.

მივიდა გიორგი, ამოიღო უბიდან ჭვარი ნაძღვენი არსუკისძისა, მიცვალე-
ბულს ჭვარი გარდასახა და მიუფინა ლოცვა აღსრულებულისა:

„მოიხსენე, უფალო, სული გარდაცვალე-
ბულისა (სახელი არ იცოდა და) ქართველისა მონისა შენისა და მკვდრე-
თით აღდგომასა და საუკუნოსა ცხოვრებასა ზედა მიუტევე მას ყოველივე შეცოდებანი მისნი, და მიეც მას საუკუნო ხსენება...“

წესის აგება დაასრულა გიორგიმ.

და ცოცხლები მიცვალე-
ბულისადმი უკანასკნელი სამსახურის მიგებას შე-
ულდნენ.

საფლავში ჩაასვენეს.

გიორგიმ ხმლის ნამსხვრეე-
ვები ერთმანეთს მიატყუა და ხმალი, რეცა ისე გამოლიანდა, გადანატეხი უწვრილეს ბეწვდაც აღარ ეტყობოდა.

და დაადო ხმალი გულზე გიორგიმ მიცვალე-
ბულს, მაგრამ ხელი უშვა თუ არა, უმაღვე ისევ განცალკე-
ვებული ხმლის ნამსხვრე-
ვნი უსულოდ მდებარე

პატრონის მკერდიდან ეგრევე ცალკე დაცურდნენ და დაცვიფრდნენ წაზე.

და მაშინ ჩასძახა მუდარის ხმით სომეხმა ქართველს: ნუ ჩააყოლებ საფლავში ჩემის ხელით გატეხილ ხმალსო.

გიორგიმ ხმლის ორივე ნატეხი ზემოთ ამოაწყო და მარჯვენა ხელიც ამოიწვდინა. სომეხი მარჯვენი-
თვე ჩაეჭიდა და სრულის ძალით ამოიჭნია და ამოიყვანა ქართველი.

მკვდარი მარტო დარჩა.

ცოცხლებმა ჯერ თითო მუჭა მიწა მიაყარეს, მიწა ხარ და მიწად იქეციო, — წაიჩურჩულეს და მერე აყარეს მიწა...

მიწა მიწას აყარეს.

და ამოიზარდა კაცის სიგრძეზე კაცზედა მიწა.

(რეცა, კაცის ცხოვრების აზრიც ოდენ ეს იყოს: მიწიდან მიწის ამოყრა, მიწაში მიწის ჩაყრა).

ბოლოს ჭვარი უნდა აღმართულიყო ქრისტიანის საფლავზე.

მაგრამ ხის ნატამალიც არსად ჩანდა თვალის საწვდომზე.

მაშინ მოიღო ქართველმა ქაჩაბური თვისი და დასდო მაღლივად.

მაშინ მოიღო სომეხმა არგანი თვისი და დასდო განივად.

და შეკრეს ჭვარი ქართველმა და სომეხმა მაღლივ-
განივით, ვითარცა ზენი-
შანი ზენასოფლურისა და ქვენასოფლურისა, ანუ ღვთაებრივისა და ადამიანურის მთლიანობისა.

და დაასვეს ჭვარი იგი ახალთახალ საფლავის თავით.

პირჯვარი ისახეს და გამოტრიალდნენ.

გიორგიმ ხმლის ნამსხვრე-
ე-
ვები აიღო ხელში.

— აჰა, ძმაო, ხმალი ესე, მე და შენ მისგან ნახსოვარ ხმალად ავიღოთ და შუა გავიყოთ, — ჯერ საფლავისკენ იქცია პირი გიორგიმ და მერე გადანატეხი ხმლის პირი გაუწოდა სომეხს.

სახე გადაედარბაზა სომეხს, ჩამოარ-

თვა, ეამბორა და ბურნუსის შიგნით, საკვერთხელში ჩაიტანია ნაამბორვეი ხმლის ნატეხი.

ხოლო, ხმლის ნატეხი ჯვარსახოვანი ვადით გიორგიმ თვითონ დაინარჩუნა.

— ქართველები და სომხები ოდეს-ღაც ამ ხმალივით მთლიანი და განუყოფელი უნდა ყოფილიყვნენ, მაგრამ საღ-ღაც, მიმორხევადი დროისა და სივრცის რომელიღაც ნაკვეთში, ავ ბედისწერას მათი მთლიანობა ამ ხმალივით გადუმსხვრევი, — ამბობდა ქართველი.

— და მას შემდგომ, ამ ხმლის ნატეხებით, მტერთა ჩვენთა სასიხარულოდ, ცალცალკე დარჩენილან სომხები და ქართველები, — ჩამოართვა სომეხმა.

ჩქარი ნაბიჯით მოდიოდნენ.

სასაფლაო უკვე შორს ჩამოეტოვებინათ.

— და, შეიძლება, ოდესმე ამ ხმლის ნატეხებმა ისევ მოიყარონ თავი, — ამბობდა გიორგი.

— და ჩვენც თავი მოვიყაროთ უკვე არა საგლოვრად, არამედ სალხინოდ, სამოდ, სამოყვროდ, — სიტყვა გადაუბა სომეხმა ქართველს.

— და ვინ იცის, იქნებ ქართველ-სომეხთა მთლიანობაც ოდესმე აღსდგეს, — თქვა ქართველმა.

— ჰო, სომეხ-ქართველთა მთლიანობა, — დააზუსტა სომეხმა.

იერუსალიმს მიუახლოვდნენ.

— დღეს მაინც შევიდეთ ერთად ქალაქში, — თქვა ქართველმა.

— შევიდეთ, ერთად შევიდეთ! — გაიხარა სომეხმა.

— ოქროს კარებით შევიდეთ, — თქვა ქართველმა.

— არა ცხვრის კარით, — დაიჩემა სომეხმა.

(და არც ერთს არ გაუგონია, როგორ გადისხარხარა მაშინ მათმა მდევარმა ბედისწერამ — ბედისწერამ, თუ ბედისწყევლამ).

— რა გქვია, ძმაო შენი — უცებ ჰკითხა ქართველმა.

— რაიც შენ გქვია, ძმაო, — უცებვე უპასუხა სომეხმა.

— მე გიორგი მქვია.

— მეც — გევორქი მქვია.

— მაშ, გამარჯვება, ძმაო გევორქ!

— მაშ, გამარჯვება, გიორგი — და ერთმანეთს გადაეხვივნენ.

— მაშ, ერთად შევდივართ იერუსალიმში, ძმაო ჩემო!

— ერთად, ერთად, ძმაო საყვარელო!

— მაშ, ოქროს კარებით!

— არა, ცხვრების კარებით!

და მიდიოდნენ ისევ ცალცალკე.

თავ-თავისთვის მიდიოდნენ.

თავ-თავისთვის ფიქრობდნენ.

„მოიყრიან თავს ოდესმე ხმლის ნატეხები?“

„გამთლიანდება ოდესმე ხმალი ესე?“

„უკეთუ ოდესმე მოგვესწრება ქართველ-სომეხთა ერთიანობა...“

„უკეთუ ოდესმე მოგვესწრება სომეხ-ქართველთა ერთიანობა...“

და სიცილით კვდებოდა ბედისწერა (თუ ბედისწყევლა), რადგან ნანატრი და ნაოცნებარი „ერთიანობის“ წარმოსახვის ჟამს ქართველი ასე ფიქრობდა — „ქართველ-სომეხთაო“, ხოლო სომეხი — „სომეხ-ქართველთაო“.

და, ამ შემთხვევაში, „პირველობას“, არამცთუ სომეხი, არამედ ქართველიც კი აღარ ცვლიდა ოსპის ნახარში...

ოქროს კარებში რომ შედიოდა, გიორგიმ იქ მოკლული თანასისხლიერის დაქცეული და დამიწებული სისხლის სუნი შეიგრძნო. შეიგრძნო და ისე მოუნდა ბლავილი, როგორც ხარი აბლავლდება ამაზრუნენი ხმით ხარის ნასისხლარზე.

და ძლივს გადასწრო აუბლავლებლად იმ ნაკვდავ ადგილს. გადასწრო და თამამი ნაბიჯით გაერია მლოცველთა ლაშქარს.

უკვე აღარ ეშინოდა და აღარ ეფიქრებოდა გიორგის, ვაი თუ დიაცურად

ამხედრებული ქართველი შემომხვედ-
სო. ამიტომ თამამი იყო და ამაყი იგი.
უთვალავი ხალხით გაქედლიყო
იერუსალიმი.

მსოფლიოს ხრწნადი ოხშივარი ას-
დიოდა მსოფლიოს სამლოცველო ქა-
ლაქს.

ისევ მივიდა ვოლგოთაზე, მორიონ-
ზე — ადგილსა სიმწარისასა. ისევ შე-
ვიდა ქართულ სალოცავში და ისევ მო-
იბრუნა სული საქართველოს სურნე-
ლით.

მომდევნო დღეს ჯვარის მონასტერში
მივიდა გიორგი — ქართველთა მთავარ
ლავრას და სავანეს.

გიორგის მისვლამდე, შვიდასი წლის
ქართული სუნთქვით სუნთქავდა ეს ად-
გილი.

ახლად გაქრისტიანებული ქართლის
ხელმწიფეს, თვითონ ახლად მონათ-
ლულ მირიან მეფეს ძღვნად მიუღია ეს
მიწა მისი „ძმისა და მეგობრის“, კონ-
სტანტინე კეისრისაგან.

და აღეშენა ეკლესია ხეივანში, სადაც
სამასი წლით ადრე მოიჭრა ის ხე, რომ-
ლისგანაც შეიკრა ჯვარი ქრისტეს ვნე-
ბისა.

მირიანის შემდგომ ასი წლის თავზე
მოვიდა დიდი ქართველი ხელმწიფე
ვახტანგ გორგასალი და ახალი სიყ-
რცით, ახალი ბრწყინვალეობით აღაშენა
ჯვარი.

ვახტანგ გორგასლიდან გავიდა კიდევ
ხუთასი წელიწადი და ახლა სრულიად
საქართველოს დიდებულმა გვირგვინო-
სანმა ბაგრატ მესამემ ითავა ჯვრის მო-
ნასტრის მესამე ფერისცვალება — ხე-
ლახალი, კვლავ უფრო სრულქმნილი
და აღზევებული აღმშენებლობა.

ჯვრის მესამე განახლების მოთავეობა
ბაგრატ მეფემ მიიღო შავშეთელ პრო-
ხორეს, ერისკაცობაში გიორგი-ყო-
ფილს.

მესამედ შენდებოდა ჯვრის მონასტე-
რი. ვერც ბაგრატ მესამე და ვერც გი-
ორგი პირველი ვერ მოესწრნენ მის
დასრულებას. ახლა ბაგრატ მეოთხე და

დედამისი მარიამი ზრუნავდნენ, ფრია-
ლი ზრუნვით, რათა სრულიად დადრ-
ისად დასრულებულიყო მშენებლობა
და მორთვა-მოკაზმვა ახალი ჯვრისა.

და იღვწოდა თავგამოდებით პრო-
ხორე.

იგი სიხარულით და სიყვარულით
შეხვდა გიორგი მწირს.

შენი წმიდა ცხოვრების ამბავმა ჩემ
ბებერ ყურამდეც მოაღწია და გამახა-
რა სიხარულითა ფრიალითაო — უთხ-
რა მან ბერსა შუბლჯვაროსანსა. -

ოთხმოცამდე ქართველი მოწესე,
მწიგნობარი, გადაწერი და მთარგმნე-
ლი შემოეყარა თავის გარშემო პროხორ-
ეს. ყველანი შეახვედრა და გააცნო
გიორგის. ყველა დიდის წადნიერებით
შეხვდა „დიდი საქართველოდან“ ჩამო-
სულ თანამემამულეს. ყველა ისწრაფო-
და მის ახლო ყოფნას, იქნებ მცირედი
ზიარებით ზიარებულიყო საქართვე-
ლოდან მოყოლილ სურნელს.

(ნეტავ ასეთი სიყვარული საქართვე-
ლოს წიაღში შერჩენოდეთ ქართვე-
ლებსო — უკორტნიდა ფიქრი გონე-
ბას).

ყოველივე მოიხილა და მოილოცა
გიორგიმ.

წამოსვლის წინ მონასტრის თავისი
ხელით გადაწერილი სახარება შესწი-
რა, ყველას დაემშვიდობა და წამო-
ვიდა.

მერე საბაწმიდის ლავრის საწვევად
წარემართა გიორგი. სავანე იგი, გიორ-
გის მისვლამდე ხუთასი წლის წინათ
დაეარსებინა საბა განწმენდილს, კაპა-
დოკიელ ქართველს, უფრო მართებუ-
ლად — გაბერძნებულ ქართველყო-
ფილს, იერუსალიმიდან სამხრეთ-აღმო-
სავლეთით, ნახევარი დღის სავალზე,
იოსაფატის ხევში. ხოლო ხევი იოსა-
ფატისა ორივე მხრივ მაღალ, ფრიალო
კლდეთა შორის მიიკლაკნება. კლდეთა
უბეებიდან ერთიმეორეზე მიჯრილი
ნაპრაღნი, მღვიმენი და ქარანძვანი იმ-
ზირებიან. აქ, ერთ მღვიმეში მარტო-
სულად იდგა საბა, რომელმაც აქედან-

ვე იხილა უფლისგან ჩამოშვებული ცეცხლის სვეტი. და სწორედ ამ ღვთისგან მინიშნებულ ადგილზე ააშენა საბამ მთავარი ლავრა. ხოლო, შემდგომად კათოლიკე ლავრისა, აღმშენებლობის საღვთო შურით ადგვილ მოღვაწეს აუშენებია სხვა ეკლესიანი, საყდარნი, სენაკნი, ნიშნი, სალოცავნი, სამწერლობონი, ქსენოდუქსნი და სასნეულონი.

სულ მუდამ მრავალგვარანი იყო სავანე საბაწმიდისა. იყვნენ ბერძენნი, იყვნენ სომეხნი, იყვნენ ასურნი, იყვნენ ქართველნი.

ქართველებს აქ ცალკე ეკლესია და ცალკე სალოცავი გამოქვაბულიც ჰქონდათ.

ქართველებისა თავიდანვე ეფიქრებოდათ საბაწმიდელებს.

ქართველების სიმძლავრის იმედი ჰქონდათ და ქართველების გამძლავრებისა ეშინოდათ.

დასაწყისშივე, — როცა ორიგენეს მიმდევრები საბაწმიდას მიუხტნენ და იქაური ბერმონაზონნი ააწიოკეს, კათოლიკე ლავრას სარკმელ-სასინათლონი ქვეებით დაულეწეს და შიგ ჩაკეტილი სამღვდლონიც ლამის ქვით განტვიხნეს — ბეწვზე მოუსწრეს ქართველებმა და დაიფრინეს მომხდურნი. სწორედ მაშინ იყო, რომ ერთმა ქართველმა ბერმა, თეოდულომ, ოდენ ხის ნიჩაბით სამასი ორიგენელი ისე გააქცია, არც ერთისთვის სისხლი არ გაუდენია, სამაგიეროდ კი შორიდან ნატყორცნი ქვა საფეთქელში მოხვედრია თეოდულოს და სულიც დაუღვია, კათოლიკე ძარღვ-შემუსკერილს.

ქართველებს ბედად მოსდგამდათ: მაღლისთვის მუდამ უმაღურობით უხდიდნენ.

მტერი საერთო გვეყავს და მტერთან საბრძოლველად ქართულ ძალას რაღა სჯობსო, მაგრამ ვაი თუ „ამ ძალამ“ ბოლოს და ბოლოს ჩვენზედვე „იძალოსო“ — ეს ეფიქრებოდათ და, ალბათ ამიტომ იყო, რომ ქართველთა მადლს

მატლის ტოლადაც ძლივს მიიჩნევდნენ არაქართველნი.

უარეს ყოველთა, ქართული ენის გამძლავრებისა და გაბატონებისა ეშინოდათ საბაწმიდელებს. ქართველები თავიანთ სალოცავებში ქართულად წირავდნენ, ქართულად კითხულობდნენ, ქართულად ლოცულობდნენ, ქართულად გალობდნენ.

ქართული ენის ცხოველყოფილობას თვითონ საბა განწმენდილიც გვარიანად შეურყევია და შეუშინებია. ვაი, თუ ქართული ენა ქართული ეკლესიიდან კათოლიკე ლავრაშიც შემოიჭრას, იქედან ბერძნული ენა განდევნოს და მისი ადგილი თვითონ დაიჭიროსო — შფოთავდა მოძღვარი ქართველყოფილი. ამიტომ სიკვდილის წინ ეს ანდერძი დაუტოვებია საბა განწმენდილს: ქართველებს ნება მიეცეთ თავის სალოცავებში მხოლოდ ქამნი და სამხრისაი წარსტყვან სამოციქულოდ და სახარებაც ქართულად იკითხონ, მაგრამ ქამის წირვას აუცილებლად კათოლიკე ეკლესიაში უნდა ისმენდნენ, დანარჩენ „ძმებთან ერთად“, ბერძნულ ენაზეო.

მას შემდგომ მრავალმა ქართველმა იღვაწა საბაწმიდის სავანეში. გიორგის მისვლამდე ორასი წლით ადრე საქართველოდან, დავითგარეჯის სავანიდან აქ, საბაწმიდას მოვიდა დიდი საეკლესიო მოღვაწე ილარიონ ქართველი. იგი შვიდი წელიწადი დარჩა საბაწმიდაში. მერე ისევ დავითგარეჯას გაბრუნდა და კიდევ ცხრა წელიწადი იმოღვაწა იქ. ხელახლა აღაშენა დავითის ეკლესია ფერისცვალებისა, ხელახლა აკურთხა და დავითის ნეშტი ახალ, საგანგებოდ გაწყობილ ლუსკუმაში ჩასვენა. მას უკან გარეჯის სამივე მთავარი ეკლესია მოახატვინა — დავითის ლავრა, დოდოსრქა და ნათლისმცემელი. ამის შემდგომ ისევ წამოვიდა საქართველოდან ილარიონი. ამჯერად იგი ბითვისინის ულუმბოს მთაზე მივიდა, ქართული მონასტერი ააშენა და იქვე დარჩა სიცოცხლის აღსასრულამდე. ბი-

ზანტის მაშინდელმა იმპერატორმა ბასილი პირველმა ილარიონსა და მის მოწაფეებს საგანგებო საქვალე აღუშენა კონსტანტინოპოლში — ჰრომანას მონასტერი — და აქვე გადმოასვენა იმპერატორმა ნეშთი წმიდა მამისა, ილარიონ ქართველისა. ხოლო უკანასკნელი სიტყვები ეს ყოფილა უცხო მიწაზე აღსრულებული ქართველი კაცისა:

„გრწმენინ ქრისტე!

„გრწმენინ ადამიანი!

„გრწმენინ ერი და სამშობლო შენი, ვინათგან მათში არს ღმერთი!“

და მივიდა გიორგი საბაწმიდას.

შეხვდა იქაურ ქართველობას.

ერთად მოიხილეს და მოილოცეს იქაურობა.

იყვნენ კათოლიკე ტაძარში. იხილეს და თაყვანი სცეს თვითონ საბა განწმენდილის საფლავს, იქვე — სხვა წმიდა წინამძღვართა სამარტვილებს.

ყველაზე დიდხანს იოანე დამასკელის საფლავთან დადგა გიორგი.

საკმევლის სუნს მოეცა ირგვლივეთი.

„ესე არს სურნელება სიბრძნისაი“ — გაუელვა გიორგის.

ათ ნაბიჯზე წყარო იყო, ერთადერთი წყარო მთელს იმ ხეობაში, და სახელი მისი — საბას წყარო. გარეულმა ვირმა მიასწავლა თურმე საბას ეს წყარო (გარეული ვირებიტა და ჯიქებით იყო ავსებული იოსაფატის ხევი).

წყალი დალია გიორგიმ, ცივი და საოცრად გემრიელი. მერე იოანე დამასკელის საცხოვრისის მონახულება მოიწადინა გიორგიმ და მიიყვანეს კიდეც კლდეში ნაკვეთ ერთ ვიწრო ქარანძავში.

აი, ხატი, რომლის წინაშეც ლოცულობდა თურმე დიდი ღვთისმეტყველი და ფილოსოფოსი ამ სამასი წლის წინათ. აი, ამპოლი, რომელშიც ესხა ზეთი და მასზე მთნებარე პატრუქის ქვეშ იწერებოდა სახელგანთქმული „წყარო ცოდნისა“, „კანონები“, „დილაქტიკა“.

„არაფერი ჩემი არ მიყვარს“ — გა-

ასხენდა გიორგის დამასკელის ეს ნათქვამი.

ნეტარძი, საქართველოში თუ გაუგიათ რაიმე იოანე დამასკელისაო, — გაუელვა გიორგის და უშალვე თვითონვე შერცხვა თავისი ნაფიქრალისა. განა, თვითონაც რა იცოდა — ან დამასკელი-სა, ან ორიგენისა, ან პლატონისა და სხვათა მრავალთა, ვიდრე ბერძნული არ ესწავლა და ბერძნულად არ წაეკითხა ყოველივე საღვთისმეტყველო და საფილოსოფოსო, თვინიერ ძველი აღთქმის, სახარების და სამოციქულო წიგნებისა...

საბაწმიდის სამონასტრო წიგნთსაცავებში სამი მსგეფსი დღედამსწორებით იმაშვრალა გიორგიმ და განცვიფრდა, როცა უმრავლეს ქართულ ხელნაწერებში „ხანმეტურობა“ აღარსად დახვდა.

და იყო საბაწმინდელ მოღვაწეთა შორის ბერი-გადამწერი, სახელად იოანე დვალი, რომელმაც წამოსვლის წინ გიორგის უძღვნა თავისი ხელით გადაწერილი სახარებანი, „ხანმეტობისგან“ სრულიად განწმენდილნი.

და გიორგიმ ამ სახარებას დაარქვა — „სახარება საბაწმიდისაი“.

საბაწმიდიდან ბეთლემს წავიდა გიორგი.

და მივიდა მღვიმეს, რომელშიც იშვა უფალი ჩვენი იესო ქრისტე. მღვიმის თავზე ქრისტეშობის ეკლესია იდგა, მარმარილოს რვა სვეტზე შეყენებული, მარმარილოს ფილებით მოგებული და მოზაიკით მოჭრელებული. დიდი საკურთხევლის ქვეშ, შვიდსაფეხურიანი ჩასასვლელით, გიორგი ჩავიდა თვითონ მღვიმის პირველ კართან, კიდეც შვიდი საფეხური და იგი მიადგა მეორე კარს. ის კარიც გაიარა და... აი, ხელმარცხნივ ადგილი, სადაც დაიბადა უფალი და მაცხოვარი კაცობრიობისა, იესო ქრისტე. ხოლო, ხელმარჯვნივ, შობის ადგილიდან შვიდ ნაბიჯზე, არის ბაგა, რომელშიც ჩააწინეს ახალნაშობი ჩვილი მაცხოვარი. და აქ ეთაყვანენ

პირველი მოთაყვანენი ახალნაშობ ღმერთს — აღმოსავლეთიდან წამოსული და ვარსკვლავს გამოყოფილი მოგვები.

აქ, ქრისტეშობის ეკლესიაშიც იბოვა გიორგიმ ქართველი ბერ-მონაზონნი.

აქაც იგივე ამცნეს ქართველებმა: ქართველობისთვის ძალიან ანგარიშს გვიწვევენო, ყველას, ერთიმეორის წინა-აღმდეგ ჭიდილსა და ჭინჭულში, ჩვენი იმედი აქვთო, მერე, ჩვენგან გადარჩენილებს და გამაგრებულებს ჩვენვე ვეძებებით და ვეწუნებითო; ორმა ქართველმა რომ ერთად ქართულად დავილაპარაკოთ, მოგვახტებიან და ბერძნულად მოგვაყვირებენ — რალაცას ჩვენზე ამბობთ სააუგოსო, ანდა, ქართველებმა რომ ცალკე გავიცინოთ, ახლა იმაზე აგვიტყდებიან — რალაცას, ალბათ, ჩვენ დაგვცინითო. არა, ღმერთი, რჯულით-თქო, მაგრამ ვის ესმის შენი ქართული!

ერთხელ ამაზე შეუჩინენ თურმე ქართველებს: სათვალავით რომ აგრე მცირენი ხართ, ეგზომ მრავლის მომთხოვნი რად იქნებითო?! მაშინ კი ველარ მოუთმენია ერთ ახალგაზრდა ქართველ ბერს და შეუძახნია:

„ხორცს ნუ ითვლით, სული ასწონეთ...“

შემდგომად ბეთლემისა, კიდევ ოცზე მეტი ქართული სათვისტომო მოიხილა პალესტინის სავანეებსა და სალოცავებში გიორგიმ.

და წარემართა ყველაზე სამხრეთული ქართული ნაკვალევით — სინას მთისაკენ.

სინას მთა!


მთა, რომელზეც მოსე შეხვდა ღმერთს.

შეხვდა და მიიღო მისგან ათი მცნება. მცნებანი, რომელთა მეოხებით ბრბოსაგან უნდ შეიქმნას ხალხი.

უნდა შეიქმნას!

იქმენინ ხალხი!

და იქმნა ხალხი...

(ფიქრობდა გიორგი, სიტყვითა შინაგანმდებარითა, სიტყვითა უხმოითა) 

ქართველთა „ხალხი“, ბერძენთა „დემოს“, ლათინთა „პოპულუს“.

ქართველთა „ბრბო“, ბერძენთა „ოხლოს“, ლათინთა „ვულგუს“.

„ხალხი“ და „ბრბო“ ერთი მასალაა, ერთი სისხლი და ერთი ხორცი.

რა ადვილია „ხალხის“ გადაქცევა „ბრბოდ“!

რა ძნელია „ბრბოს“ გადაქცევა „ხალხად“!

„ხალხის“ ქცევა „ბრბოდ“ ძალუძს ყოველ ვიგინდარას.

„ბრბოს“ ქცევა „ხალხად“ — ყოველად შეუძლებელია ღვთაებრივი ხელის გარეშე.

დიადმა მოსემაც ვერ შეძლო იელოვას დახმარების გარეშე „ჯოგიდან“ „ხალხის“ გამოყვანა.

და სწორედ აქ, სინას მთიდან და სინას მთასთან, ღვთაებრივ სულთან მიმთხვევითა და ზიარებით, ჯოგისგან იშვა ხალხი... მხოლოდ ღვთაებასთან მიმთხვევით... მხოლოდ...

სინას მთაზე პირველი ქრისტიანნი გიორგის მისვლამდე რვაასი წლით ადრე მივიდნენ და დასახლდნენ. პირველმა ქრისტიანებმა მიიტანეს იქ წმიდა ეკატერინეს ნაწილები და ადგილსაც, სადაც ეს სალოცავი ნაშთები დაასვენეს უწოდეს ეკატერინეს მთა. მერე წმიდა ელენემ, კეისარ კონსტანტინე დიდის მშობელმა დედამ ააგებინა აქ მცირე ტაძარი. მას უკან იუსტინიანე კეისარმა ახალი დიდი ტაძარი ააშენა და მანვე აქ საეპისკოპოსო შექმნა, სრულიად დამოუკიდებელი, რომლის ეპისკოპოსი არც ერთ პატრიარქს არ ექვემდებარებოდა. მრავალჯერ ააწიოკეს და სისხლი აქცვიენეს მუსლიმანებმა სინას მთის ქრისტიანებს, მაგრამ მაინც განუწყვეტლივ და განიადაგებით იზრდებოდა და ფართოვდებოდა აქაური საქრისტიანო საცხოვრისი, სავანენი და საწირავ-სამლოცველონი. იყვნენ

ბერძენნი, იყვნენ ასურელნი, იყვნენ ქრისტიანი არაბნი, იყვნენ სომეხნი...

და იყვნენ ქართველნი — ბესნი, ანუ ლაზნი, და იბერნი.

და, ოდეს სინელ საქრისტიანო საცხოვრისებს უსჯულო მტერი შემოესეოდა, არაქართველ ქრისტიანებს აქაც „ქართველ ქრისტესმიერ ძმათა“ იმედი ჰქონდათ — იმედი ქართული მკლავის მკლავდონიერობისა, ქართული გულის გულუშოშრობისა, ქართული ჭკუის ჭკუაგამჭრიახობისა.

და სინას მთაზეც ისე იყო, ვითარცა პალესტინას, და ყველგან, და ყოველთვის, სადაც და როცა სხვისთან ერთად იყო ქართველიც:

ქართველების ს ი მ ძ ლ ა ვ რ ი ს ი მ ე დ ი ჰქონდათ, ქართველების გამძლავრებისა ე შ ი ნ ო დ ა თ.

იყო სინას მთაზე ადგილი, სახელად — არსელაი, სადაც ყველაზე მრავლად ცხოვრობდნენ და იღვწოდნენ ქართველნი. აქ, გიორგის მოსვლამდე ხუთასი წლის წინ, სახელი გაეთქვათ ქართველ ბერებს — მიქაელსა და ევსტათის. იზრდებოდა და მტკიცდებოდა სინას ქართველთა სათვისტომო. გიორგის მისვლამდე ასი წლის წინ უკვე პირველობდნენ ქართული ეკლესიები სინას მთაზე. მეწინავეობდნენ ეკლესიანი — წმიდა გიორგისა, იოანე ღვთისმეტყველისა, ღვთისმშობლისა, ილიასი, პეტრე-პავლესი და სევასტიელ მოწამეთა სახელობისა.

იღგნენ ქართველნი სინას მთაზე, მედგრად და მღვიძარედ, იღვწოდნენ, წერდნენ, აზროვნებდნენ და ლოცულობდნენ „ქართლის მშვიდობისა, საზღვართა განმაგრებისა, მეფეთა და მთავართა დაწყნარებისა, მტერთა გარემიქცევისა, ტყუეთა მოქცევისა, ჟამთა დაწყნარებისა და ქრისტიანობისა განმტკიცებისათვის“.

მას ჟამსა სინაწმინდას მოღვაწეობდნენ — იოანე კუმურდოელი, თეოდო-

რე წყუდეღელი, გრიგოლ მომგებელი, მიქაელ კათამონელი, კვირიკე მინასო-რელი, ეზრა ქობულენისძე, მიქაელ ფანასკერტელი, იოანე მინჩხი.

და მათ შორის — იოანე-ზოსიმე, რომელმან შექმნა „ქებაი და ღიდებაი ქართულისა ენისაი“.

და, აჰა, ესერა:

„დამარხულ არს ენაი ქართული ღღემდე მეორედ მოსვლისა მისისა საწამებლად, რაითა ყოველსა ენასა ღმერთმან ამხილოს ამითა ენითა.

„და ესე ენაი მძინარე არს ღღესამომდე, და სახარებასა შინა ამას ენასა ლაზარე ჰრქვიან.

„და ახალმან ნინო მოაქცია და ჰელენე დედოფალმან, ესე არიან ორნი დანი, ვითარცა მარიამ და მართა.

„და მეგობრობაი ამისთვის თქუა, ვითარმედ ყოველი საიდუმლოი ამას ენასა შინა დამარხულ არს.

„და ოთხისა დღისა მკუდარი ამისთვის თქუა დავით წინასწარმეტყუელმან, რამეთუ „წელი ათასი, ვითარცა ერთი დღეი“, —

„და სახარებასა შინა ქართულსა თავსა ხოლო მათეისსა წილი ზის, რომელ ასოი არს იტყვის ყოველად ოთხათასსა მარაგსა; — და ესე არს ოთხი დღეი, და ოთხისა დღისა მკუდარი, ამისთვის მისთანავე დაფლული სიკუდილითა ნათლის-ღებისა მამისაითა.

„და ესე ენაი შემკული და კურთხეული სახელითა უფლისაითა, მდაბალი და დაწუნებული, მოელის ღღესა მას მეორედ მოსვლისა უფლისასა, და სასწაულად ესე აქუს ოთხმოც-და-ათოთხმეტი წელი უმეტეის სხუათა ენათა ქრისტეის მოსლვითგან ღღესამომდე.

„და ესე ყოველი, რომელი წერილ არს, მოწამედ წარმოგითხარ ესე წილი ანბანისაი“.

და იქვე ანდერძი-მინაწერი:

„ქრისტე, შეიწყალე ყოველნი ქრის-

ტიანენი და უფროსი ყოველთასა ყოველნი ქართუელნი “

და მისულიყო გიორგი სინას მთაზე.

და ათოვდა ფიქრი ფიქრს მის გონებაში.

სინას მთა, მშობელი მსოფლიო კაცობრიობისთვის — მოსეს „ათი მცნებისა“.

სინას მთა, მშობელი ქართველთათვის იოანე-ზოსიმეს „ქებაისა“.

იღვა სინას მთაზე გიორგი, ქართველი მწირი, მლოცველი და გზათამლეველი, გასცქეროდა სამყაროს და ათოვდა ფიქრი ფიქრს მის გონებაში.

შორს, სადღაც აღმოსავლეთით დგას ინდოეთი — მარადისად მჭერეტელობაში გარინდებული, ხოლო დასავლეთით, უფრო ახლოს, აფრიკა ვარვარებს, უწინარესად ეგვიპტე, პირველი სხოლა სრულიად მსოფლიოისა.

მაგრამ ეგვიპტე ყოველთვის მხოლოდ თავისთვის იყო და დანარჩენი მსოფლიოს სამოდღვრად არც უფიქრია.

არც საბერძნეთს, სულით უადრესად ამალღებულსა და აღზევებულს, არ განეცდებოდა მსოფლიო სული. ისიც თავისთვის იყო ძლიერიც და ამალღებულც, მისსავე სულსა და სხეულში ჩაკეტილი და ჩარაზული. და მხოლოდ ალექსანდრე მაკედონელმა გაამსოფლიოვა ბერძნული სული. ხმალზე დაილაგა ალექსანდრემ ჰომეროსი, ესქილე, სოკრატე, დემოკრიტე, პლატონი, არისტოტელე და განაფინა მთელს მსოფლიოში — საბერძნეთიდან ინდოეთამდე.

მთელი მსოფლიო?!

„მთელი მსოფლიოს“ გააზრება მაშინ მხოლოდ აზიის სამანებში ეტეოდა სრულად.

და სწორედ აზიამ მისცა მსოფლიოს ყველა „მსოფლიო“ მოძღვარი და ზესთასოფლური სინათლის მოციქული დედამიწაზე:

მოსე,

ზარათუშტრა,

ბუდდა,

ლაო-ძი,

კუნ-ძი,

ქრისტე,

მანი,

მაზდაკი,

მუჰამედი.

ყველაზე დიდი წინასწარმეტყველებიც თვითონ წარმოშვა და ყველაზე დიდი ღმერთებიც თვითონ გააზრა აზიამ.

აზია... აზია... ცხელი და ცხოველმყოფელი აზია!

მარად ცხოველმყოფელ ვულკანთა ფეხმძიმობით ტვირთული აზია!

აზია!..

და ახლა, რეცა პირველად გაიხსნა გიორგის სულში, რომ თვითონაც აზიელი იყო.

აზიელი!

და იგრძნო სიამაყე... სწორედ სიამაყე.

მაგრამ...

მაგრამ ქართველები ის აზიელები არიან — ერთადერთნი აზიელთაგან, ვინც ევროპელობენ თავგამოდებით.

ევროპელობენ-მეთქი!

მერე, რა დღიდან და რაისთვის ევროპელობენ ეს აზიელნი?

იმ დღიდან, რა დღიდანვე ქრისტეს რჯულს ეზიარნენ.

ქრისტიანობა კი ევროპელობაა.

ასე მოხდა: ქრისტიანობა აზიამ დაჰბადა — ყოველი ზესთასოფლურის დამბადებელმა, მარად მღვიძარე ვულკანებით მოთიმიმიე აზიამ — და ევროპამ კი იშვილა.

ღვიძლ შვილად იშვილა!

და ქართველებიც გაჰყვნენ ევროპისკენ მიმავალ ზესთასოფლურ ძეს, თანა-აზიელს.

და ევროპელობენ მას შემდეგ ქართველნი, ეს აზიელნი... ევროპელობენ.

სული ევროპაში უდგათ ქართველებს, ტანი კი აზიაში — სულით და ტანით განწვალბულებს...

(ფიქრი ფიქრს ათოვდა, ვანუწყვეტილვ და განიადაგებით, მშრალი სიჩუმით)...

და წამოვიდა გიორგი სინას მთიდან. წამოვიდა და იქაურ ქართველთა სიხარულის და წუხილის ცრემლი საგზოდ მოჰქონდა უკან მობრუნებულს.

მოდოდა და ევლოგიად მოჰქონდა ნამსხვერევი ხმლისა.

ანტიოქიის გზას შემოუდგა, ისევ შავ მთაზე მოსაბრუნებლად.

და, აჰა ესერა, მოატანა მთასა შავსა, საკვირველსა.

და დახვდა მოძღვარი მისი გიორგი შეყენებული.

დიდი სიხარულით და სიყვარულით შეეგებნენ ერთმანეთს.

თეთრი, ქათქათა წვერი დაუამბორა მოწაფემ მოძღვარს და ერთხელ კიდევ ინატრა ასეთი ფერი თმა-წვერისა, ვითარცა ზენიშანი სიბრძნისა ზენაარისა.

— რაიც იხილე ყოველივე, ვითარ იხილე? — უცებისად ჰკითხა მოძღვარმა, როგორც კი დასხდნენ სასაუბროდ.

— რაიც ვიხილე, ყოველივე ვიხილე სულისა სურვილითა და გონებისა სიმხურვალითა, — უცებითვე მიუგო მოწაფემ.

— ხოლო, რაი იხილე ყოველივეში უწინარესად?

— ყოველივეში უწინარესად მე ვიხილე თავადი იგი, უფალი და მაცხოვარი ჩვენი, იესო ქრისტე.

და შემდგომად ამა კითხვა-პასუხთა, მოძღვარმა გულდასმით ისმინა ყოველივე, რაიც მის მოწაფეს თავს გარდახდომია მგზავრობისას, მიისობას და მოისობას.

უფრორე დაწვრილებით, ქართულ სათვისტომოებზე აჯამიერეს სიტყვა.

ქართული სათვისტომოები უცხოეთში პატარა საქართველოებსავით ყოფი-

ლა მიმოხეული და ქართველებს ძალიან მისჭირვებით მათი მოვლა და შენარჩუნებაო — წუხილით ამბობდა მოწაფე.

ვაი, რომ მარტო უცხო მიწაზე კი არა, საქართველოს შენახვა თვითონ საქართველოს შიგნითაც, საკუთარ მიწაზეც მისჭირვებით ხოლმე ქართველებსო — ამოიგმინა მოძღვარმა.

შერე, ქართველები თვითონ საქართველოში ერთიმეორის მტრობით ისე გაერთობიან ხოლმე, ნამდვილი, შიგნით შემოპარული უცხო მტრის შეგარძნებისა და შეცნობის ალღო და გერში ეკარგებათ სრულიად.

და სანამ ქართველები ერთმანეთს სჭამენ, მანამ საქართველოს არხეინად სჭამენ არაქართველნი.

ასე მცირე ერს ამდენი დიდი შვილი ჰყოლოდეს — ასეთი მაღლი მხოლოდ ჰელადას მოსწრებია. მაგრამ საქართველოს დიდმა შვილებმა სიდიდე თვისი შინაურ წვრილმან ქიშპობასა და კინჭყლს შეაღიეს, ბერძნებმა კი ბერძნული სული ბერძნული ენით ქვეყნიერებას მიმოფინეს.

და, აჰა ესერა, იბადებიან და იმუსრებიან საუკუნენი, და ყოველივე ფასეული ამ ქვეყანაზე იწერება და ვრცელდება მაინც ბერძნულ ენაზე.

ვინც თავისი ქვეყნიდან გავიდა, ყველა ბერძნულ ენას შეერთო, ვისაც რაიმეს დაწერა შეეძლო, ყველა წერს ოდენ ბერძნულ ენაზე.

ქართველად შობილმა და ქართულად ენამოდგმულმა ბევრმა ტალანტმა ქართული დაიწუნა და ბერძნულად დაწერა ყოველივე.

სრულიად საქრისტიანო სამყაროს ყველაზე დიდი მამანი, მოძღვარნი და მოაზროვნენი — ბასილი დიდი, გრიგოლ ნოსელი, გრიგოლ ნაზიანზელი, ევაგრე პონტოელი და პეტრე იბერი — ყველანი ქართველნი, ყველანი მხოლოდ ბერძნულად წერდნენ...

ქართული ენა ბერძნულის სწორფერიაო, უფლისგან კურთხეული და შემ-



კულიაო, ყოველი საიდუმლო მასში დამარხულიაო, დაღაცათუ ახლა ლაზარესავით მკვდარია, მაგრამ დადგება ჟამი და ლაზარესავით აღდგება, ხოლო ჟამი იგი იქნება მეორედ მოსვლა, როცა თვითონ უფალიც ქართულ ენაზე ალაპარაკდება და ქვეყანასაც ქართულად ალაპარაკებსო, — ამბობს ამას სულკურთხეული იოანე-ზოსიმე და შენც გჯერა ესე, შვილო ჩემო, მაგრამ ჩვენ ხომ არ შეგვიძლია გულხელი დავიკრიფოთ და მეორედ მოსვლას დაველოდოთ? ჩვენ ახლა გემართებს ღღენიანად იმაზე ვიზრუნოთ, ყოველივე სულით საფასე ბერძულიდან ქართულს ენაზე გადმოვიდოთ და მივეცეთ ქართველ ერს, ვითარცა საზრდელი სულისა და სამკვიდრებელი არსებისა.

ბევრი თავლსა სჭამს, დაღაცათუ სასა სიტკბოსა ვერა უგრძნობს, მაგრამ ჩვენ თავლის მიცემას მაინც ნუ დავიშლით, ვინათგან უგრძნობელ-უცნობელსაც და მგრძნობიარე-მცნობიარესაც, ბოლოს და ბოლოს, თავლი მაინც თავლად უნდა შეერგოს.

—სულკურთხეულმა ეფთვიმე ათონელმა იცოდა ეს.

— ეფთვიმე? — უცებ აღმოხდა გიორგი-მოწაფეს.

— სწორედ ეფთვიმე, რომელიც ყოველივეს, სულის მარგებელს, ბერძნულიდან ქართულ ენაზე გადმოიღებდა და თავის უსუსურ და უმწეო ერს ისე აძლევდა, ვითარცა რძეს მაცოცხლებელს, ანუ — მაგარ ღვინოს წყლით უმსუბუქებდა, ომბალოთი უზაავებდა და ისე ასმევდა.

წუთით შედგა და მტკიცედ ნაკვეთი სიტყვით მიმართა მოძღვარმა მოწაფეს:

— ხოლო ახლა ერი შენი, უფრო სულმტკიცე და სხეულმაგარი, შენგან უფრო ძლიერ საყვებს ელოდება.

— ჩემგან?! — წამოღდა მოწაფე გაცეხული.

— სწორედ შენგან, ვითარცა ღვთისგან ბოძებული ტალანტით აღსაესე შუბლი.

შუბლიო?!

ისევე გაიელვა ორმა ნასიზმრევემ ორგის გონებაში.

— ნულარ აყოვნებ, შენთან არს ღმერთი, რომელიც შენ შეიყვარე და რომელმან შეგიყვარა შენ! — გააწყვეტინა ფიქრი მოძღვარმა მოწაფეს.

— და, რაი არს ტვირთი ჩემი? — იკითხა მოწაფემ მკრთალი ხმით.

— რაიც იყო სულკურთხეული ეფთვიმე მთაწმიდელი.

— არა ღირს ვარ და არა ძალი მიძს! — შეჰყვირა მოწაფემ.

— ძალგძს, რამეთუ შენთან არს ღმერთი! — მჭახედ შეუტრიალა მოძღვარმა.

— წმიდაო სახიერო — ხმა დაითვიანიერა მოწაფემ — დიდი ეფთვიმე, ვითარცა მნათობი, ნათლად და სიხარულად ამოუბრწყინა ღმერთმა ნათესავსა ყოველსა ჩვენსა — აღმოუბრწყინდა დიდებად, გვირგვინად, გონიერმყოფელად და განმაბრძნობელად. მან უმეცრების საბურველი მოსძარცვა გონებასა ჩვენსას. მისი სივრცითა და სიმაღლით ღმრთივთარგმნილმა წმიდა წიგნებმა განაგდო და განწმინდა ნაკლოვანებანი ენისა ჩვენისა. ეფთვიმემდე ჰელინნი ბარბაროსებად გვიხმობდნენ ჩვენ, უმეცართა, ხოლო ეფთვიმეს ღვთაებრივმა მოვლინებამ იგივე ჰელინნი აიძულა ქართველი კაცი სიბრძნეთა თვისთა თანასწორად წარმოესახათ, ხოლო მე...

— ხოლო შენ — შეაწყვეტინა მოძღვარმა — საქართველოს მწყალობელმა ღმერთმა შენი ერის განმანათლებლად მოგავლინა, ნაცვლად ეფთვიმესი.

— შეუძლებელ არს ჩემგან, მამაო სახიერო, ნაცვალყოფნა სამგზის სანატრელი ეფთვიმე მთაწმიდელისა, რომელმან განანათლა ქართველთა ენაი და ქვეყანაი და რომლისა-იგი ნამუშავევი ახარებს შორიელთა და მახლობელთა, — თავისას კერპობდა მოწაფე.

— შვილო ჩემო, ღმერთი იგი, რო-

მელმან სანატრელსა ეფთვიმეს ქართული ენაი განუმარტა, იგივე შეგეწევა შენც, ვინათგან მას, უფალს და მაცხოვარს, დიდად ეწყალების და უყვარს ნათესავი ჩვენი ქართველი. და ვევედროთ თვითონ მამასა ეფთვიმეს, რათა შეგეწიოს და მისგან დაშთომილი საქმენი შენ სრულჰყო მადლითავე მისითა, ვითარცა პავლემ განაგრძო საქმენი ქრისტესი.

კიდევ დააპირა რალაცის თქმა გიორგი-მოწაფემ, მაგრამ აღარ დაანება გიორგი-მოდღვარმა:

— შენ, შვილო ჩემო, ისეთივე გაგრძელება ხარ ეფთვიმესი, ვითარცა: ისუ — მოსესი, ელიაზარი — აპრონისი, ელისე — ელიასი, პავლე — ქრისტესი და ტიმოთე — პავლესი.

— და წარვედ ათონს, მთასა წმიდასა, სადაც წინამორბედი შენი, ბრძმედსა გონებისასა ახურვებდა და აწრთობდა სიტყვათა ღვთაებრივთა!..

გადაწყდა.

გიორგი გაეშურა შავი მთიდან ათონის მთაზე.

და ათონისკენ მიმავალ გიორგის მანც ეს სიტყვა უქამდა ტვინს:

„სანამ ქართველები ერთმანეთს სჭამენ, მანამ საქართველოს არხეინად სჭამენ არაქართველნი...“

პარი მისუთი

მთაწმიდა

გიორგის მისვლამდე კი — ათონის თაზე უკვე გადაეწეო მის წილ თავგადასავალს.

აჰა, ესერა: ეგეოსის ზღვის ჩრდილო კერძზე, ნახევარკუნძული ქალკიდიკისა, სამთითად რომ შეჭრილა წყლის სამყაროში. ხოლო, ამა სამთაგან, აღმოსავლეთ შევრილის ძველთაძველი სახელი — აქტე.

ხოლო, აქტეს უკიდურესი სამხრეთი გამოწაშვერი — მთა ათონისა.

აქაური მიწა, ზღვა, ცა და ჰაერსაბ-

რუნავი — მშვენიერი, მამებელი და მარგებელი ყოველი სულსადაც სულისა და სხეულისა.

აკტე და ათონი ჰელინთა უძველეს მითოსურ სამყაროშია თავდაპირველად გააზრებული. რეცა, ამ ადგილზე ეხეთქებოდნენ ერთმანეთს საომრად აღძრული გიგანტები და ღმერთები. რეცა, აქ შეებნენ ერთმანეთს გიგანტი ათოს და ღმერთი პოსეიდონი. და აახეთქა დედამიწას ათოსმა უზარმაზარი კლდე, ესროლა ზღვაში ამომართულ პოსეიდონს და ჩადგა ზღვაში ხმელეთი, ვითარცა საზღვარი გიგანტთა და ღმერთთა საბრძანებელთა. და იმ გიგანტის სახელი შერჩა მისგან ნატყორცნ მთას — ათოს, ანუ ათონი.

მერე, გიორგის მისვლამდე ათას ხუთასი წლის წინათ დაარსხა და დაამახსოვრა ქვეყნიერებას თავისი სახელი წყლისა და ხმელის ამ „ზღვარდამდებმა“: სპარსეთის დიდი ხელმწიფის, დარიოს პირველის მიერ საბერძნეთის წასახდენად გამოგზავნილი დიდი საომარი ძალები, სამასი გემი და ოცი ათასი მეომარი, სწორედ აქ, ათონის მთასთან შეეწირა ზღვაზე ამოვარდნილ გრიგალს და ქარიშხალს.

მას შემდგომ, ჰელინურ მითოსს ქრისტიანობაც შემოეერთა და ეს თქმულებაც შემოემატა: მარიამ ღვთისმშობელი და იოანე მახარებელი ხომალდით კვიპროსისკენ მიემართებოდნენ. უცებ ზღვა აიშალა, აზვავდა, ხომალდი გაიტაცა და მანამ ატარა, სანამ ათონის კლდოვან ნაპირზე არ გარიყა. დაისვენა ღვთისმშობელმა, იქაურობა მიმოიხილა, ბუნების სიმშვენიერით დიდად მოიხიბლა და შესთხოვა თავის ღვთაებრივ ძეს, იესო ქრისტეს, ებოძებინა მისთვის ათონის მთა.

ღედის თხოვნა და — წამსვე ჩამოეშვა ცაზედეთიდან ხმა შვილისა: „ამინ, ადგილი ესე საცხოვრისი შენი, წალკოტი შენი, სამოთხე და სალხინებელი!“

და ამიერიდან ეწოდა ათონის მთას — „აიოს ოროს“, „წმიდა მთა“.

და დაიწყო სამონასტრო ცხოვრება ათონის მთაზე.

დაიწყო გიორგის მისვლამდე შვიდასი წლით ადრე. პირველი მონასტრის დამაარსებელი კეისარი კონსტანტინე დიდი, ძე პირველი ქრისტიანი ქალიხა, ელენესი.

პირველმა ქრისტიანულმა ტაძარმა ათონზე ოცდაათი წელიწადი ძლივს მოათია: მოვიდა ანტიქრისტე კეისარი, იულიანე განდგომილი და ძირიანად მოთხარა იგი.

მერე, იულიანეს გადავლენიდან ოთხმოცი წლის შემდეგ, ღრმად მორწმუნე და მოღვაწე ქრისტიანმა ბასილევს-ბასილისამ, თეოდოსი მეორემ და პულხერიამ ააშენეს ახალი მონასტერი.

სწრაფად იზრდებოდა სამონასტრო და სასაქეტო ცხოვრება ათონის მთაზე. შემდგომ — აზიაში არაბთა გამძლავრებამ და იქაურ ქრისტიანთა სამოღვაწეო-საცხოვრისებზე მათმა მიძლავრებამ უფრო აღამაღლა ათონის სახელი, ვითარცა ურწმუნოთაგან დევნილი ქრისტიანობის მხსნელისა, შემფარველისა და გადამრჩენელისა.

გამორჩეული ცხოველმყოფელობით ათონის სამონასტრო ცხოვრება აღზევებას იწყებს მაინც მას შემდგომ, რაც აქ სამოღვაწეოდ მოვიდა ათანასე დიდი.

ხოლო, ათანასეს მოღვაწეობა ათონის მთაზე იწყება გიორგის მისვლამდე ოთხმოცი წლით ადრე.

მოვიდა ათანასე წმიდა მთაზე და დაარსა დიდი ლავრა, რომელსაც საისტორიოდ შერჩა მისივე დამაარსებლის სახელი — ათანასე დიდის ლავრა.

ათანასე მამით ბერძენი იყო, დედით ქართველი, ლაზი. და ალბათ, ამიტომ ქართველები უყვარდა ძალიან, გარდარეულად.

დიდრ მგებობრა ჰქონდა ათანასეს ბიზანტიის აზიურ მხედრობათა მთავარსარდალთან, ნიკიფორე ფოკასთან.

ნიკიფორე ფოკაც წარმომავლობით ქართველი უნდა იყოსო, ფიქრობდა ათანასე, ვინათგან ნიკიფორე კაპადოკიის ძველფესვოვანი მკვიდრი იყო. თვითონ ნიკიფორე სასტიკად იკრძალავდა ქართველობის გამხელას, ვაი თუ ქართველობამ ხელი შემიშალოს საომარი და საპოლიტიკო კიბეზე ზედვსლაშიო.

აბა, რა მიგავს ქართველსო — თვითონვე მწარედ გაიცინებდა ნიკიფორე — პატრონსა ამნაირი ტანისაო (ტანად ჯუჯა იყო), ამნაირი თავისაო (ძალიან დიდი თავი ჰქონდა), ამნაირი სახისაო (უამაური სახე ჰქონდა), ამნაირი ფერისაო (შავ-ყვითელი ფერისა იყო), ამნაირი ენისაო (სიტყვის წარმოთქმის თავი არ ჰქონდა, ოდენ საომარ ბრძანებათა გაცემის დიდოსტატს).

მაგრამ ქართველობის გარეშეც ძლიერი პიროვნება იყო ნიკიფორე ფოკა — ნიჭიერი, მამაცი, გულურყეველი, აზიის ჯარების დომესტიკოსი, ჯარისკაცთა სათაყვანო კერპი, რომელსაც არაბებისთვის წაერთმია და ბიზანტიის სამანებისთვის დაებრუნებია კრეტა, კილიკია და ალემო.

და გასაოცარი ის იყო, რომ მონაზვნური სულიც უხვად ერია ბიზანტიის პირველი მხედართმთავრის ჯარისკაცულ სულს.

და ჰქონდათ დიდი სულიერი სიახლოვე ნიკიფორე სტრატეგოსს და ათანასე ბერს.

ორივე აზიაში იყვნენ იმჟამად. ნიკიფორე, ვითარცა ითქვა, აზიაში მდგარ ბიზანტიურ ჯარებს სარდლობდა, ათანასე კი აზიური ოლიმპის (თლუმბოს) მთაზე მისგანვე აშენებულ დიდ მონასტერში მოღვაწეობდა.

მერე, დროის ბორბალმა ერთიმეორის მიყოლებით დაატრიალა ეს ამბები: მოულოდნელად მოკვდა სრულიად ჯანმრთელი და საღსალამათი იმპერატორი რომანოს მეორე. ნიკიფორე ფოკასაც ცოლი მოკვდომოდა. ერთადერთი ვაჟიშვილიც ბრძოლაში დაღუპვო-

და მთავარსარდალს. უკვე აღარაფერი ახარებდა ისედაც მარად შავნაღვლიანს და სახემწუხარეს. სახსნილო სრულიად აიკრძალა. ათანასეს შავი კვართი გამოართვა და გაუხდელად ჩაიცვა, გარესამოსელს შიგნით (ეს კვართი ულუმბოს სულიერ მამას, მიქაელ მალენის ეჩუქნა ათანასესთვის). აღარც ლოგინად დაწოლილა ნიკიფორე ამიერიდან, მხოლოდ მიწაზე, ან შიშველ ფიცარზე თუ დანებდებოდა ძილს, ყოველ ძილის წინ სიკვდილს ნატრული. ათანასეს ათონზე, დიდი ლავრის გვერდით, ცალკე სენაკი ააშენებინა, ჩიბეს მინამსგავსი, სადაც მალე თვითონვე უნდა შემძვრალიყო ბერად აღკვეცილი დომესტიკოსი.

მაგრამ იმძლავრა ქალმა ძლიერმა, სხეულით ლამაზმა და ჰკუით სატანისმიერმა ქვრივმა დედოფალმა თეოფანომ, ანგარიშიანი ბერძენი მედუქნის ასულმა, და იმდენი მოახერხა, მონაზვნობის გზაზე შემდგარი მთავარსარდალი საიმპერატორო ტახტამდე მიიღრია და რაკი ტახტზედაც დასვა, რაღა მნიშვნელობა ჰქონდა ღამით სად დაუწვებოდა ამ სისხლგამშრალსა და გულგაყინულ კაცს — ღრუბელივით ფუმფულა სადედოფლო სარეცელზე, თუ ქვასავით ცივსა და მკვრივ იატაკზე.

ჩავიდა ათანასე ბერი ათონიდან კონსტანტინოპოლს, ჩავიდა და მიუხტა იმპერატორს. მიუხტა და აყვედრა სასტიკითა ყვედრებითა: შენგან რას ველოდი და რა გამოხვედიო; როგორ თუ წმიდა ბერობას ბილწი კეისრობა ამჯობინეო!

ძლივს დაამშვიდა ნიკიფორემ გაწიწმბებული მეგობარი: მე მაინც ბერულად ვცხოვრობ, თეოფანოსთანაც ისე ვარ ვითარცა ძმა დასთანო; საქმეებს რომ მივალაგ-მოვალაგებ და სახელმწიფოს დაწყნარებულად დავიგულებ, მაშინვე უეჭველად წამოვალ და შენთან ერთად გავწევ მონაზვნობასო.

და მთავარი „დამამშვიდებელი“ მაინც ის უნდა ყოფილიყო, რომ ახალი

იმპერატორი ათანასეს დაჰპირდა ათონზე ახალი დიდი ლავრის აგებას. და იგი კიდევაც შეასრულებს ამ დაპირებას.

გვირგვინოსანი მეგობრის ასეთი აღთქმით და მდიდარი საჩუქრებით დატვირთული დაბრუნდა ათანასე ათონს.

და სწორედ ნიკიფორე ფოკას საიმპერატორო ზეობის ყამს ავიდა ათონის წმიდა მთაზე ქართველ საეკლესიო მოღვაწეთა გუნდი, უკვე ფრიად სახელმძოვნილი იოვანე ბერის მეთაურობით.

ახლა ისევ უნდა მოვინაცვლოთ ფიქრი, იოვანეს ადრინდელი ცხოვრებისათვის, ვინათგან ყოველივე იოვანესა და მისი ძის ეფთვიემეს გარშემო აღწერილია თვითონ ჩვენი მთავარი გმირის, გიორგის კალმით.

იყო მეფე დავით კურაპალატის კარზე ვარაზვაჩე ჩორდვანელი, ნათესავით ქართველი, დაბადებით ტაოელი, მამაპაპობით დიდებული და წარჩინებული.

იყო იგი საომარ ველზე მხნე და ახოვანი, სპასპეტი გამორჩეული, სახით სახიერი და ტანით ტანოვანი, გონებით ბრძენი და სულით ღვთისნიერი.

ერთ დღეს ვარაზვაჩე ჩორდვანელმა ხელი აიღო საერისკაცო ცხოვრებაზე, ვინათგან ჰქონებოდა „ციცხლი იგი ქრისტეს სიყვარულისაი გულსა მისსა მძაფრად აღტყინებული“. სასულიერო სახელად დაირქვა იოვანე, ქონება ყოველივე, რაკი გააჩნდა, ღარიბებს და უპოვართ დაურიგა, ცოლ-შვილი მიატოვა, სქემა შეიმოსა და სადაც გადაიკარგა. ნაცნობებთან შეხვედრას გაურბოდა და ეკლესიიდან ეკლესიაში ადგილს ინაცვლებდა. ყველაზე დიდხანს „ლავრასა დიდებულსა ოთხსა ეკლესიათასა“ მოათია. იქ მხოლოდ წმიდა მამათა, მოსეს და გელასის გაუმხილა თავისი ვინაობა და მათგანვე მიიღო კურთხევა ბერობისა.

ბოლოს ადგა და სულ წავიდა საქარ-

თველოდან. მივიდა მცირე აზიის დასავლეთ კიდურს ბითინიას, ულუმბოს მთაზე აღმართულ დიდ მონასტერში, რომელსაც მწყემსმთავრობდა მიქაელ მალეინი.

და დადგა აქ იოვანე ბერი ჯორთა და კარაულთა მომვლელ მეჯინიბელ.

და გაიცნო აქ, დაუახლოვდა და უმეგობრდა ათანასე ბერს, თავის კბილასა და თანამოასაკეს, მამით ბერქენს, დედით ქართველ-ლასს.

სწორედ იმჟამად ბიზანტიის კეისარმა რომანოს მეორემ დავით კურაპალატს მოსცა „ზემონი ქუეყანანი“ და სამაგიეროდ საქართველოდან კონსტანტინოპოლს მძევლებად წაიყვანა წარჩინებულ ოჯახთა ძენი.

და მძევალთა შორის აღმოჩნდა ძე იოვანესი ეფთვიმე, ყრმაი ხუთისა წლისა.

იოვანეს სიმამრს, აბუჰარბის, და ცოლისძმებს, თავისი შვილები საქართველოში დაეტოვებინათ, ხოლო უდედმამოდ დაგდებული ეფთვიმე უცხო მძევლობისა და ტყვეობისათვის გაემეტებოდა.

იოვანემ ორი წლის შემდგომ სცნო თავისი შვილის ამბავი და მაშინვე ულუმბოდან კონსტანტინოპოლს გაეშურა. ჩასვლისთანავე სიმამრი და ცოლისძმები იხმო და მწარე საყვედური აღუვლინათ:

— რაი არს ესე, განა შვილები თქვენნი არა გყავთ? გარნა, ცხადია, საკუთარი არ გაიმეტეთ და მძევლად ჩემი ობოლი გასწირეთ. რა გაეწყობა, — უფალმან შეგინდოთ შეცოდებანი თქვენნი!

უთხრა და ისე, რომ დატუქსულთა პასუხისთვისაც არ დაუცდია, კეისრის სასახლეს მიაშურა. მისი სახელი უკვე სცნობოდათ სასახლის კარზე. ამიტომ კეთილად მიიღეს, თხოვნა მოუსმინეს და შვილი დაუბრუნეს.

მამამ შვილი ულუმბოს მონასტერში მიიყვანა.

ეფთვიმეს იმ ორი წლის მძევლობის

ნანაში ქართული ენა სულ დავიწყნობდა და მხოლოდ ბერძნულად ლაპარაკობდა. უსაზღვროდ შეწუხებული და შეძრული იოვანე დღე და ღამ იმის ცდაში იყო, როგორმე ისევ ამოედგმევიებია ქართული მეტყველება შვილისთვის.

ათანასე ათონზე წასასვლელად აემზადა და იოვანეს ეზრახა, შენც შენის ძით ჩემთან წამოდიო.

სანამ შვილს ქართულს არ დაუბრუნებ, ცოცხალის თავით აქიდან გამსვლელი არა ვარო, თქვა და გაათავა იოვანემ.

ათანასე ათონს წავიდა, მაინც იმ იმედით, რომ ერთხელაც იქნებოდა ქართველი მამა-შვილი მის გზას გაჰყვებოდა.

მცირე ხანიც გამოხდა და ყრმა ეფთვიმე მოულოდნელად რაღაც „მძაფრითა სენითა“ ავად გახდა და ლოგინად ჩავარდა. დღე და ღამე ოფლში ცურავდა, სიცხისგან იწვოდა, უსაშველო აღმურისგან სუნთქვა უწყდებოდა. რა ბალახები არ უხარშეს, რა საფენები არ აფინეს, რა სალოცავნი არ ულოცეს აქიმობასა და ჯანაოზობაში გაწაფულმა ულუმბოელმა ბერ-მონაზვნებმა, მაგრამ არაფერმა გაჭრა.

და, როცა შვილი „სიკვდილს მიეახლა“, სასოწარკვეთილი მამა ერთხელ კიდევ, უკანასკნელად, წავიდა ტაძრად, ერთხელ კიდევ დაემხო ღვთისმშობლის ხატის წინაშე და შეჰლაღადა ცრემლითა უმწარესითა:

— ღვთისმშობელო ქალწულო, კურთხეულო, სძალო უსძლოო, მეოხ ეყავე შვილსა ჩემსა, ნუ ინებებ მომიკვდეს იგი ეგზომ ენადავიწყებული; ნუ ჩაუქრობ კიდევ ერთ სანთელს შენს წილხედომილ საქართველოს, დედაო სახიერო, დედაო ღვთისაო, სძალო უსძლოო!..

ტაძრიდან გამოვიდა მაინც უსახსრო სულით და მღვდელს შეუთვალა, მოდი და სიკვდილის პირს მიმდგარი შვილი მიზიარეო. შეუთვალა და აღარ დაუცდია, ისე გაიქცა მომაკვდავი შვილისკენ.

კარი შეაღო და გაქვავდა კაცი.
ეფთვიმე ლოგინზე იჭდა, მშვიდი,
მწყაზარი, რეცა ღრმა ძილისგან ახლან
ხან გაყრილი და გამორჩეული.

— შვილო!

— რა იყო, მამა? — ეს ქართულად
თქვა ყმაწვილმა.

ქართულად!

— მითხარი, შვილო! — ლამის შეი-
შალა იოვანე.

— რა ვითხრა, მამა? — რეცა გაკ-
ვირვებით იკითხა ყრმამ, ისევ სრული
ქართულით.

— შვილო, არაფერი არ გტყვივა, არ
გელმის, შვილო?

— არა, არაფერი არ მელმის.

— ხოლო, ეს ქართული?...

— იცი, მამა, — რალაც არაამქვეყნი-
ური ღმილით დაიწყო ყრმამ — ის
იყო სადღაც ტკბილ ბურანში ვიძირე-
ბოდი, ვილაცამ ხელი მომკიდა, გამომ-
ბრუნა და გამომადვიძა. და მე ვიხილე
დედოფალი, ცისკროვან სახით, რომე-
ლმან მითხრა ქართულითა ენითა: — რაი
არს, რაი გელმის, ეფთვიმე? — არ ვიცი,
რაი მელმის, ოღონდ ვკვდები, დედო-
ფალო, ვუთხარი მე. — ნუ გეშინინ,
რამეთუ ღმობა შენი არს დავიწყება
ქართულისა ენისაი; ხოლო ამიერიდან
არარაი არს ვენებაი შენთანა და აღდეგ,
ვითარცა ქართველი ქართულითა ენი-
თაი! — მითხრა და გაუჩინარდა დედო-
ფალი იგი, — დაასრულა ეფთვიმემ და
წამოდგა ფეხზე.

დაეცა და მუბღებზე მოეხვია მამა
შვილს.

დიღბანს სიზმარში ეგონა თავი.

ისევ შვილმა წამოაყენა ფეხზე.

ერთად შევიდნენ ტაძარში და ერთად
დადგნენ ლოცვად წინაშე ღვთისმშო-
ბლისა...

ამიერიდან ორივე ენაში დაუცხრომ-
ლად სწაფავდა მამა შვილს.

და „აღმოუდიოდა პირთაგან ვითარცა
წყაროი“ ეფთვიმეს ყმაწვილობითვე
ქართული „უწმიდეს ყოველთა ქარ-

თველთასა“, და ეგრევეთ — ენა ბერ-
ძნული.

და ეუბნებოდა მამა შვილს, ვითარ-
მედ:

— შვილო ჩემო, ქართველთა ქვეყა-
ნა ფრიად ნაკლებოვან არს წიგნთაგან,
და მრავალნი წიგნნი აკლიან, და ვხე-
დავ რა ნიჭიც მოუმაღლებია შენთვის
ღმერთსა მაღალსა. და აწ იღვაწე,
რაითა განამრავლო სასყიდელი შენი
ღმრთისაგან და შეუცხო დანაკლისი იგი
ერსა შენსა მშობელსა.

ამასობაში დიდად განითქვა სახელი
თვითონ იოვანესი, რომელსაც, ვითარ-
ცა ღვთივშემოსილ ბრძენსა და წმინ-
დანს დიდ პატივს მიუგებდნენ ბერძენ-
ბიც, ქართველებიც და სხვანი ყოველნი.

მაგრამ სწორედ სახელოვნებასა და
პატივისგებას გაუბრბოდა იოვანე. და
რაკი სწორედ ეგზომი ყურადღებისაგან
ულუმბოში უკვე აღარ დაედგომებო-
და, ერთ დღეს მან დაავლო ხელი თავის
შვილს, კიდევ რამდენიმე მოწაფეც გაი-
ყოლია და მათთან ერთად ულუმბოდან
გაუჩინარდა.

და მივიდნენ ათონს, მთასა წმიდასა.

და შეხვდა სიხარულით ათანასე დიდი
„ქართველთა საყვარელთა“. შეხვდა,
შეიწყნარა და დაამკვიდრა დიდ ლავრა-
ში, რომელიც მას ახლახან დაესრულე-
ბინა მისივე მეგობრის, კეისარ ნიკიფო-
რე ფოკას ცხოველი დახმარებით. და
იყვნენ მთაწმინდაზე ქართველი მთაწმი-
დელნი.

ვიღოდა ჟამი.

და ჟამს ემაღვოდა იოვანე მთაწმი-
დელი.

ხოლო, იმავე ჟამის გმირი საქართვე-
ლოში იყო უფროსი ძმა იოვანესი თორ-
ნიკე ჩორღვანელი ერისთავი, სახელო-
ვანი მხედარი და მხედართმთავარი.

და თორნიკეც შესდგომია ძმის გზას.
საერო სამოსელი გაუხდია და სამო-
ნაზვნო სქემით შემოსილა. შემოსილა
და წამოსულა იოვანესთან შესახვედ-
რად და მასთან დასამკვიდრებლად

ულუმბოს მთაზე. მაგრამ რაკილა ვი-
საც ეძებდა, იქ აღარ დახვდა, გამოი-
კითხა და შეიტყო სადაც წასულიყო
ძმაც და ძმისწულიც.

და ერთ დღეს თორნიკე მივიდა
ათონს.

მოვიდა და, „ვინათგან დაფარვაი
არღარა ეგებოდა“, ძმები „ურთიერთას
გამოეცხადნენ და სიყვარულითა სული-
ერთა შეიტკბნეს“.

მთელი ტაძარი სიხარულმა მოიცვა.
ძალიან გაიხარა ათანასემაც, რომელ-
საც ადრევე სცნობდა თორნიკე ერის-
თავის „საქმენი, წარჩინებულობა და
ახოვნება“.

და მონაზონება ძმისა აკურთხა ძმამ.
და ახალ სახელად იმასაც დაერქვა
იოვანე.

კიდევ „სკინგელოზი“ დაარქვა იოვა-
ნემ უფროს ძმას.

და ამერიდან იყვნენ მთაწმინდაზე
ძმანი მთაწმინდელნი, ორი იოვანე —
იოვანე-ვარაზვაჩე და იოვანე-თორნიკე.

და ორივენი გაურბოდნენ სახელს და
პატივს, მაგრამ ვერარა გაეწყოთ: დი-
დის პატივით ეგებოდნენ ძმათა წმინ-
დანთა ყოველნი, ბერძენნი თუ ქარ-
თველნი.

რა გაეწყობოდა, — აკი „ღირსთა
თვისთა ღმერთი გამოაცხადებს და აღი-
დებს“.

და დაიწყო დენა ქართველ საეკლე-
სიოთა და სასულიეროთა ნაკადისა ათო-
ნისაკენ.

და გამრავლდნენ ქართველი „მთა-
წმიდელნი“ მთასა წმიდასა.

გამრავლდნენ და ზრახვა ჰყვეს ორი-
ვე იოვანეთა: უკვე არა ჯერ არს ჩვე-
ნი ყოფნა ისევ ათანასე დიდის ტა-
ძარში, აღარც მასპინძელს ეკადრება
ჩვენგან შეწუხება, აღარც ჩვენ გვეკად-
რება სხვის ხიზნად ყოფნა. ამიტომ დრო
დადგა თვითონ ავაშენოთ ქართველებმა
ჩვენი ეკლესია, სადგომი და სალოცა-
ვიო.

და აღაშენეს ქართველებმა მთასა წმი-
დასა, ათანასეს ლავრისგან დაშორებით,

„უდაბნოსა შვენიერსა“ ეკლესია წმი-
და იოანე მახარებლის სახელობისა
ეკლესიასთან სხვა სალოცავნი, სენაკნი
და სადგომნი გამართეს და დაბინავდნენ
იქ ქართველნი და მათი მოძღვარნი —
„ვითარცა ანგელოზნი ღმრთისანი“.

დრო კი მიჰქროდა, ფრთათა ქნევით,
ძველთა ცვენით და ახალთა აღმოცენე-
ბით.

დროს მოჰყავდა და მიჰყავდა მიწის
მკერძენი და მიწის კერძნი.

დღემამიწა ისევ ბოროტად დაქცეული
სისხლით იბანდა ჭიპს: დედოფალმა თე-
ოფანომ კიდევ ორი ქმარი მოიწელა. ჯერ
ნიკიფორე ფოკა შეიძულა და მისი ძმის-
წული, იოანე ციმისხი შეიყვარა და კუ-
როდ დაისვა.

იოანე ციმისხი ტომით სომეხი იყო,
იმპერატორის დისწული (ახლა გაირკვა,
რომ ნიკიფორე ქართველი კი არა, სო-
მეხი ყოფილა), ბიძასავით ტანმორჩილი,
მაგრამ ლამაზი, მომხიბლავი, თეთრი
პირისკანით, ცისფერი თვალებით და
ალისფერი თმა-წვერით.

და შეითქვენ საყვარელნი, თეოფანო
და ციმისხი, იმპერატორის მოსანე-
ლებლად.

და იყო ღამე ზამთრისა. თოვდა. ბოს-
ფორი მღელვარებდა. ქალაქს ეძინა. ეძი-
ნა ბუკოლეონის სასახლეში ბასილევს
ნიკიფორე ფოკას. არ ეძინა სადღღოფ-
ლო გინეკეაში ბასილისა თეოფანოს და
მასთან ქალის სამოსელში გადაცმულ
მკვლელებს. ელოდნენ მხოლოდ მთავარ
გმირს. და შეუმჩნევლად მოადგა კიდევ
მცირე ნავი ზღვიდან ბუკოლეონის
ზღვისპირა კედელს. ნავიდან ტანმორჩი-
ლი კაცი გადმოხტა კატის სიმსუბუქით.
კედელზე გოდორი ჩამოეშვა, თოკზე ჩა-
მობმული. ციმისხი ჩახტა გოდორში და
შეარხია თოკი. ეს ნიშანი იყო და მა-
შინვე აზიდეს. კიდევ წუთი და იგი უკვე
გინეკეაში იყო.

და შეუშვა დედოფალმა მეფის საძი-

ლევან ხანიძე
გიორგი ათონელი

ნებელში მკვლელები. ციმისხი ჯერ შეჩქვდა, როცა სარეცელი ცარიელი დახვდა, მაგრამ ერთმა შეთქმულმა, შინაურმა ყვერულმა აჩვენა იატაკზე, ჯიქის ტყავზე მწოლარე იმპერატორი.

და მიესივნენ შიშველი მახვილებით. გაღვიძება მოასწრო ნიკიფორემ.

რომელიდაცამ დაასწრო ციმისხის და თავში უჭირა მახვილი ფეხზე სანახევროდ წამოვარდნილ კეისარს. უჭირა და კინკრიხოდან წარბებამდე ჩაუჭრა ქალა.

— დედაო ღვთისავ, დამიხსენი! — იბღავლა განწირულმა.

უფრო მკიდროდ მიეხვივნენ მკვლელნი. მომაკვდავი ციმისხისთან მიათრეს და წინ ფეხებთან დაუგდეს.

დაიხარა ციმისხი, წვერში ხელი ჩაავლო ბიძას და ამოჰგლიჯა ბლუჯად. და მასვე წამს მახვილი ხელმეორედ შემოჰკრა თავში. სხვებმაც მოუნაცვლეს და უკვე ცალცალკე ცურავდნენ სისხლში ნიკიფორე ფოკას თავი და ტანი.

იმპერატორის მკველთა რაზმი მოიჭრა ხმაურზე. მაგრამ იმპერატორის მოკვეთილი თავი რომ დაანახვეს, „დასაცავიც“ რაღა უნდა ჰქონოდათ! მეორე დღეს კი ხალხიც „ჰკუთით მოიქცა“, როცა მკვდარს ისევ ცოცხალი ამჯობინა და აღტაცებული ბღავილით სცნო ახალი კეისარი.

ხოლო კეისრის ტახტზე ახლა იჯდა იოანე ციმისხი. და მის თანავიერგონოსნად და თანამეცხედრე დედოფლად — ისევ თეოფანო.

პატრიარქმა პოლიევქტმა კი, არამცთუ არ აკურთხა ახალი იმპერატორი, არამედ საერთოდ არ შეუშვა აია სოფიაში, ხელები სისხლით, და თანაც მირონცხებული ნათესავისა და მეუფის სისხლით გაქვს გასვრილიო.

მაშინ ყველასათვის მოულოდნელად იოანე ციმისხიმ სულაც უარყო ნიკიფორე ფოკას მკვლელობაში თავისი მონაწილეობა. მე არც მომიკლავს და საერთოდ არც რამ გამიგია ბიძაჩემის მკვლელობის განზრახვისაო, — დაიჩემა ციმისხიმ. მაშ, ვინ მოჰკლა იმპერატო-

რიო, იყვირა პოლიევქტმა. ვინ მოკლა და დედოფალმაო, მშვიდად უპასუხა მკვლელმა.

უსირცხვილობა კონსტანტინოპოლში ვის გააკვირვებდა, მაგრამ ციმისხის ურცხვობამ და უტიფრობამ გააოცა ოქროს-ჰიპელნი.

თუმცაღა, უტიფრობას რა ტახტის წაქცევა ან წამოყენება შეეძლო, ნიკიფორეს მკვლელობა მთლიანად თეოფანოს დააბრალეს და კუნძულ პროტიზე გადაასახლეს.

„სუფთა ხელებიანი“ იოანე ციმისხი კი, პატრიარქმა პოლიევქტმა აია სოფიას ტაძარში დიდის ამბით აკურთხა ახალ კეისარ-ბასილევს-ავგუსტუს-ავტოკრატორ-იმპერატორად.

მაგრამ თავისი კეისრული ზეობის მეშვიდე წელს „უცნაური სენი“ შეეყარა იოანე ციმისხის. უცებ ჩამოხმა და... ჩაქრა.

ისევ ასინდნენ ავი ენები: თეოფანომ იმდენი ჰქნა, საწამლაღი შეაყოლებინა უმადური კაცის საკმელ-სასმელშიო. იყო თუ არა ეს მართალი, აღარც ამას მისცემია რაიმე აზრი. მთავარი ის იყო, რომ ციმისხიც მოკვდა და დედოფლის ტახტზე ისევ მობრუნდა თეოფანო. მობრუნდა და იმპერატორის ტახტზე დასვა ორივე შვილი პირველი ქმრისგან, რომანოს მეორისგან — ბასილი და კონსტანტინე. მაგრამ რაკი ორივე ძმა მციერწლოვანი იყო, ქვეყნის მმართველობა მაინც თეოფანოს ეპყრა ხელთ.

და სწორედ მას ეამსა მოხდა, რაკი აღრევე ითქვა ამ წიგნში: ბარდა სკლიაროსი რომ განუდგა და აუჯანყდა ყრმა იმპერატორებს. აზიური მიწები სრულად მოეწყვიტა კონსტანტინოპოლისგან და დღე-დღეზე აჯანყებული სარდლის კონსტანტინოპოლზე თავდასხმასაც ელოდა შიშით ატანილი საიმპერატორო სასახლის კარი.

და ითქვა მაშინ მსოფლიო ჭიბზე, ითქვა ხმამალა და გადაწყვეტილად, ვითარმედ:

— ჩვენი შემწე დავით კურაპალატის გარდა არავინაა ამ ქვეყანაზე!

— სწორედ, ოდენ ქართულ ხმალს შეუძლია ჩვენი დახსნა.

და დაისაჭიროვეს კაცი, საქართველოში დავით კურაპალატთან გასაგზავნად, — ისეთი კაცი, აჯანყებული სკლიაროსისგან შეკრულ გზებზე რომ გააღწევდა...

და შეიტყვეს, ასეთი კაცი არის ათონზე — იოვანე თორნიკ-ყოფილი.

გაგზავნეს სასწრაფოდ სევასტოფორი ათონის მთაზე. მივიდა იგი და სამივეს — ათანასეს, იოვანე-ვარაზვაჩეს და იოვანე-თორნიკეს ვადასცა მან მეფეთა წერილები, ასევე სამივეს სახელზე დაწერილნი. და სამივეში ეწერა ვითარმედ:

„უღმერთოი სკლიაროსი გაგვიდგა და ხმელით კერძი ყოველი დაიპყრა. აწ ვევედრებით სიწმინდესა თქვენსა, რათა თვინიერ ყოვლისა მიზეზისა, იოვანე-თორნიკ მოვიდეს წინაშე მეფობისა ჩვენისა“.

და თხოვნა ესე გამაგრებული იყო მრავალი მუდარით, ქენებით, ხვეწნით.

სამივე მამა ჩავარდა საგონებელს. აკი აღთქმა ჰქონდათ დადებული, არა სახის საერო საქმეს აღარ მიეჭყოდნენ სიკვდილის კარამდე.

მაგრამ ბოლოს მაინც გატყდნენ ათანასე და იოვანე და დაუწყეს ვედრება თორნიკეს, უნდა წახვიდე შენ მეფეთა წინაშე კონსტანტინოპოლსო.

შეწუხდა თორნიკე.

— წმინდანო მამანო — მიმართა მან ათანასეს და იოვანეს — მე ჩემი ცოდვების გამო მოვსულვარ ამ წმიდა ადგილს და მეფეთა წინაშე წასვლა ხომ ისევ ცოდვათა გზაზე მიქცევა იქნება ჩემი, რამეთუ ხომ იცით, რაისათვის მიხმობენ მეფენი. მე, ვინათგან ღმერთმა ღირსმყო და მონაზვნის სახელ შემშოსა, ამიერითგან აღარც შეხვედრის ნება აღარა მაქვს აღარც მეფეთან და აღარც სხვა ვინმე ამქვეყნიურ აღამიანებთან. ამიტომ ვევედრები სიწ-

მიდესა თქვენსა, ღმრთის სიყვარულისთვის შემინდვით და ნუ მადობთ ლებთ სასახლეს წასვლად, რამეთუ უკეთუ წავიდე, ვიცი ისინი ამა ქვეყნის შფოთში ჩამაგდებენ.

მაგრამ არ ეშვებოდნენ ათანასე და იოვანე: უკეთუ ვეურჩეთ და არ წახველ მეფებთან, უეჭველად დიდ რისხვას მოვაწევთ ჩვენს თავსაც და ჩვენს ტაძრებსაცო. შენ ოლონდ: წადი და მაგის ცოდვა იქნება თუ ბრალი, ყველაფერი ჩვენს კისრად აგვილიაო.

შვილი დღე ეხვეწნენ, ემუდარნენ ასე და ბოლოს დაიყოლიეს.

და მივიდა იოვანე-თორნიკე კონსტანტინოპოლს.

და მისვლისთანავე საღვთო კონსისტორიონს შეიყვანა იგი პარაკიმენონმა ბასილიმ.

შემოეგებნენ ბასილისა თეოფანო და ძენი მისნი, ყრმა მეფენი — ბასილი და კონსტანტინე.

ორივე შვილი დააჩოქა თორნიკეს წინაშე თეოფანომ. დააჩოქა და შეჭლალადა:

— წმიდაო მამაო, რაიცა ამ ობოლთა მიმართ წყალობა ჰქმნა, სამაგიერო ღმერთმა მოაგოს სულსა შენსა!

ისევ სცადა წინააღმდეგობის გაწევა თორნიკემ, მაგრამ სული აღარ მოათქმევინა დედოფალმა:

— წმიდაო მამაო, რაიცა მიბრძანოს მეფობამან თქვენმან, თქვენსა ბრძანებასა როგორღა გარდავხდები. ოლონდ ღმერთმან დაგარწმუნოს, შრომა თავს იღევ და, რა გზითაც გნებაეს, წადი დავით კურაპალატთან, წარუდექ და აუწყე ჰირი ჩვენი ყოველივე. და ვევედრები ღმერთს, შენ და შენმა მეფემ ის უღმერთო სკლიაროსი დაამარცხოთ და ჩვენ მაგ ჰირისგან გადაგვარჩინოთ.

კიდევ იბრძოლა თორნიკემ, მაგრამ ამაოდ. ბოლოს გატყდა და უთხრა ავგუსტა-დედოფალს: მე ჩემი ცოდვებისთვის შევიმოსე სახე ესე და ამიტომ სიკვდილზეც უმძიმესია კვლავ საერო საქმისადმი ჩემი მიქცევა, მაგრამ რაი

ვყო არ ვიცი. ალბათ, თქვენს წმიდა მეფობას უარს ვედარ შევებდავო.

გაიხარეს დედოფალმა და პარაკიმეონმა და ერთხმად შესძახეს: ოლონდ შენ ამ ობლებს უშველე და, რაიცა ბრალი და ცოდვა იყოს, ღმერთმა ჩვენს კისერზე იძიოსო.

და, ვითარცა უკვე ითქვა ზემორეთ, წავიდა თორნიკე საქართველოში, მისცა დავით კურაპალატმა თორმეტი ათასი ქართველი მეომარი, სარდლად უჩინა თვითონვე, და გაანადგურეს ქართველებმა სკლიაროსი ჰალისის პირას, და იხსნეს უეჭველი დაღუპვისაგან ბიზანტიის ყრმა კეისარნი.

ხოლო თორნიკემ ჰალისის ველზე აღებული ალაფი და იავარი ნაწილი თავის მეომრებს დაურთო, ნაწილიც ათონის მთაზე მიიტანა.

დიდი სიხარულით და ამბორისყოფით შეეგებნენ ძღვევამოსილად დაბრუნებულ ძმას იოვანე, ათანასე და ყოველი ძმანი მთაწმიდელნი.

კვლავ უფრო იმით გაიხარეს, რომ თორნიკეს ათონზე თან ჩამოჰყვა „მრავალნი ფიქოსანნი და სახელოვანი მონაზონნი“.

და, რაკი ახლა ჰქონდათ სახსარი ახალი ტაძრის მშენებლობისა, ერთხელ კიდევ იზრახეს და გადაწყვიტეს, ვითარმედ:

„ვინათვან ვართ ქართველნი, კაცნი სახელოვანნი, და კვლავ გვერთვიან ქართველნი და იზრდება სიმრავლე ჩვენი, უკვე აღარც იოანე მახარებლის ეკლესიაა საკმარისი და უნდა ავაშენოთ ახალი დიდი ლავრა ქართული“.

და აღაშენეს ქართველმა ათონელებმა დიდი ქართული ლავრა ღვთისმშობლის სახელობისა მთაწმიდის უმშვენიერეს ადგილზე, თვალისა და სულის მარგებელ გარემოში.

მაშ, ესერა, აშენდა დიდი ქართული ტაძარი და ისტორიაში დაივანა მისმა სახელმა — „ივერი“, „ივერონი“, „ივირონი“, ანუ „ქართველთა“.

და აღმართეს ივერონის კარიბჭის

თავზე სასწაულომოქმედი ხატი ღვთისმშობელი მარიამისა, საეკირველონი ლოვნებით მოოქვილი და ცხოველოსილი. მერე ითქმება, ვითარმედ: ხატთა ჯალათის, თეოფილე კეისრის უამს ეს ხატი ნიკეაში ერთი ქვრივი დედაკაცის სახლში ესვენა თურმე. ერთხელ მეფის შიკრიკი მისულა იმ სახლში ღამის გასათევად და ის ხატი რომ დაუნახავს, ხატმებრძოლი მეფის კაცს მაშინვე უძგერებია მახვილი. ხატიდან სისხლმა იფეთქა და მის დამპყრელს შეექცა. თავზარდაცემული შიკრიკი გადაიხვეწა, ხოლო დაპყრილი ხატი იმ დედაკაცმა ზღვაში ჩაასვენა. და ასორმოდებათი წელიწადი ატარა ზღვამ ხატი იგი. ატარა და, ბოლოს, ათონზე რომ ივერონი აშენდა, ათონის მთასთან მოცურდა იგი და ხედავდნენ ათონელები, დღისით როგორ ბრწყინავდა და ღამით როგორ ანათებდა ზღვაზე მოვარვარე ხატი. რამდენჯერ სცადეს მიახლოვება და ამოსვენება, მაგრამ არავინ არ მიიახლოვა და არავის არ დანებდა იგი. მერე გაბრიელ ხუცესს შეევედრნენ, შენებრ წმინდანი ცხოვრებით ათონზე არავინ ცხოვრობს და იქნებ შენ სცადო ბედით. გაბრიელ ხუცესი კლდის ნაპრალში იყო დაყუდებული, მხოლოდ წყალს თუ დაღევდა და ბალახს მოსძოვდა, სხვა რამ საზრდელს პირს არ დააკარებდა. კიდევ, მისი პირიდან ერთი საერო სიტყვაც არ დაიძვროდა, არამედ ყოველივე მხოლოდ საღმრთოი და სასულიერო ითქმოდა მისგან. და ჩაუშვეს ზღვაში გაბრიელი, მიეახლა ხატს და ხატიც მოეახლა მას, და ამობრძანდა ხატი იგი ზღვიდან ხმელეთზე. ამობრძანდა მთაწმიდელ ქართველთა სამფარველოდ. და აღმართეს იგი და დაბრძანეს ქართველმა მამებმა ახალი ლავრის შესავლის თავზე და ეწოდა ამიერიდან — კარის ღვთისმშობელი...

ივერონის ახლოს აშენდა კიდევ სხვა ეკლესია, იოანე ნათლისმცემლის სახელობისა. და ამით გარდა, ქართვე-

ლებმა შეიძინეს „ადგილნი მრავალნი, მონასტერნი და სადაყუღებულონი გარემოის დიდისა მონასტრისა ვიდრე იმიერ ზღვამდე, რომელნი — იგი შვენიერ არიან და საწაღელ და მომზავებულ სულიერთა მონაზონთა საყოფლად“.

ათანასე დიდი ისევ დიდი სიყვარულით სწყალობდა ქართველებს. იოვანე ახალი ტაძრის მწყემსმთავარი რომ განბდა, მაინც არ მოიშორა იგი ათანასემ. მოიშორა კი არა, ივერონი“ რომ დამთავრდა, მისი წინამძღვარი ათანასემ საქვეყნოდ თავისი ლავრის „სულიერ ეპიტრობად“ გამოაცხადა!

ხოლო, ოდეს აღარც მე და აღარც იოვანე ამ ქვეყნად აღარ ვიქნებით, ორივე ლავრის — ქართულისაც და ბერძნულისაც — სულიერი ეპიტრობი ეფთვიმე უნდა იქნესო! — ანდერძით აცხადებდა ათანასე.

„ივერის“ დასრულებიდან ორი წლის თავზე ათანასე გარდაიცვალა.

ხოლო, ყოველი სიმდიდრე, რაიც თორნიკე ერისთავს მთაწმიდაზე ჩამოეცნა, ყოველივე საამშენებლო და საარსებო სახარჯოდ, მთლიანად გადაეცა იოვანესთვის.

თვითონაც, „ივეგიეთარმან განთქმულმან და საჩინომან კაცმან ყოველივე ნებაი თვისი მოიკვეთა და სრულებით შეუდგა მორჩილებასა მისსა“. არაფრის უფლებას აღარ აძლევდა თავს იოვანეს დაუკითხავად. იოვანეს დაუკითხავად ლამის წყალსაც გემოს არ გაუსინჯავდა, მის უნებართვოდ ერთ ფოლსაც თითს არ დააკარებდა.

და ეუბნებოდა იოვანე-თორნიკე იოვანე-ვარაზვაჩეს, ვითარმედ:

— მამაო, თვით იცი, დიდად ცოდვილ ვარ და სიკვდილი ჩემი მოახლოებულ არს და შენს უნებური არარაი მსურს, არამედ ნებაი ჩემი და თავი ჩემი შემდგომად ღმრთისა შენდა მომიცემა; ვითარცა გნებავს, აცხოვნე სული ჩემი!

დიდ ტვირთად აწვა იოვანეს უფრო-

სი ძმის ეგზომი ქვევრომილება და მარად იმას მიესწრაფოდა, არაფრის დაჰკლებოდა, მარად მყუდროებასა, პატივისა და კრძალულებაში ჰყოლოდა.

მაინც ვერ იქნა და ვერ ჩაიკლა მეომრული სული დიდმა ზორავარმა წმინდა ბერობით დაშრეტილ სხეულში. უძლური აღმოჩნდა უსასტიკესი ასკეზისი სამშობლოს სამსახურად აღმოხდენილ ხმალთან ბრძოლაში. ვერ იქნა და ვერ მოიშორა ზმანებანი ვარდისდელი საომარი თალბიონებისა, მეომართა ყოინისა, საჭურველის ზრიალისა, დაჭრილთა რღოლვისა, მომაკვდავთა გმინვისა, ისართა წივილისა, ცხენთა ჭიხვინისა და თქარათქურისა.

ვერა და ვერ მოეწყლა ბერობას თორნიკეობა თორნიკე ერისთავში. ვერა და ვერ მოიშალა თბრობა გარდასული ბრძოლებისა. შემოეხვეოდნენ სმენად ქცეული მოწესენი და ისიც ქარიშხლით შტოებდალექილი მუხასავით შუაჩამდგარი, ჰყვებოდა თავდავიწყებით, ლეწავდა სიტყვას თვითტკობით და სხვათა დატკობით.

ქართველ კაცს სხვათა ყოველ კაცთან გამორჩევით, ათვისის უმეტესი დატვირთვით უხდება შრომის ოფლის ღვრაც და საომარი სისხლის დაქცევაცო. ასეა, ვინათგან ყოველი მტერი სწორედ ათვისისი ძალით ერკინება და ემტერება ქართველსო. ქართველებთან საომრად გასვლამდე ყოველმა მტერმა ჯერ თავის თავს უნდა სძლიოს, თავის თავსვე აჯობოს და ქართველთა დასამბობად და დასამიწებლად ისეთი რამ ისიბრძნოს და იხერხოს, რაიც მანამდე სულსა მისსა ლანდალაც არ მოლანდებია.

და მოუთხრობდა იგი ქრეთლამორეულ, ენაჩავარდნილ მსმენელებს, როგორ შეიპყრეს სარკინოზებმა ქართველი მეომარი, როგორ განუპეს ცოცხალს მკერდი, გული ამოართვეს, შუბზე წამოაგვეს, ცეცხლზე შესწვეს და მწვადივით დათალეს გული ქართველისა.

და კიდევ — როგორ დაჭრეს ცოცხლად ქართველი, საშურადღულე ნაწილაკებად როგორ დაკუწეს და შურადღულეებით ნიშანს ესროდნენ ქართველი კაცის ხორცის ნაჭრევეებს.

და ერთხელ, უცებ, ანაზღაითად იკითხა ერთმა ყმაწვილმა ბერმა:

— მიინც რაისთვის, რა ცოდვისთვის სჯის ღმერთი საქართველოს?

— შინამტრობა არის ცოდვა საქართველოსი, — მაშინვე მიუგო თორნიკემ.

სტევა და ნათქვამი მისი შეერხა სივრცეს, რხევით, რხევით...

თავს წამოადგა იოვანე-ვარაზვაჩე ძმას, იოვანე-თორნიკეს და უთხრა წყნარად, კრძალვით და რეცა წყრომით:

— საყვარელო ძმაო, ვხედავ, ღვთის მადლით, კეთილად წარემართები ყოველთა ცნებათა ღმერთისათა და არც მინდა წყენა რაიმე მივაყენო შენს წმიდა სულსა. მაგრამ განა შენსავ სულს არ ავენებს იგი, რასაც ახლა და ამდენ ხანს მოუთხრობ ამ ხალხს? გთხოვ და გემუდარები, საყვარელო ძმაო, ეგ საერო ნათხრობნი საეროთა და სოფლიოთა დააცადე, ხოლო შენ, უკეთუ ვერ დაიშლი, უამბე მხოლოდ ერთს — გაბრიელ ხუცესს.

გაბრიელ ხუცესსო?!

ეს რომ ისმინა, მაშინვე დაემხო თორნიკე იოვანეს ფეხებთან, დაემხო და შეჭლადადა ცრემლების თხევით:

— რად სდუმდი აქამდე და არ მამხილე, წმიდაო ღმერთშემოსილო მამაო?

მაშინვე წამოაყენა იგი ფეხზე იოვანემ, მოეხვია და უთხრა კეთილად:

— რაც იყო იგი ღმერთმა გაპატიოს, ხოლო ამიერიდან ეკრძალე!

და ეკრძალა ისიც — სამუდამოდ ეკრძალა თორნიკე თორნიკობას.

იგი მიიცვალა და... „ღმერთისა მივიდა“.

— ღმერთმან შეუდგენა ცოდვანი მისნი და საუკუნესა ცხოვრებასა ღირსყო, — თქვა იოვანემ.

როცა თორნიკეს დასაფლავებდასა მისი „სულის შეძინების“ მორჩა, იოვანემ მოულოდნელად გაამჟღავნა განზრახვა, რომელიც ადრინდნევე ჰქონია გულს დაკრძალული და ამდენხანს თურმე თორნიკეს გამო არ გაუმხელია.

ხოლო განზრახვა ესე ყოფილა: მისი ძის ეფთვიმესა და კიდევ რამდენიმე მოწაფის თანხლებით, წასვლა სპანიალსპანიალ?!)

სპანიაში მრავლად ყოფილან ნათესავნი ქართველნი, დიდხნის მკვიდრნი და შეილნი იქაური მიწა-წყალისა.

და გულს ამოეჭრა იოვანე ათონელს წასვლა სპანიალ, იქაურ ქართველებთან, ვინათგან თურმე თავიდანვე უფროთხრდა ძგი აქაურ ქართველობაში შულლსა და შფოთს.

(ნეტავ სპანიის ქართველებშიც თუ სუფევს ისეთივე შულლი და მტრობა, როგორც საქართველოს ქართველობაში?).

და „ივლტოდის სპანიალ“ იოვანე მთაწმიდელი ძითა მისითა ეფთვიმეთი და კიდევ „რავდენიმე მოწაფითა“.

ჯერ აბილოსს მივიდნენ, რათა იქ სპანიისკენ მიმავალი ხომალდი დაეგულეზინათ და კიდევ გაჰყოლოდნენ მას. სწორედ ამის შესატყობად მივიდა იოვანე აბილოსის მმართველთან, ძველ ნაცნობთან და მოკეთე მეგობართან. ძალიან გაიხარა აბილოსელმა სახელოვანი ქართველის ეგზომ მოულოდნელი წვევით, მაგრამ იქვე უაღრესად გაუკვირდა და განაწყენდა, როცა მან სტუმრის განზრახვა შეიტყო.

არასგზით მე შენი გაშვება არ შემძლიაო, მტკიცედ და გადაჭრით განუცხადა ბერძენმა ქართველს. შენ, წმიდაო მამაო, ძალიან კარგად იცი, როგორ პატივისცემა და სიყვარული აქვთ ჩვენს კეისრებს შენი მაღალი ღირსებისა და ღვაწლმოსილებისაო. ამიტომ, თვითონ განსაჯე, რა სასჯელს დამატებენ ისინი თავზე, უკეთუ მათ დაუკითხავად გაგიშვებ შენ ჩვენი ქვე-

ყნიდან იმ ქვეყნის დასალიერს სპანია-
შიო. მე მხოლოდ ის შემიძლია, მეფე-
ებს მივწერო შენი განზრახვა და, რა-
საც მიბრძანებენ, მეც იმას ავასრუ-
ლებო.

სთქვა და ქმნა აბიდოსელმა. სასწრა-
ფოდ წერილი აფრინა კონსტანტინო-
პოლს. პასუხიც ნასწრაფვეად მობრუნ-
და. ახლავე ჩვენთან წარმოგზავნე იოვან-
ე და მისი მხლებლებიო — ბრძანებ-
დნენ ქმანი კეისარნი.

და მიიყვანეს საღვთო კონსისტორი-
ონს იოვანე და იოვანესნი.

პატივით შეხვდნენ კეისრები, მოი-
კითხეს, მოუალერესეს და მერე, კრძა-
ლულად, საყვედურიც აკადრეს:

— წმინდანო მამანო, ჩვენ დიდი სიყ-
ვარული გვაქვს თქვენი სიწმიდისა და
სისპეტაკისა, მაგრამ ეს რატომ ხდება,
რომ ჩვენგან გარბიხართ და უცხო ქვე-
ყანაში წასვლა და ცხოვრება აგირჩე-
ვიათ?!

მაშინ წამოდგა და სთქვა იოვანემ
პასუხად, ვითარმედ:

— ღმრთისმსახურნო და თვით-
მპყრობელნო მეფენო! მე ადრე ერთი
გლახაკი, ცოდვებით დამძიმებული
ერისკაცი ვიყავი და გადავწყვიტე
უცხოობაში გადავხვეწილიყავი, ნაც-
ნობს არსად გადავყროდი და სამუდა-
მოდ ყველასათვის ხორციით დაკარ-
გულს, სული ჩემი მეცხოვებინა. მაგ-
რამ ეს ვერ შევძელ იმის გამო, რომ
მოულოდნელად მოვიდა ჩემთან თორ-
ნიკე, ვეღარ მივატოვე იგი და ჩავვარ-
დი მისი გულისთვის ისევ შფოთითა
და შუღლით აღსავსე ერისკრებაში.
ხოლო ახლა მაინც, როცა თორნიკე ამა
ქვეყნიდან განსრულ არს, მინდა ვიყო
ყოვლისგან თავისუფალი, წავიდე შორს
და ვიზრუნო ოდენ სულისათვის.

კეისრებმა სიტყვა ესე მოისმინეს,
მაგრამ არ შეისმინეს. ჯერ კარგა ხანს
თვითონ კონსტანტინოპოლს დატოვეს
და არ გამოუშვეს, ვითარცა „კეთილი
სტუმარი“. მერე, ბევრი არწმუნეს და
ბოლოს დაარწმუნეს, უკანვე, ათონზე

დაბრუნებულიყვნენ და სპანიაში
წასვლაზე ფიქრი საფიქრალიდან
მულამოდ ამოეკვეთათ.

და დაბრუნდნენ ისევ მთაწმიდელნი,
ხელმწიფეთაგან ნალერსალნი და ნასა-
ჩუქრალნი.

და დაჯინდა და დაქლექდა ფიქრი
ერთმანეთისთვის დაკარგული „ორი
საქართველოს“ კვლავ-ხილვისა და
კვლავ-შეხვედრისა.

ვიღოდა უამი.

წავიდა თორნიკე.

მიდიოდა იოვანე.

მოდოდა ეფთვიმე.

ნიკრისის სენმა შეიპყრო და შეხუთა
იოვანე და სამუდამოდ დასცა სარე-
ცელზე.

საშინელი ტკივილები უჭამდა სახ-
სრებს.

და იყო სულით მხიარული და მად-
ლობდა უფალს, ეგზომ უსაშველო
ტკივილები და ღმობანი რომ არგუნა
ხორცსა მისსა.

არ არსებობს ჩემთვის უფრო ძვირ-
ფასი საფასე, ვიდრე ეს ხორციელი
ტკივილებიო, ამბობდა იგი. გულწრფე-
ლად ამბობდა, სულის ზეიმით და მხი-
არულებით.

მაგრამ სასტიკი სენით სხეულგან-
კაფულს და მარად დარეცილს აღარ
შეეძლო სატაძრო სამწყსოსა და სათ-
ვისტომოს მწყემსმთავრობა.

და ევედრებოდა იოვანე ეფთვიმეს,
ძესა თვისსა, დრო დადგა და მიითვალე
„ივერონის“ მეთაურობა და მზრუნვე-
ლობაო. ერთხანს უარობდა ეფთვიმე,
უარისთვის შენდობას ითხოვდა და
„ამქვეყნიურ შფოთთაგან“ განრინე-
ბას იმიზეზებდა. მაგრამ ბოლოს მიხრწ-
ნილი და სხეულდაშრეტილი მამის
ვედრება მაინც უნდა შეეწყნარებინა
და შეიწყნარა კიდევ. მან იკისრა „ივე-
რონის“ მზრუნველობა, ეკონომოსობა,
მაგრამ მამის დაუკითხავად მაინც არა-
ფერს წყვეტდა; არცა დიდსა და არცა
მცირე გადასაწყვეტს.

მიდიოდა იოვანე მთაწმიდელი.
მოდიოდა ეფთვიმე მთაწმიდელი.
უკვე მოსულიც იყო.

იმ დღიდან, რა დღიდანაც უთხრა მამამაშვილს ქართველთა ქვეყანა წიგნთაგან ნაკლულია და ეს სინაკლულე შენ უნდა შეუვსო — მას შემდეგ გასულიყო ოცდახუთი წელიწადი. და ეს მეოთხედი საუკუნე უკვე გამხდარიყო საუკუნედ „ეფთვიმე ათონელისა“, ვინათგან აქამდე ქართველთა შორის არავინ გამოჩენილა ეგზომ მძლავრი მეუფე ქართული სიტყვისა და აზრისა. თარგმნიდა და წერდა დაუცხრომლად. თარგმნიდა უმეტესწილ ბერძნულიდან ქართულად, უფრო იშვიათად — ქართულიდან ბერძნულად. უკვე ეთარგმნა ქართულიდან ბერძნულად „ბალაჰვარი“ და „აბუჟურაი“, მაგრამ მთავარი სწორედ ის იყო: როგორმე, რაც შეიძლება მალე შევსებულყო აქამდე ღარიბი და ნაკლოვანი ქართულის საწიგნობელი. წერდა, თარგმნიდა და პირველი უთმინარი წამკითხველი და მკაცრი განმსჯელი იყო მამამისი იოვანე. მას უკან გადაშვრლები გადაწერდნენ, გადანუსხავდნენ და გზავნიდნენ ქართულ მონასტრებსა და სავანეებში.

რალა თქმა უნდა, ყოველი წიგნის პირველ ნუსხებს ეფთვიმე გზავნიდა საქართველოში, მეფე დავით კურაპალატის მისართმევლად და მისი შეხედულებისამებრ დასაბინავებლად.

— მაღლი ღმერთსა, რომელმაც ესთა ჩვენთა ახალი ოქროპირი გამოგვიჩინა! — აღტაცებით იძახდა დავით მეფეთამეფე.

ეფთვიმეს თარგმანება არ იყო ოდენ ბერძნულიდან ქართულად გადმოღება თხზულებისა. არამედ იგი იყო დამოუკიდებელი ქართული გააზრება ქართველისთვის უცხო ტექსტისა, გააზრება უმაღლესი სიტყვათხელოვნებით, თავისუფალი მიმოქცევით, როცა თარგმნის ენა და გააზრება უფრო შთამბეჭდავი და შთამაგონებელია, ვიდრე ენა სათარგმნისა.

წესი მისმიერი თარგმანისა იყო წესი „შემატებისა და დაკლებისა“ (გმთარგმნისა იტყვის შემდგომში დიდი ეფრემ მცირე), ქართული სიტყვიერებით გადიდრება ან გამარტივება სათარგმნელის აზრისა.

და ასე — ამძლავრებდა თარგმნელს სათარგმნზე ეფთვიმე ათონელი.

იმავე ჟამს ათონელებმა შეიტყვეს, რომ „ოთხთა ეკლესიათა ლავრასა შინა“, დაყუდებულა ორი სახელგანსმენილი საეკლესიო მამა — იოვანე გრძელისძე და არსენი ნინოწმიდელი. და მისწერეს წერილები მათ იოვანე და ეფთვიმე ათონელებმა, ვითარმედ: „წმიდანო მამანო, გვეუწყა თქვენი სიწმიდე და მანდყოფნა თქვენი. ვართ გულკლებული, რომ არ ინებეთ მოსვლა და თქვენი წმიდა ლოცვის მოღება ჩვენს წმიდა და სახელოვან მთაზე, ათონზე. აწ ვევედრებით სიწმიდესა თქვენსა, რაითა მოხვიდეთ და ვიყოთ ერთად, ვინათგან უწყით, ჩვენც თქვენებრ უცხოებასა ვართ“.

და მოვიდნენ ათონის მთაზე იოვანე გრძელისძე და არსენი ნინოწმიდელი.

და იყო სიხარული დიდი მომსვლელთა და დამხვედრთა შორის. ეფთვიმემ ცალკე სენაკი აუშენა მოსულ მამებს მათდა სადგომად და საცხოვრისად.

მალე ამის შემდგომ იოვანემ სიკვდილის მომთხვევა იგრძნო, შვილი წინ დაიყენა და ათონის სავანეთა წინამძღვარობა გადაულოცა. იყავ მამა და მამასახლისი და როცა გადადგე, მამასახლისობა გიორგის გადაეციო (ეს გიორგიც ყოფილა „თვისივე მათი, კაცი სახელოვანი და ფრთხილი ხორციელთა საქმეთა ზედა). მერე, გიორგიმაც თავისი წინამძღვრობა იმას გადასცეს, ვინც ძმათა შორის სიტყვიერად და საქმით სხვათა უმჯობესი იპოვნოსო. და ასე მარად ესმს: ყოველმა წამავალმა მამასახლისმა ახალი ღირსეული დატოვოს თავის ადგილასო. ახლა კი ეფთვიმე იქნება თქვენი წინამძღვარი.

ზოლო უკეთუ თქვენს შორის გამოჩნდება მშლელი ვინმე მამა ეფთვიმეს განგებულობისა და მაშფოთებელი საქმითა თქვენთა, იყოს კრული, შეჩვენებული, განკანონებული და გაძევიებული დაუყოვნებლივ, რათა იმ ერთი ვინმეს გამრყენელი და მაკვდინებელი სენი არ გადაედოს სრულიად გვამსა საკრებულოსასა.

და უთხრა უკანასკნელი სიტყვა იოვანე ვარაზაჩე-ყოფილმა ქართველთა სამწყსოს:

— სასურველნო და საყვარელნო შვილნო ჩემნო, უკეთუ ღვთის მცნებებით იღვაწებთ, საღმრთო წესითა და სჯულით იცხოვრებთ, წინამძღვართა თქვენთა უზაკველად დაემორჩილებით და ერთმანეთშიც მშვიდობით და ერთობით იქნებით, ღრმად მწამს ღმერთისა,

არარაი სიკეთე არ მოგაკლდებათ. იყოს თქვენს შორის სიყვარული ღმრთისა, მორჩილება მამასახლისისა, სიყვარული ერთმანეთისა, განუკვეთელი ერთიანობა სათვისტომოსა თქვენისა.

თქვა და ერთხელ კიდევ დალოცა ყველა, დალოცა ძე თვისი ეფთვიმე და მიესვენა მის მკლავებს. მიესვენა და დაიძინა ძილითა მარადიულითა.

და დაკრძალა ეფთვიმემ მამა ხორციელი და მამა სულიერი ლუსკუმასა, რომელშიც ესვენა უფროსი ძმა აღსრულებულისა, იოვანე-თორნიკე სვინგელოზი.

და ათონის სათვისტომოთა და სავანეთა დამაარსებელი ძმების სამარტვილეზე ეფთვიმემ აღაშენა ეკლესია წმიდა მთავარანგელოზთა სახელობისა.

გაგრძელება იქნება



გრიგოლ რუსაია

ეპიუდი

დაშოშმინდა, დაწყნარდა,
აღელვება ცაცხენართა.
ზღვის გოროზი ზვირთები
გადავიდნენ ნავიდან,
ტრიბუნის წინ მდგომარე
ხალხიც სახლში წავიდა,
დაისვენეს ზრახვებმა
მდაბიოთა, მეფეთა,
დაიფარა ბილიკი
ხშირი ბალახებითა.
ჩაიარა კოლონამ
გზად ავტომობილების

და ფრესკაზე დახუჭა
თვალი წმინდა ფილიპემ,
რახანია წისქვილში
არ ხმაურობს დოლაბი,
სოფლის წარმავლობაზე
სდუმან კლუბის დოლები.
აქვე „ვაშად“ სმენილი
ძილს მიეცა „ურა“,
მხოლოდ გული მამულის,
მხოლოდ გული მამულის,
მხოლოდ გული მამულის
სცემს, ვით გრდემლზე ურო.

ბიჭი

სიკეთე ნაბდისქულა ბიჭია.
ობოლი და წყნარი ბიჭი,
ის დადის,
ის ფიქრობს,
ის — ჭია
დრო-ჟამის, ხმაურის, იჭვის.
შენ, მგზავრო, კიდეც შეიძლება
რომ შეგხვდეს:
მეტროში,
პროსპექტზე,
წყლისპირ...

არა თქო, ჭიტლას ნუ ამოჰკრავ,
ფიქრს ნუ გაუღუნავ ცისფერს.
გაუშვი, აბოტოს ოღრო-ჩოღროებში,
სალამური ჰქონდეს არგნად,
მისი წყენინება ანდა გაარჯლება,
XX საუკუნევე, არ ჰქნა!
ეპეი, ნაბდისქულა ბიჭია
თოვლზე რომ აბიჯებს ჭრი-ჭრიით...
ხელთ დროშის ტარივით მიჭირავს
მისი გზა —
შორი და დინჯი.

იქით

კედლის იქით თუ ჯებირის იქით,
ლობის, ძეძვის თუ ჩანჩქერის იქით,
სიკეთის ტოტის,
სიფრთხილის ნოტის
იქით დამისტვენ ჩასაფრებული!
შემკრთალ მზერაში, ფარულ ღელვაში,
ხელთა ნერვიულ აქანებაში,
წამთა

წვეთაში თუ სიმღერაში
ღღელამ მომკივი სულგანაბული!
გაძლების აქეთ, დაძლევის იქით,
და ზამბახების წკრიალა ჭიქით
ძგერ და ხელს მიქნევ და
მემალები,
მხმობ და მეძახი,
მამულის ხმაო!



შენ ათი წელი კიდევ გინდა რომ

შენ ათი წელი გინდა რომ მასე
თითზე მოგერგოს ვინმეს ბეჭედი,
ვით ტყიდან შველის, შენს

გამოსვლაზე
აფორიქდნენ სოფლის ბიჭები.
შენ ათი წელი კიდევ გინდა რომ
მთლად გაუტეხო ვილაცას ძილი,
დაუდობილდე ჭიბრიან სარკეს
და შენს ჩავლაზე ბიჭი მოცლილი
ქვას გაისროდეს მდინარისაკენ.

შენ ათი წელი კიდევ გინდა რომ
სიცოცხლედ იქცეს შენთვის დროება,
შურით გამკობდნენ შენი ტოლები,
სოფლის ქვრივებმა ღილილოებად
ზურგიდან თმებში გაწნან ჭორები.
რომ მთლად აყვავდეს შენი მინდორი
შესძახოს ვინმემ, ამალღდი ჭერო!
შენ ათი წელი კიდევ გინდა რომ
მე დამაბერო.

მატარებელი და ცხოვრება

ცხოვრებას და მატარებელს
ერთ-ურთს ხშირად ადარებენ;
მართლაც წლებიც, ვაგონებაც
სადგურ-სადგურ გვატარებენ.

ეს მარტივად ყველას გვესმის,
ყველას თავის ნებაზე —
და ჩავდივართ როგორც წესი
ბოლო გაჩერებაზე

გეკითხებით, მიპასუხეთ,
აქ ხომ არ ვართ დარგული?! —
თქვით, ვინ იცით ცხოვრებასაც
თუ აქვს ბოლო სადგური?

თუკი, თუკი ამ ბილეთით,
რომ არც კი ღირს შაური,
სიჭაბუკის თეთრ სადგურსაც
ქროლვა-ქროლვით ჩავუვლი;

მაშინ კმარა, რაც ამ გზებზე
ვატმანების დარდი ვარ,
გააჩერეთ ელმავალი,
ამ სადგურზე ჩავდივარ,

...ცხოვრებას და მატარებელს
ერთ-ურთს ხშირად ადარებენ...

ბედმა თავნება გოგონასავით
ჩამიარა და

ვერც შემამჩნია
და ნატერფალი მან მსუბუქი
გულს დამაჩნია...
ძალიან ადრე ვილაცამ მკითხა:
— უბედოდ ყოფნა შეიძლება?
მე ვუპასუხე:
— კაცს გააჩნია...
...ბედმა თავნება გოგონასავით

ჩამიარა და

ვერც შემამჩნია.
მე ვიცი ეხლა კვლავ დამისვამენ
ძველ შეკითხვას,
სულის ამოთქმას არც დამაცდიან;
ყველას გაპასუხობთ ამ პასუხით
გულის მკვესავით; —
თუ ნახავთ თქვენი ბედი მოდის
შარბათ ნასვამი
მყის ყვავილებით შეეგებეთ
რომ არ ჩავიაროთ
მან თავნება გოგონასავით.

ღედამიწაზე დავდივარ რწმენად,
სუნთქვა ვარ მისი, სული შემტევი,
ჩემი პლანეტის გადასარჩენად
ამ პლანეტაზე ვერ დავეტევი,

რადგან ყოველგვარ საზღვართან მიცდის
სიკვდილი — სიბრძნე გაყინულ სულის,
რადგან მე მახლავს სიცოცხლე დიდი
არც დასაწყისით, არც დასასრულით

და წინაპართა მაღალი რწმენა
მაფრთხილებს მათი სულით შემტევით,

რომ ნიკორწმინდის გადასარჩენად
მის ჩუქურთმებში ვერ ჩავეტევი,

მე არ მსურს დავდო
საზღვარი სწრაფვას,
არ მსურს სიკვდილის წვიმა მაცრიდეს,
მე უნდა გავცდე ყოველგვარ საზღვარს,
ყოველგვარ საზღვარს უნდა გავცილდე

და პლანეტაზე დავრჩები რწმენად,
სუნთქვა ვარ მისი, სული შემტევი,
ჩემი სიცოცხლის გადასარჩენად
ერთ სიცოცხლეში ვერ ჩავეტევი!

ამქვეყნიურ არყოფიდან
ყოფად გამომწურა, ვიცი,
მამამ — ზეცის არყოფიდან,
ღედამ — არყოფიდან მიწის

ვიცი, როგორ, რატომ მოველ,
რატომ, როგორ წავალ — ისიც,
რომ ეს ყოფა არყოფიდან

მე სიცოცხლით მომყვა რისთვის,
რისთვის მინდა სიცოცხლე და
რა ვაკეთო სიცოცხლისთვის!...

და მეც ყოფას არყოფიდან
ვწურავ თვით სიცოცხლედ მიწის
მე ვარ ის, რაც ვიყავი და
რაც რომ უნდა ვიყო, ისიც.

თეთრი ნისლი ჰკიდია
გადაბურულ ტყეს,
საღლაც წყვილნი მიდიან,
გზა შორი და დიდია,
გზაზე ლურჯი ფერები
ოცნებებად თვლემს.

შენ კვლავ მოხვალ იცოდე,
მე ხომ ასე მწამს,
კვლავ ხელს გამომიწოდებ,
კვლავ გავირბენთ მინდორზე
კვლავ შევირხევს აშარი,
ქარი ლამაზ თმას

და კვლავ გადაიხრება,
დაეშვება მზე,
მაგრამ ჩემთან იქნება
ავგირთებულ ფიქრებად
ჩვენთან ერთად დაღლილი
საოცარი დღე.

ჯერ კვლავ ნისლი ჰკიდია
გადაბურულ ტყეს,
საღლაც წყვილნი მიდიან,
გზა შორი და დიდია,
გზაზე ლურჯი ფერები
ოცნებებად თვლემს.

პარტიავ, ჩემო!

რაც სულში შენი მზე ჩამისახლდა,
 ქვეყნად არაფრის დარდი არა მაქვს,
 რაც მინატრია წარსულში, ახლა
 იმ ნატვრის ველზე ვიძიებ ბარაქას!

შენით დაამდა მწარე ტკივილი
 საერთო საქმის აღმა დინებავ,
 შენით დაეტყო სათნო ღიმილი
 მამულს და იმის აღორძინებას.

შენით ესროლეს ქამანდი ენგურს,
 შენით აენთო მტკვარი ზაჰესთან,

შენით მიემო ერთგული — ერთგულს,
 მშვიდობის დილაც შენით გათენდა.

თუკი მესაზღვრე არის ფხიზელი
 და ჩვენს სიცოცხლეს აქვს ტკბილი
 გემო...

თუკი უღრუბლო არის ცის ველი,
 სულ შენ გიმადლით პარტიავ, ჩემო!

რაც სულში შენი მზე ჩამისახლდა,
 ქვეყნად არაფრის დარდი არა მაქვს,
 რაც მინატრია წარსულში, ახლა
 იმ ნატვრის ველზე ვიძიებ ბარაქას!

თეთრო ლამარია!

ლამარია, თეთრო ლამარია,
 შენი ნიშის ახლოს ჩემი სამარეა...
 შიგ ვწევარ მრავალი ლომგულის
 თანხლებით...

ტანზე მჭირს იარად ათასი
 ნახმლევი...

სისხლიან ფარიღან მოჟონავს
 სისველე,
 და ჩემში სიცოცხლის სწრაფვა ვერ
 ისვენებს...

და როცა შენს ცაზე ცისკარი ინთება,
 ტოტს მიცემს იაბო სამარის
 კიდეტან...

კვლავ სისხლით მეცხება დამშრალი
 ძარღვები
 და შენი განგებით მჭერა, რომ
 აღვდგები...

მზის შუქით შევიხვევ ნახმლევს და
 ნაშუბარს...
 და რჩეულ ხარჯიხვევს მოგართმევ
 საჩუქრად!..

გულო, ნუ გეშინია

ქართველის ჭირი რომ გგონია
 განა მართლა ჭირია
 „გულო, ჩაჯექ საგულესა,
 გულო, ნუ გეშინია“.

ჯერ პირველი ღამე არის
 მამლები არ ყივიან...
 „გულო, ჩაჯექ საგულესა,
 გულო, ნუ გეშინია“.

კლდიდან მტერი გადიჩება,
 განა მართლა ღვინია...
 „გულო, ჩაჯექ საგულესა,
 გულო, ნუ გეშინია“.

ხალხი ტირის არც პაატას,
 არც ლელას, არც კვირიას...
 გულო, ღმერთი გაგახარებს,
 გამიგე ვის ტირიან...

მურმან ჯგუბურია

„ხაზარულას“ გარშემო, ანუ რამდენიმე
საღამო ნოღარ ღუმბაკისთან

— ახლა არ იფიქრო, დიდი ხათრი და პატი-
ვი მქონდეს შენი, ასე შორს რომ გამოგვეგებე,
ექიმმა მირჩია, ძამა, ხშირი ადგომა და დაჯ-
ღომაჲ კი ვარჯიშად ჩაგეთვლებაო; აბა, და-
ჩქეი და ვისაუბროთ, რა გინდა, რა საქმემ მო-
გიყვანა.

— საქმე არაფერი მაქვს, ისე შემოვიარე,
ტყუილ-უბრალოდ...

— ტყუილ-უბრალოდ, ეგერ (ღუმბაკემ ფან-
ჯრიდან გამახედა), ხე რომ დგას, ისიც კი არა
ცდება.

— მართლა ისე შემოვიარე, საქმე არაფერი
მაქვს.

— აგაშენა ღმერთმა, ფიროსმანის ნატვრა
ამხდარა და ეგ არის, — ერთი ქოხი მოგვცაო,
რომ ნატვრად, ერთი სანთელი და ერთი სა-
მოგარიო, ჩამოვასხათ ჩაი ჭიქებში, დავსხდეთ
და ვილაპარაკოთო. ჰოდა, თქვი ახლა, რამ
მოგიყვანა.

— „ხაზარულა“ წავიკითხე გაზეთში.

— „ხაზარულა“ მეც მაქვს წაკითხული, —
მოიხარა ღუმბაკემ, — „ხაზარულა“ იქ ენახე,
ძლიერ ცულად ვიყავი, კაცი რომ თაუს წამო-
სწევს და თავისი სიყმაწვილისაკენ გაიხედავს,
იმ ადგილებს დაინახავს, სადაც დაიბადა და
ფეხი აიღვა, და იქნება, ხე დაინახოს სხვაზე
ადრე, ხეს შეასწროს თვალი, მერე კი მოებმე-
ბა იმ ხეს ყველა და ყოვლი: ეზო, ოდა, ჭარ-
გვალი, ჩვენებურად — ჭარგვალი, გვიანი ჭა,
ოწინარი, ასე გაიშლება თვალის საწიერი.
სოფელში დაბადებული ვარ და სოფელში
გაზრდილი. ქართველი კაცი ბუნების შვილია;
ვფას, დღემდე, ბუნების მგონსან ვეძახით.
ახლა ილიაც მოგიგონოთ: „თქვენთან, ჰე, მთე-
ბო, ბუნებითა შეუღლებული“.

— წარმართები ვართ ჭერ კიდევ... დიდი
კყონი, მუმილი მუხასა, ვაზის ჭვარი...

— ქრისტიანები ვართ და არა წარმართები.

ღუმბა შენგელაია გექნება წაკითხული, — ამი-
რანის გარშემო, რომ წერს, მანდ არის კარ-
გად აღწერილი, რანი ვართ ჩვენ, როგორ აჯ-
ობა ქრისტემ ამირანს. თუმცა, ვინ იცის, ამი-
რანი ყოველ გაზაფხულს გაწყვეტს ხოლმე
ჯაქვს და ისევე ამირანია.

— „ამირანია? — მივმართავ ტყუებს
და ტყე გუგუნებს: ამირანია!“

— გალაკტიონმა ხომ ყველაფერს ჰკიდა
თავისი ჭამოქრული სულის თვალი; თვალი ხომ
რამდენიმეა, — არის თვალის ჩინი, ესე იგი,

— თვალი მხედველი, საბას უწერია ეს ამბა-
ვი დაწვრილებით, არის გულის თვალი, ესე
იგი, თვალი მგრძნობელი, არის სულის თვალი,
ესე იგი, თვალი მოყუარული, თვალი — მოყ-
ვასი, არის გონების. თვალი, ესე იგი, თვალი
ფიქრიანი, ჭკვიანი. არის, ალბათ, სხეულის
თვალიც, დაბლა რომ არ დაახედებს და ღორ-
ღსა და ქვას გადაალაჭებს; მეტი არ არის? ეს
ჩემი პატარა მოთხრობაც, შენ რომ ახლა წა-
გიკითხავს, თვალით დაეინახე.

— მაგრამ ფინალი?

— ფინალში, გგონია, ცოტათი გონების თვა-
ლიც შემეწვია. მცირე მოცულობის მოთხრობა
ლექსს ჰგავს, ლექსი ასე უნდა იწყებოდეს,
გასწავლი, აგერ, პოეტ კაცს, ხომ ხედავ, მაგ-
რამ, რა ხნის იქნები, შენ, ახლა, ორმოცი?
ჰა, დიდი-დიდი, ორმოცდარობის, ალბათ.

— ორმოცდარობის კიტრობა მაქვს ნანახი.

— როგორ თქვი?

— სამეგრელოში იტყვიან, სამოცდაათი კი-
ტრობა ენახეო.

— კარგი გამონათქვამია. ჰოდა, სწავლა სი-
ბერემდისო; ლექსი გაკვირვებით იწყება მუ-
დამ, ემოციით. მერე მოდის სიყვარული, ან
კიდევ — სიძულველი. ლექსი მიედინება, ცხო-
ვრებაც მიედინება, დრო მიდის, მიდის და ეს —
მიდის, მიდის, ეს მარადი ცვლა და დინება

კაცს ჩააფიქრებს, რაიმე ჰქვიანურ აზრსაც ათქმევინებს, რაც გონების თვალთანაა დაკავშირებული, დასკვნით მთავრდება ლექსი...

— „ხაზარულა“ ასე დამთავრდა.

— „ხაზარულა“ მინც მოთხრობაა, პროზაა, აღწერა მეტია, ვიდრე ეპოცია.

— მე კი მგონია, პროზა და პოეზია დიდად არ განსხვავდება, განა პოეზია არაა „აღდგომის“ შესავალი?

— იცი ჩემი ამბავი და გინდა გული გამიქეთო, არა? უკეთეს მაგალითს მოგიტან აგერ. (ლუმბაძემ ღილაკს თითი დააჭირა, მღივიანი გოგონა შემოვიდა).

— თამილა, აბა, ერთი, აკაის „ჩემი თავგადასავალი“ ამოგვიტანე (ლუმბაძე ისევ მე მომიბრუნდა):

— რუსული კარგად არ ვიცი.

— ახლახანს რომ წერილი გამოაქვეყნე?!

— რუსულად დაწერე, შვეცდი. საჩქაროდ უნდა გამეგზავნა წერილი და იმიტომაც დაწერე რუსულად. მაგრამ, მწერალმა ორი ენა არ იცის.

— მსგავსი რაღაც ამოვიკითხე ამასწინათ...

— ამოიკითხავდი, ძამა, აბა, არ ამოიკითხავდი? განა მე უცილობელ ჰქმნა ჩემთვის ვამბობ, როცა რაიმეს ვამბობ. საკუთარ სიბრძნეს კი არ ვლადებ, მაგრამ ტოლსტოისა და შექსპირის გამოხატულებებს კბილი რატომ უნდა გაუქსნიოთ. ისე უნდა მივიღოთ, როგორც არის. დიდი ცოდვაა ვითომ, ჩვენი აზრი ამ ბუმბერაზი მწერლების აზრს თუ დავითხვა. ორგანიზაცია ყოველთვის არაა ხელსაყრელი.

— ხაზარულაზე“ ვსაუბრობდით...

— „ხაზარულა“ იქ დაიწერა-მეთქი, ზომ გითხარი. თვალს ვკიდებ იმ სიმორიდან. იი, ახლა რა გავიფიქრე, — მოთხრობას რომ ვიწყებდი, თვალის მწერალი ვიყავი იმ წუთას. თვალის მწერალი რეალისტი მწერალია. რეალიზმი მწერლობის თავიკ არის და ბოლოც, მაგრამ არის აგრეთვე, ყურის მწერალიც, ანუ განაგონის მწერალი, ისტორიის მწერალი. აქ მეტი თავისუფალი ხარ, მკითხველი უნდა პასუხს არ მოგთხოვს ამა თუ იმ მოვლენის აღწერისას. ამიტომაც არის დღეის მწერლობა უფრო ფასეული. თვალის მწერალს, თანამედროვე მწერალს, მეტი კაცობა და ღირსება მოეკითხება. ყურის მწერალს, წარსულის მწერალს, მეტი გაძლება და წიგნების ქექვა.

— მაგრამ, ბამბუკი რომ დახატო, ბამბუკის შინაგან სინათლესაც უნდა ჰქილო მახვილი თვალი, როგორც ამბობს ერთი ძველი ჩინელი პოეტი თუ მხატვარი.

— ტანის ეპოქელი, არა?

— კი. ვან ვეის გამოხატულება.

— ვან ვეი, ალბათ, ბუდას მოძღვრების მიმდევარი იქნებოდა. ეს ყველაფერი ჰერტასთან არის დაკავშირებული, დაყუდებულთან,

სოფლით გაღმა გაბიჭვბასთან. პოეტი, ალბათ იმდენი ხანი უყურებდა ბამბუკს, რომ ახლა მისი მცენარის შინა სინათლესაც მისწვდეს, შინა ბუნებას. ტრამბაზად ნუ ჩამოშრებოდა და, „ხაზარულა“ დაახლოებით, ასე შეიქმნა, თვალის ჩინით დაიწინა და გონების თვლით გადაიკითხა...

— შეიძლება?

— შემოდი თამილა, აგერ, ეს დალოცვილი წიგნიც, წაიკითხოთ, როგორ იწყება „ჩემი თავგადასავალი“.

— ლექსით არ არი?!

„აღდგომა“ რომ გაიხსენე, იმიტომ მოვამბინე, წაიღე ეს წიგნი, თამილა, და წაიღე სახლში, გეყოფა ფეხზე დგომა...

— საოცარი და საკვირველი, აგერ, ჩვენს გვერდითაა, ხელთა გვაქვს და ვერ ვხედავთ, ვერ ვიგონებთ.

— როცა საჭირო იქნება, მოვიგონებთ. ახლა ეს შედარება გასინჯე: სიმი — ქართველი, ჩოგნური — საქართველო. ჩვენი ენა ზღვის ფსკერზე ნაპოვნ კაეთს ქვას მოგვავიანებს, — ის ერთი ბეწო კაეთი უფრო ხანიერია, ხომ იცი, ვიდრე ვეებერთელა ლოდი, იმავე ზღვაში ჩაყვდება. ლოდას მიჩაიადი და მიჩაიადი ტალღა რაცხავს, და ლოდი იგი, დღე-ღამე, შეუშინველად, მაგრამ მინც მცირდება. შორდება ის, რაც უნდა მოშორდეს და რჩება ის, რაც უნდა დარჩეს. რჩება კაეთი, რაც აჩენს ცეცხლს, ანუ სიბოხსა და მყუდროებას, რაც არის სიკეთის მსახური. ასეთია ჩვენი ენის ბუნება. „რაც არ იწყებს, არ ანათებს“, — ეს გამოხატულება, არა მარტო კაცთაგანს, არამედ, ენასაც მიესადაგება. რუსული ენით, მაგალითად, დიდი ტანჯვა-კითხვაა გაცხადებული, დიდი სულის გვემა. ჩვენი ქართული კი სიკეთისა და სინათლის მსახურია უპირატესად, — ენა თავსუფალი, „ვითარბედ, ყოველი საიღუმლო ამას ენასა შინა დამარხულ არს... რაითა ყოველსა ენასა დამრთმან ამხილოს ამით ენითა...“, ეს არის ქრისტიკის ენა, ხატის ენა და ლოცვის ენა. ახლა გავითვალისწინოთ ის ამბავიც, თუ რა დიდ მნიშვნელობას ანიჭებს ქართველი კაცი ამ ერთ წარმოთქმულ წყევალ-ჩიკრვას, ლოცვა-სადღერძობას. დავით კლდიაშვილის მოთხრობა ხომ გახსოვს, ამიტომაც არის ჩვენი ქართული ხატის ენა. სუფრაზე რომ კაცი შემოგვესწრება, შემოსწრებულნი ძალიან რომ ჩქარობს, როგორ ვხევეწვივით, ერთი დალოცვი, ბატონო, და დვინოს, თუ გნებავთ, ნუ დალევთო. ამიტომაც არის ჩვენი ენა ლოცვის ენა. ქართული ენა, თავისი ბუნებით, მოგვავს სიტყვა „ამინს! თარგმანა რომ არ უნდა, ყველა ჯურისა და ყველა ძირის, ყველა ენის მექან ქრისტიანს რომ შეეხსინება.

„ყოველ აივინს ხელი, —
კაცკახიონის მთების“



იცი, რა საოცარი ამბავი გამახსენდა, — ერთხელ თურმე, ილია ვეკუა მიიწვიეს თანასოფლელებმა. სუფრა გაიშალა, როგორც სუფრის გაშლა იციან ჩვენში, — „ლურჯი სუფრა გაიშალა“, ხალხი შეთვრა, შეწარხოშდა, გაუთამამლან თანასოფლელები ბატონ ილიას და ერთმა მოხუცებულმა გლეხიკაცმა სტუმარს ჰკითხა: ასეთი დიდი კაცი როგორ გამოხვედით. უბრალო ამბავი არიო, უთქვამს თურმე ილია ვეკუას, ჩემი ფიცრული ოდა-ახლის აივნიდან, მინდობდა თუ არა, ყოველ დღით, კაცკასიონის თეთრი მწვერვალისათვის უნდა მომეკრა თვალიო, ის სინათლე თუ გადმოვიდა ჩემშიო. მოსწონებით მეცნიერის პასუხი თანასოფლელებს, მაგრამ, ერთ ენაახვილ გლეხს მაინც უხუმრია, კაცკასიონის მწვერვალს, ილიას შემოვევლე, აგერ, ეს ოთხმოცდაათი წელიწადია, ყოველ დღით რომ ვხედავ, მაგრამ თქვენზელა კაცი კი ვერ დავციქო. გალაკტიონის ლექსმა მომაგონა ეს ამბავი. დიდი გავლენა აქვს მწერალზე იმ ადგილებს, სადაც დაიბადა და გაიზარდა.

— ისევ „ხაზარულას“ ვუბრუნდებით.

— ხო, რითაც დავიწყეთ. სადაც არ უნდა წახვიდე, მაინც ჩემთან უნდა მოხვიდე საბოლოოდ. გეხუმრები, ჯიმა, სადაც არ უნდა წავიდეს კაცი, მაინც მამულში დაბრუნდება. „ცვრიან ბალახზე თუ ფეხშიშველა არ გავიარებ, რაა მამული“.

— უგალაკტიონოდ, ეს საუკუნე, თითქოს არც ყოფილა.

— ასეა, — „როგორც ერთია ქვეყანა მთელი, ისე ერთია გალაკტიონი“, აჲ, ქვეყანა, ალბათ, საქართველოს ნიშნავს. პოეზია და საქართველო კი, მისი გაგებით, ხომ ერთი და იგივეა. ჯერ ამბობს „პოეზია უპირველეს ყოვლისაო, მერე დაძმენს, „თქვა: მამული უპირველეს ყოვლისა“.

— ერთი და იგივეა, ცხადია.

— მაგრამ, რატომ არაა, მაგალითად, რომელიმე პროზაული ნაწარმოები. და საქართველო ერთიდაიგივე? ვერც იქნება. ენას პოეზია ინახავს და არა პროზა. არ მახსოვს სად წავიკითხე, მაგრამ ამბად კი ჩამჩრა: სარდალმა გააშიშვლა ხმალი და ბრძანა: მტერი მოდის და ენა დავიცვათო. ენა და მამული რომ ერთიდაიგივეა, ამას ხომ მტკიცება არა სჭირდება. „რა ენა წახდეს, ერი დაეცეს“. მტერი მოდის და ენა დავიცვათო, მაშინ გამოვიდა პოეტი და სარდალს უთხრა: ეგ ხმალი კაი ძალაა, მაგრამ, სარდალო, მარტო ხმალი ენას ვერ დაიცავსო. მთავარია, ისეთი ნაწარმოები შეიქმნას, რაც ენას შეინახავსო. და ცამდე მართალი იყო პოეტი. ასე ხომ კიდევაც დავგადაზღუდა აჲ, დავილაღე, სხვა დროს შემოიარე, შენი ხნისა რომ ვიყავი... სალაპარაკოდ სად მეცალა.

— ვერ ვხვდები, ეს ოხერი, რომელი ფონი რეკავს, — დუბაძე ვარ, — დამიდგინე, თუ არის მანდ და დავურეკავ.

ყურმილი დადო და მე მომიბრუნდა:

— დღემდე ვერ გავარკვიე, აფთიაქის გამგე ვარ, მტურნალი ექიმი თუ მწერალთა კავშირის თავმჯდომარე... აი, რა ვიფიქრე წუხელის, — ჩვენი ესაა რომ ასეთია, როგორც არის, ამაში დიდი წვლილი მიუძღვის მოსას.

„საქართველოს მთებში გაგაჩინა ზენამ, მათა ხვერდების და ღმერთების ენაც“.

ამ ორ სტრიქონში არ წერია თურმე ყველაფერი! მთა ინახავს ენას. ძნელბედობის ქამს ხომ ჩვენი უძველესი ხელნაწერებიც მთებში იხიზნებოდა. ფშურ კილის შუაქართულიდან ისეთი რა განასხვავებს, მაგრამ ერთი ვიფიქროთ, ვაჟას გაერაშე რა იქნებოდა დღეის ქართული. უფალი ყველაფერს თავად ანაწილებს კანონზომიერად. ერთი ვაჟას ხელა პოეტი გვერგება ხევსურეთიდან, ერთიც — სვანეთიდან, ერთიც — სამეგრელოდან და ასე შემდეგ. ამას, დღეის ენაზე ხელუხლებელი მარაგი ეწოდება, ენას რომ გაუჭირდება, მაშინ მოვა ის პოეტი. ასე მოვიდა ამ საუკუნეში გალაკტიონი. აჲი თვითონვე ამბობს თავის პოემაში:

„შენგნით გზავნილმან მან ანგელოსმან, როგორც ყვავილმან ცათა მდელოსმან, რა ქნა, რა ჯაღოს მიმართა რა დროს...“

ენა ყველაზე ბოლოს სტოვებს ბრძოლის ველს. მე არ ვიცი, კაცი სიკვდილის წინ რას იტყვის, მაგრამ „მამელოქში“ აღწერილი ამბის დაფიქრება ქართველი კაცისაგან არ იქნება. ანდა, მოვიგონოთ, როგორ გაიშალა „იავნანას“ ირგვლივ პატარა ქეთოს ცხოვრების სურათი.

სიმღერა, ცეკვა, ლექსი, ეს არის ჩვენი სამება. ამ სამებით არის გამოთქმული ჩვენებური მსოფლმხედველობა. მწერლობაც სხვა არაფერია, თუ არა ამ წმინდა სამების კარში შესვლა. ზოგი კაცი შორს დგას იმ კარიბჭიდან, ზოგი ახლოს, ზოგი კიდევაც შევიდა იმ კარიბჭეში, მაგრამ რუსთაველის თვლით დანახული საქართველო დღეის საქართველოსაგან განსხვავებულია და ამიტომ არის აუცილებელი იმ დიდი კარების გაუმდგმული კრიალი.

— მაგრამ რუსთაველი ხომ პარადის ჩვენთანაა. განა ჩვენი დროის შემოქმედი უფრო ახლოს მივა იმ საერთო სათქმელთან, რასაც ჩვენი სამება მოიცავს.

— თავისებურად მივა, თავისი თვლითა და გულით აღიქვამს დიდ ქართულ ეროვნულ ცხოვრებას, იმის წარსულს, აწმყოს და მომავალს. ისე კი, როცა „ვეფხისტყაოსანს“ ვკითხულობთ, ჩვენი თანამედროვეთა, რაკილა, აგერ, ახლა ვეხებით; იმაში ხომ ერთი პირი გვაქვს ყველას, დავითის ხმალი და შოთას სიტყვამ

რომ ერთიდაიგივე საქმე გააკეთა. „ვეფხისტყაოსანმა“ მეტი გააკეთა, ცხადია, მამულის საზღვრები რაც გინდა მტკიცედ იყოს შემო-
ლობილი, ისტორიის ქარბორიაში მანც ვაი-
წევა, „ვეფხისტყაოსანი“ კი ღიღისა და პატა-
რა საქართველოში, გამარჯვებულსა თუ დამარ-
ცხებულს საქართველოში, თავისი მარადი შა-
რავანდელი გაბრწყინდება. აღმაშენებლის
მერე, რა არ ნახა საქართველომ, მაგრამ მა-
ინც გადაარჩა, გადაარჩინა თავისმა „ვეფხის-
ტყაოსანმა“ და თუკი ოდესმე სიკვდილი უწყე-
რია, თავის წიგნთან ერთად მოკვდება; რუსთა-
ველი ძალზე ადვილად გვესაუბრება იმაზე, თუ
რანი ვიყავით, რანი ვართ და რანი ვიქნებით,
რა ძლიერ ვაბუნდოვანებთ ხოლმე დიდებულ
სიტყვას, ჩვენი, ეგრეთწოდებული, მეცნიერუ-
ლი კვლევა-ძიებით.

— კიდევ კარგი, რომ მონღოლებს არ გა-
აჩნდათ ამგვარი წიგნი, რაც იმათი ხმლის ამ-
ხანავი გახდებოდა.

— ვისაც გააჩნდა, კვალიც დაგეაჩნია. მო-
ნღოლური კი არაფერი შემოგვრჩა თითქმის.
ხმალი და ისარი მიწამ შექვამა, რაც მიწისა
იყო, მიწამ დაიბრუნა. სპარსი და არაბი, გა-
ნსაკუთრებით კი — სპარსი, დღემდე იფარფა-
შებდა ჩვენს ენასა და ადათ-წესებში, მაგრამ
აქაც „ვეფხისტყაოსანმა“ გვიშველა. ფარს ფა-
რი დახვდა და სიტყვას — სიტყვა. ვითომ ახ-
ალი რამე ვთქვი, ძამა, ეს ხომ ცნობილი და
საყოველთაო ჭეშმარიტებაა.

— გამეორებაც ცოდნის დედაა...

— სწორია, მაგრამ არც მე ვარ ახლა კო-
ლეჯის სტუდენტი და არც შენ ხარ ახლა უნი-
ვერსიტეტის აბითურიენტი. ასე, რომ საქმე
საყოველთაო ჭეშმარიტებაზე მიდგება, ეს ამ-
ბავი იმასაც კარგად მიგვანიშნებს, რომ მოსა-
უბრებებს, მეტი არაფერი აქვთ ამჯერად სა-
თქმელი და სალაპარაკო. დავიხუროთ ახლა
ქუდები და გავიდეთ ჰაერზე. ქუდი ხომ გა-
ხურავს? არა, ხომ? არც მე მესურა ადრე, მა-
გრამ, ერთხელ, ერეკლეს მოედანზე ჩამიქრა
მანქანა, დიდიხანი ვეჯახირეთ მე და შოფერი.
შევამჩნიე, ქუდი არ მესურა, მომაგონდა ქუ-
დზე კაცი და მას შემდეგ მახურავს ეს კეპი.

— ხომ უნდა დაერეკა იმ კაცს?

— რომ არ რეკავს! იშოვა, ალბათ, წმალი.
თუკი წმალი იშოვა, რატომ დამირეკავს! იმის
ზარს არ ველოდები მთელი ეს საღამო! შენ
კი გგონია ჭკუას გარიგვებ და ლიტერატურის
ავანზავანზე გესაუბრები, რაზე ვისაუბროთო,
ჰკითხა ერთმა ჩვენმა ცნობილმა მწერალმა
სტეინბეკს, — ლიტერატურაზეო, — უბასუ-
ხა სტეინბეკმა, — ეკონომიკაზე საუბარი გვი-
რჩენიაო, — უთხრა სტუმარს ქართველმა მწე-
რალმა. სტეინბეკი დაეთანხმა.

— არ მეშვები, ხომ?

— კარგი სხვა დროს შემოვივლი.

— იყავი, რას მიშლი. ექვსი საათის მერე
კაციშვილი არ მეკარება. რამე ხომ არა გაქვს
შენ სათხოვარი და მიკბულ-მოკიბულად ხომ
არ მელაპარაკები... ნონეშვილზე ამბობენ, ყვე-
ლას ამბავი გულთან ახლოს მიჰქონდაო.

— კი, ყველა მისი მადლიერია.

— კარგი კაცი იყო ჩვენი იოსები, დაუზა-
რელი. კაცი რომ მოკვდება, მერე გამოჩნდე-
ბა ხოლმე მისი ავიც და კარგიც. რამდენ
კაცს მოუშარტა ხელი ჩვენმა იოსებმა, — წი-
გნის გამოცემაში მოეხზარა, ბინა მიაღებინა,
ტელეფონი დაუდგა. დაავლებს ახლა კაცი ყუ-
რმილს ხელს და მიიგონებს, რომ ეს იოსების
ნაწყალბოვევია. და მოგებმება იმ ყურმილს
მოვონების ბორბალი, მიცვალებულის ხსოვ-
ნა, მისი სახელი, პიროვნება, პოეზია, ცხო-
ვრება. თავით ფეხამდე აღდგება კაცი, გაცო-
ცხლებდა. საბაბი კი სულ პატარა რამე იქნება,
როგორც ვთქვი, ერთი კონკრეტული მომენ-
ტი, საგანი და მოვლენა, ნივთი. ბინას მე ვერ
მოკცემ, ბინის საითხს მთელი სამღვივო
წყვეტს, მთელი პრეზიდენტი. მაგრამ, მგო-
ნი, დამწყებ მწერლებს აძლევენ ამჯერად ბი-
ნას, არა სჯობია, ახლა დამწყები პოეტი რომ
იყო? კონკრეტულ მოვლენაზე ვსაუბრობდით;
ერთხელ, გალაკტიონმა, ლენინის ორდენი და-
კარგა, დაკარგა რომელიღაც ხესთან, და მერე,
იმ ადგილს რომ ჩაუვლიდა (ნიკა აგიაშვილს
აქვს ეს აღწერილი), გალაკტიონი სულ იგი-
ნებოდა ხოლმე: „დემონიური ხე! დემონიური
ხე!“ და იმ ხეს კაცზე მეტად ადანაშაულებდა
ორდენის დაკარგვაში.

სხვას თუ არ უნდა ამის ფავება,

შენი გაიგებს ნაძვი და ფიქვი,

რომ უნდა არა ვარ და ქანდაკება,

არამედ კაცი, რწმენით და იჭვით...

ბუნებასთან უცნაური ურთიერთობა აქვს ად-
ამიანს. ბავშვობაში ხომ გაულახიხარო შენ?
მერეღა, სად გადაიკარგე, სახლიდან ცხელ
გულზე რომ გავარდი? ხესთან მიხვალ, თავს
მიადებ და ეტყვი საიდუმლოს (გალაკტიონის
ლექსში აღწერილი საიდუმლო სხვა საიდუმ-
ლოა ოღონდაც), გულს მოიხივებ. ხელოვნების
ხანიერებაზე ხომ ვსაუბრობდით, ბუნება ხე-
ლოვნებაზე უხუცესია. ამიტომაც მიღის გა-
ლახული ბაღი იმ ჭკვიან ხესთან, („ხაზარუ-
ლა“ არ უნდა გამოიმქვეყნებინა, როგორც
ვატყვობ), მივა ბაღი და ხეს განადობს საი-
დუმლოს, როგორ იცხოვრებს აწი, ამას იქით,

მუშრან ჯაბუაშვილი

„ხაზარულას“ ბარშიმომ, ანუ რამდენიმე
საღამომ ნოღარ დუმიბამსთან



რა გზას დაადგება, მერე დადამდება და ოდის უკანა ლაფაროდან შევა შინ; ასეთი კონკრეტული მოვლენებიდან იქმნება ლიტერატურა, რაც, შემდგომ, კონკრეტულიც არის და არაკონკრეტულიც, ჩემიც არის და შენიც, მე შექმენი და ჩემი, შენ კითხულობ და შენია, სხვისიც არის. ერთი ასეთი სურათი მახსოვს და უნდა გითხრა: ღორი გადავიდა მცირე ღელეზე და გადაიყვანა გოჭები. ღელის გაღმა ჩიჩქნა მიწა, საღამო ხანს, მძღარი ოჯახი მოადგა ღელეს. ამასობაში წამოწვიმა. ღელე ადიდდა. შორს, საღაც, მთებში წვიმდა და შეუმჩნეველად ადიდდა ღელე. აქ რომ ვაწვიმებდულიც, საღაც ღორი ჩიჩქნიდა მიწას, ღელეზე გადასვლას, რა თქმა უნდა, არ დაავიანებდა. შევიდა ღელე ღორი წყალში და მიჰყვა ორი მოდილო გოჭი. მოერია გოჭებს ღინება, ფეხები გამოაცალა და წილიო წყალში. დაედევნა ღელე ღორი, კისერში პირი დაავლო და, გოჭები, ნაპირზე, რის ვაი-ვაგაზნითა და წვალბობით გამოიყვანა. დაანამუსა გოჭები, — აქ დამიცადეთო, კვლე შევიდა წყალში, დარჩენილი გოჭების გადმოსაყვანად. ვერ გაბედეს გოჭებმა წყალში შესვლა. მაშინ, არაღაც უთხრა ღელე ღორმა ისეთი, რომ დარწმუნა თავის სიმართლეს და წამოიყვანა ერთი გოჭი, შეუდგა წყალს, გოჭი მარცხნივ დაიყენა მოფარებულში, წყლის მთავარი ნაკადი თვითონ მოიხვედრა. და ღრუტუნ-ღრუტუნით გადმოიყვანა ის ერთი გოჭი. ასევე გაისარჯა, სხვა გოჭები რომ გადმოჰყავდა. ეს იყო, რაც ენახე, მეტი არაფერი.

— მაგრამ ეს ხომ მოთხრობაა.
 — რომ არ მენახა! კი ჰკავს მოთხრობას, მაგრამ მოთხრობა მართლ ის არ არის, რასაც დინახავ. თვალმა ნახა, გულმა განიცადა, გონებამ — განსაჯა. მოთხრობა აწი უნდა დაიწეროს. რამდენი ასეთი პატარ-პატარა სურათი მაქვს გულში ჩარჩენილი და დრო არა მაქვს, რომ გადავწერო. ვინ იცის, იქნებ, ერთი საკიობავი წიგნიც კი შეადგინოს.
 — ასეთი წიგნის კითხვას მართლა არაფერი აჯობებს.
 — მცირე ჩანაწერები იმითაც არის კარგი, რომ ბევრ ტყუილს ვერ იტყვი. ვთქვათ და, ერთადერთი ფურცელი ქალაქი გაქვს და რაღაც უნდა დაწერო ზედ, ან ერთი საათი გაქვს დრო სულ, და იმ ერთ საათში უნდა თქვა მთელი შენი აღსარება. ცნობილია, როცა გემი იძირება და დაღუპვა გარდუვალია, მეზღვაურები ბოთლში ჩაადგებენ ქალაქის ნაქუწს, სადაც მათი სანუკვარი სიტყვა სწერია. ასე აუცილებელი უნდა იყოს ყოველი ლექსისა და მცირე მოთხრობის ყოველი სიტყვა და წინადადება.
 — ეკომონიკაზე ვსაუბრობდით, გუშინ რომ დავშორდით...

— სტინბეგი, არა? განა ეკომონიკაზე საუბარი ლიტერატურაზე საუბარიც არაა? მწერალი ხომ იმაზე ფიქრობს, რითაც ხალხი ცხოვრობს. უცხოეთში ერთი კაცი შემეკითხა: თუკი თქვენი სახელმწიფო გეგმიანი სახელმწიფოა, გეგმის გადაქარბება რატომ არის ასე აუცილებელი? რა იცის უცხოელმა ჩვენი ცხოვრების ამბავი. გოლაკტიონის წერს: „არაინ ქვეყნები სხვა, რომელიც არა აქვთ ზღვა“. და ხომ კარგად ვიცით, რა აწერინებს პოეტს მთელი ლექსების ციკლს, მთელ ტომს საქართველოს, უციდურესი კუთხეების გამო. გოლაკტიონს, როგორც ეს ღმერთმა დააკისრა, საქართველოზე ზრუნვა სხვებზე მეტად ეხებოდა, მაგრამ ჩვენც ხომ იმ დროში დცხოვრობთ, რა დროის შემყურენიც ვართ. დღეს საფიქრალი და საღონარი უნდა იყოს ჩვენი კალმის ნათესავი და ამხანაგი. არც ის უნდა დავივიწყოთ, რომ ის შენობა, რა შენობითაც იგება ჩვენი დედაქალაქის გარეუბნები, მარადი შენობა არ არის. ხვათრიელ მოსავალს ზეიმი შეენის, მაგრამ მწერლის შემოდგომა და ხვადი და ბარაკა, საქვეწოთ შემოდგომის საწყაო უნდა იყოს და არა რომელიმე ერთი კუთხე-ბედელის. გლეხიკაცი, რომელიც ვაზს უვლის, უპირველესად, ვაზზე ფიქრობს, მაგრამ თანამედროვე ტექნიკის გარეშე, არც მკვენახე ვარგა დღეს. ერთმა ჩვენმა მეგობარმა მწერალმა, კარგა ხნის წინათ, ჩვენი დედაქალაქი თავკომბალს შეადარა, და ამ მოკლე ფრაზით, ზუსტად დახატა მაშინდელი საქართველოს სურათი. ღვით, ეს ამბავი, დღითიდღე წონასწორდება და ამ საქმეში მწერლის ამაგი სხვისაზე არანაკლებია. საქართველოს მთა და ბარის საღონარი ერთმანეთს უნდა გაუტოლდეს, — ყველგან უნდა გვიპირდეს, როცა გვიპირს, ყველგან უნდა გვიღიხინდეს, როცა გვიღიხნის. იმავე უნამუნოს თქმისა არ იყოს, მწერალს სხეულის რომელიმე ნაწილი კი არ უნდა სტკიოდეს, არამედ, საქართველო უნდა სტკიოდეს, მისი ამერი და მისი იმერი; სასწორი უნდა გაიმართოს. საუკუნეობით დამდგარი ჰაობის ამოშრობის წინ, იმ საუკუნეებზედაც უნდა დაფიქრდეთ და იმაზეც, თუ რამ შექმნა ეს ჰაობი, და იმაზეც, თუ რას დავრგავთ იმ ჰაობამომშრალ მიწაში, — სიმინდს თუ ციტრუსს, რას უფრო შეიფერებს ჩვენი ბუნება. კოლმეურნეობის მოვალეფერებება სჯობია, თუ საბჭოთა მეურნეობის ერთფეროვნება. გლეხკაცს ახლა პირზე აკერია, საძოვარი არ გამანია და საქონლის მოვლა-პატრონობა კი მამარიაო. აღრე გლეხკაცს საძოვარი ჰქონდა და საქონელი კი არ ებარა, რაღაც საშუალო არის, ალბათ, გამოსანახი, რათა თანმიმდევრულად, დინჯად და საქმის ცოდნით აღორძინდეს ქართული მეურნეობა. ვახტანგ კელიძის



„ქართლის ცხოვრების ქრონიკებში“ ამოვიკითხე: კაცი კაცს რომ გამარჯობას ეტყვის და ჯანის სიმრთელეს გამოჰკითხავს, მეორე შეკითხვასაც მიაყოლებს: საქონელი როგორა გყავსო. ნელინელ უნდა ავალორძინოთ ქართული მეურნეობა. ერთი ხელის მოსმით არც რომი აშენებულა, არც მოსკოვი და არც ოფშქოთი აშენდება. ასევე, ერთი კალმის მოსმით, საქვეყნოდ ღირებული ნაწარმოები არ დაიწერება.

— კონკრეტულ მოვლენაზე ვსაუბრობდით, მერე კი გადავუხვიეთ.

— ეს როდის იყო?

— აგერ, ერთი საათიც არ იქნება...

— შე კი მეგონა, გუშინდელ საუბარზე შეკითხებოდი. გუშინ რა ვქამე, ისიც არ მახსოვსო, კაცი რომ იტყვის, როგორი ნათქვამია? რატომ არ ახსოვს? არც ფერი ახსოვს, არც გემო ახსოვს, არაფერი ახსოვს? რომ არ ახსოვს, მარტო ის ახსოვს? ვხუმრობ, ძამა, ამგვარი სიბრძნით, ახლა, ვერავის გააკვირვებ. საკვირველს აგერ ვეტყვი: მე და ცხონებული ბებიაჩემი მივიღივართ შუკაში, ერთი ოდა-სახლის წინ, ჭიშკართან, ხის გრძელ სკამზე ზის კაცი და ათვალერებს გამლეულ-გამოვლელს. მიესალმნენ ერთმანეთს ბებიაჩემი და ის კაცი. როგორ გიკითხობო, — მან. — ცუდად, ჭირიმე, ძლიერ ცუდად, — ამან და გზა რომ გადავარქვითე, ბებიას ვკითხე, ასე რატომ უბასუსხე-მეთქი, და თუ იცი, რა მითხრა, კაცი ვაეხარე, ნენა, რა დაინახე ამაში უფარგისი! ხოლო რატომ ვაახარა ის კაცი ბებია, ამაზე რომ გვიამბო, მთელი წიგნი არ მეყოფა, დიდდალი. ქვეცნობიერი და გამოუფენელი ამბები ძეგს იმ ორი ღერი სიტყვის გაცვლა-გამოცვლაში.

— რა კუთხით უნდა შეხედოს ამ ამბავს მოყურადემ, ცრემლით თუ სიცლით?

— კარგი შეკითხვა მომეცო, მაგრამ ცრემლი და სიცლი რამ გაყო, სიხარულმა და მწუხარებამ, ორივემ იცის ცრემლი. მეცხრამეტე საუკუნეში ვაზი — „მეტის ლენითა ტირის“, აგერ, მეოცეში, „უცხო ქვეყნად მარტოობას გრძნობდე, ნეტარება არის რა-ღაცეგვარი“, — მოდი და, გაარჩიე მართალ-მტყუანი, ერთმა მკითხველმა მომწერა, შენს მოთხრობებსა და რომანებს რომ ვკითხულობ, მულდამეამს ვტრივიარო, მაშინ ვამეხარება, ახლა კი არ ვიცი, უნდა გამხარებოდა თუ არა ეს ამბავი...

4

— ამ ერთხელაც შეგაწუხებ და მორჩა, მეტი ჩემი ფეხი არ იქნება აქ.

— ასე ჩქარა რავე ღამემდურე, რაში ვერ მიგიხვდი, ვითომ, განჩი აკლია ჩემს გულს.

— განჩი?

— საგანგებოდ ჩაუტყეკი მეგრულს, ძამა, რაც აქ დაიარები. რა იცი, ხალხნი ვინაა? კაცს არ ვაწყენინო-მეთქი.

— ხომ ბევრი ვისაუბრეთ, მაგრამ, ერთ შეკითხვაზე მინდა მიბასუხო. რატომ ვიხსენიებთ ასე ხშირად, ჩვენს საუბარში გალაკტიონს?

— გალაკტიონს თავისი განიჭორი წრე აქვს, ჩემის აზრით. ეს თუ მეტყველებს ჩვენს საუბარზე. ესეც შენი ქვეცნობიერი. როგორი მკითხველი იყო აშენებული, — „ღემონიური ადგილები დ. ჭონქაძის „სურამის ციხეში“. კარგად დააკვირდი, რა ადგილები ამოიწერა. და ამას, ყველაფერს, ისევ ენასთან მიეყავართ. ერთი შოსანი ქალი შემოვიდა ამას წინათ ჩემთან, რამდენი ჯვარი გადაიწერა და რამდენი ლოცვა ჩაიბუტბუტა, ვიდრე ხელს ჩამოვართმევდი, აღელვებული იყო შალიან. კარგი სიტყვა ვუთხარი, დამშვიდდა, გამიჩუმდა, გამილიმა და ნიავეით ვავიდა ოთახიდან. ადრეც ხომ ვთქვი, ჩვენი ენა, ჩვენი ქართული, უბირატესად, სიკეთის მსახური ენაა-მეთქი. „ბოროტსა სძლია კეთილმან, არსება მისი გრძელია“. ჩვენი ერის ისტორიას რომ ვაეხედოთ, კარგად ვავიგებთ ამ სიტყვების შინაარსს. ჩვენ, მართლაც რომ სიკეთით ვიბრძვით ბოროტებასთან და არა ბოროტებით. „მეზობელს ხარი უბოძეო“, ხომ ვავიგონია. „კარგი ქენი, ქვას დადგე, ვაიერ, წინ დაგვდებდა“, — ხომ ვავიგონია. „რასაცა ვასკემ შენიაო“, აი, ასეთი კანონ-სამართლით ცხოვრობდა უხსოვარი დროიდან ქართველი კაცი, ასეთი კანონ-სამართლით ცხოვრობს ახლაც და ასეთი კანონ-სამართლით იცხოვრებს მომავალშიაც.

„შენ კი გენაცვალე, ღმერთო,
ჩვენი გამოსახვისთვისო,
ახლომახლო დაგვასახლე, —
ერთმანეთის ნახვისთვისო.“

დიდი მადლობა, ძამა შემოგვლა-შემოხედვა რომ არ გეზარება, სტუმარ-მასპინძლობაა წუთისოფელი, მეტი არაფერი.

5

— თავის ქებად არ ჩამითვალო და — არავის არ ვგავარ. ისევ ჩემ თავს თუ ვგავარ ცოტათი და ეს არის. ცოტათი-მეთქი, იმიტომ ვამბობ, რომ თუკი საკუთარი თავი გამოიციანი და გამოხატე, მწერლობაც მეტი არაფერია. საკუთარი თვალსაზრისიც გექნება და საკუთარი ფილოსოფიაც. პატარაობიდანვე ჩემნათქვამა ვიყავი, როგორც სწორი და მართალი მეგონა, ისე ვიქცეოდი, თავს არავის დავაჩაგვრინებდი. ჩემზე ღონიერ ყმაწვილებთან მიყვარდა შეხლა-შემოხლა. ვიცოდი, ვერ მოვერეოდი, მაგრამ, ჩხუბში უკან არ დავიხვედი,

იბიტომ, რომ მარტო ღონე არა სწყვეტს ხო-
ლმე გამარჯვება-დამარცხების საქმეს. მკლავის
ღონე სხვა არის, სულის ღონე — სხვა. ამას,
ჩემი ქაბულობის ასაკში, „ღუხს“ ვეძახდით,
„ღუხით“ აიყვანაო, „ღუხით“ აჯობაო. ამგვარი
„ღუხი“ სჭირდება რაიმე ღირებულის შე-
ქმნას, ახლის შექმნას. თუმცა, ამას იღბალიც
უნდა. მარტო ცოდნა აქ ვერაფერს გიშველის.
„მაგრამ მარტო წვრთნა რას იზამს, თუ ბუნე-
ბამც არ უშველა“. ნიუტონმა აღმოაჩინა კა-
ნონი, რაც, თავისთავად, ათაგზის იყო აღმო-
ჩენილი. არსებობდა, მაგრამ ვერაფერს გამოეთ-
ქვა. კანონად არ იყო ჩამოყალიბებული. ნიუ-
ტონის მერე რომ ჩავიკრდებო, ვაშლი ისე
მძიმედ, ისე ყრუდ და ისე მოწყვეტით ეცე-
მა მიწაზე, არ შეიძლება ეს კანონი მე არ
აღმომჩინა, მაგრამ, ნიუტონს „ვაუშარტლა“.

„იღბლიანი“ კაცი იყო და იბიტომ. არაგვის არა
ვგავარ-მეთქი, — ჩემი გზით მივდივარ და კი
ვიცი, საითაც მივდივარ. იქ სხვებიც მიდის,
სადაც მე მივდივარ, ყველას ერთი გზი გვი-
ჭირავს, მაგრამ ყველა საკუთარ გზაზე მიდის
და ეს არის მთავარი. ვიცი-მეთქი, საითაც მი-
ვდივარ. რაღა დაგიმალო და, მე სამოთხეში
მივდივარ. სამოთხეში მისასვლელი ჩემი გზა
კი ასეთია: დაბადება, ობლობა, ტანჯვა, წვა-
ლება, მწუხარება, ბუერის დაკარგვა, გულის-
ტკივილი, საავადმყოფო, საავადმყოფო, საა-
ვადმყოფო, — გრძელი და ვიწრო დერეფანი,
ურნები, თეთრი მტრედები. სიზმარ-ცხადიანი
ძილი, არა ძილი, — წრიალი, სიციხე, ანთება,
ფხიზელი ძილი, ფხიზელი სიფხიზლე, ფხიზე-
ლი ბურანი, წითელი ტიტები, დევნა და
თვალთვალი, ფოლადის დაუსრულებელი მი-
ლი და სიერცე-უსასრულობა. სამოთხე. იგი.
ვინაც აქ დიდად გახარებულია, იქ, ალ-
ბათ, ტანჯვა-წამების მოიძიეს. და მიინც, ღმე-
რთმა ნუ ქნას, — სულ ერთი წამით გახარე-
ბულს, მთელი მარადისობა ეწამოს. წამწამი
რა არის? წამწამის დაფახლება, არა? წა-
მებაც, ალბათ, წამიდან მოდის. წამება-წვალე-
ბა. წამო. წუთი. წამი და წუთი ერთია. „წამია
წუთისოფელი“. წუთი-სოფელი. წამი-
სოფელი. მაგრამ იქ როგორ სწერია — „წამ-
წამისა მსწრობელი“. ესე იგი, წამიც კი არაა,
წამწამს ასწრებს. უფრო ჩქარია. არ ვიცი.
თუკი ეს ასეა, როგორც ახლა მგონია, სულ
სხვანაირად ყოვილა საქმე. მაგრამ ახმატო-
ვას ლექსს რა ვუყო?

«И тихо, так, господи, тихо, что слышно,
как время идет, тихо, так тихо, что как»,
და თითქოს, კაკ-კუკ, კაკ-კუკ, მართლა ისმის,
დრო როგორ მიდის. თუმცა, დრო, ალბათ,
საერთოდ არ არსებობს.

— „თუკი რამეს აღმერთებენ და პატივს
სცემენ ამერიკელები, ეს არის დრო...“

— მანდ სხვა ამბავია შეფუთილული. ეს გა-

მონათქვამი სამუშაო დღეს ეხება. ჩვენი სა-
მუშაო დრო, გუნებაში შევადარე ამერიკელები
ბის სამუშაო დროს. აგერ, ბატონო, ჩემი
„ოღისევის დაბრუნება“ ავიღოთ და წაივი-
კითხოთ:

„აქ შესვენება თუ არ არის, გამორიცხე-
ლია მუშასთან მისლაათი, შეკითხვების მიცე-
მა, როდის შეუყვარა ეს პროფესია, ან სხვა.
ეს არის უკიდურესად დაძაბული და თავუღლე-
ბელი შრომის განაწილების სამაგალითო პრო-
ცესია... საავტომობილო ქარხანაში შევედი და
თავი სანტარული ჰიგიენის კაბინეტში მეგო-
ნა...“ და ასე შემდეგ... ჩვენი დრო რას მი-
აქვს? ჰადრაკის თამაშს, ჭებმრის ქსოვას, გა-
დამყიდველბთან ურთიერთობას, ჭორას და
ყაყანს, ლოტოს და დომინოს, — აი, მაშინ
რას ვგულისხმობდი, დრო ერთია და მტკიცე,
განუწილელი. მარადიული. დრო, ალბათ, თა-
ვად ღმერთია. ის ყველგან არის, ყველგან იყო
და ყველგან იქნება. ახლაც არის, როცა ჩვენც
ვართ და მაშინაც იქნება, როცა ჩვენ არ ვი-
ქნებოთ. დრო ყველაფრის ბატონ-პატრონია.
არაფერი არა აქვს ხელში, მაგრამ ყველაფერი
აქვს. მთავარია, ვინ როგორ გაიგებს ამას. ვინ
როგორ აღიქვამს. „ქამი მივალის, მოვალის,
მუცოს, თორღეის კარზედა“. ეს პოეზიაა, თუ
გინდა — რომანი, თუ გინდა, ფილოსოფიუ-
რი ტრაქტატი. მე ვამბობდი, ჩემი გზა სამო-
ხისკენ მიდის-მეთქი. მილი გავიარე და იქ აღ-
მოჩენილი, სადაც არასოდეს არ ვყოფილვარ.
ეთანდლილი ეუბნება ტარიელს, სად არ ვიყავი,
სად არ ვიარე, იქაც კი ვიყავი, სადაც ღრუ-
ბელი ვერ მივავი; ჰოდა, მე მგონია, ისეთ
ადგილას მივედი, სადაც კაცოვილერ არა ყო-
ფილა. საოცარი კი რა არის, თუ იცი? იმ
სიჩუმეში და უსასრულობაში რომ აღმოჩენ-
დი, — დაჯექიო — მითხრა ხმამ. საად? — ვი-
კითხე გაოგნებულმა. აი, აგერ, სკამი რომ
დგასო. ღრუბლის სკამი? ბამბის სავარძელი?
არა. ნამდვილად სკამი იყო. წავიქციევი-მეთქი.
სკამი ხომ მიწაზე არა დგას, — ნუ გეშინიაო,
კედელს მიყვარდნეო. ღრუბლის კედელი?
არა, ნამდვილი კედელი იყო. წარმოიდგინე,
სკამი გიდგას და ზიხარ შენ სკამზე, სალდაც,
უსაზღვრობაში, უსასრულობაში, ცის სიმა-
ტეში, და სიფართოვეში, და არ ეცემი...

— მფრინავი ხალიჩა?

— არ მეგონა, თუ მიიხვედებოდი, ქართვე-
ლი კაცის სიზმარი და მოჩვენება სხვა არის
და სხვისი კიდევ — სხვა. აქ რუსთაველიც
მონაწილეობს და მფრინავი ხალიჩაც, მაგრამ
ეს ყველაფერი ძალზე გვიან შემოდის სინათ-
ლის წრეში. მერე ხდება საგნობრივი და
ხელშეშახები. მანამდე კი სული გეხუთება გა-
ურკვევლობისაგან.

— ბოლოს და ბოლოს, ალბათ, ყველაფერი
ნათელი გახდება.

— ბოლო-ბოლო კი. ბოლოკი.

„ამერიკელ ბავშვებს კოკა-კოლა ვუყიდე. ჯერ დაიმორცხვეს და სასტიკ უარზე იყვნენ, მერე, ოდესაც ვუთხარი, ნუ მერიდებით, საბჭოთა მილიონერი ვარ და ბევრი ფული მაქვს მეთქი, გულიანად გაიცინეს და კოკა-კოლაც გამოამართვეს. ერთმა მკითხა:

— მართალია, რომ საბჭოთა კავშირში მასწავლებლები ბავშვებს სცემენ?

— რა თქმა უნდა, — შევეპასუხე.

— მაინც რატომ სცემენ?

— აი, ასეთი შეკითხვების გამო, ვუპასუხე და შემკითხველს რბილ ადგილზე ხელი დავარტყი. ძალიან გამხიარულდნენ.

— სან-ფრანცისკო თუ მოგეწონათ? — მკითხა ახლა პატარა გოგონამ.

— არა, არ მომეწონა, — ვუპასუხე მოგონილი სერიოზულობით.

— რატომ? — გაუკვირდა გოგონას.

— იმიტომ, რომ მთელი დღე დავდივარ და არავინ მესალმება. — ამაზე უფრო მეტი იცი-ნეს.

— მართლა გინდათ ამერიკის დაბყრობა? — მკითხა უცებ ბიჭმა.

— არ დავამალავთ და კი გვინდა, — გამოუტყდი მე.

— რატომ? — მკითხა დადარაჯებულმა.

— ამერიკა ისეთი ლამაზი და მდიდარი ქვეყანაა, შენც რომ ჩვენს ადგილზე იყო, შენც წაგძლედა სული.

შეატყვე, თან ესიაშოვნა, ჩემი პასუხი, თან გაუკვირდა.

— თქვენ რატომ გინდათ ჩვენი დაბყრობა, — ახლა მე კვითხე.

— ჩვენ, ჩვენ სულაც არ გვინდა, — ასე მიპასუხა დაბნეულმა.

— აგაშენა ღმერთმა, აბა, ჩვენ, მითუმეტეს, არ გვინდა-მეთქი და ხელი გაუწურდი. თვითონაც გამომიწოდა, მაგრამ ჩამოვართვი, თან დაეძინე:

— იცოდე, სიტყვა სიტყვა!

— სიტყვა სიტყვა! — მიპასუხა სიცილით. მერე ერთმანეთი გადაკოცნეთ. ასე დაედე ამერიკის მომავალ თაობასთან ურთიერთთავდაუსხმელობის ხელშეკრულება“.

— ახლა ერთ შეკითხვაზე უნდა მიპასუხო: შენ, როგორც განათლებით ეკონომისტს, ბევრი რამ გაინტერესებდა, ალბათ, ამერიკის ცხოვრებიდან, მაგრამ ძალზე ცოტა რამე თქვი, კერძოდ, ქვეყნის ეკონომიკაზე. რატომ?

— ჩემი წოგნის ოცდამეცხრამეტე გვერდზე წერია ამ შეკითხვის ამომწურავი პასუხი.

— როგორც ჩანს, გამოშრია ის ადგილი.

— რაღაც მუდამ გამოგრჩება, აბა, რუგორ გინდა.

— და მაინც, მოდი, ერთი-ორი ღერი სიტყვა დღეის პოეზიაზე ვთქვათ.

— დღეის პოეზია, მე ასე მესმის, ის არის, რაც იყო ოდესღაც, ხოლო ის, რაც იყო ოდესღაც, დღეის პოეზიაა. ერთხელ ხომ გითხარი, გალაკტიონი რუსთაველზე ხანიერია-მეთქი. ამიტომაც ამბობს: „რუსთაველი მასსოვს ბავშვი“.

— ანა ცალანდაძე?

— ახლა ანიკოს მოვესწინოთ.

„მწვემსმა მკითხა: რომელია ქართლის გზაი? მწვემსმა უთხრა: საქართველო არის ესე...“
ეს, რაც შეეხება მიწას,

„ტყევი, დუმილი გვეყო, გვეყო, მკვდარი არი, დღეს დუმს ვინცა...“
ეს, რაც შეეხება სულიერსა და უსულოს.

„თავს დამედვარა მე სიხარული და დამანახა მთიების ბრწყინვა...“
ეს, რაც შეეხება ცას.

ასე იცელება პოეტის მსოფლმხედველობა, ასე მალდდება დღითიდღე, თანდათან, ვიდრე დიდარუსთველურ სიბრძნეს შეიმევენებს:

„რტოა დაფნისა სიკეთის ხელში...“

„შენ, სინათლის მეუფევი, განუწყვეტელ მზის ხარ...“

ო, შენც ქება-ქების ღირს ხარ, ღირს ხარ, ღირს ხარ, ხასიების მფენო, გაბრწყინებულ ცის ხარ...“

„ბრწყინავს საუნჯე ჩემი ახალი...“

ეს სიტყვები ანას ექუთენის და ეს სინანულის სტრიქონებიც ამ საუნჯის გამოა გამოთქმული:

„ესდენი ბრწყინვა არს მათი ბრალი...“

ამაზე უკეთ შემოქმედის ნამოღვაწარზე ალბათ არც ითქმის.

გვეყოფა, ახლა, ენაწყლიანობა, დავიხუროთ ქულები და გავიღეთ სუფთა პაერზე. ქული ხომ გახურავს? არ გინდა, რომ მე მომბაძო და დამემგვანო, არა? აგერ, მალე ზამთარიც ჩამოდგება და ვნახოთ, სანამდე ივლი ასე თავ-შიშველი. თუ გინდა, ჩემს ოსტატს შევაკერი-ნებ. აღრე ყველას თავისი ოსტატი ჰყავდი. ახლა, იშვიათად თუ ვინმე შეიკერავს ჩასაცემელ-დასახურავს. ტარიელ ჭანტურიას ლექსი ხომ გახსოვს შენ: „მე ვიზღი პერმში შეკერილ პიჯაკს და ცოტნეს გვერდით თამამად წვევბიო“, რომ ამბობს. ერთი სამკერვალოს შუა ტანსაცმლისა და ერთი ფაბრიკა-ქარხნის სურსათ-სა-ნოვაგის შემყურენი ვართ ყველა. ერთ ბაზარ-



ში დაიარება უმარავი ხალხი. ოთარ ჩხეიძეს აქვს ერთი პატარა ნოველა, სადაც სოფელი ქალი ავტობუსით ბრუნდება ქალაქის ბაზრიდან და თან მიაქვს მწვანილეულით გაძევილი ჩანთა. აი, სადამდე მივიდა დღეის ვითარება. ამიტომ ვიციხებ მე, კოლმეურნეობის მრავალფეროვნება სჯობია თუ საბჭოთა მეურნეობის ერთფეროვნება-მეთქი.

6.

— რაზე ვსაუბრობდით?

— სიუმაწილის ასაკი იფონებდი, ოთარ ჩხეიძის ნოველა გაიხსენა, მწვანილეულით დატვირთული ქალი რომ გაჭირვებით ავიდა ხალხით გაჭედილ ავტობუსში.

— მამაჩემი დიდი კაცი იყო. ასე მიაჩნდა სოფელს. სამსახურის კაცი იყო მამაჩემი. მაგრამ მე უფრო გლეხიკაცი მგონია თავი. არც ის ამბავი უნდა დაგიწყებო, ძამა, რომ გლეხიკაცი გულმბრყვილოდ აღიქვამს გარემო ვითარებას. როცა წვიმს, იმისთვის მართლა წვიმს, გლეხს რომ უთხრა, ღმერთი არისო, გაუკვირდება. მზე რომ იცაოვია, გლეხიც ვაოვია, თხს დაატრიალებს ყანაში. მოსამსახურე კაცთან შედარებით, გლეხიკაცი, ნაკლებ სიტყვას ხარჯავს ლაპარაკში. საქმე და საუბარი ერთმანეთის ამხანაგი არაა. ახლა, ისიც გავსინჯოთ, რისთვის იბრძვის და რისთვის იღწვის კაცობრიობა? იმისთვის, რომ ცოტა იმუშაოს და მეტი დაისვენოს. იმისგან, რომ შრომისგან საბოლოოდ განთავისუფლდეს. ეს არის, როგორც ვხედავ, კაცობრიობის საბოლოო მიზანი. მან ყველაფერი მანქანებს გადააბარა, მიკროსკოპი გამოიგონა. საანგარიშო-გამომთვლელი მანქანა გამოიგონა და რაზედაც ტერინი უნდა ევარჯიშებინა, მანქანამ გამოუანგარიშა. ილიაზე თითო დაპირა და მოტორი აამუშავა. ახლა, ვაგებდით უხსოვარი დროიდან დღემდე მომავალი ომის გზას, ადრე ასე იყო: კაცი ტოტით მიდიოდა კაცზე, მერე კაცმა ცული გამოიგონა, ქვის სროლა ისწავლა, მერე — ისარი გამოიგონა. მერე — ხმალი, მერე — თოფი, მერე — უუმბარა, მერე — ქვემეხი, მერე თვითმფრინავი. ციდან დაბოშდა ქალაქი და სოფელი. ქალაქს მეტი ხედება, სოფელს — ნაკლები. ხომ საგულისხმო ამბავია, თუკი დავაკვირდებით. ქალაქი იგონებს თვითმფრინავს და თვითმფრინავი ქალაქს ბოძებს. ქალაქში მეტი მაცხოვრებელია და მიტომ. რაკეტა გამოიგონა. არახალია, ძველია. მაგრამ მაინც, სადღეისო სატკივარია, რაზედაც ჩვენ ვსაუბრობთ. კოსმოსური ხომალდი და წყალბადის ატომი გამოიგონა. ლაზერი და საკონტინენტთაშორისო რაკეტები გამოიგონა. ახლა ერთი ნეკა თითოთ შეიძლება დიდი ზიანი მიაყენო კაცობრიობას, აუნახლადურებელი ზიანი. კაცს შეუძლია, სულაც მოსპოს ეს დედამიწა. ადამიანებმა იარაღის ისეთი მარავი შექმნეს, რასაც თავად ვერ უვლიან, ვერ სპობენ. იარაღი გაუბატონდა ადამიანს, ამას ეწო-

დება, ეგრეთწოდებული, გაუცხოება. პატარა ბისას ხომ წაჩხუბებიხარ შენს კილა, ყამვილი. ისიც ხომ ზღბდა, რომ ორი ყამვილი იქნას. ვერც ერთი ვერ გაგდავს ჩხუბის წამოწყებას და ასე გადაწყვეტენ, ვინც უფრო შორს გადაფურთხებს, ის იქნება გამარჯვებული. ამას ეწოდება მშვიდობიანი ომი. ვინც უფრო შორს გასტყორცნის კოსმოსურ ხომალდს, ის იქნება გამარჯვებული. ნამდვილი ომი ღმერთმა გვაშოროს. მაგრამ ერთი რამეც უნდა ეიგულისხმოდ, ზოგჯერ, ომიც კი, სულის მისწრებაა. გააჩნია, ვისთვის და რისთვის.

— დამონებული ხალხისათვის, ცხადია.

— ჰოდა, ავაშენა ღმერთმა, ვესმის, როგორც ჩანს, რაზეა საუბარი.

— გლუხიკაცზე ვსაუბრობდით.

— გლუხიკაცს არ უყვარს ომი. მიწა უყვარს. ომში მიმაველი გლუხიკაცი უფრო ძნელად ეთხოვება თავის ადგილ-მამულს, ვიდრე ქარხნის მუშა თავის ჩარხსა და მოტორს. გლუხი უფრო ინახავს ერის ადათ-წყესებს. ჩარხი დღე-ღღე უკეთესდება, გლუხსა და ნიადაგს კი ხანიერი და ერთფეროვანი ურთიერთობა აქვთ.

— მაგრამ, სიახლე ჰომ მაინც სიახლეა.

— სადაა ამდენი სიახლე. ცოტა რამე შეიქცალა დედამიწაზე, მისი გაჩენის დღიდან. ადამიანი იბადება, იზრდება, მიწას მოვლა უნდა, როგორც უნდოდა ამ უხსოვარ დროს. რა სიახლეებზეა ლაპარაკი! კი ადამიანმა მიონდომა ბუნების გარდაქმნა, მაგრამ, ბოლოს მაინც ბუნებას მიჰყავს, ბუნებას დაუბრუნდა.

— თუ უნდა დაუბრუნდეს?

— სად — როგორ. ზოგი დაუბრუნდა, ზოგი ახლა უბრუნდება, ზოგი — მერე დაუბრუნდება, მოგვიანებით. გლუხი თუ ომში წავიდა, ვაზი მოუღებელი დარჩება. ქარხნის მუშა თუ ომიდან დაბრუნდა, მოტორი კვლავაც იოლად ამუშავდება. ვაზი კი — გაჩანავდება. მიწას დიწვი და თანმიმდევრული მოვლა-პატრონობა სჭირდება. ამ ნაოფლარ მიწას ვერ თმობს გლუხი. უბრალოდ რომ ვთქვათ, რევოლუციაც ხომ ამიტომ მოხდა. გლუხს მიწა არ ჰქონდა და მუშას — ფაბრიკა-ქარხანა. მიწაც და ქარხანაც თქვენი იქნებაო, აი, რატომ მოხდა რევოლუცია. არც შეიძლება, არ მომხდარიყო. იმდენად დიდი იყო მიზანი. ახლა მაგონდება ორი ჩემი სოფელი კაცი. ერთი — თოხის კაცი და ერთიც, თოფის კაცი. ამ ორი კაცის ურთიერთობაში მიდის მთელი ცხოვრება. თოხი უფრო მჩატეა თუ რევოლუციური? ნავანი თუ თოხი? გაჭირვებაში გაიარა-მეთქი ჩემმა ბავშვობამ, ობლობასა და სიღარიბეში, თუმცა ვიმეორებ, მამაჩემი დიდი კაცი იყო. 21 წლის ყმაწვილი საქვეყნო საქმეს განაგებდა. მაგრამ, ხომ იცი, ძამა, რა დროც იყო. მამაჩემის გზას არც ჩემი გამზრდელი დედა ასცდა. ომი დაიწყო. «Высокая война» ...ასე წერს პასტერნაკი. მე მიწვედა ოჯახის მოვლა-პატრონობა. ოლ-

ონდაც, ზურგიელა არა ვარ მე, ისეთი იუმორი და სიხალისე არა მქონდა. მიწას ვბარავდი. ჩაის ვკრეფდი. შენი მოწონებული ჩინელები, ალბათ იცი, საუკუნეა, რაც ჩაის სვამენ. მოვიდა ერთხელ შებინძურულზე, ბრიგადირი და სამუშაო ჩაიბარა. 700 კვადრატული მეტრი მიწა გადავბარე იმ დღეს. ეს კარგად მახსოვს. არ დაიჯერა იმ დალოცვილმა და ამხანაგს დაუძახა, რათა კარგად გაეზომათ ჩემი გადაბარული ფართობი. დიდხანს ზომავდნენ მიწას, დიდხანს ანგარიშობდნენ, მაგრამ მართალი გამოვდექი. ახლა იმაზე ბრძენს თავი, როგორ გამოიყურათ ჩემთვის ორგანიზაციის საფასური, — როგორც ბავშვისთვის თუ როგორც კაცისთვის. როგორ გამოიყურათ, ესეც კარგად დამამახსოვრდა. დიდხანს ორკოფობდნენ. ახლა, აგერ, რა განახო, — ეს კრებული სპეციალურად წამოვიღე. არ ვიცი, წაითხული თუ გაქვს ეს ლექსი. აქ წერია კარგად შრომის ორგანიზაციის საკითხი. ფროსტი უსწავლელი კაცი იყო. უნივერსიტეტი არ დაუმთავრებია, თუმცა, შემდგომში, ათეული აკადემიის წევრი გახდა, და ლექციებსაც კითხულობდა ძველი მეწველე პოეზიისა და ხელოვნების საკითხზე. მაგრამ, მეტხანს, პოეტი, თავის ფერმაში ტრიალებდა. ღობეს ღობავდა და საქონელს უვლიდა. კარტოფილს რგავდა და სიმინდს თონხიდა. მოკლედ მოგაყვები ამ ლექსის შინაარსს. ერთ დაწამორებულზე, როცა ფროსტი თავისი ფერმის მახლობლად შეშას აპობდა, ორი უცნობი კაცი მიიღდა კარმიდამოზე. ერთ მათგანს გრძელი ხერხი ეკიდა მხარზე. რა თქმა უნდა, მხერხავეები იყვნენ. ფროსტმა რომ თავი აიღო და ის ორი უცნობი კაცი დაინახა, უჩვეულო ხალისით განაგრძო შეშის ჩეხვა. კარგად ვაპობდი შეშას, წერს ფროსტი, — ნაფორიც არ დამეარდნია მიწაზე, ჩემისთანა კაცი ქვისგანაც გამოიყვანსო საპონს; მაგრამ აქ იწყება სწორედ, დიდი ტრაგედია. პოეტი იმაზე ჩაფიქრდა, ქონდა თუ არა უფლება, იმ საქმეს მოჰკიდებოდა ისე ხალისიანად და თავის გასართობად, რა საქმიანაც ის ორი მამაკაცი ლუკმაპურს შოულობდა. და მერე დასძენს... თუმცა; აგერ, წაივითხოთ, როგორ მთავრდება ეს ლექსი:

**«Но, как смирится с таким разделением,
Мне надо, чтоб навсегда сопряглась, —
В жизни работы со вздохновением,
Как зрени с глазом в союзе глаз.
Лишь там, где труд с призванием слилось,
И труд стал игрой для спасения людей
Лишь там работа идет всерьез,
Во имя неба и лучших дней».**

სხვათა შორის, კენედიმ ფროსტის ტომბსთან თქვა გამოსათხოვარი სიტყვა და ასე დაიწყო: „ამერიკა — ეს არის ფროსტი. ამერიკას დიდძალი ტექნიკა გააჩნია, მაგრამ ეს მიწისა და ბუნების მოყვარე კაცი, ეს პოეტი უფ-

რო წარმოაჩენს ჩვენს სამშობლოს, ვიდრე მეცნიერება და ტექნიკა“. და, თავისი სიტყვა იმავე ფრაზით დაამთავრა, რითაც დაიწყო „ფროსტი — ეს არის ამერიკა“ ამასწინად, ერთი ჩემი მეგობრის ესეც წავიკითხე პუშკინის შესახებ, სადაც ამბობს, რომ პუშკინი უკეთ იცნობდა თავისი ღრობის სოფელსა და იმის მეურნეობას, ვიდრე რომელიმე, თანამედროვე კოლმეურნეობის თავმჯდომარე, კრიტიკოსი წერს, რომ პუშკინი უკეთ იცნობდა ცხენებს, მცენარეებს, სამეურნეო ტექნიკასა და ხელსაწყოებს, ნიადაგს და ასე შემდეგ... შრომის პროცესმა მომაგონა ეს ლექსი.

მაგრამ, შენს მიერ ახლანდელ გამოთქმული, კაცობრიობის საბოლოო მიზანი, ჩემის აზრით, არ ემთხვევა ამერიკელი პოეტის დასკვნას.

— ვერ დაგეთანხმები, ფროსტის მიხედვით, შრომა ადამიანს ხალისს უნდა ანიჭებდეს. შრომა შთაგონებას უნდა გაუტოლდეს. არა გამორჩენის მიზნით უნდა შრომობდეს ადამიანი, არამედ, შრომა მისი ბუნებრივი მოთხოვნილება უნდა იყოს. ბალღი ვიყავი და კაცის დარად ვმუშაობდი-მეთქი გული კი არ მიმირბოდა ჩაის დასაბარად, აუცილებელი იყო, იმ ხანებში, ჩემი გარჯა. თავი უნდა მერჩინა. ეს რომ არა, გავიტანდი ფრთას და იქვე ჩავასობდი ბარს მიწაში, ბლუზა-შარვალს გავიბერტყავდი.

თუმცა ქართველი კაცი, მეტწილად, თონის კაცია. მიწის კაცია. ვაზს გვიჩეხავდნენ, სახლებს გვივარგევდნენ, გვივობრებდნენ, მაგრამ რა ეტყობა ახლა ნათურქალსა და ნაობრალს ქართულს სანახებს. ვაზის სიყვარულმა გადაგვარჩინა. ღვინო მაქვს, ძამა, შინ, ნამდვილი ადესა, მეწვიე და დავლით თითო ჭიქა სალხინო და ვილაპარაკოთ. ალისფერი ღვინით სავსე ჭიქას რომ ხელში დაიჭერ. ენაზეც სხვაგვარი სიტყვები მოგვადგება. საოცარია, ღონღაფეტისა და გარემო ხეთარების გავლენა ჩვენს მეტყველებაზე. ერთხელ, მე და ნოდარ ჩხეიძე მივდივართ რუსთაველზე, არ მახსოვს, რაზე ვსაუბრობდით, ნოდარი საუბრობდა, მე ვუსმენდი, ნოდარის საუბარიც კამათსა ჰგვდა, გაცხარებით ლაპარაკობდა. ჰოდა, მე, უცებ, ადრე წაიკითხული ერთი მოთხრობა მომაგონდა, „ბომბოქარი ზომალდი“, — მიწა-მეთქი, ჩავილაპარაკე ჩემთვის. რამ გაგახსენაო ის მოთხრობა, მკითხა ნოდარმა. არ ვიცი-მეთქი. მაგრამ რუსთაველის პროსპექტზე ისეც რომ ჩამოვიარებო, მივხვდი, რატომ მომაგონდა ეს მოთხრობა. მაღაზიის ვიტრინაში, ზედ ქუჩაში მოსიარულე ხალხის ცხვირწინ. ერთი უშველებელი, წვინტმოკაუჭებელი ფეხსაცმელი იღო. აგერ, ამ ფეხსაცმელმა მომაგონა-მეთქი ზომალდი. ნოდარმა გაიღიმა და მითხრა, ეს მომენტით მართო ქართველ კაცს დამამახსოვრებოდაო, —

ვითომ რატომ-მეთქი, — იმიტომ, რომ შენ კოლხი კაცი ხარ და კოლხი კიდევ უხსოვარი დროდან მოკიდებული, ხომალდის მშენებლები და მებრძოლები იყენებ. ასეთი დიდი გავლენა აქვს ჩვენს შერყევებაზე გარემო სურათებს.

— „ხაზარულათი“ აღძრული ფიქრები, — ასე უნდა დავაქვებ ჩვენს საუბარს, თუკი, რასაც ვიმახსოვრებ, ქაღალდზე გადავიტანე.

— რატომ?

— რა ვიცი. ახლა გავიფიქრე.

— ამ რამდენიმე წლის წინათ, გულაუთაში, ერთი კაცი ამხიბდა, ბენზინის წერტილს, გინდა თუ არა უროგოდ უნდა გამიშვაო.

— რატომ — ვეკითხები.

იმიტომ, რომ აქაური ვარ და მე ასე მსურს... ვატყობ, ნასვამია, აშკარად, შარბეა და ჩხუბი უნდა. თან ვებლად, მხარზე მარტო ჭინკა უხის, ანგლოზი არსად ჩანს... რა თქმა უნდა, არ წაეჩხუბე, ურიგოდ გავუშვი მაგრამ, ამ რიგმა ახლა, კარგი რამე მომგონა. წადი ახლა, ძამა, შენ, ერთი მთხოვნელი უნდა მოვიდეს, მარტო უნდა ველაპარაკო.

7.

— ცოტა შევისვენოთ, კაცს ან ბევრი ლაპარაკით კლავენ, ან უთქმელობით, ხომ იცი შენ?

— კარგი, დღეს არ შეგაწუხებ.

— უცყვე ამიწალე ლაპარაკის საღერღელი და მეტი შეწუხება რა გინდა. ნახე ერთი, რომელი საათია.

— საათი არა მაქვს.

— მე კი მაქვს! გალაკტიონის ფრაზაა, — საათი რატომ არ გაკეთთა?

— დროს შესახებ ხომ ვილაპარაკეთ?

— ახლავე გეტყვი, რომელი საათია. (დუმბაძემ ჭიბის საათი ამოიღო და დახედა) — საცაა, შვიდს ჩამოჰკრავს. იაპონური საათია. უზუსტესი.

— ამერიკაში ხომ დასტოვე ერთი საათი, შენი წერილიდან მახსოვს.

— დამემტრა, ძამა, ის საათი. ხელიდან გამივარდა და არ ავხიკე. კატავეი შემეკითხა მოსკოვში რომ დაებრუნდით, რატომ არ ახიკეო, მე ვუპასუხე: საათის შესაკეთებელი ფული ამერიკაში საიდან უნდა მქონოდა მეთქი. გაიცინა და თავი გააკანტურა: რა ხართ ეს ქართვლებით. ის, ხომ იცი, დრო რომ მიდის, ერთი ნუგეშია, თუკი ცულ გუნებაზე ხარ; თუკი კარგ გუნებაზე ხარ, გწყინს, დრო მალე გადის. ფეხბურთის რომ უყურებ, გინდა, არ გათავდეს მატჩი.

— მაგრამ თუკი ვიგებთ?

— თუკი ვიგებთ, გინდა დრო მალე გათავდეს, თორემ, რა იცი დრო და მსაჯი რას მოგვიტანს. გუშინ გითხარი, ლიტერატურაზე არ ვილაპარაკოთ მეთქი, წუხელის კაი ხანი ვი-

ფიქრე ლიტერატურაზე და აი, რას მივაგები/ ლიტერატურა ის არის, რაც არის ამბავსა და პარკის ქსოვა, ანდა — ფუტკრის შრომა. რამდენი ათეული კილომეტრი უნდა გადალახოს ფუტკარმა, რამდენი უნდა იწვას და ინერვიულოს, რამდენი უნდა იფრინოს და იცეკვოს, ერთი წვეთი თაფლი რომ მიმოიტანოს შორი მინდვრებიდან. ასე წვეთ-წვეთობით გროვდება სკაში თაფლი. ოღონდაც, იმ თაფლსაც განსხვავებული გემო აქვს, როგორც სხვადასხვა მწერლის ნახელსაქმარსა და ნაფიქრალს. ზოგი ბუნებითი გემოთი გამოირჩევა, ზოგი — მწარეა, ზოგი—მწკლარტე, გააჩნია, რომელი ყვავილებიდან მოაგროვებ ფუტკარმა თაფლი. როგორი ენითა და სიტყვით, როგორი ფერებით მოიქსოვა რომანისა თუ მოთხრობის ხალიჩა. მერე ის ამბავიც ხომ კარგად ვიცით, რა მოსდის თავად თაფლის შემოქმედს. ასეა, აბრეშუმის ქიაც. ამ შემთხვევაში უფრო ნათლად ჩანს შემოქმედის გრძელი და დამაღული გზა. აბრეშუმის ქია, ვიდრე ქიად იქცეოდეს, ერთი ბეწოა, პატარა წერტილია. იზრდება, ღონეს იკრებს, შრომობს, ისვენებს, მთელი ეზოს თუთა არა ჰყოფნის, მუშაობს გამუდმებით. მერე გამოვა პირველ კანში, მეორე კანში, მესამე კანში, აღოდდება, როგორც იტყვიან, აღდგება ექმებს დიდის გულმოდგინებით, პარკის მოსაქსოვად, გაბამს და განლართავს აბლაბუდას, გატრუნდება, გასისმარდება და იწყებს ქსოვას, ფერს იცვლის, და ასე გავიგებთ, რომელია ყვითელი და რომელი თეთრი, მერე აბრეშუმი აბრეშუმად წავა და პარკიდან ქუბრი გამოფრინდება. იმ დიდი ნაყოფისა და ფეროვნების საზღაურად, რაც შექმნა, ფრთები მოესხმება. მერე ისევ ნამცვეცი თესლი უნდა გამოიჩეკოს, და ასე შემდეგ, — იკრება წრე, ფარგალი, — სიცოცხლის მარადიულობაში თუ გინდა დარწმუნდე, აბრეშუმის ქიას უნდა დააკვირდე.

ღვთისმშობელი მარიამო, დამბადებელი დამბადებლისაო, — ასე ლოცულობენ გელათში.

ყველა შემოქმედის ნაწარმოებიც, ამგვარსავე გზას გადის დაახლოებით. ყველა კანში გამოვა, ყველა მოსამზადებელ სამუშაოს გაასრულებს და, ბოლოს, ვღებულობთ ნაყოფს, რომელი ნაყოფიც აპურებს მკითხველს, და მკითხველი ნაყოფე უბრუნდება თავის შემოქმედს.

— „რუსთაველმა შექმნა ენა და ხალხი და ხალხმა და ენამ შექმნა თავად რუსთაველი“.

— კი. ასე მიწერია. შემოქმედის გზას გადის ყველა სულიერი ამ ციქვეთეთში. ჩვენ რომ ჩიტებისა და მცენარეების ენა ვიცოდეთ, რა თქმა უნდა, ამაში იოლად დავრწმუნდებით. რამდენი ღერი ბალახის ფესვი და რამდენი წვეთი ტალახი უნდა მოიპოვოს ჩიტმა, რომ ბუდე ააშენოს. განა კაციც ასე არ აშე-

ნებს თავის სადგომს? ეს, რაც შეეხება ფორმას. ახლა, შინაარსი თქვი შენ, აბრეშუმის ქიხისა არ იყოს, როგორი ხარისხის საქონელს იძლევა დალოცვილი, ანთუ. დაფიქრებულხარ, რომ ჩიტის ბუდე ეს არის მარტო პირით აშენებული ბუდე, როგორი ნაფერები და ნალოცავები. როგორ არის შეხამებული ბუნებასთან, ფერი — ფერთან, და ასე ირჯება მთელი ცისქვეშეთი. დაბადება გვეუბნება, რომ ღმერთმა ადამიანი თიხისგან შექმნა. დანახა, რომ კარგი იყო, და სული შთაბერა. თიხისგან შექმნილი ისევე მიიქცევა თიხად და, ასევე, აღსდგება თიხისგან. მიწა არს ღმერთი ჩვენი. მთავრიდან დანახული მიწა ისევეა ღმერთი, როგორც მიწიდან დანახული მთავარე. მიწა არს ის, რაც აძლევს სარჩოს კეთილსა და შორატს. კაცის მკვლელი, ხდება ხოლმე, თავს შეაფარებს უღრან ტყეს, და მიწა იმასაც არ დაუპირის საზრდოს. და რაც არ უნდა დაკარგოს კაცმა, ჩინეც, საბოლოოდ მიწის იმედი აქვს.

— მიწა, ახლა, ამ მიწას ასფალტით და ბეტონით ვფარავთ, ათასგვარი სასუქი და შხამქიმიკატები შეგვაქვს მიწაში და ხელს ვუწყობთ, რათა მალე გამოიფიტოს.

— მიწას თავისი კანონი აქვს. განაწყენებულ მიწა სარჩოს არ მისცემს ადამიანს. მე რომ მეკითხებოდე, მიწას გვგმა არც უნდა დავაწეროთ. იმიტომ, რომ მიწის ბარაქანობა მარტო მიწაზეც არაა დამოკიდებული. დიდი სეტყვა თუ მოვიდა, შესაძლოა, ვენახიდან ერთი გოდორი ყურძენი ვერ გამოიტანს. ტყუილი არ უყვარს მიწას. საცოდაობაა, ჰალადიდის გაუქმებელი ჩაის პლანტაციების ნახვა.

ერთი იმ საუკუნეში გამოცემული წიგნი მაქვს შინ, — ფრანგი მოგზაურის ჩანაწერები. ფრანგმა ნახა ჩინელი გლუხიკაცის კარმიდამო დიდის გულმოდგინებით დამუშავებული მიწა და ჰკითხა მასპინძელს, საიდან გაქვსო მიწის ამგვარი სიყვარული. თქვენ რა, მიწის სიყვარული არ იციანო? დაუბრუნა შეკითხვა მასპინძელმა. — მიწა ჩვენც გვიყვარს, მაგრამ ასე თავდადაკვლით არ ვამუშავებთო. — მერედა, თქვე აშენებულეზო, — უთხრა ჩინელმა გლუხმა, თუკი თქვენი საყუთარი მიწები ბოლომდე დამუშავებული არა გაქვთ, სულ ომში რომ მიიწვეთ, სხვისი დაუშუშავებელი მიწები რაღად გინდათო, მაგრამ, ბევრი რომ გაქვს, მაინც კარგია, როგორც ჩანს. ხეესურეთი მომგონდა, ხეესური ჩამოდის მთიდან. ცუდი საცხოვრებელი პირობები აქვს და იმიტომ.

— ახლა ბრუნდება ხეესური. გზა ვაყავთ, ბარისახორო ტელევიზორიკი კი აციმციმდა.

— ტელევიზორი ერთია. მწიერი კუჭით არ ვარჯა კინოს ყურება. მაგრამ მართლა გამოცოცხლდა ხეესურეთი, ხომ იცი, შენ!

— ამბობენ, ჯაბუშანური ხეესურეთში ცხოვრობდა ათეული წლების მანძილზეო.

— კი. ფრიალ განათლებული კაცი იყო პოეტუკ კარგი იყო გაბრიელი.

— თუ გინდა, ერთ ლექსს წაგაიკითხე მისას, ზეპირად მახსოვს.

— ვისას?

— ჯაბუშანურის ლექსს.

— აბა, ჰე!

**ზე ავხედდა და დაწვდაზაფრული
ცის საოცრებას მივადგამ კიბებს,
თუ უვის მიჯნა, ან დასასრული,
არადა, მიღმა რაღაა კიდევ.**

აი, იმ მიღმის მიღმა რაღაა,
ანდა ამ მიღმებს თუ ზღუდავს ზღვარი,
მერევა ფიქრის დინება საღი
და ჰირსოფლის გადამდის ლვარი.

**წამს, უმეცრების შიმე გაროზი
ფიქრს აღუკვეცავს ლაღად ქენებას,
და ჩემი თავი ამ სამყაროში,
მღოღოდაც ალარ მომეჩვენება.**

— მოდი, თუ ძმა ხარ, ერთხელ კიდევ წაიკითხე ეს ლექსი. (ღუმბაძე თითებზე ითელის რაღაცას, ლექსი ჩავათავე და მეუბნება):

— ამ ლექსს სათაური არა აქვს, ხომ?

— მართალი ვითხრა, არ მახსოვს, მგონი, უსათაუროა.

— სალონარი უნდა ერქვას ამ ლექსს.

— რატომ?

15 „ღარი“ დავითვალე ამ პატარა ლექსში. ღარი. ნაღველი. ბალღამი. სალონარი. არ მახსოვდა ეს ლექსი, თანაც, ავტორი ხეესური კაცია. ხეესურეთი დამიდგა თვალწინ, თავისი ციხეებთან და მთავარებთან. ლეთისებითა და ლეთისშვილებით, ხომ ხედავ, როგორი პოეტი გვეყოლია, აგერ, ყურის ძირში. დიდი პოეტების მწკრივში ვახსენეთ და, ვითომც არაფერი. ვერ იტყვი, სად დიდი პოეტი, სად — ჯაბუშანურიო.

— ეს რა, ანღაზა თუ ანგდლოტი?

— გალაკტიონს ეწვიენდა, თურმე, თანასოფელი ნათესავები, — აგურის შოგენაში უნდა დავეხმაროო, სახლს ვაშენებთო. გალაკტიონს, ამ სიტყვის გაგონებაზე, ხელები გაუსასვავებია და ასე უთქვამს გოცებთან: სად აგური, სად გალაკტიონი, სად აგური, სად გალაკტიონი!

— ამასწინათ, ერთმა ცნობილმა მწერალმა, ვაზეთის რედაქტორს მოსთხოვა, ჩემს იუბილესთან დაეაწირობით, სამი პორტრეტი გამომიქვეყნეთ, სამი ფოტო, სხვადასხვა ფასონშიო. ახლა სახობტო, —სადიდებელ წერილებს არ იკითხავ! რად უნდა მწერალს ასეთი ხობტა-დიდება, რატომ უნდა გამოეყოს სახლს თავისი

მწერალი. განა ერთი სურათი და ერთი წერილი საკმარისი არ არის? ზოგი მწერალი ტელევიზორის ეკრანიდან არ ჩამოდის... სადა აქვს მწერალს უქმად დასახარჯი დრო, მე კი იმიტომ ვმსახურობ, ძამა, რომ მწერლებმა არ იმსახურონ. გეხუმრები, ცხადია. მაგრამ, ვინმე ხომ უნდა მუშაობდეს. აგერ, ბატონო, ჩვენი ბალტიისპირეთი. კაციშვილს არ უნდა, თურმე, მწერალთა კავშირის მდივნობა. დიდ დროს გვართმევსო. მე კი იმიტომ ვმსახურობ, რომ მთავრობამ დამავალა. ისე კი, ქართველი კაცი ზანტი და ზარმაცია, „ჩვენისთანა ბედნიერი განა არის სადმე ერი, ყველა ცრუი, ყველა ყრუი“... და ასე შემდეგ... აგერ, შოთა ნიშნიანიძემ დაგვალეგინა, ამასწინათ, სიღვიძლის წამალი: „რა უტენაური ერი ვართ, არ შეგვერხევა წარბი, თუმც ერთმანეთში გვერევა, ჭეშმარიტი და ყალიბი“.

ლექსი ხომ ის არის, რაც ცოტათი მეტ ხანს სძლებს, ვიდრე რომელიმე კონკრეტული მოვლენა თუ სიტუაცია. მექრთამის ადგილას რომ პირმართალი კაცი დაინიშნება, მაშინ ხომ არ ივარგებს ეს ლექსი. რასაც გეუბნები, უბრალო ამბავია, მაგრამ, დაკვირვებაც უნდა. დღეის ქართული პოეზია, თითქმის, მარტო პატრიოტული პოეზიაა, ჩემის აზრით. მეტი არაფერი ევალება პოეზიას? დღეის ქართული პოეზია ნაკლებად ეხება, ეგრეთწოდებულ, მარადიულ თემებს, ძაფი უნდა გაიბას ხალხურ პოეზიასთან, აი, სად წერია ყველაფერი: სიყვარული, წუთისოფელი, ძმობა და მეგობრობა. ომი და მშვიდობა. ერი და ეროვნება. ენა და რწმენა. მე, ზანდახან, ისიც კი მგონია, რომ პოეტი მარტო კარგი ლექსის დამწერს არ ნიშნავს, საყოთარ თვალსაზრისს უნდა უტრიალებდეს შემოქმედლი. მაგრამ, მოდი, ისევ იმ ძაფს გამოვყევთ, ახლახანს რომ ხელში გეუჭირა.

ბაბუაჩემი რომ გარდაიცვალა, იმ წელიწადს, ჩვენს ეზოში, 29 ძირი მანდარინის ხე გახმა... ჩვენს დიდ ოჯახში, მარტო ის ერთი კაცი შრომობდა თავგამოდებით. იმის ზურგზე გადადიოდა ოჯახის აკვარგი. დაკვირვებულნი ვარ, თუკი ოჯახში ერთი კაცი გულიანად ეკიდება საქმეს, სხვები ნაკლებად გაანძრევენ ხელს. ეს არის კანონი. ბაბუაჩემი რომ მოკვდა, ასე ვთქვათ, ტაბუ მოიშალა, ყველა ჩვენებურად, როგორც მოგპრიანებოდა, ისე ვატრიკიკებდით ენას. ენის გამუდმებული ტრიალი უსაქმურობამ იცის. უსაქმურობიდან მოდის, აგრეთვე. ის ამბავიც, კაცი რომ სიგარეტს ეწევა, მაგრამ,

ამას დამტკიცება უნდა. და ასე, პაპიარად, როგორც ვხედავ, ვერ დაგარწმუნებ. ტაბუ მოიშალა, ადათ-წესები კნინდება, დევიწყებას ეძლევა. ტვარდოესკი რამ მომავლია? ბე-ბიაჩემზე ხომ არაფერი არ მიიქვამს. დედაბერმა კლიტე მორაგო რკინის კარებს და იქ შევიდა, საცა უნებართვოდ სულიერი ვერ შევიდოდა. მაგრამ, ტაბუს მოშლას თავისი დადებითი მხარეებიც აქვს ხოლმე. საგან-ვითარება-მოვლენას თავისი ნამდვილი სახელი ერქმევა. უხსენებელი — გველი იქნება, ზურგგადრეკილი — ჭინჭველი და ასე შემდეგ. (ღუმბაძის კაბინეტში მდივანი გოგონას მოხსენების გარეშე კაცი შემოვიდა. ღუმბაძე სტუმარს გაეგება: ერთმანეთი გადაკოცნეს. მასპინძელმა სტუმარი ჩემსკენ მოახედა: მურმან ჭგუბურიაა, ხომ იცნობო? გამოიგონიაო, თქვა სტუმარმა, ესე იგი, სახეზე არ ვიცნობდიო; ვერც მე ვიცანი კაბინეტში შემოსული კაცი, ეს შემატყო ღუმბაძემ და დასძინა, — თენგიზ აბულაძეა. აბულაძემ ხელი არ ჩამომართვა, ერთმანეთს თავი დაუქნიეთ. მერე დაჯდა და თავისუფლად აეწყო საუბარი. აბულაძემ „მზიურის“ მშენებლობა გაიხსენა. მერე — მიღები მჭირდებაო, — უთხრა ღუმბაძეს. ღუმბაძემ — მინისტრი ამ საკითხზე ერთხელ უკვე შავაწუხებო, საგურამოს გაუუმართეთ წყალსადენი. რამდენი ტონა მილი გჭირდებაო ჰკითხა აბულაძეს. აბულაძემ — ტონობით იზომება თუ მეტრობითაო, ღუმბაძემ — ტონობითაო. მიღები ცოტა გვაქე-სო, ჭირს მიღების შოვნაო, ჩარკვიანი იახლე და შენ და ჭანსული რომ მიხვალთ, არ დაგიკავებნო. შეთანხმდნენ. „მზიურის“ მშენებლობისათვის, ერთი-ორი საათი თუ მოიცალე კარგი იქნებაო, — თქვა აბულაძემ, — შენი რჩევა-დარიგება გვჭირდებაო. ახლა მე არა მცალია, — თქვა ღუმბაძემ, — მათ ჩვენი ფოლკლორისა და ადათ-წესების კარგი მცოდნე სჭირდებაო. რა საოცარია, კაცო, აგერ, ეს წუთია, რაც ჭინჭველა გახსენოთო, გურიაში რომ ვიყავით, თუ გაგონდებაო, ჭიანჭველების ომი რომ ენახეთო).

— აბა, კაცო, — თქვა აბულაძემ.

— ხომ გახსოვს, რა ომი და ქარბორია ტრი-ალბდა. ორი ჯარი ებრძოდა ერთმანეთს. ორი გვარი. ორი ტომი. მესამე ტომიც მანდავე იყო დაბანაკებული. ხომ გახსოვს, ერთი ჯარი ყვითელი იყო, ერთი — შავი, ერთიც — წითელი. წითელი და შავი ებრძოდა ერთმანეთს. ყვითელი ჯარი კი იდგა და არხინად უყუ-

რებდა ორთაბრძოლას. ომში არ ერეოდა. მთლად ნეიტრალური სახელმწიფო გეგონებოდა. საკვირველი არის ბუნება ბუნებისა.

— მაგრამ, რამ მოგაგონა ახლა ეს ამბავი?

— შავი იკითხე სწორედ, ყველაფერი რომ მახსოვს, მაინც არ მამყლა! — აგერ, ვილცამ უნდა დარეკოს, ვილცას უნდა დავუვრეყო.

— მიღები არ დამივიწყო, — თქვა აბულაძემ.

— ამაზე ხომ შევთანხმდით.

— აბა, კარგად იყავით, წავედი. (ღუმბაძე კარებამდე მიჰყვა სტუმარს, ხოლო როცა მობრუნდა, თქვა):

— ჩემი ხნის კაცია თენგიზი, როგორ იცვამს, რა ახალგაზრდად გამოიყურება.

— არც ეტყობა თავისი ხანი.

— რა აძლენი ხანი ჩვენ გვაქვს, რომ დაგვეტყოს, ღიღი რეჟისორია. ხომ ვინახავს მისი ფილმები.

— რა თქმა უნდა, მინახავს.

— ერთი კია, ეს ოხერი ფილმი ადრე ბერდება. ერთი კარგი მოთხრობა კი ხანყამიერ მწერალსაც კი ყოფას უტირებს, გადაიტანს. ფილმი მაინც თვალისთვისაა გამიზნული, „მატეო-ფალონი“, კი მგონი, რომ მთელს მწერლობას გადაიტანს. აპარატი გადალეებული ბუნება მაინც ბუნების ასლია და მიბაძვა. მიქელანჯელოს „მოსე“ კი, ცოტას გასცდა, სული რომ ჩასდგომოდა. «Шевелись Мойсей!»

კინაღამ ვაცოცხლდა, ხომ იცი შენ! ახლა სულ უბრალო ამბავს გეტყვი, და თუ მიხვდები, მითხარი, ასე რატომ ხდება. კაცი ან ქალი წავა ხოლმე დასასვენებლად, სადმე, ზღვისპირეთში, თუ ბალტიისპირეთში და იქიდან, იაფფასიან, ღია ბარათებს უგზავნის ნაცნობ-მეგობრებს. ამ ღია ბარათზე ბუნების ხედებია გამოსახული. პალმა დვას, ზღვა ჩანს, ლურჯ ცაში თოლია ქათამებმა. და ასე შემდეგ... იმ ყაიდის ღია ბარათებმა რა შთაბეჭდილება უნდა გამოიწვიოს ადრესატში, მაგრამ მაინც მილიონობით იგზავნება?

— ვერაფერი გვიგებ, მართალი გითხრა, რას მოაყოლე ეს ამბავი.

— ვერც მე გვიგებ, ბოლომდე და, იმიტომ გეკითხები, ვითომ, რალაც ალიბის მაგვარს იშველიებდეს ის დამსვენებელი. ამა და ამ ალაგას ვიყოფებო, თუ რაშია საქმე. რატომ წამოვიწყე ამაზე საუბარი? იმ ღია ბარათებს ზოგი ინახავს, ზოგი — არა, როგორი მოგონებაა? — „მე აქ ვიყავი?“ მაგრამ, ვიმეორებ, იმ ღია ბარათების ფასი, თავისთავად, კაპიკია. კინოხელოვნებასთან ამას, რა თქმა

უნდა, რომ კავშირი არა აქვს, და მაინც, გული ვწყდება, ასე რომ ბერდება კინოსურათი.

— ამიტომაც იღებ, ალბათ ერთი რეჟისორის მრავალ ფილმს.

— კი. ესეც ერთგვარი ჭიდილია სიბერესთან.

— შენი რომანებისა და მოთხრობების ეკრანიზაცია თუ მოგწონს?

— მთავარია, რეჟისორს მოსწონდეს თავისი ნამუშევარი. მე ის ერთადერთი ფორმა მომწონს, რა ფორმითაც შეიქმნა ნაწარმოები. ბევრი კინოსცენარის ავტორი ვარ, მაგრამ კინოსცენარისტი კი არა მგონია თავი. ეს მეტად სპეციფიკური ხელობაა. ადრე ხომ მოვიხსენიეთ ვიწრო სპეციალიზაცია, აქაც, ვიწრო, ანუ კონკრეტულ სპეციალიზაციასთან გვაქვს საქმე. მე რაც ვიცი და რაც ჩავიფიქრე, ის რეჟისორმა არ იცის. ჩემს პირველ რომანში მიწერია ასეთი უბრალო ფრაზა: „თუ მოუჭირა, ყინავს“, — როგორ უნდა გადაიღოს ეს რეჟისორმა? ისე კი, კარგი სურათის ნახვას რა სჯობს, მთელი ორი საათი ერთობი კაცი, — თავი დავიწყებული ვაქვს. ნაწარმოებს რომ კითხულობ, თავს უღრმავდები, ანალოგებ შექმნილ ვითარებას, თუ გინდა, წიგნს სულაც დახურავ, კინოკადრები კი ერთმანეთს ენაცვლებიან და ფიქრის დროს არ გეტოვებენ. წიგნს, როგორც გინდა, ისე მოექცევი, სულაც გადაავადებ. ან, როგორც ბლოკი ამბობს კუზმინის ლექსების კრებულზე, ერთი ხელიდან მეორეში ვერ გადაიტან, ისევე გაგიტაცებს და თავს შეგაყვარებს, ესა თუ ის წიგნი: კუზმინის პოეზიით ბევრი რუსი პოეტია დავალებული, განსაკუთრებით კი ისინი, ვითომ რომ ძალიან ემიჯნებიან საგანგებოდ. გალაკტიონმა კუზმინის პოეზია შესანიშნავად იცოდა.

— კუზმინი ახლა არ იბეჭდება. რატომ არ იბეჭდება?

— ეს უფრო ბეჭედითი სიტყვის კომიტეტის საქმეა, ვიდრე ჩემი. შენ თუ იცი, ფროსტი და ახმატოვა ერთად რომ უნდა წარედგინათ ნობელის პრემიაზე. მოხუცებული ფროსტი ჩამოვიდა საბჭოთა კავშირში, ინახულა თავისი მეტოქე, ახმატოვას არ მოეწონა ბერკაცი; ძროხებზე რომ ლექსებს წერს, ის პოეტი რა პოეტი. მაგრამ მალე გადათქვა თავისი ახირებული აზრი. დიდებული პოეტი. ეს ბერკაცი, — ასეთი დასკვნა გამოიტანა.

— კინოზე მსჯელობდი...

— გათავდა კინო. აგერ, ახლა „მარადისობის კანონს“ იღებს ვალერიან კვაკაძე და ვნახოთ, რა გამოვა.

კინოს საუკეთესო განსაზღვრება ლენინს ეკუთვნის; კინო მასობრივი ავტოკრატის საშუალებაა. ვახეთი, კინო და ტელევიზორი მჭიდრო ნათესაობაში არიან ერთმანეთთან. ადრე ასე გვეგონა, კინო და ტელევიზორი დახურავდა მწერლობას. კინო, ტელევიზორი და რადიო. მაგრამ წიგნის მკითხველი მაინც წიგნის მკითხველად დარჩა. ასეთი რამეც ხდება: ტელევიზორი ჩართული გაქვს, ოთახებში ხმა ისმის, შენ არ უყურებ ტელეგადაცემებს, ზიხარ და შენს საქმეს აკეთებ. ჩართული ტელევიზორი ხელს არ გიშლის. მე რომ მკითხოს კაცმა, ეს, თითქმის, ხელსაც გიპართავს. რადიონარი თანამედროვე ხდება, თითქოსდა, შენი ფრაზა, რასაც წერ რვეულში, როცა ტელევიზორი ჩართული გაქვს. ჰემინგუემ კაფეებში შეთხზა თავისი ნაწარმოებების ნაწილი. სად, რა პირობებში ქმნის ადამიანი თავის ნახელავს, ამასაც, ალბათ, ვარკვეული მნიშვნელობა აქვს.

— „ხაზარულა?“

— არ ეშვები, ძამა, ამ „ხაზარულას“ და რა ექნა. „ხაზარულა“ იმგვარ ადგილას შევთხზე, ხის ანარეკლიც კი, ფიქრიდანაც შორს იყო. ისეთი ვარემო იყო ირგვლივ. სახალხო ნაწარმოები, ჩემის აზრით, ხალხში იქმნება მაინც. ამის კარგი მაგალითია ჩვენებური კაფია. მხატვარი ხატავს, წინ უდენია ტილო და გადმოაქვს ბუნების სურათები. ხალხი ამას ხედავს; მაგრამ, მხატვარს ხელი არ ეშლება. შეთანხმებული არიან ხალხი და მხატვარი. არც ჰემინგუეის ეძალებოდნენ, ალბათ, წერის მომენტში, ჭიქა კონიკით ხელში. მაგრამ, მეფოვეს რომ კარგად დააკვირდე, როცა ის ქუჩას ჰგვის, აუცილებლად გკითხავს, რომ მიყურებო, რას მიყურებო, საქმე არა გაქვსო. უღევაშა კაცს რომ ცოცხი უკავია, ქუჩას რომ ჰგვის, ეს სათაკილო საქმე არაა, თუკი, ამაზე, სავანებოდ არ გაამახვილებ ყურადღებას. მაგრამ, ამერიკაშიც ისეთივე ფესხაემლის მწმენდავები სხედან ქუჩებში, როგორც ჩვენთან.

— ამ შემთხვევაში, ჩვენ და ამერიკელები, ერთ დღონზე ვართ.

— კი, ერთგვარად ვუყურებთ ამ ყაიდის საქმეს. ფეხები ხომ დაგობანია ოჯახში, ბაბუასთვის? მაგრამ, მე ვამბობდი, სად ქმნის ადამიანი თავის ნახელავს, რა პირობებში, ამას დიდი მნიშვნელობა ენიჭება მეთქი. მწერალი ხალხში უნდა ტრიალებდეს. საღაური კაციც ხარ, იქაური ქუდიც უნდა დაიხურო. ის ჰამო და ის სვა, რასაც ჰამს და სვამს ხალხი შენი. ამასწინათ, კი, ერთი ჩვენი მწერალი ადგა კრებაზე და თქვა: მწერლებს ცალკე სასურსათო მალაზია უნდა გვექონდესო. ამაზე მეტი თავის მოჭრა რა იქნება, ქართველი მწერლისთვის.

„მთავარების ზემოთ, მწვერვალების ახლოს, არ ვაშენებ, ჩემო მშვენიერო სახლო.“

ვით დავთმევი, დათმე შენაც ზენა ჯარამი.
ხალხი და პოეტი განუყოფელი ერთია. ხალხიც სვამდა და ვალაკტიონიც სვამდა. ხალხი სცოდავდა და ვალაკტიონიც სცოდავდა. ხალხს არ ეძინა და ვალაკტიონისაც არ ეძინა. ამიტომაც იყო სახალხო პოეტი. მაგრამ გრანელი განდევნა პოეტი იყო. ხალხში ცხოვრობდა, მაგრამ სულ მარტო იყო. ალიო მამაშვილმა თქვა გრანელზე შესანიშნავი ლექსი:

დაღონებული ტირის გრანელი,
ჩვენში მეორედ მოსული ქრისტიკი,
ზემო, უღონოდ, დაუბანელი,
მთხოვარვითი საფლავებს მისდევს.

ვინც ჩაულრმავდება, ამ სტრიქონებში ჰუმბარტების მარცვალს აღმოაჩენს.

ერთხელ ვალაკტიონმა გარითმა: კავკასიონი — ვალაკტიონი. შემთხვევითი რითმაა, უკეთეს რითმა ვერ მოიგონებდა? სხვათაშორის, ამ სარითმო ერთეულს დიდი დავიკრება უნდა. რამდენჯერს იქნება, მკვალთაღ, ერთმანეთთან გარითმული: ღმერთი და ერთი. იმიტომ, რომ შინაარსი განაპირობებს. ენამ მოავგვრა ყოველი ისე, რომ ორი სიტყვა ერთმანეთს გარითმვოდა. ქართულმა ენამ, ნიგ — ოდინ, თუ един, — რითმა არ არის. ერთი და ღმერთი კი ერთია. აი, როგორია ჩვენი ქართული.

მე მგონი, ჩვენი საუბარი ისე მიდის, ერთ სკიპობროტო სკაითხსაც მივდგებით მალე...

— რას გულისხმობ?

— კამათს, რითმიანი და ურითმო ლექსის შესახებ ატეხილს.

— ამაზე უკვე არ კამათობენ. ჩვენი ბევრი რამ დაგვიანებთ მოდის. ვთქვათ და, რომელიმე ქვეყანაში ვაჩნდა ახალი მოდა, ვიდრე აქ ჩამოვა, იქ, შეიძლება, ის მოდა კარგა ხნის გასული იყოს მოდიდან. კონსტანტინე გამსახურდია ამბობს მეტად საყურადღებო სიტყვას, როცა ის გვეგასაუბრება ჰომეროსის თარგმანის სიძნელეზე. დიღოსტატი ვეასწავლის, რომ ჰომეროსი უნდა ითარგმნოს მხოლოდ და მხოლოდ ჩვენი ეროვნული ლექსის ზომით და, არას დიდებით — ჰეგზამეტრით. ქართულ პოეზიაში, ამ ეროვნულ ფორმას უნდა მიექცეს უმთავრესი გულისყური. მარადემს უნდა ვეახსოვდეს ტრადიცია და კლასიკა. ის, რითაც ჩვენ არა ეგავართ სხვებს. ისე კი, სახარებაზე კარგი ვერლიბრი მე ჭერ არ წამიკითხავს.

9.

— რუსუდან ფეტიაშვილის ნახატები თუ გაქვს ნანახი? — მითხრა ღუმბამქემ.

— კი, მინახავს.

— რუსუდანი ნახატები რომ ენახე ვაგეოცდი, ისეთი შთაბეჭდილება მოახდინა იმ პირველი ნახვისთანავე. პატარა რუსუდანი, თით-



ქოს, რომელიდაც დიდი მხატვრის შემოქმედებას ავტოლებს ახლა. ოღონდაც, ქართველი არ უნდა იყოს მისი წინაპარი შემოქმედი. ის ან ინდიელაა, ან ეგვიპტელი, რომელიმე ფარაონის ასული, შემოქმედებით ატაცებული. რა მასშტაბია მის ნახელავსა და ფანქარში, რა სიმწყობრე. არ ვიცი, რამდენ ხანს ვასტანს მისი ბრწყინვალე ნიჭის ამდაგვარი ძალმოსილება. სულ მეშინია, რომ დღეს თუ ხვალ, შეწყვეტს ხატვას. ან თვითონ რუსულდამა იცის განა, რასაც აკეთებს? ვის უკავია მისი ფანქარი ხელში, როცა იგი ხაზს ავლებს სუფთა ქვალღებში, ვინ კარანახობს? ფეტვიაშვილის ნახტი ფეტვიაშვილზე დიდია. ეს მომენტია საგულსხმო. ტოლსტოი — პიროვნება, როგორც ვიცი, არანაკლები იყო ტოლსტოი — მწერალზე. მართლა რომელი იყო: მწერალი თუ ქადაგი? ფეტვიაშვილი არაერთგვარი მხატვარია. ქართული არაა, რადიან ყურისწამლებად ჟღერდეს ეს ფრაზა, — ქართველი არაა, აგრეთვე, ზოგი ქართველი მწერალი, მხატვარი, მუსიკოსი... მაგრამ მე მწერლებზე ვიტყვი. ამრიგი მწერლების შემოქმედება — ცნობიერების ქვა-კირი ისევ და ისევ ლიტერატურაა. წიგნი რომ გამოაცალა, ამ ყაიდის მწერალი მწერალი ვერ იქნება. ვერაფერს დაწერს. წიგნის პარაზიტია, მოკლედ რომ ვთქვათ, ზოგი მწერალი იმითი ცოცხლობს და სუნთქავს, რაც წაუკითხავს, რასაც კითხულობს. სხვა ცხოვრება იმას არც ვაკარებია. ამიტომაც არის არაერთგვარი მწერალი.. ასეთი მწერლების შემოქმედება მკითხველს ინტერნაციონალური ენაზეა, მაგრამ ეს უფრო კოსმოპოლიტურია, ვიდრე ინტერნაციონალური. ინტერნაციონალურში ნაცია ხომ ურევია, კოსმოპოლიტური კიდევ სხვა არის. ვაჟა ეროვნული პოეტია, — ჩვენს ტრადიციებსა და ადათ-წესებში უდგას მძლავრი ფესვები, — ჩვენს მითებსა და ლეგენდებში, მაგრამ, ინტერნაციონალურიც არის. ქართული მთის სათქმელს ამბობს და ბუბუნებს, მაგრამ, მთები მარტო საქართველოში არა დგანან და, ამიტომაც მეჩვენება მისი პოეზია საერთო-საკაცობრიოდ. ლომის წილი კი ეროვნულია. მაინცდამაინც, ქართული ნიადავია და სული მკვიდრია. ვაჟა აქ დაიბადა, აქ ამოვიდა, აქ აქ ჩამოუვარდა მამა უფალს კალთიდან, მაგრამ ქართულმა მიწამ მიიღო და ქართულმა მიწამვე აღმოაცენა. ფეტვიაშვილიც აქ ჩამოვარდა, მაგრამ ჩვენი მიწის წვენი და საღებო არ შეუსრუტავს, ისე დადგა ფეხზე და ისე შეუდგა ხატვას. პუშკინიც ლმერთს ჩამოუვარდა კალთიდან, რასაც, მე მგონი, მტკიცება არა სჭირდება. და, როგორც იტყვიან ზედგეტყობა კიდევაც, მაგრამ, რუსულმა ნიადავმა შეიწოვა და კვალად აღმოაცენა. საფრანგეთში რომ ჩამოვარდნილიყო, ცხადია, ბალახი დაახრჩობდა, მაგრამ, რაკილა ტიტველი და ყამირი

ალაგი დახვდა, აღმოცენდა და გაიხარა. კალაპოტი გაუჭრა და საღიანარი გაუმართა. ეროვნული სულის ენერჯის. პუშკინი წმინდა პოეტია თავისი მსოფლმხედველობითა და თავისი სარწმუნოებით. ამ ყაიდის ათობით წიგნები იწერება დასავლეთში, ოღონდაც, ისინი, პუშკინის სარწმუნოებაზე უფრო ამახვილებენ ყურადღებას, ვიდრე წმინდა ლიტერატურაზე. სად ცხოვრობდა ჩვენი პატარა მხატვარი, ვიდრე აქ ჩამოვარდებოდა? ადამიანი მარტო ის არ არის, რასაც ჩვენ ვხედავთ და აღვიქვამთ. ადამიანი არის ის, რაც იყო წინა ცხოვრებაში, რაც არის ახლა და რაც იქნება შემდეგ. ამ სამი ცხოვრებისაგან შედგება ერთი ადამიანი. შენი საყვარელი ჩინელი პოეტები სულ ფიქვად გაჩენას ნატრობენ, გორაკზე რომ დგას და სივრცეს ვასტკერის, — ფიქვის ხე, ალბათ, იმათ ცნობიერებაში, რადაც ძალზე წმინდანსა და ნათესს უახლოვდება. აგერ, ჩვენი ვაჟა ვიხსენოთ: „რამ შემქმნა ადამიანად, რატომ არ მოკლევ წვიმადა“.

— სვანური ხალხური პოეზიიდან, გალაკტიონს, ერთი მცირე ლექსი აქვს გადმოღებული, სადაც ასეთი სტრიქონებია:

ხელახლა აქ დაიბადე, ამა,
ხელახლა აქ...

— გალაკტიონი სხვა სანატრელს არც ინატრებდა:

ნეტა ამ ნავში დამაძინა და
გამომავლიძა ასი წლის ვარე,
მანახვა, რა მხრით, როგორ ინათა,
და როგორ ბრწყინავს აქ მზე და მთვარი.

გალაკტიონი მარტო ქართველი პოეტია. უთარგმნელი, ანუ — სხვათათვის გაუგებარი. ისევ იმ სამებას დაეუბრუნდეთ: წარსულს, აწმოსსა და მომავალს. გალაკტიონი დღეს ცხოვრობს და, მაინცდამაინც, დღეს უნდა თქვას თავისი სათქმელი, წინა ცხოვრების გზას კი არ ავტოლებს, არამედ, ამ ცხოვრებისათვის გაჩნდა, ადრეც იყო, ცხადია, მაგრამ, მაშინ, პოეტი არ ყოფილა.

ბარათაშვილს, ფეტვიაშვილს, ლერმონტოვს, ასათიანს, — მოცარტს, — სხვა ცხოვრებაშიც უწევდათ, ალბათ, იმავე საქმის კეთება, რასაც აქ აკეთებდნენ, მაშინ ვერ მოასწრეს ყველაფრის თქმა, ყველაფრის გასრულება და, აი, აგერ ახლა ვაგვრქვამს ადრე დაწყებულ საქმე. ის ცხრა წელი აკლდა მოცარტს, თავისი გენიალური შედეგები რომ დაესრულებინა. ჩვენს მიერ ჩამოთვლილ შემოქმედთა პირველივე ნაწარმოებები გენიალობის ხატით არის აღბეჭდილი. უცებ, გენიოსებივით ალაპარაკდნენ, — ალ დაიკარგა წინა ცხოვრების ნამოღვაწარი. გალაკტიონმა კი თავიდან დაიწყო. ჯერ დაწყებები პოეტი იყო, მერე — ახალგაზრდა პოეტი, როგორც ვეძახით და, ბოლოს კი, — დაბრძენდა. და ბრძენი წავიდა ამა სოფლიდან.

აუღებელი სიმაღლე აიღო, ქვეყანას გადმოხე-
და, გადმოყარა ბარი და წერაყინი, წავიდა და
გაფრინდა ადრე კი გროშაშვილის ბაძავედა, ვიღ-
ერ საკუთარ ხმასა და საკუთარ თვალსაზრისს
გაიმაგრებდა. აი, ეს საკუთარი თვალსაზრისი
არ გააჩნით ლიტერატურიდან მოსულ მწერ-
ლებს. ცხოვრებას არ იცნობენ და იმიტომ.
ლიტერატურაც ცხოვრების ერთი მხარეა, მაგ-
რამ არა — ყოვლისმომცველი. ნასწაველი და
ზრდენი კაცი გლუხიკაცს რომ უსმენს, რატომ
უსმენს? ხელწამოსაკრავი არაა ეს ამბავი. ჩვენი
წინაპრები ჰოროსკოპით კი არ ჰქვრეტდნენ მნა-
თობთა მოძრაობას, მთვარის ავსებებს და განლე-
ვას, მაგრამ ყოველივე ამის გარჩევა არ უჭირ-
დათ. გლუხს თავად ბუნება ასწავლის ამას, თა-
ვად ცხოვრება, ანუ საკუთარი ტყავი. გლუხი
ახლოა ბუნებასთან, შუამავალი არა ჰყავს და,
იმიტომაც, საკუთარი თვალსაზრისი გააჩნია
ამიტომაც, საკუთარი თვალსაზრისი გააჩნია ამ
ცხოვრებაზე. ლიტერატურიდან მოსულ მწე-
რალს კი თავისი თვალსაზრისი, თავისი მსოფლ-
მხედველობა არ გააჩნია. ამიტომაც არის ის
არაერთვნილი მწერალი. მისთვის მდინარე
მდინარეა, და არა ფიზორი, ან კიდეც ლიახვი.
ქალაქი ქალაქია და არა ბათუმი, ან კიდეც —
ქარაი. ასე შეიძლება, ეს ჩამოთვლილი უსას-
რულოდ გავაგრძელოთ, მაგრამ, უცხოენოვანი
ლიტერატურისათვის, ასეთი მწერალი, უფრო
მხსლობელია, და უფრო გასაკვები.

შემოქმედს თავისი ბუნების გავლენა უნდა
ჰქონდეს, თავისი ტაონიმიკისაც, ცნობარა-
ფიისაც. ხომ საოცარია, რა დიდი გავლენა
ჰქონდა ფიროსმანზე სარწმუნოებას, დავით კა-
კაბაძეზე — თავის იმერეთს; გულდამივილზე —
„ვეფხისტყაოსანს“. ფეტვიაშვილის მაგალითი კი
უნიკალურია, როგორც ნატაშა რუშევესი. თა-
ვის დროზე, პუშკინის ნაწარმოებებს, ალბათ,
არ ჰყავდა მხატვარი-ილუსტრატორი და, აგერ,
გამოურჩდა, დაგვიანებით, ნაგრამ გამოძახე-
ბით. ფეტვიაშვილის ფენომენი მაინც უფრო
უცნაურია. რუშევე „კლასიკოსია“ და გასაგე-
ბი, ფეტვიაშვილი მისტიკოსი და — ძნელად
გასაკვები.

— „ხაზარულას“ ავტორი?

— მე წმინდა წყლის გურული ვარ; ოღონ-
დაც, ციდან არ ჩამოვევრდნილივარ, მართალი
რომ გითხრა, ვილაცამ რომ რალაცა დამავალა,
რალა თავი მოვეტყუო და, ეს ამბავიც კი მამ-
სოფს, ბუნდოვნად. მახსოვრობა საოცარია,
(ტოლსტოიმ სკლეროზიკ კი თავის ნებაზე გა-
მოიყენა, ნაგრამ, ამაზე სხვა დროს), აღამი-
ანის ხსოვნას ერთი მიმართულება აქვს, უკან
ბრუნდება და იქიდან მოპყვება დრო-ჟამს, მა-
გრამ, კაცი რაკილა დღეიდან ფიქრობს, წარ-
სული და აწმყუო თითქოს ერთი ხდებოდ. მაგრამ
აღამიანი მომავლიდანაც ფიქრობს და მომავ-
ლიდანაც გვესაუბრება. რადგან, რაც არის, უკ-

ვე იყო და, ისიც კი, რაც იქნება, უკვე იყო.
ახალი არაფერია ამ ცისქვეშეთში, როგორც
ამბობს ეკლესიასტე (საიდან უნდა მოვედროთ
ყოველდღე სიხალე? აღამიანი ისევ ძნელად
იბადება, ძნელად იზრდება და ძნელად ამუ-
შაგებებს ნიღდას), ათასში ერთხელ, მე თითქოს
ვხვდები, თუ ვინ ვიყავი მაშინ, როცა აქ არ
ვიყავი, მაგრამ დაბეჭვითებით შემოძლია ვთქვა
რომ წინა ცხოვრებაში მწერალი არ ვყოფი-
ვარ. ახლა ვარ იგი, რაც ვარ ახლა და ძალია
მინდა, როცა აქედან წავალ, და მერე ისევ
მოვალ, ის არ ვიყო ისევ, რაც ახლა ვარ. გა-
ვასრულო, მინდა, აქ ჩემი საქმე, ხომ ხვდები.
სწორედ, ამ ძირულ ამბავზე ვწერ: ახლა რა-
ლაცას, მაგრამ არ გეტყვი, გამოუქვეყნებელი
ლექსები ხომ გაქვს? მეც ზოგ რამეს ჩემთვის
ვინახავ, დაწერილსა და დაუწერელს. დაუწე-
რულის შენახვა უფრო ადვილია. არ დაგეკარ-
გება, რაკილა არა ჩანს. კიდეც კარგი რომ სიყ-
ვარული არ იყიდება, თორემ, ვინმე, ამ მშვე-
ნიერ მთვარეს ძაფს გამოაბამდა და, ვინ იცის,
საით წაიყვანდა.

10.

— საგურამოში თუ ხარ ჩემთან ნამყოფი?

— ილიას მუზეუმში ვყოფილივარ, — ვთქვი
მე.

— შორია საგურამო... როგორ ამბობს ჩვენი
ანიკო? „შორია თამარ!“ ქეშმარიტად რომ,
შორია საგურამო. ისე, სულ ნახევარი საათის
გზაა. კოლხუის ლექსი ხომ გახსოვს?

„წიწამურიდან საგურამოდე ეკლიანი და
პატარა გზაა,

წიწამურიდან საგურამოდე ცხოვრების გე-
ლა ნეტავი რაა...“

მცხეთას ვუახლოვდებით, ღუმეძაძის შო-
ფერს ჩქარა მიჰყავს ნაქანა.

— ნელა იარე, ძამა, — აფრთხილებს შო-
ფერს ღუმეძაძე და ზურციკ ანელებს სვლას.
ღამდება. „ვიდრე საგურამოში ჩავალთ, დაღამ-
დება“, — გავიფიქრე გულში და ჯვრის მონას-
ტერს ვკიდებ მზერა.

— ჯვარი მარჯვენა ხელია, სვეტიცხოველი—
მარცხენა. თუმცა, როგორ ამბობს ლექსი:

ღამიჭირეს, მკლავი მომჭრეს,
რატომ კარგი ავიგია...

ესი იგი, სვეტიცხოველია მარჯვენა ხელი.
ჯვარი — მარცხენა. რომელს უფრო იოლად
დასათმობს კაცი? მაგრამ, მთავარია, საიდან
ვიანგარიშებთ. ჯვარი — ციხეა, სვეტიცხოვე-
ლი რწმენაა. შეხე, რა ლოცვასავით მიიწეეს
ამ საღამოს მალა, როგორ აწურულა.
მგონი, მცხეთური საღამოეზის ფეროვნებაც
კი აქვს დიდოსტატს ნაგულისმხევი, როცა ტა-
ძარს აგებდა. ყმაწვილი რომ ვიყავი, ნიკო კე-
ცხოველმა წამომიყვანა აქეთ, წიწამური მანა-
ხა და მითხრა: „აი, ჩემო პატარა მცგობარო,

ეს ის ადგილი ვახლავს, სადაც ვერ მოკლეს ილია“. სამუდამოდ დამამახსოვრდა. ბატონი ნიკოსთვის საქართველო და „ვეფხისტყაოსანი“ განუყოფელი იყო. პატარა რომ ვიყავი, შოთას პოემა ჩემთვის ზღაპარი იყო, რომ გავიზარდე, — „ვეფხისტყაოსანი“ ჩემთვის საგმირო პოემა გახდა, ახლა კი სიბრძნის წყაროა, უწინარესად. ანტიბოლშევიზმის წინააღმდეგ „ყოველი ქართველის საქითხადი წიგნი. ისე, ხომ იცი შენ, ვარკვეული ასაკის მკითხველისათვის, ლტოლასათვის ხელა პოეტი არცაა ჭკუავს ამ საუკუნეში. მოწიფულობის ასაკს ემთხვევა ეს პერიოდი. მთელი 4-5 წელიწადი ლდოს პოეტი არა სჯობია საქართველოში. და ვერც აჯობებს, ალბათ. ახლა ჩვენი გზა მარჯვენა წევა. ჩემი სახლი ზედ გზის პირას დგას. უკეთეს ადგილს მთავრობდნენ, სიწყნარესა და სიმყუდროვეში, მაგრამ არ გქენი. მეზობლები მაკრავს გარშემო. გვაქვს ერთი გადაძახილი და მისვლა-მოსვლა. ან საღამოსაც, ერთ ჩემს მეზობელთან ვარ გადაბატონებული, გურამიშვილის მარაში იხდის დღეობას. აქაური კაცი იყო დავითი. მოვსულვართ და ვგაა.

მანქანიდან ვადმოვლდით, ჰიშვარი შევალდა და ეზოში შევედით, ზედ მიწაზე დგას დაბალი, კოხბა შენობა, წითელი აფურით მოპირკეთებული.

— ჩემი ხელით მოვაპირკეთე, ძამა. აგერ, მოდი. აქ ბუხარი მაქვს. ჩენი ნახაზითა და ფარგლით არის გამოყვანილი. მოგწონს? მეც მომწონს. მერე, როგორმე, დღისით შემოიარე და უფრო კარგად დაათვალიერებ აქაობას. თუმცა, ამ სინათლზეც კარგად ჩანს ჩემი ეზო. ელექტრონის შუქზე ახლა, ფეხბურთისა თამაშობენ. დღე არ გვეყოფნის და იმიტომ. დღისით რომ სადმე, ქუჩაში სინათლე ანთია და ბეუტავს, როგორი უსიამო სინათლეა. ასეთ გუნებაზე ვარ ხოლმე. აგერ, ქეიფი გველოდება და ჰამასმა არ შემიძლია. მაგრამ, დრო მოვა და ვიქნები. რამდენჯერს მომარჩინა ჩვენებურმა დღეებმა. აწიცი მომარჩენს. შინ მეწევი, ხომ გითხარი, ნუკი მოგერიდებ, დიდებული იზაბელა უნდა დაგალევიყო. თუ ატყობ შენ, აქ რა სუნი ტრიალებს. აქეთ ნოოწი, ამ ფანატურის ქვეშ უფრო იგრძნობა. იზაბელა, ძამა. ერთი ძირი გენახია და, ხომ ხედავ, რა დიდ ამბავშია. მაყალე ერთი-ორი წელწადიც და მერე ნახე.

— მიწა კი მცირე გაქვს.

— მცირე მიწაზეც შეიძლება დიდი ამბები მოხდეს. მაგრამ, რად მინდა მეტი ფართობი. მე ხომ ვერც ნოუვლი. თავის გასართობად მყოფა ეს ადგილი. მეტი არ მინდა. კუქის ზომა თავგმაც კი იცის, — ჩავა მდინარეზე და კუქის დონეზე დაღვეს წყალს. ზედმეტი მიწა რა ჰქონდა მინდა. დასავლეთში აქეთ ყველაფერი ზედმეტი პირწავარდნილ კაპიტალისტებს. მაგ-

რამ იმ ზედმეტი სურსათ-სანოვანს წყალში ყრიან. ერთმა დასავლეთგერმანელმა მინისტრმა, საქართველოში ყოფნისას თქვა: „დასავლეთში გასაქირი გვადგას, არ ვიცით, სურსათ-სანოვანზე სად წავიდეთ. ჩვენ ამგვარი გასაქირი არ გვადგას ჭერხნობით, მაგრამ, კაცმა თუ მოინდობა, რას არ გააკეთებს. და მინც რატომ უღებებთ ზედმეტი სურსათ-სანოვანე? იმიტომ, რომ ყველა თავისი სამყოფი არა აქვს. ერთს ბევრი აქვს, მეორეს — სულ არა აქვს, ან არ ჰყოფნის. სასწოროს ამბავია, — სასწორო-სამართლის. უამთოთ, ანარქია და მეტი არაფერი. ღმერთი ყველას მიაგებს სამაგიეროს. ერთი კაცი ვერ იქნება კარგად, თუკი მეორეს უჭირს. ერთი სახელმწიფო ვერ იქნება კარგად, თუკი მეორე სახელმწიფოს უჭირს. ახლა ავიღოთ და, მაგალითი გავამართო, რასაც გუფუნობ. ავიღოთ, ერთი პატარა მდინარე, მაგალითად, გუნაზოული და იმ მდინარისპირა ჰალეებში ჩავყაროთ ზედმეტი სასუქი. ერთ-ორ წელიწადს და, შეიძლება კიდევ მეტ ხანს, ჰარბი ნოსავალი ავიღოთ იმ მიწიდან, მაგრამ ის ზედმეტი სასუქი, საბოლოოდ, მიწას მაინც გამოეფიტავს, დღეს გადაჭარბებით შევასრულებთ გეგმა-დავლიანებას, მაგრამ, კარგა ხნის შენდებ, ერთ ნამცეც მოსავალსაც არ მოგვეცემს ის ადგილები. თან ისიც არ უნდა დავივიწყოთ, რომ მიწისქვეშა დინებით ირეცხება ნიადაგი და გუნაზოულის ნაირებში ჩაყრილი სასუქი და შხამ-ქიმიკატები სხვა მოსაზღვრე მდინარეში ჩაედინება. სამეგრელოს მაგალითზე ვიტყვი: მაგანი უერთდება ენგურს, ენგური ზღვას და ზღვა არაფერს არ უერთდება? ამიტომაც არის აუცილებელი, დაწესდეს მსოფლიო კონტროლი, რაც დაწესებულები შეისწავლის ამა თუ იმ მოვლენა-ვითარებას. ვთქვათ, რომელიმე დიდი ქალაქის მკვიდრნი, ერთი დიდი აუზიდან იღებენ სასმელ წყალს. ვთქვათ, 30-40 წლის შემდეგ აღმოჩნდა, რომ ის წყალი, არცთუ ისეთი შესამჩნევად დონით, მაგრამ მაინც, მაგნი ყოფილა ადამიანის ორგანიზმისათვის. ვინ უნდა აგოს პასუხი? არავითარი უფლება არა აქვს კაცს, თავისი მდინარე და ზღვა გააქუქყიანოს და მოწამლოს, თავისი ქვეყანა გააბინძუროს და თავისი ტყე და ჰალაი გაანადგუროს, იმიტომ, რომ, მართო ერთკაცსა და ერთ სახელმწიფოს არ ეკუთვნის ეს დედამიწა. ყველაფერი ერთმანეთთან არის გადანასკლები. ასევე, ერთიანია, ადამიანთა საფიქრალი და საღონარი. ერთ მიწაზე ვცხოვრობთ ყველანი (აგერ, რა მომაგონდა! მიწა იმიტომაც არის ღმერთი, რომ ღამია!), ერთ მიწაზე ვცხოვრობთ ყველანი და ბოლოს და ბოლოს, კარგად რომ დავფიქრდეთ, და ვიანგაროშოთ, ერთი დედამიწის შვილები ვართ ყველანი. ადამს რომ უსან-უკან გავედევნოთ, მერამდენე თაობის ბაბუა გამოვა. არც ისე შორსა ვართ წასული, როგორც შენა გგონია. გაერთიანდა-მეთქი,

ადამიანთა საფიქრალი და საღონარი. ერთი რომელიმე პლანეტა რომ შეცანყარდეს, როგორი ალიაქოთი ატყდება დედამიწაზე, ქოლერას ყველამ უნდა ვებრძოლოთ და კრიალა ცხვირისახოცები შევთავაზოთ ერთმანეთს. ტვარდოვსკის ტოორკინი ხომ გახსოვს, მანდ წერია ერთი მეტად საყურადღებო ანბავი. ერთ ამაღლებულ გორაკზე გერმანელი და რუსი ჯარისკაცი შეებმება ერთმანეთს. ტყვიები გაუთოვდებათ, კონდაებით დასცებენ ერთმანეთს, ბოლოს ტოტზე გადაეღვენ ვინ — ვის? ტვარდოვსკი წერს, ერთსაც დააიწყდა, რომ ფაშისტი იყო, მეორესაც — რომ კომუნისტი იყო და ორი კაცი შერჩა ერთმანეთს იდეისა და იდეოლოგიის გარეშე. პოეტი წერს, რომ ეს არის ომი, «Ради жизни на земле». მაგრამ ერთი პლანეტა რომ შეცანყარდეს, გერმანელი და რუსი გაერთიანდება. საერთო მტერი ახლოებს ადამიანებს. და საერთო მიზანი, — სიყვარული, ზრძოლა სიკეთისათვის. ან დედამიწის მოვლა-პატრონობისათვის.

— ჰიშკარი არ მომეწონა, — ვუთხარი ღუმბაძეს, როცა კარში გამოვცდივით.

— არც მე მომწონს ეს რკინის ჰიშკარი, მაგრამ არ მინდა ქვეყანამ ეზოში შემოიხედოს. ტურისტების თვალი, ხომ იცი, როგორი ხარბია. არ მინდა, ცოცხალ მუზეუმს დავემგვანო. დასძარი მანქანა, — მიუბრუნდა ღუმბაძე შოფერს.

— ახლა ჯვარი ჩვენი მარცხენა ხელია, სვეტიცხოველი — მარჯვენა. დააკვირდით, ახლა გამოჩნდება.

(ჯვარი თითქოსდს მიწიდან ამოფრინდა, ცაში დიდდა პროექტორებით განათებული).

— ღმერთო დიდებულო! — თქვა ღუმბაძემ და პირჯვარი გადაიწერა.

ჩვენი უხმოდ გადავიწერეთ პირჯვარი.

— ჩქარა იარე, ზაურ, ღვინო ხომ დალიე?

— ღვინოს როგორ დავლეე, ბატონო ნოდარ.

— ნუ გეშინია, ზიჟო, თქვი სიმართლე, ღვინო თუ არ დავლიე, რამ დავსვა იმ სუფრაზე ამდენი ხანი, რას აკეთებდი?

— გისმენდით, ბატონო ნოდარ.

— ყველა მე მატყუებს, — თქვა ღუმბაძემ, — არავის ვეცოდები.

— რატომ ვითხარი, თუ იცი, ჩქარა იარე-მეთქი, — ჰკითხა ისევ შოფერს.

— ვიცი, ბატონო ნოდარ.

— რა იცი?

— «ვგრემიას» უნდა მიუსწროთ.

— ქვეყანამ იცის, რასაც ვაკეთებ, — მომიბრუნდა ღუმბაძემ, — ლიბანის ამნები მაინტერესებს. არ შემძილა არ ვნახო. დღეს თუ არ გავიგე, რაც დღეს მოხდა, ხვალე სხვა ამბები მოხდება დედამიწაზე და ის როდის გავიგო? საოცარი არ არი, ძამა, როგორი

მოლაპარაკებენი გვაქვს ადამიანებს ამ მსოფლიო სუკუნის მიწურულში, — ომი თუ იქნება, ყიდისა და რა სიძლიერის იარაღი უნდა გვაქვს მოვიყენოთ. და რატომ ხდება, თუ იცი, ამგვარი რამე. იმიტონ ხდება, რომ ეშმაკსა და ნავარს ჯერ კიდევ ღვიძავს. ეშმაკი თუ შეგხვედრია სადმე, მართალი მითხარი. არ შეგხვედრია. ეშმაკებით სავესა ცოდვილი მიწა. ზოგ კაცს ყურებზე შეეტუტობა თავისი ვინობა, ზოგს კიდევ — პირისახეზე. და ასე შემდეგ. ქრისტიანი ხომ შეგხვედრია ბევრგზის. მიღიხარ სადმე, ჭეჩაში და უტებ შეგეყრება ქრისტიანი ადამიანი, — კაცი თუ ქალი. შეხვდა, შემოგხედავს და მიხვდენი, რომ ეს ადამიანი ქრისტიანია, — სიკეთის მცველი და შეენახავი. ამ ერთ სკენლშია ყველა და ყოველი: ავიც და კეთილიც, ვაითუ, უკვე გარდაცვლილები ვართ და იქ ვიმყოფებით, რაზედაც არაფერი ვიცით, ისე ცხადია და ქეშმარიტი, რასაც გერძობს ხოლმე ამ ბოროტი და კეთილი ადამიანების შეხვედრისას...

II

— რაზე ფიქრობ?

— შენს სახლთან, მანქანაში რომ ვისხედით და ზაური გვისმენდა, ის მომაგონდა.

— ზაური, ხომ იცი შენ, მართლა გვისმენდი იმ სალაშოს. რაზე ვსაუბრობდით?

— მთარგმნელობით საქმიანობაზე, მაგრამ მე ის მომენტი უფრო მაინტერესებს, ზაური რომ გისმენდა გულმოდგინედ, მართლა აინტერესებდა, თუ ეს ქართველი კაცის ჩვევაა და მეტი არაფერი.

— ჩვევაო, რომ ამბობ, საგულისძმობა, ძამა, ზაური თავისი საქნის მცოდნე, წესიერი კაცია და წიგნის მოყვარულიცაა. კითხვა უყვარს. ქართველი გლუბკაცის საუბარი რომ ფრაზებად დაეყოთ და ლექსის ფორმა მივცეთ, სტრიქონებად დავალაგოთ, ჩემის აზრით, ალბათ, ყველაზე მეტად შაირის ზომას მიუახლოვდება, თუკი, რითმას არ მივიღებთ მხედველობაში:

დღესა ერთსა მე და ფრიდონ ნადირიზად

ფრიდონი, ზღვასა ზედა წაწურვილსა, ქედსა რასმე

ფრიდონ მითხარა: ვითხრობ რასმე,

ვთამაშობდით, ცხენთა ვსხედით,

ერთი რამე საკვირველი მე ვნახეთ ამა ქედით...

დააკვირდი, რანაირი თხრობაა, რანაირი კილო, რანაირი პროზა... „ქედსა რასმე გარდავცდივით...“ თან ეს მეოთხე სტრიქონი: „ერთი რამე საკვირველი მე ვნახეთ ამა ქედით...“ და უტებ, ლექსის იმავე მონაკვეთში:

სიყვარულმა ამაჩქარა, ამართოლოდა,

და-ცა-მღენწა... ასე განასხვავებს რუსთაველი პროზასა და

პოეტის ერთმანეთისაგან. საუბარს — მოქმედებისაგან. დანალ შაირს — მალალი შაირისაგან. ვლუხი ამის არ აყეთებს, მაგრამ მისი სასაუბრო მეტყველება უახლოვდება შაირის ზომას. ამის შემოწმება შეიძლება გამოჩენილმა მსახიობმა, ნოდარ ჩხეიძემ მიიხრა ერთხელ, — „ვეფხისტყაოსნის“ წაითხვა მინდა (კონკურსში უნდა მიეღო მონაწილეობა), მაგრამ „დას“ არ მაკითხებნენ. ახლა ამ „დას“ დააკვირდი შენ, რა ზუნებრივად ჯდება სტროფში, როგორ ისვენებს მკითხველი, როგორი სინუსტიბითაა მოქმენილი ამ „დას“ ადგილი, — ვერღერ საბოლოო, მეოთხე სტრიქონს აღმოიტყოდეს მკითხველი, და რაც მთავარია, თავად რუსთაველს, თავისი პოემა, ხამამილა საკითხავად ჰქონია გაანგარიშებული.

— ერთი უნდა გავაბოლოო და ახლავე შემოვალ.

— მოეშვი, ძამა, მაგ სიგარეტს, მაგი რომ კარგი ყოფილიყო, კაცი ვერ გაამადგენინებდა ხელიდან.

— ადრე ხომ ეწეოდი?

— ეს ორი წელიწადია, რაც თავი გავანებე. 9 წლიანი ვწეოდი. დღეაღებში რომ წაიყვანეს, იმ დამეს მოვწიე პირველი სიგარეტი. ახლა მოლი და, იანგარიშე, თუმცა, სიგარეტი მაშინ სად იყო. თუთუნს ვახვევდი ვახეთის ნახეში. ზურიცელა ნუ გგონივარ-მეთქი, ხომ გოთხარი, ყველაფერი კი არ დამეჩვენება, კაცი თუ კაცს ძალიან ემიჯნება, ეს იმასაც ნიშნავს, იტოვებ, რომ არც ისე შორიშორს დგას იმათი სახლი და სალოცავი. ზურიცელა ხომ აწოლებდა ბოწოწო თუთუნს, მეც ვაბოლებდი. ამასში კი ვგავართვ ცრთინანთს. რამდენი წელიწადი გავიღა? 45? არა, 43 წელიწადია მას აქეთ გასული. თითქმის იმდენი, რაც ეს დიდი ომი დამთავრდა. აქ არ გინდა გაბოლება ზომ? აგერ, მოლი, აივანზე გავიდეთ, მეც გამოვალ, თამბაქოს სურნელი დღესაც მსიამოვნებს, მაგრამ ახლა სადღა ნამდვილი თამბაქო. ნაღდ თამბაქოს სტალინი აბოლებდა. კარგი თამბაქო ნოდლის აფხაზეთში, გურიაშიც იცის თამბაქო, სანეგრლოშიც, აჭარაშიც, მაგრამ ვერც ერთი, აფხაზეთის თამბაქოს ვერ შეედრება. „რეკორდის“ თამბაქო სჯობია ახლა სხვა თამბაქოს. ცოტა „სამსუნი“ თუ „ტრაპეზუნი“ ურევია. რამდენი შრომა უნდა თამბაქოს გამოყვანას: დარგო, გაახარო, გააფხვიერო, გააშრო, გაახმო... თუთუნის საჭურელი მანქანა ხომ გინახავს? ერთმა ჩემმა მეზობელმა ხარის ფასი მისცა თუთუნის საჭურელ მანქანაში. მთელი სოფელი იმ ერთ მანქანას იყო მიჩერებული. როგორი თვამოწონებით დადიოდა ის ჩემი ნაცნობი გლეხიკაცი. ასე იცის მანუფაქტურის მოძღვრებამ...

მინდა ეს ბალი გავაშენო, გავაშენო; ჩემი დაწვებული ნუ გგონია ეს რემონტი. დიდხანსა ამ შენობას ველიკიტებთ, ნესტიანია ეს

ადგილი, ამ დაქანებაზე ჩამონარეცი წყალი ჩამოდის, შენობა გაიბზარა, დაეკერეთ ფაქე ვალუბათე. აი, იმ კედლის გასწვრივ, მანქანის უნდა ჩაყარო. მალარი რომ ტანს აიყრის, კედელი არც გამოჩნდება. ამ ლინოლეუმ დროებით ვაჯებთ, ვიდრე უკეთესი გამოვნახვდეთ. ლიტერატორთა სახლსაც ვაგხსნით მალე. კარგი შენობა გამოგვიყვეს. სამუშაოც გვექნება და თავის გასართობიც, რესტორანიც და წიგნების ფარდულიც. ხომ ხედავ, სად წამიყვანა ამ თამბაქოს გახსენებმა. ცზრა პაუნდი ანბობს ერთ პოემაში, — ზვიად გამსახურდიას თარგმანიდან ვიცი, — აგერ, გოგოლის მოთხრობა თარგმან ახლა ზვიადმა, დიდებულო, ლონიერი ქართულით, ნეტავი თუთუნის ფარდული მომცაო, ნატრობს პაუნდი. ბედნიერი კაცი ვიქნებოდიო, ჩავაყენებდი ფარდულში ლამაზ გოგონას, მუშტარს მიიზიდავას, სიგარეტებს ბლომად გაყიდდაო და ასე შემდეგ, ნეტავი თუთუნის ფარდული მომცაო, ოლონდაც, ეს აუტანელი ხელობა ნომამოროაო. — სადაც გამუდმებით მიწვევს თავის ტეხვა და ტვინის ქულტობა. ასეთია მწერლის ამბავი. ზოგს გცნობლობა უნდა, ზოგს — ნოქრობა, ზოგს — მეცხვარეობა, ზოგს კიდეც — რა. ჰუმპარბიტი ბედნიერება დასვენებასა და სიმყუდროვეშია. შენ კი იჯექი და იტეხე თავი გენერლის გამო, ნოქრის გამო, მეცხვარის გამო. იჯექი და უთიე ლამე ლამას და სიტყვას. მაგრამ, ერთხელ, როცა ჩემს ახალ რომანს ვწერდი, და როცა სოსოიან უთხრა ხატაის, — იქით გაიხვედო, მთელი სამი-ოთხი თვე, მტეი ღერი სიტყვა არ დამიწვრია. რაც იმ ერთმა მოკლე ფრაზამ სიხარული მარგუნა, მთელი წიგნი ვერ მომანიქებდა, — ავშენდი კაცი, მოვიცალე და დავისვენე. ტერენტე გრანელს უწერიო, ძამა, მიხარია, რომ ტერენტე გრანელი ვართ. მწერლობა ბედნიერებაა, მაგრამ ისეთი იშვიათი ბედნიერებაა, რომ დიდი ტანჯვა და წამება უძღვის წინ. ისე კი, რა უნდა კაცს, სიძარტლე რომ ითქვას, — ერთი ნაქერი ხორცი უნდა, რათა კუბი გაიხაროს, და ერთი ხელისგულისობა ადგილი, რათა სიამე მომიქას. ჩემი საკუთარი სალოროდან არაა, რაც ახლა გითხარი, სხვაგან ამოვიკითხე და მომეწონა.

11.

— შემოდი, მურმან, ეს ჩემი ექიმია, გაიცანი, ამათი ნიდგას სული. ახლა კარგად ვარ, მიხეც არ მცხვებიან. ასე კარგად არასოდეს ვყოფილვარ.

— სულ ასე იძახი შენ, — ჩაერია საუბარში ქალბატონი ნანული.

— ასე რომ ვიძახი, მითომ ვარ კარგად. სიტყვას მაგიური ძალა აქვს, ხომ იცი შენ.

მურმან ჯაბუაშვილი

„ხაზარულას“ ბარშიმომ, ანუ რამდენიმე საღამომ ნოდარ ლუბაძისთან

(ეჭიმი რომ გაისტუმრა, ღუმეაქემ კვლავ განაგრძო ადრე დაწყებული სიტყვა).

— სიტყვას მაგიური ძალა აქვს. იყო ერთი ასეთი პოეტი—სპასკი. ლენინგრაღში ცხოვრობდა, მგონი. სახელი არ მახსოვს. პასტერნაკის მეგობარი იყო, წერილებს სწერდნენ ერთმანეთს. და ერთხელ, სპასკიმ მისწერა თავის მეგობარს, ეს ბოლო ღღერები სულ თავის მოკვლავე ფიქრობო. პასტერნაკმა უპასუხა, არ ვარგა ასე დაიწინებო ერთი და იგივე სიტყვის ანეგბელო, ერთხელაც იქნება და, თავს მართლა მოიკლავო. ღვინოზე მოხვედი ხომ? ღვინო მაქვს, ხომ გიძხარი, — იზაბელა. ნანული, შენ სადილს მიხედვ, მკორე სუფრა გაგვიწყვე, ვიდრე ჩვენ აქ ვისაუბრებთ. ღვინოს მე თვითონ გადმოვტრებ, ხელი არ ახლო, იცოდე, ღვინო არ გავიფუტო. არ ნიყვარს, ბოცა რომ შექანდებო, ასე მგონია, ღვინო აიძვრება, ფერს დაკარგავს. ალადასტურს არ ჩამოუვარდებო ჩემი იზაბელა. ალადასტური იმერეთში იცის. შეუღარებელი ღვინოა, მაგრამ, სადაა ახლა. ოქუშში იცის კარგი ადგისა, დაზამირენულზე, ჭირხილი რომ ედებო მინდვრებს, ყინავს დილდიაობით, ხეზე ვასული ადგისა კი ცაში კობტობს და ესევა ქვეყნის ფრინველი. რაც კაცს ეკუთვნოდა, შეინახა, ჩიტის ყურძენი სხვაა. ცოტა რამ ჰყოფნის კაცსაც და ფრინველსაც. ჭვარზენში, ერთმა მოხუცებულმა კაცმა ნიბხარა, ამახელა ჰესი სა ჭირად გვინდაო. მაგანაზე უნდა ავგვო ჰესი და გვეყოფოდო, ჩვენს რაიონს ვაანათებდო, რიონი — ქუთაისს ვაანათებდო, ჭანისწყალი — წალენჯიხას, ხობისწყალი — ხობს და ასე შემდეგ... პატარა ფაბრიკა-ქარხნები გვინდაო, პატარა სახელოსნოები, საქართველო პატარა არიო, შენ ხარ ჩემი ბატონი და, მოვლა-პატრონობაც არ გავგიჟობდობოდაო. ამ ბერიკაცს თავისი აზრი ჰქონდა ყველაფერზე და, რამდენიც არ უნდა გეჩიჩინა, თავისას ვერ გადაათქმევიანდბო. სახელგანთქმულ მეგობრებს ძიკი კვარაცხელიას ვიცნობდობო, ჩვენი ფერმა ას სულ საქონელს ვერ უვლისო, ძიკი მარტო უვლიდაო. კვარაცხელიას საქონელი ხან მთაში ედგა და ხან კოლხეთის დაბლობზე, აწინდს დაჰყვებოდბო. ეს გამონათქვამი კარგად დამამახსოვრდა, „რაც კამუროა“ ვახსოვს გალაკტიონთან. ახლა რომ კამური მოვაშენოთ, და გაქრობას გადავარჩინოთ, გეგმა როგორ უნდა შეკასრულოთ? ყველაფერი არ უნდა შევიტანოთ, ვერეთყოლებულ, დაგეგმარებამო. ღვინის გადმოღებზე გეუბნებდობო. ღვინოს ფრთხილად უნდა გადამოღებო. ღვინოც დამიწურავს. იმ რიგით კი არა, ოღონდაც, ოთარ იოსელიანმა რომ გვახსნა ვერანზე, ანას მთელი წიგნი ვერ ყუოფა, კარგად რომ აღწერიო. დიდი და გრძელი რიტუალია. რამდენი ხანი ემზადებო კაცი, საწინახელში რომ შიშველი ფეხებით ჩაეიდეს, რამდენი ხეხვა და ფეხის ბანვა სჭირდება. დიონი-

სე აქ დაიბადა. როგორ მოიფარჩა თბილისი მწვანით და ვახით. როგორ გაიფოთლა, ჩამახსოვნი ძირი ვახი. სამასი ფერი. მოდი, ძამა, დღეს ნურაფერზე ვილაპარაკებთ. მსჯელობის მოვეშვათ. მომწყინდა ამდენი ომი და მშვიდობა. ამას წინა, პურის მალაჩაში, გამყიდველს ვეჩხუბებ, — არა გრცხვინაოთ, დილანდელ პურს რომ ყიდით-მეთქი. მერე ისე შემტყვხა ჩემი ნათქვამისა, შეებრუნდი და ერთის ნაცვლად, ორი პური ვიყიდე. გამყიდველი გოგონა, რა თქმა უნდა, ვერაფერს მიხვდა, რადგან ძალზე ახალგაზრდა იყო და ომი არ იცოდა.

— ესე იგი, არა მშვიდობის ფასი იცოდა, ცხალია.

— ესეც დაბადებო-გარდაცვალებასავითა ერთნაერთან დაკავშირებული. ომს მშვიდობა მოსდევს. მშვიდობას — ომი. ანა, რაეა გინდა, ძამა, ახლა რომ ახალგაზრდები ომობანაში ვარჯიშობენ, ნამდვილი ესართლაც მოეწოდებოთ ხოლმე, ნამდვილი ომი. ერთმა ჭარამოვლელმა ყმაწვილმა, იარალი იშოვა სადღაც და წთელი ათეული უიარაღო კაცი დახოცა. ჩეხოვის არ იყოს, თოფი თუ კედელზე ჰკიდია, კიდევაც უნდა გავარდეს. მაგრამ ჩვენი სახელმწიფო იმისთვის იბრძვის, რომ სროლა საერთოდ არ იქნეს საჭირო. ამას დაფიქრებო და გულთან ახლოს მიტანა სჭირდება. აგერ, მგონი, სადილად გვეძახიან...

— არ ვახვიდე, გააფრთხილა ნანულიმ ქმარი, როცა მან კარი გამოლო, რათა აივანზე მდგარი ბოციდან ღვინო გადმოეთლო.

— აბა, ზოცა არ შენდოლის სახლში და რა გქნა

— ისე დაიწინებოთ უყურებ, შემოგო; არადა, ჩაიციე მინც, თბილი ჭებში ვადიციე, თორემ ჭინავს გარეთ.

— თუკი ჩაიციე და ჩავიხუთე, რა გემო აქვს სუფთა ჰაერზე ვასკლას.

— აგერ სტუმარი გადმოიღებს...

— ახლავე, ვთქვი მე.

— არა, ძამა, ამ საქმეს ვერავის ვანდობ.

ღუმეაქემ კარი გააღო, აივანზე გავიდა, რეზინის მილით პატარა დოქში გადმოიღო წითელი ღვინო, რაკაკით აიყოს დოქი, რეზინის მილის ნეორე ბოლოც ბოცაში ჩააბრუნა და ოთახში შემოვიდა.

— მილო? — იკითხა ნანულიმ.

— მილზე მშვენიერი ანეგდოტი ვიცი, მაგრამ ქალთან არ ითქმის.

მე გამეცინა, მაგრამ, მასპინძელმა დოქი მაგიდაზე ჩამოღვა და პირზე ხელი აიფარა. სსუო, ესე იგი.

— მილი იმითმ ჩაეტოვე ზოცაში, ნანული, იქნებ კიდევ დაგვიტრდეს-მეთქი ღვინო.

— არ შეიძლება შენთვის ღვინის სმა, გაიგე ერთხელ და სამუდამოდ.

— ამ ერთხელ გავიგებ, ახლა, ნანული და, სამუდამოდ ცოტა გადაიწიე.



— წამალი? წამალს რიბ სვამ?

— წამალი დავლიე უკვე.

— ის ჰამის წინა იყო, ჰამის ნერე ხომ უნდა დალიო?

— მაკალე, ახლა, ქალო, ჯერ ხომ არაფერი გეკითხა:

შემოვუსხედით სუფრას — ოჯახის თავი, მისი მეორე ნახევარი, მისი სიდდერი, პატარა ნოღარიკო — დიდი ნოღარის შვილიშვილი და მე.

— მეგრელია, დედა, ეს კაცი, ჯგუზურია.

— ვიცნობ მე მაგას, ლექსებს რომ წერს, ის არის, ხომ?

— კი. მაგია.

— ჰოდა, ვიცი. ვიცნობ მაგას.

— მთელი ჩენი ოჯახი კითხულობს, ბატონო, აბა, რა გეგონა!

— ლომონათი თუ ღვინო? — შეეკითხა დიდი ნოღარი პატარა ნოღარიკოს, — რა დავისხა?

— ლომონათი, — თქვა ზავშემა, მაგრამ ჩვენს პიქებში ჩამოსხმული სხვა ფერის წვენი რომ დიანხა, დასძინა, — არა, ღვინო.

— აი, შენ ლომონათი და, აგერ, ცოტა ღვინოც გაფურიოთ, — ვისა აქვს ახლა ასეთი სასამელი დედამიწის ზურგზე.

— აბა შენ იყავი, თამადა, ჯიმა, თქვი სადღეგრძელო.

მე, ჩვეულებსამებრ, ფეხზე წამოვდექი და ზეზეულად ვთქვი ოჯახის პირველი სადღეგრძელო.

— ნელენი ხარ, ალბათ, ნანა, შენ, — მოთხრა თმაშვერცხლილმა მანდილოსანმა.

— როგორ მიხვდით, ქალბატონო?

— ფეხზე დგახარ, სადღეგრძელოს რომ ამბობ.

— მელენი გახლავართ, სამურხაყანოელი.

— ჩვენ კიდევ მარტილის მახრიდან ვარ. დაჯექი, ნანა, რატომ შემოიწუხდი?

— რამდენი ენა იცი? — მკითხა დუმბაძემ.

— ერთი, — ვუპასუხე.

— რუსული ხომ იცი?

— კი. ვეცი რუსული.

— ჰოდა, ორი ენა გცოდნია, რომ ვიანგარიშოთ; რუსული ენის ცოდნა ქართველი კაცისთვის იგივეა, რაც — ფრანგისათვის ინგლისურის ცოდნა, ან ინგლისელისათვის — გერმანული...

— უცხო ენაც რომ ვიცოდი, ამაზე არც მიფიქრია.

— კი. ასეა, მაგრამ, შენ მგონი, სამი ენა იცი და არა ორი.

— როგორ?

— მეგრული ხომ იცი?

— თუ ვიცი, მეგრული ვიცი, ცხადია. მაგრამ მეგრულის ცოდნა რა არის, ვითომ?

— ვინც იცის, იმისთვის თითქმის არაფერია, მაგრამ ვინც არ იცის, იმისთვის მთელი საყუ-

როა. მარტო კვირის დღეები რომ ჩამოთვალა მეგრულად და მათი შინაარსი გაიგო, შემდეგ წელიწადი დაჯიკირდება...

— „თუთა, თახა, ჯუმა, ცა, ობი, საბატონი, ეს“.

— ჯავახიშვილიან სწერია ეს ლექსი.

— კი მაგრამ, საიდან იცი, რომ ეს ლექსია და არა უბრალო ჩამოთვლა სადაგი დღეებისა.

— რითმა აქვს ბოლოში და იქიდან ვხვდები. მაგრამ, ამას რომ თავი გავანებოთ, როგორი ნოსასმენია: თუთაშხა, თახაშხა, ჯუმაშხა, ცაშხა, ობიშხა, საბატონი, ესაშხა. ესე იგი, მთვარის დღე, თარხონის დღე, ჯუმის დღე, ცის დღე, ოზის დღე, საბატონო და მზის დღე. ყოველ დღეს თავისი ვარსკვლავი და ბეჭედი აზის, — თუთაშხა დღე ბედნიერი დღეა, ამ დღეს არ შეიძლება შინიდან გასვლა, მაგრამ საქმის წამოწყება, კარგის მომპანა. თახაშხა — ტირილის დღეა, აგრეთვე — ლხინისა. ჯუმაშხა სადაგი დღეა. მუშა დღეა. ცაშხა — ცის დღეა, ტირილისა და ლხინის დღეა, ობიშხა ჯუმაშხას მსგავსია და ნათესავი. საბატონი და ესაშხა ისევე ტირილისა და ლხინის დღეებია. ესაშხა, აგრეთვე, უქმეა. კვირა დღეს არ მუშაობდნენ ჩვენი წინაპრები. ისევებდნენ. მეგრული ენით, ოდესმე, ალწათ, სასწაულ ტექსტებს ანთიკითხავენ. ახლა ნობელის პრემიას ანიჭებენ ერთი ბევრი ფირფიტის გამოფრვებისათვის. ჩვენ კი ეს დიდებული ენა გვაქვს და უნდა შევიწინაოთ, ასევე, უნდა შევიწინაოთ სენური. აგერ, ჩვენი მურთაზ ჩახავა ავიღოთ, — მშვენიერ ლექსებს წერს, თურმე, მეგრულად. როგორი კარგი საბავშვო მოთხრობები აქვს; მერედა, უშლის მეგრულის ცოდნა? პირიქით, ეხმარება. ეთერ თათარაიძემ თუშურ კილოზე დაწერა ლექსები. მკითხველმა ვერ გაიგო მისი ლექსები, მაგრამ მიიღო. ხალხთმ გაქვიდილი დარბაზი უსმენდა თათარაიძეს. „დღე, მომიკითხი...“, ეს „დღე“ ჩვენი ენის პირველი საძრისია, როგორც „ნა“ და როგორც კიდევ სხვა მრავალი რამ.

— იოანე ზოსიმეს ლექსზე რომ კამათობენ ჩვენი ლიტერატორები, თუ კითხულობ?

— საკამათო მანდ არაფერია. ლექსში ხომ ნათლად ვეჩიარა, რისი თქმაც უნდა ავტორის. „ღვინია ვადიჩეხა“ თუ წაიკითხე გახვთში. დაახლოებით, ასეა ჩვენი ამბავი. ზოსიმე რასაც ამბობს, ისე უნდა გავიგოთ, აკაკი ბაქრაძემ სწორად წაიკითხა ტექსტი. მთელი ლექსი ქრისტესთანა დაკავშირებულ, საქართველოს ნოქცევასთან, გაქრისტიანებასთან; დღიდან მოქცევისათ, ამბობს ზოსიმე, კაცი რომ მოინათლა, ენაც მოინათლა და გაქრისტიანდა. ქრისტეს რჯულზე შედგა, და რაკილა მოქცეა, აწ და მარადის, ამ ენაზე უნდა იწარმოოს წირვა-ლოცვა, საქართველო ქართველი მწერლისთვის ქვეყანა და მსოფლიო. და რაკილა, საქართველოში, ქრისტეს ენაზე იქნება წირვა-ლოცვა, ეს იმასაც ნიშნავს, რომ მთელს მსოფლიოშიც

ასე იქნება. „ღვინია გადაიჩეხა“ საოცრად მო-
წინააღმდეგე. დიდებული მწერალია ოთარ ჩხეიძე.
მას კიბაძლი მიმბაძველებიც გაუჩნდა. მიმბაძ-
ველებზე კი რა გითხრა, — სულერთია, ქარ-
თველ მწერალს ბაძავს თუ უცხოელს: „სა-
ქართველოში დღეს ყველა მგოსანს, შარავან-
დელს ჰყენს შენი გავლება...“ ეს რაც პოეტებს
შეეხება, მაგრამ, შარავანდელი ეფინება თუ
არა, ეს კიდევ, ამ ყვირის პოეტების საკითხავია.

— ისეთი მწერლებიც ხომ გვყავან, საკუ-
თარი ხმა რომ გააჩნიათ, მაგრამ, ახალს არა-
ფერს გვეუბნებიან.

— ფორმა და შინაარსის ურთიერთობაა
მთავარი. აგერ, ეს დოქი, ერთმა მეგობარმა
მიჩუქა. ღვინო მოგიტანეო, მითხრა, ღვინო
დაილია, დოქი კი შეგვრჩა. ნახე, როგორი
დოქია.

— მართლა ლამაზია.

— დოქი — ფორმაა. ღვინო — შინაარსი.
რომელი სჯობს? ფორმა თუ შინაარსი? დოქი
თუ ღვინო? ორივე ერთად რომ არის, ეგ არის
კარგი. ან დოქში კახური იდგა. ახლა, აგერ,
იზაბელა ჩავასხი. რუსთაველსა და ვეჯას ერთ-
ნაირი ფორმის ლექსი აქვთ. ესეც არ უნდა
დავივიწყოთ, რომ დღეს, ჩვენში, ბევრი ლექ-
სი იწერება ლექსისათვის, ფორმისათვის, მსო-
ფლმხედველობისათვის კი უნდა დაიწეროს.
ამასწინათ, აი, ვერლიბრზე რა ვიფიქრე:
არ შეიძლება ვერლიბრი დიდხანს ვა-
ყვეს ჩვენს პოეზიას. ვერლიბრით ხომ
საბავშვო ნაწარმოები ვერ შეიქმნება,
ესე იგი, არაა ვერლიბრი საჩვენო პოე-
ზიის ფორმა. კონსტანტინე გამსახურდიას შე-
გონება რომ გაიხსენოთ, — რუსთაველს რომ
ეთარგმნა ჰომეროსი, თავისი ლექსის ზომით
თარგმნიდა, ალბათ. გააქართულებდა. გერონტი
ჭიქოძის „ტრიტინი და იზოლდა“ თითქოს, იმ-
თავითვე, ქართულად შეითხზა. ქართველები
ვართ და ქართველები უნდა ვიყოთ. ჩვენ ჩვე-
ნი საკუთარი ეროვნული ფერი და გემოვნება
გვაქვს. ჩენის აზრით, როცა ეს დედამიწა გაჩნ-
და, და როცა ამ დედამიწაზე ადამიანები გაჩნ-
დნენ, ყველას თავისი განსაკუთრებული ფე-
როვნება დაჰყვა. გაჩნდა შავკანიანი თეთრკ-
ნიანი, ყვითელკანიანი რასები. დრო გადის, მა-
გრამ, ეს რასები ერთმანეთში არ ითქვიფებიან.
ორი ზანგი ერთ თეთრკანიანს ვერ შობს. აქ
დიდიძალი ამაგი მიუძღვის ადგილმდებარეობასა
და ლანდშაფტს. ჩვენ, ქართველები, პონტოს-
პირეულის ვართ, — კავკასიის მთების შვილო-
ბი. ქართველი ყველგან ქართველია და სხვა
ეროვნების ადამიანში არ აერევა. ასევე, განს-
ხვადდება სხვათაგან ჩვენი ენა და ჩვენი ადამ-
წესები. წერონ ყმაწვილებმა უცხოური ლექსის
გავლენით. ეს საშიში არაა. იმიტომ, რომ ქარ-
თული ვერ იგუვენს იმათ ნახელავს, ვერ გაი-
თავისებენ და, ამიტონაც, არაა საშიში. ახალი
რასა არ ჩნდება დედამიწაზე, როგორც ადრე

ვთქვით, და ამა, თუ იმ ერის ცხოვრებაში ახა-
ლი ფორმისა და პოეტის შეტანა წარმოუდგ-
გენელია. ხოლო იგი, ვინც ეცდება, ჩვენში შე-
მოიტანოს თავისი ენა და ადამ-წესები, ამით
მხოლოდ საკუთარ თავს დაიწინებს, და საბო-
ლოოდ, სავალალო გაუხდება თავისი საქციე-
ლი. სხვათა კულტურაში გაითქვიფება, განქარ-
დება, როგორც ეს, თავის დროზე, მონღოლ-
ნის უზარმაზარ დინასტიას დაემართა. და რაც
უფრო ვრცელი მასშტაბისა იქნება ამგვარი
დამპყრობლური ხასიათის ომი, მით უარესი
იქნება ომის განჩაღებლისათვის. ასე ყოფილა
და ასე იქნება. ეს ეხება ენასაც, ადამ-წესებ-
საც და ადგილ-მამულსაც.

დიდხანია ვისხედით სუფრასთან, ჭერ ოჯახის
პატარა წვერი ადგა, მერე ოჯახის უხუცესი
ქალბატონი, მერე — დიასახლისი და მე და
ჩემი მასპინძელი შევჩრით ერთმანეთს.

— ახლა კი შეიძლება, — თქვა ლემბაძემ
და ნაჩქარევად გადაკრა ჭიქა ღვინო. და, ვი-
თომც არაფერი, გაკრიკლებული ჭიქა ჩამოგდა
მაგიდაზე. მერე მასპინძელმა კიდევ გამოცალა
ორი ჭიქა ღვინო, ნაგრამ ის პირველი ჭიქა
მიანიც სხვა იყო.

როგორ გამოჩნდა და როგორ დადგა ჩემს
წინ ქართული კაცი, მთელი მისი სიგარტე-სი-
განით, ქართული სუფრისადმი, ქართული ღვი-
ნისადმი მისეული დამოკიდებულებით, — წა-
მალი უნდა დაეღია იმ ღვინის მერე, მაგრამ
ამაზე არც უფიქრია, არც გახსენებია, რამდენ-
ნი წუთით დაივიწყა წამლის გენო და ფერი,
რადგან იმ ღვინის გემო და სურნელი ასი თა-
ვით ეკარბებოდა წამლის ძალასა და ღონეს.
ისეთი რამე დაინახე იმ ჭიქა ღვინის გამოც-
ლისას, რასაც ახლა ვერ ვამბობ, იმდენად გა-
საგები, ბუნებრივი და ქართული იყო ჩემთვის
ის მომენტი, რომ ყოველგვარი აღწერა და სა-
უბარი, არა თუ ჰმატებს ამ ამბავს რამეს, არა-
ნედ აკნინებს, ციდან მიწაზე ჩამოჰყავს და სა-
ყოველთაოს ხდის იმას, რაც მაშინ, მარტო
ჩემთვის გაეფიქრე და შევიგარდენი.

ამ ამბის მოყოლა, ამჯერად, მე მოკლულ
ფრინველს მაგონებს, ფრთებს რომ ტალახში
მითრევს და სულ რაღაც, ერთი წუთის წინ
კი, ცაში ნავარდობდა.

მერე ჩვენ, ყველანი, ლემბაძის სამუშაო კა-
ნინეტში შევედით. რაღაცა უნდა განახოთო,
დაგვიპირდა, მაგრამ გადავიწყვდა. ზის ფუნჯო-
რთბული დაბალ საგარტელში, დაფანჩულ წარ-
ბებს ქვემოდან გვიყურებს და საუბრობს. ნელ-
ნელა, სცნენ-სცნებობი, ხელებს გაშლის ხოლ-
მე, განზე გასწევს, ხან ერთმანეთს დააულობს,
ხანაც ხელენით მუხლებს დაეყრდნობა, მაგრამ
ტანი არ შეერხებვა. სიტყვას ამბობს და შეს-
ტიკულატიცი ეხმარება გამოთქმულ აზრს, სა-
ჩინოებასა და ხიბლს ჰმატებს, იციანის, გაცი-
ნებს, თან ჩვენ კი არ გვესაუბრება თითქოს,
ხმადაბლა, საკუთარ თავს ესაუბრება.

— რუსეთი დაბლობია, აგერ, ნანულის ზღვისფერი თვალები აქვს, მეგრელია და იმიტომ. მთიანი სამეგრელოდან ზღვა ჩანს, მარტვილში იქნება ნამყოფი. რუსეთი ვრცელია და ტოლსტოი ასი ტომის ავტორია.

— ღუმბაძის ენა, მისი სათქმელი და სალაპარაკო ათასგვარ ნიუანსს მოიცავს. სულ მცირე დეტალიდან უცებ გადავა მასშტაბურ სახეებზე.

— ბეოლას ვსხებდი, ამნობს ღუმბაძე, — ნაჯახი ჭოვიჭინე და ამოცდა.

— ზომ არ დამარცხდი?

— არა. მოქნილი ნაჯახით კანი ავცალე ბეოლას, გამოჩნდა ხის თეთრი ტანი. და მე უეცრად გული წაჩვიდა. რატომღაც პური მომაგონდა და წავიჭეცი. მერე ღედა მომაგონდა, მერე მამა, მერე — ყველა ჩვენიანი, მთელი ჩემი ცხოვრება დამიდგა თვალწინ, და ცუდად შევიქენი.

— ახლა ესა თქვი, შენ, კაცი რომ ექიმთან მივა, ექიმი პაციენტს რომ შეეკითხება, რა გტკივა, სად გტკივაო, თუ დაუმალე და არ უთხარო, რა გტკივა, როგორ უნდა გიწანლოს? მაგრამ, ექიმმა, რომც მიავნოს შენს სატკი-

ვარს, საქმე მაინც მერე უნდა დაიწყოს, მერე ზღბა საქმე თავსატეხი. ჩვენ კი საკუთარ სატკივარსაც ვმალავთ ხანდახან და როგორ გვეწამლება ამას ვაშბობ, ამაზე ვწუხვარ.

პატარა ნოდარიკო მაგიდას მიუჯდა, წინ ნაირნაირი ფერის ფლომასტერები დაიყარა, ახალი სახატავი რვეული გაშალა, ფლომასტერი მომართა, დიდიხანი იფიქრა, რა ჩაცხატა თუ ჩაეწერა რვეულში და ვერ გადაეწყვიტა. მერე ბაზუსს მიუბრუნდა:

— ჩამიხატე რამე, ბაბუა, აგერ დამიწერე.

— მომეცი, ბაბუა, კალამი.

ღუმბაძემ ფლომასტერი გამოართვა და იმ პირველ გვერდზე, მარცხნიდან მარჯვნივ, რვეულის მთელ სიგრძეზე მსხვილი, მაღალი, დიდრონი ასო-ნიშნებით, გადაბმულად, როგორც ადრე, სკოლაში კვასწავლიდნენ,

სამპარტიველო

გამოიყვანა.

— ახლა შენ, ქართველი და ქართული მიაწერე ამ სიტყვას, ბაბუა და, შენი საშუაეც ის იქნება.

ბაბუამ რომ სამება მოიხსენია, პატარა ნოდარიკომ ფლომასტერი გამოართვა და ჩაფიქრდა...





იოსებ ნონეშვილის ლირიკა

იოსებ ნონეშვილი სამწერლო ასპარეზზე 30-იანი წლების ბოლოს გამოვიდა. ქართულ ლიტერატურაში მისმა შემოსვლამ თან მოიტანა სიკეთის, სილამაზის, მეგობრობისა და სიყვარულის თემების თავისებური გახმოვანება. მარხალია, ქართული პოეზია საერთოდ მშვენიერების, სიკეთის, ადამიანის ამაღლებული სულისა და მიჯნურობის საგალობელია, მაგრამ ამ იდეებს ყველა შემოქმედი თავისებურად წარმოსახავს.

ი. ნონეშვილის სტრიქონები გამოთარია ადამიანისადმი სიყვარულით, გარდასული თუ თანამედროვე ეპოქის გამირებისადმი თავყანისცემის გრძნობით.

პოეტი ფაქიზად ძერწავს თანადროული საქართველოს მხატვრულ სურათებს, გატაცებით უმღერის ეპოქის ახალ გმირს. მაგრამ არც საქართველოს წარსულის მიმართ არის გულგრილი.

ი. ნონეშვილის პოეტური თვალთახედვა საქართველოს ისტორიის ღრმა ლაბირინთებში იჭრება და ჩვენს წინ ცოცხლდება პომპეუსის ხილის, არმაზისა და მოდიანახეს ციხეების, დიდგორისა და იუალთოს ქადოსნურ-მხატვრული სახეები.

საუკუნეთა სქელ მტვერშია ჩაძირული პომპეუსის ხილთან დაკავშირებული ისტორია. ჩვენს წელთაღრიცხვამდე მან წლის გაჯაფხულზე ბრძოლაში დახელოვნებული რომაელი ჯარისკაცები შემოჭრილან იბერთა მიწა-წყალზე:

შეაბარბაცეს დედაიწა მკაცრი ბრძოლებით,
შუბების შუქი ანათებდა ქართლის

ტრამალებს.

(პომპეუსის ხილი).

ძღვეამოსილ რომაელთა ლაშქარს სახელმძღვანელო პომპეუსი სარდლობდა. მეფე არტაგმა ვერ შეძლო რომაელთა ლეგიონების დამარცხება, სწორედ ამ პერიოდთან არის დაკავშირებული მითი პომპეუსის ხილის შესახებ და ი. ნონეშვილის ლექსიც ამ ქარიშხლიან დღეებს ეხმაურება.

ბრძოლების მრავალი საიდუმლო ჩაუქრავს დროს მსახვრალ ხელს არმაზის ციხესთან. თვით პომპეუსსაც უბრძოლია აქ და დაუფლებია კიდევ ციხეს. საუკუნეთა განმავლობაში იდგა ეს ამჟამი და დიდი სტრატეგიული მნი-

შენლობის ციხე-სიმაგრე, მაგრამ ქვეყნად სხვა რა არის უკედავი და მარადიული, ათასბრძოლაგამოვლილი სარმაზის ციხე დარჩენილყო დაუღეწავი. პოეტს სევდას გვრის არმაზის ნანგრევთა სასომხილიო ფერები. შემორჩენილი ნანგრევებიც კი ცხადზე უცხადესად მტკველებენ არმაზის გარდასულ ძლიერებას.

რას გუფუნებდნენ ნეტავ ზარები,
ასეთი სევდით და მწუხარებით?
იქნებ გლოვობდნენ იმ ნეტარ დღეთა,
როცა დიდებით ბრწყინავდა მცხეთა.

(მცხეთობა).

პოეტი ლექსებში „იუალთო“, „ვახტანგ VI“, „დიდგორით დიდი გული აქვს ქართველს“ და სხვა მეტად წრფელი, ლირიკული განცდებით გვიხატავს წინაპართა დამსახურებას ქართული ეროვნული ღირსების დამკვიდრებისა და განმტკიცების საქმეში.

პოეტი სათანადო მხატვრული ფორმით, მეტად ღრმად და შინაარსიანად წარმოგვიხატავს დიდგორის ბრძოლის გმირულ ეპოპეას. გარსმოჭარული უსჭლოება წალკვას ემუქქრებოდა ყოველივეს, რასაც ქრისტიანული, ქართველური, ლამაზი და ამაღლებული ერქვა. კარსმომდგარი საშინელების გააზრებამ გააათეცვა თითოეული ქართველი, ერისა და ენის დაკარგვის საშიშროებამ მათ უჩვეულო ძალა შთაბერა.

რამეთუ დედა საშობლოს დაცვა,
რამეთუ დაცვა
მშობელი ერის,
რამეთუ დაცვა
რჭულის და ენის
ერთს აქევეს ასად.

ი. ნონეშვილის ეს ლექსი საინტერესოა დიდგორის ისტორიული ბრძოლის მხატვრული გააზრებით, მასში კარგად ჩანს პოეტის დახვეწილი გემოვნება. საყურადღებოა პოეტური სტილი, რომელიც შეესადაგება დიდგორის ისტორიულ ფონს. წინადადების არქაული სინტაქსური წყობა და მდიდარი არქაული ლექსიკოლოგია კლორიტულად წარმოსახავს მეორეხარისხილ საუკუნის ბრძოლათა ისტორიას და მკითხველში გარკვეულ განწყობილებას ქმნის.

ლექსში „დაბრუნებული არწივი“ ერეკლე მეორის ნათელი სახეა გაცოცხლებული. სა-

ხელოვანი მეფისა და სარდლის ერეკლე მეორის საფიქრალი დღისითაც და ღამითაც საქართველო და მისი მომავალი იყო, მხოლოდ და მხოლოდ ერთმორწმუნე რუსეთთან დამეგობრებით თუ მიიღებს იგი შევას:

სევდას მოეჩრდილა გმირის წაწამები, ბევრგან შეჩერდა და ბეჭერი ისაკლისა, ბედი სომხობლისი მარად ნაწამები, ასე გააწყვიტა გულმან ირაკლისამ.

ეს სტროფი ბარათაშვილის სტრიქონების ასოციაციას იწვევს: „ღიღი ხანა გოღს ირაკლისა, გადუწყვიტია ბედი ქართველსა...“ და არა მარტო ამ სტროფში, მთელს ლექსში იგრძნობა ბარათაშვილის პოემის „ბედი ქართველსა“-ს რემინსცენცია, მაგრამ, რა თქმა უნდა, ბარათაშვილის იდეების, მთელი ქართული სალიტერატურო ტრადიციებისა და ეროვნული მწერლობისადმი ერთგულდებამ განსაზღვრა და ჩამოაყალიბა ი. ნონეშვილის პოეტური ხმა. „ღაბრუნებული არწივი“ საყურადღებო ნაწარმოებად რჩება პოეტის შემოქმედებაში, როგორც ისტორიული მოვლენისადმი პოეტის დამოკიდებულების, ისე მისი მხატვრული გადაწყვეტის თვალსაზრისითა.

საინტერესოა ი. ნონეშვილის სონეტი „შაბაბასი“. საქართველოს დაუძინებელი მტერი მრისხანე შაბაბასი, პოეტიც იყო. უძლეველი მეფისა და პოეტის შაბაბასის პიროვნებას მისი კაცობაშეღობის გამო გმობს ი. ნონეშვილი. მრისხანე შაბაბასი ღრმა ცოდნა და პოეტური ნიჭით სჭონდა, მაგრამ ის აღამიანი, ვინც კაცთმძულვარების სენით არის დაავადებული, საზოგადოების მტერია, თუ ბოროტთა და ქვეგამხედვართ ძალაუფლებაც ხელთ უყურით, უდიდესი ტანჯვა და ვება მოაქვს, გინდ საკუთარი, გინდ სხვა ერებისთვისაც. შაბაბასი კი ტირანი მეფე და პოეტი იყო, რომელიც თავის სურვილთა დასაკმაყოფილებლად მილიონების ტანჯვასა და ცრემლს არად აგდებდა და მრავალთა სიცოცხლედ შეუწირავს მის ავკაცობას.

თავი შაბაბასის ლექსიდან მოაქვს ი. ნონეშვილის პიგრაფი „დაასხი ღვინო, მალე ქვეყნად აღარ იქნება აღარც ეგ ღვინო, აღარც მსმელი, ჭეი, მერიქიფევი!“ ამ სტრიქონებიდან ჩანს, რომ წარმავლობის შიში დიდად აწუხებდა სისხლის მსმელ მეფეს.

ლექსების ციკლში „ელადის ყვავილები“ განსაკუთრებული ხიძლიერით გამოირჩევა ლექსი „მედია“.

სიყვარულის სამხვეგრამოზე დაფერფლილი მედეას სიცოცხლე მოკვდავთაგან შენდობასა და პატიებას იმსახურებს რამეთუ „სიყვარულია თავად ღმერთი ამ ქვეყანაზე... და ეს ასეა, ვისაც ოდნემე სიყვარული გამოუცდია, მას უფენია თავად სიკვდილი“.

ლექსის შესავალი ნაწილიდანვე პოეტი მედეას დიდი ტრაგედიის შესაცნობად გვაშა-

დებს. უცხოეთში ქართულად მოტირალი ხმა სულს უძრავს მკითხველს.

აქ ქალქ არგოში, კორინთს მახლობლად ძველი ბურჭები რომ ჩანან, უეცრად მომესმა გოდება კოლხური ვაი, ნანაია, ნანა...

პოეტს ესმის სხვათა მიწა-წყალზე ჯარცხული და ტანჯული ქართველი ქალის გოდება ელენთა ქვეყანაში. მედეას სახელი ტანჯვამწუხარების სიმბოლოა და არ შეიძლება უცხოელის მიერ სარეცელმეგინებული ქალის ტკივილი სულში არ შემოგეტრას.

ი. ნონეშვილის პოეტური სულისთქმა ყოველთვის სათნო და დამთმობია, მაგრამ მედეას თანამგრძნობელი თითქმის ღვათებრივ განსჯას უახლოვდება. პოეტური სიტყვით მიღებული შთაბეჭდილებას აძლიერებს ლექსის მხატვრული არქიტექტონიკა. ლექსის სათქმელთან შესადაგებელი რიტმი კიდევ უფრო ნათელსა და ცხოველმყოფელს ხდის მის აზრს.

ი. ნონეშვილის პოეტური ხედვა თითქმის ყოველთვის სათნო და ამალღებულა, მაგრამ მისი პოეტური ხმა განსაკუთრებულ სრულყოფას განიცდის, როდესაც იგი სატრფიალო მოტივს ასახავს. ქართულმა სატრფიალო ლირიკამ განვითარების მრავალსაუკუნოვანი, ფრიად მნიშვნელოვანი გზები განვლო. ქართულ საბჭოთა ლიტერატურაშიც იგი ერთ-ერთი ძირითადი მოტივადგანია. ახალი მხატვრული სამოსელით, მრავალფეროვანი თემატური ვარიაციებით, სატრფიალო ლირიკა თავისებურ ასახვას პოულობს იოსებ ნონეშვილის შემოქმედებაში. სატრფიალო ლექსებმა კიდევ უფრო დაუახლოვა პოეტი მკითხველს ქართველმა ხალხმა შეიტკბო და შეისიხლბოროცა ი. ნონეშვილის ღრმა განცდილები მდიდარი და მხატვრულად სრულფასოვანი სატრფიალო ლექსები. პოეტისათვის სიყვარული ქალისა და მამაკაცის ვნებიან ურთიერთობაზე არ დაიყვანება. ი. ნონეშვილი არ ჰგავს იმ პოეტებს, რომლებიც პრიმიტიულად გამოხატავენ სიყვარულს ამ ვის შესახებ ლაპარაკობენ სტანდარტული ფორმებით“ (შ. რაღანი). სატრფოს სახეში პოეტი ხედავს არა მხოლოდ ქალს, არამედ მთელ სამყაროს. პოეტის წარმოსახვაში იგი შენივთებულია სამშობლოს, ხელოვნების, ბუნებისა და საერთოდ აღმანიის სიყვარულთან. ამ მხარე ძალზე საინტერესოა „უხანხელი ყვავილი“.

პოეტს სიამეს ჰვერის საქართველოს ბუნება. იგი ლოცავს საქართველოს კურთხეულ მთა-ველს. ათასფერ ყვავილებს შორის პოეტს განსაკუთრებით მოსწონს ერთი პატარა, მანათობელი ყვავილი, სატრფოს მოგონებას რომ აღძრავს მასში და ვანა მარტო სატრფოს? ქართული ჩუქურთმის, ქართული ხელოვნების სუნთქვააა გაცოცხლებული საქართველოს



მთაველზე მოციაგე ყვავილებში. ბუნება, ხე-
ლოვნება და ადამიანი პოეტის წარმოსახვაში
ერთმანეთთანაა შერწყმული და სწორედ ამ
მთლიანობის უზადო და ამაღლებული სიყვარ-
ული წამოაფრენს პოეტის სულიდან ლამაზ
სტრიქონებს: „მხოლოდ ერთი პაწაწინა, ოქ-
როსფერი ყვავილი, ვით ჩუქურთმა, ოპიზა-
რის ხელით გამოყვანილი, სულ შენ გვჯანდა,
ნაირფერი, ველად ჰფენდა სინათლეს, მოვი-
ნდოემ მისი ცნობა და სახეტილი ვინატრე“.

პოეტს სწამს, რომ სიყვარულია პოეზიის
სათავე, გაფრთხილება უნდა ამ ძვირფას
გრძნობას, გაფრთხილება და თაყვანისცემა მო-
კვდავთაგან, რადგან არ არის ბუნებაში ძალა,
მასზე სრულყოფილად და ჭეშმარიტად შე-
გაცნობინოს სიცოცხლისა და ბედნიერების
სიტუბოება. სწორედ გრძნობის გაფრთხილება-
სა და სიყვარულისადმი ერთგულებას სთხოვს
სატრფოს ნონეშვილის ლექსი „მთავარიან და-
მეს“.

ლექსი ივა-არაყული ხასიათისაა, იგი იგავის
ყოველგვარ მოთხოვნას აკმაყოფილებს. პოე-
ტის მიერ მხატვრულად ამეტყველებულ მე-
ტად მკეთრ და საინტერესო ამბავს უშუალოდ
ერწყმის დიდაქტიური ელემენტრ, მორალუ-
რი შეგონება, რაც ლექსის მთლიან ქარგას
ავსებს და შთამბეჭდავს ხდის. იგი ლირიკო-
ეპიკური ხასიათისაა.

ლექსი მნიშვნელოვანია არა მარტო აზრის
აღფაროიული განსხვავებით, არამედ, რაც მთა-
ვარია, პოეტური აზროვნების სიღრმითაც. შე-
იძლება ითქვას, რომ ნონეშვილის ეს ლექსი
ერთ-ერთი შესანიშნავთაგანია, მისი სტრიქო-
ნები ლაღად, ძალდაუტანებლად, მელოდიასა-
ვით მოედინება სწორედ ამიტომაც იქცა სიმ-
ღერად.

საერთოდ, ი. ნონეშვილის აღფაროიით, იგა-
ვით თუ სხვა გადატანითი მნიშვნელობით ამო-
თქმულ სიტყვას ყოველთვის სითბო, შეგონე-
ბა და ადამიანისადმი დახმარების სურვილი
ახლავს, მისი კალმისათვის დამახასიათებელი
არ არის სატირულად, მომაკვინებელ და ცინი-
ვად ამოთქმული სტრიქონები. თვითონ ზარ-
მონიული განწყობის პოეტ-პაროფენებს ძალა
შესწევს შეგონებით, თბილი დარღებით, შენ-
დობითა და პატიებით გამოასწოროს სატრ-
ფოს და, საერთოდ, ადამიანის ხასიათი, გა-
წამტიციოს მისი ნებისყოფა. დიდაქტიკური,
ელტერი დაქარავს ნონეშვილის ლექსს „საუ-
ბარი ნაძებთან“.

ამ ლექსში სატრფილო განწყობილება მე-
ტად თავისებურად, სწორედ პოეტურად ამაღ-
ლებული თვალთა და გულით არის აღქმული
და გადმოცემული.

რადგორც ვთქვით, პოეტის გულთამხილავი
თვალი ადამიანის სულის სიღრმეში იჭრება,
მეტად ნათლად და მკაფიოდ წარმოგვიხსავს

იმ „მრუმე ლაბირინთებში“ დანახულ რეალუ-
ბას, მაგრამ პოეტმა ისიც კარგად იცის, რომ
სიყვარულის ცხოველყოფილი ძალა მძლე-
თამძლე და უსამართა, თუ ის ადამიანის სულ-
სა და გულს შემოგვსო, მერე მასში რეალუ-
რად განჭვრეტის უნარი ქვეითდება. სატრფოს
ნაყო და მშვენება ხასწორის ცალ-ცალკე
პინაზე არ აიწონება. ასეთია ბუნება ნამდვი-
ლი სიყვარულისა და სწორედ ამიტომაც წრფე-
ლი და ხალასი პოეტის სტრიქონები:

რას გიყვარებ?

სურთ ამ თვლებს უმეცართ,
შეგამჩნიონ ნაყოცა და მშვენებაც,
თორემ, თუკი
შემიყვარდი უეცრად,
ყველაფერი კარგად მომიჩვენება!

და მერე... პოეტი ჭვრეტს არაჩვეულებრივ
სილამაზეს, სიყვარულის სხივით მაღლცხე-
ბულს, ამაღლებულს და გასეტყებულს. პო-
ეტის მიერ ნაქანდაკე გმირებში კარგად იგრ-
ძნობა ქართული, ეროვნული კოლორიტი, ეს
კიდევ უფრო მეტად ცხოველყოფილსა და
ღრმავაროვანს ხდის ი. ნონეშვილის სატრფო-
ლო ლირიკას:

შუბლზე წარბთა წყვილი,
ცისარტყელა ბრწყინავს,
ნაწნაგებიც მხრებზე
ირხვიან წყვილად,
გიშრის წყვილი თვალი
მარჯნის ჰაგე წყვილი,
წყვილად,
წყვილად,
წყვილად
ჩაწყობილი კბილი.

(მაგრამ გაგიბედაე).

პოეტის მიერ შექმნილი მხატვრული სახე
სრულყოფილი და უზადოა, მისი გმირები
მზის, მთვარის, ვარსკვლავთა და, საერთოდ,
ცოურთა თანფარდნი არიან, მაგრამ მკითხ-
ველის შეგრძნებაში რეალურ, სრულქმნილ
სახეს დებულობენ. ლირიკულ გმირებში ვხე-
დავთ ჩვეულებრივ ქართველ ქალებს, მცინი-
ერს, პოეტს, მოწინავე მუშას, კომლერტენს
და სხვ. რომელთა სახეებს მართლაც სჭირდე-
ბა პოეტური სულით გამოქმენწვა და სრულ-
ქმნა.

მხატვრული შედარებების, ეპითეტების, ზო-
გჯერ ჰაიერბოლების მეტად მოხდენილი, შე-
წავებული გამოყენებით პოეტი ადვილად და-
სამახსოვრებელ და ამაღლებულ სახეებს
ქმნის. პოეტის მრავალთაგან მრავალ ლექსში
გაცოცხლებულია იდეალად ქცეული ქალის
სახე. ყველა მთავანში მხატვრული ხერხების
ბარმონიული შეწავებით, რეალური და მშვე-
ნიერი პორტრეტები იქმნება. მაგრამ არის ი.
ნონეშვილის შემოქმედებაში ერთი მეტად სა-
ინტერესო და შთამბეჭდავი ლექსი, რომელ-



შიც, შეიძლება ითქვას, ქალის, სატრფოს ხატის იქმნება და იხატება არა პირდაპირი გზით, სხვადასხვა პოეტური სამკაულებისა და რეალური სურათის მინიშნებით, არამედ ზოგადი წარმოსახვით. ცხოვრებისეულ შემოქმედებით და სხვა სფეროთა ცენტრში მოქცეული ლირიკული გმირის პორტრეტი ჩვენს წინაშე არ ცოცხლდება პოეტის კალმის პირდაპირი მოსმით. პოეტი ლირიკულ გმირს მიმართავს — შენ საქართველოს დედოფლობა დაგშვენდება და მკითხველიც უკვე თავადვე წარმოადგენს მის სახეს. შემოქმედს სურს, რომ უფრო მეტად სრულყოს ქართველი ქალის სილამაზე, მისი ამაღლებული ზნეობა, მისი სათუთი და წმინდა სული. ი. ნონევილის სატრფიალო ლექსები უმღერის ქართველი ქალის მშვენიერებას, გონიერებას, კდემამოსილებას. მრავალი მათგანი ხალხური ლექსით ეღერს, მაგრამ პოეტის მგრძნობიარე სულის სიმთა უღერა მათ მეტად შთამბეჭდავს ხდის. ნონევილის ამ ლექსზე ქართულ კრიტიკაში მრავალი განხილვები, შეუფერებელი აზრი გამოითქვა, მაგრამ თვით ის წერილები გამოდგა მედროვთა თვლით დანახული მცდარი შეხედულებანი, ხოლო ნონევილის ლექსმა გაუძლო დროის ქარცეცხლს, კრიტიკას და დღეს ქართულ პოეზიაში მას საიმედო და მკვიდრი ადგილი აქვს მოპოვებული.

თანდათანობით, მისხალ-მისხალ იკრიბება სატრფიალო ლირიკის მარგალიტები ი. ნონევილის შემოქმედებაში, იზრდება და იტვიფრება ახალგაზრდა პოეტის წმინდა და ხალხის გრძნობა; მისი პოეტური და წარმტაცი სიყვარული ლექსში კეთილმოვანებას იძენს. სიყვარულია ნათელი ლამპარი მთელი სიცოცხლისა, რომელიც საოცარი შუქით, აჩირადღენს ადამიანის სულს. ამასთან, პოეტი მიგვანიშნებს, რომ ეს საოცარი და შეუცნობელი გრძნობა ჩვენს ნება-სურვილს იწვიათად ემოჩნდება, განცების ხედვას უმნიშვნელოდაც არ აუყრადებს, ეს ფრთამსუბუქი და უნაწეის სტუმარი შენს მიპატიუებას არახლდეს ელოდება, უეცრად გესხმის თავს და ზოგჯერ, თუნდაც ეცადო მის მიზიდვას, შეიძლება ხელიდანაც გაიხსლტებს.

ი. ნონევილის სატრფიალო ლირიკა ამ ამაღლებული გრძნობის წმინდა საგალობელია. მის ყოველ ლექსში სიყვარული და პოეტური აღმადგენა მარმონიულად არის შენივთებული. „ჩუქურთმისმჭრელის ეპიტაფია“ ზოგადად ხელოვნებისა და სიყვარულის მიმნია. მუსიკასავით მოედინება სტრიქონები პოეტის ლაღი სულიდან და მკითხველს შემოქმედებისა და ტრფიალობის ამაღლებულ გრძნობებს აწიარებს. ხელოვნების ყველა დარგი — ფერწერა იქნება ეს, ხუროთმოძღვრება თუ სკულპტურა, ხელოვანისაგან არაჩვეულებრივ ძალისხმევას

მოითხოვს, სწორედ ამიტომ არის ქაშუეთის ჩუქურთმისმჭრელის ყოველი ნერვი დაძაბული და ნტიციე. ქაშუეთის ჩუქურთმაში ხელოვანის მღელვარე და დაუოკებელი სულია განვითებული. ლოდებში გაცოცხლებული ბუნება, ლოდებში ახმანებული სიცოცხლე ჩუქურთმისმჭრელის სუნთქვასთან არის შერწყმული:

გვიმრის ფოთოლი თუ რტო ვახისა,
ძეღქვაზე ფრთხილად ასული სეია,
ისე დავაბტე ქვაზე ფაქიზად,
რომ ჩემს სუნთქვაზე იწყებდნენ შრიას.

ბედნიერია ხელოვანი, რომელმაც ასე დაიმორჩილა ქვა, ასეთი სითბოთი და სინაზით აავსო ლოდები, სწავლესები უჭურთებენ მარჯვენას ძმლეთამძლე შემოქმედს. ღმერთს უტოლდება ასეთი კაცი ადამიანის წარმოსახვაში და როგორც კაცთაგან, ისე ღვთისაგან კურთხეულია მარჯვენა მისი, მაგრამ თვით ცივი ლოდების დამმორჩილებელი სულიც კი მოკვდავთაგან შებრალდება და შენდობას ითხოვს გულთამხილავს წინაშე.

ჩუქურთმისმჭრელი ცოლად მიიჩნევს სატრფოს თვლების ამეტყველებას ღვთისმშობლის სახეზე, ცოლად მიიჩნევს სატრფოს დალაკავების მსგავსად ჩუქურთმის ამოტიფრებას, მაგრამ თვითონ მსაც ვერ გაუცნობიერებია ის ჭეშმარიტება, რომ სატრფოს დალაკავება, თვალბმა შთაბერეს უდიდესი ძალა, სატრფოს თვალთა ელვამ აუვსო სული ციცილით და სიყვარულის ცეცხლშემოგონებულმა ხელოვანმა ქვაში გადაიტანა სულის ეს არაჩვეულებრივი წვა და მღელვარება. ქაშუეთის ჩუქურთმაში, მის ფრესკებში თავად სიყვარულია გაცოცხლებული.

ი. ნონევილმა გაიგო ქაშუეთის ჩუქურთმისმჭრელის ენა, მართლაც, ადამიანის სმინისა და გრძნობის საწვდომად თარგმნა იგი. „ჩუქურთმისმჭრელის ეპიტაფია“, პოეტის გულისთროლმასაც ვაზიარებს და ვვაფიქრებენებს, რომ იგი ერთი სულისთქმითაა დაწერილი, არც ერთი კოკლი სტრიქონი, არც ერთი ზედმეტი ჩქამი, „ჩუქურთმისმჭრელის ეპიტაფია“ ქაშუეთის ჩუქურთმასავით ბუნებრივი და ლაღია.

ი. ნონევილის სატრფიალო ლირიკაზე დაკვირვებით შეიძლება დავასკვნათ, რომ ი. ნონევილმა ღრმად გაიზიარა ქართული სატრფიალო ლექსის ხმოვანება და ტრადიციული სატრფიალო ლირიკა ახალი და მნიშვნელოვანი ფერებით გაამდიდრა. ნონევილის კალმით გახმოვანებულმა ქართულმა სატრფიალო ლექსმა ფსიქოლოგიური სიღრმე, გრძნობათა შინაგანი წვდომის მხატვრული განსახება წარმოგვიდგინა.

ოსებ ნონევილმა მონახა და კიდევ დაიმკვიდრა კუთვნილი ადგილი ქართულ პოეზიაში. არათუ ხალხის გულისთქმასა და



გრძნობას აუურადებდა იგი, ხალხურ პოეზი-
ასთანაც ახლო იდგა და ხალხური ენის სურ-
ნელების მადლსაც ეწიარა. შეისისხლბორცა და
შეითვისა უოველივე ძვირფასი, რაც ქართულ
ხალხურ სიტყვიერებას გააჩნდა. სწორედ ამი-
ტომ არის ი. ნონეშვილის პოეზია ესოდენ
პოპულარული, მისაწვდომი და გასაგები. მი-
უხედავად ხალხის ესოდენ დიდი სიყვარული-
სა, მიუხედავად იმ დიდი აღიარებისა, რაც წი-
ლად ხვდა ი. ნონეშვილის პოეზიას. გარკვეუ-
ლი ექვი თუ მიღწეულით დაუკმაყოფილებ-
ლობის, საკუთარი თავისადმი მეტის მომთხო-
ვნელობის გრძნობა არასოდეს დაუპარგავს
პოეტს. ფრთხილი ექვი „ვაითუ“ — ზოგჯერ
მაინც გაითარეშებდა მის სულში:

ვაითუ კარგად ვერა ვაქვი,
რისი თქმაც კარგად მსურდა,
ჩემი გრემი და გელათი
ნუ გამიგებენ ცუდად.

(ვაითუ კარგად ვერა ვაქვი)

ამ ლექსით პოეტმა ერთხელ კიდევ გვაწია-
რა თავის სულიერ მადლს, ერთხელ კიდევ
დაგვანახვა, თუ რა დიდი ფასი აქვს შემოქმე-
დისათვის სამშობლოს, ხალხს, მათთან საერთო
ენის გამოწახვას. კარგად წერს ნ. დუმბაძე ამ
ლექსისა და ი. ნონეშვილის მთელი პოეზიის
შესაფასებლად: „ტუილად დეღავ და დარ-
დობ, ჩემო იოსებ, ყველაფერი კარგად თქვი
და ყველაფერი ძალიან კარგად გაგიგეს გრემმაც,
გელათმაც და შენმა ხალხმაც...“

ნონეშვილის ყველა ლექსში, ყველა
ქონში ადამიანის სახე, მისი ხასიათი და სიყ-
ვარული მუღავნდება. პოეტის ექვი და საკუ-
თარი თავისადმი მომთხოვნელობა არ არის
უაღბო, მისი ძიების გზა არ არის ფორმალის-
ტური. ეს არის ძიება ხალხთან, ადამიანებთან
მეტი სიახლოვისა, მათი გულისთქმის ზიარე-
ბისა და, თუ მოთხოვნა მეტისა და უკეთესი-
სა მაინც ჩნდება ი. ნონეშვილის სულსა და
პოეზიაში, ეს არის არა საკუთარის, არა პი-
რადულის, შემოქმედებითი სახელისა და სი-
მალის ძიება, არამედ ისევ და ისევ ადამი-
ანის სულთან პოეზიის შესისხლბორცება. „არი-
ან პოეტები, რომლებიც მუღმივად შფოთავენ,
ეძიებენ და იცვლიან სულის ნიღბებს, მათ
ემევემათ შექმნილი და კვლავ მეტისაკენ მი-
ისწრაფვიან. რაც გვაძლევს უსასრულო მეტა-
მორფოზებს, ახალ სტილურ მოსაქცევს, ი. ნო-
ნეშვილისათვის ამგვარი გახელება უცხოა. ის
დარჩა ერთგული იმ სტილისა, რომლითაც გა-
მუღავნდება მისი პიროვნება“. (სოსო სიგუა,
„ელადის ყვავილები“, ახ. კომუნისტი, 1978 წ.,
18 ნომბერი). ამ სტილით კი ტრადიციული
ქართული ლექსის გზა განავითარა პოეტმა, მე-
ტად თავისებურად, ლაღად, იმედიანად იმდე-
რა სამშობლოს სიყვარულის, მეგობრობის,
ძმობის, პოეტის დანიშნულების, სიცოცხლის
უკვდავების სიმღერა.



„ მ ა რ ი ნ ე “

გურამ რჩულიშვილისთვის შემოქმედებითი „ენერჯის საბადო“ ექსტრემალური, „არაორდინარული“ სიტუაციები იყო, როგორც პირად ცხოვრებაში, ისე ინტელექტუალურ მუშაობაში.

თუმცა, აქ, ზღვარის გავლება ძნელია, მწერალი ხშირად თვითონვე არის თავისი მოთხრობების შეუნიღბავი პროტოტიპი.

„არაორდინარულია“ „მარინეში“ მომხდარი ამბავიც. გურამ რჩულიშვილი წერს ტრაგედიას, პიესას, სადაც კაცი კლავს კაცს, მაგრამ „ცოდვის მოტივი“, ქრისტიანული ეთიკის რღვევა და მკვლელის „სულიერი პერიტივები“ არ აინტერესებს მას.

გურამ რჩულიშვილს აინტერესებს ანარქული. აინტერესებს ქალი, რომელიც უშუალოდ ენსრება მკვლელობის აქტს და შინაგანად თავისებურად რეაგირებს ამ აქტზე.

ფაბულა ერთი შეხედვით გაცვეთილი და ბანალურიც კი ჩანს. მარინეს მოუკლეს შეყვარებული — გიო. მაგრამ ეს არ არის ტრაგედიის არსი, ეს მხოლოდ სათავეა ტრაგედიისა, არსი კი სხვაგან ძევს.

გიო მოკლა კაცმა, რომელსაც უყვარდა მარინე.

მარინეს წინაშე ჩნდება ალტერნატივა: გასწიროს თუ შეინდოს მკვლელი ე. ი. მარინეს ხელთ არის ადამიანის ზვიდრი და ბედი, მსჭავრდებლის სიტუა და, რაც მთავარია, არჩევანის თავისუფლება.

აქ კი უკვე ერთი შეხედვით გაცვეთილი ფაბულა ჰქარავს ბანალობის თავდაპირველ შთაბეჭდილებას და ღრმა შინაგანს იძენს.

თუკი პირობითობის ენას მოვიშველებთ, შეიძლება ვთქვათ, რომ ორი დრამა მიმდინარეობს გვერდიგვერდ (სხვადასხვა სიბრტყეში განფენილი): გარეგანი და შინაგანი.

ერთი მხრივ მკვლელობა (რომელიც ბანალობად შეიძლება მიგვეჩნია, მეორე სიბრტყე რომ არ ჰქონდეს) და, იქვე, ამ მკვლელობით გამოწვეული პიროვნების შინაგანი განხეთქილება, კრიზისი, გაორება. გ. რჩულიშვილმა კარგად იცის: ექსტრემალური ელემენტის, მკვლელობის შემოტანა დრამაში და, მით უმეტეს, დრამის მკვლელობაზე დღეუქმება ერთგვარად აუცხოებს მკითხველს სამოქმედო სიტუაციისაგან, მკვლელობა „არაორდინარული“, არარითმი აქტია და ერთგვარ დისტანციას ბადებს

მკითხველსა და ნაწარმოებში მოქმედ პერსონაჟებს შორის. კაცს შეიძლება უნდოდლობაც კი შეეპაროს.

მაგრამ მწერალი სწორად იქცევა — რეტროსპექტივას მიმართავს, რათა ყოფით ასპექტში დაგვანახოს მარინეს ხასიათი და ამით ის უფრო სარწმუნო გახადოს ჩვენთვის. გ. რჩულიშვილი მარინეს ბავშვობიდან იწყებს მოვლენების თანმიმდევრულ განვითარებას, თხრობას, მთხრობელი კი თვითონ მარინეა.

აქ არ შეიძლება მწერლის პიესების („კა და კო“, „იულიანი“, „მარინე“) ერთი საერთო ზოგადი მხატვრული თავისებურება არ შეინიშნოს. თავისებურია და უცნაური თვითონ დიალოგები. ყოველი პერსონაჟი ერთგვარ ჩაქეტილ და შემოსაზღვრულ სივრცეში დააპარაკობს, მათ დიალოგში მონოლოგიური საწყისი ჰარბობს ამ შთაბეჭდილებას თითოეული პარსონაჟის სალაპარაკო ინტონაცია ქმნის.

პერსონაჟი ივიწყებს მსმენელის და თანაღამსწრის არსებობას და საკუთარ თავს ესაუბრება (ეს არის ერთგვარი ანგარიშგება საკუთარი თავის წინაშე).

მარინეს აქვს წარსული და სწორედ ამ „დაბნული ინტონაციით“ უყვება ცირას (ბავშვობის მეგობარს) წარსულს. მკვლელობის შემდეგ მარინეს განვლილი ცხოვრება უკვე სხვა შინაარს იძენს, სხვა უჭი იცემა მას და სხვაგვარ კონტურებს ავლენს. მარინე, თუ შეიძლება ითქვას, ბედისწერის მიზეზებს იძიებს ქვეშევსენულად. ტრაგედიამ მასში ღრმა რეფლექსიის უნარი დაბადა და წარსულის თხრობა, ამავე დროს, რეფლექსიასა, თვითშეცნობა და თვითჩართვაება.

მარინეს წარსულშია თავმოყრილი ის ეთიკური, ზნეობრივი, სულიერი წანაშტვარები, რომლებიც საბოლოოდ ქმნიან მის პიროვნებას, აუაღიბებენ მის თვალსაზრისებს. ის ინტელიგენტური ბუნების და მსოფლგაგების, ღრმა სულიერებით დაჭილდობული ქალიშვილია.

მარინე ექსპანსიური ადამიანია. მის ნაამბობში მედიატაცია, გონებრივი ძაბვა ნაკლებია და მეტია სენსორული, შთაბეჭდილებისმიერი კომპონენტი. მარინეს აქვს წარსული, ეს იმას ნიშნავს, რომ მას აქვს ტკივილი და დანაქარავი „ჩემი დედა, თითქმის ახლაც ვხედავ, საწყალს, რა კეთილი იყო, გამიკეთებდა დიდ ბანტს. ოკ როგორ არ მიყვარდა ისე მაღლა აწეული თმე-

ბი... მომცემდა ხელში შავ დიდ ნოტებს შესა-
ნახს შოპენის პროფილით ყდაზე, მქორე ხელს
მე მომეიდებდა და მივიღო დოქტორული მუსიკაზე. იქ
გავიციანი გიო“.

გიო მიწვინა მარინეს გამოდევნებული ცნო-
ბიერებისა. წარსულის მიმართაც მისი სკეპსისი
და კაშხანი იმით არის გამოწვეული, რომ იქ
იყო გიო, რომელიც ალაქ არის... მარინე მთელ
თავის იღბალს და ბედისწერას გიოსთან აკავ-
შირებს.

აქ, ერთ მომენტსაც აქვს მნიშვნელობა, გიოს
და მარინეს ბავშვობიდანვე უყვართ ერთმანე-
თი, მაგრამ მათ შორის სიუვარულის ვარდ-
განდა თანალობა (მარინეს რომ დედა მოუკ-
ვდება, გიო მიდის მასთან და ბავშვურად იზი-
ანებს მის მწუხარებას)...

ერთი სიტყვით, მარინე კარგავს ადამიანს,
შეყვარებულს, თანამდგომს და ეს არის დანა-
კარგი, რომელიც საშინელი „ეგზისტენციური
ვკლუშით ავსებს მის ცხოვრებას“.

მაგრამ ტრაგედია იწყება იქ, სადაც მარინემ
მტკიცე და ურყევი გადაწყვეტილება უნდა მი-
იღოს: გასწიროს თუ შეინდოს მკვლელი. ის
ყაღბ ჩვენებას აძლევს სასამართლოზე, თით-
ქონს მკვლელმა წინასწარგანზარებით მოკლა
გიო. მარინეს, ერთი შეხედვით, აქვს საამისო
მორალური და ზნეობრივი უფლებამოსილება,
მას ამ შემთხვევაში თავისი პირადი „მორალურ-
ზნეობრივი კოდექსი“ გააჩნია, რომელიც უყარ-
ნახებს, რომ გასწიროს მკვლელი, გასწიროს ის
კაცი, ვინც ყველაზე დიდი ღირებულება — აზ-
რი წარმოთვა მის ცხოვრებას.

მარინე თავდაპირველად მიჰყვება ამ „პირა-
დი კოდექსის“ კარნახს და ერთგვარ შევებასაც
გრძნობს.

მაგრამ მერე ხდება მეტამორფოზა. მეტამო-
რფოზა იწყება ქვეცნობიერი სფეროდან და
სწორედ ამ მონაკვეთის მხატვრული განზო-
ციებებაა გ. რჩეულიშვილის უმთავრესი მიზა-
ნი, ვინაიდან აქ უნდა გამოჩნდეს ყველაზე აშ-
კარად მარინეს ინდივიდუალური; რთული, წი-
ნააღმდეგობრივი ხასიათი.

მარინე მთელი „ცნობიერი ძალების“ მოკ-
რებით ენტრქვის არაცნობიერი იმპულსების შე-
მოტყეებს. ის მხედველობითი მეხსიერების და-
ძაბვით ცდილობს გაიხსენოს თავისი შეყვარე-
ბულის — გიოს სახე, მაგრამ მოულოდნელად
მკვლელის სახე წამოუტყავივდება თვალწინ.
„გიო, ჩემი ქორა ბიქი... ოო. ეგ ქერა ქორი-
რი შენი არ არის, ნუ მტყუებ, არც თვალბია
შენი, ვიცი, ეს მისია, მისი, აო, უფრო ცხადად
ვხედავ“.

გურამ რჩეულიშვილს ყველაზე მეტად მარინ-
ის ქვეცნობიერ სამყაროში მომხარბი „კატაქ-
ლიზმები“ აინტერესებს, რადგან აქედან უნდა
დაედოს სათავე მეტამორფოზას.

მწერალს თავიდანვე აქვს შემუშავებული
აზრი, კონცეფცია, ნაწარმოების სქემა და კო-
მპოზიცია. მაგრამ მას ყველაზე მეტად „წერი-

ლმანები“ („მთავარი წერილმანებია“ დოქტორ-
ტოვესკი), მარინეს ხასიათის ნიშნები, ფიქსე-
ბი, ნიუანსები აინტერესებს. გურამ რჩეული-
შვილი არ ენდობა სქემას, არ კმაყოფილდებ-
სქემით, მას მარინეს „მეტამორფოზის შინაგან-
ლოგია“ რთული ინტელექტის პიროვნება
დაგროვილი განცდების ზუსტი თანმიმდევრ-
ბა იზიდავს.

მარინეს „საბედისწერო სიმართლეს“ ამცნო-
ბენ ხმები (მწერალი პირობითად ხმებს უწი-
დებს ქვეცნობიერ იმპულსებს).

„რა, მოგწონს, კარგი ბიქია, არა? გინდა ას-
ლა, რომ ეგაც მოკვდეს. ეგ ერთიდაა, ვისა-
სხე ახლო იცნობ, ვიწუც ამდენს ფიქრობ, რა
გორც კაცზე, როგორც ცუდ კაცზე, მაგრამ მ-
ინც კაცზე, არა?“

და მარინე, მართლა ფიქრობს ამ კაც-
მკვლელზე, მაგრამ ეს უკვე მეტამორფოზის შე-
დეგია.

მიხვს როგორ ხდება ეს მეტამორფოზა? ი-
ნებ თავიდანვე ძეგს მარინეში ქვეცნობიერა-
მკვლელის ერთგვარი გამართლების სურვილი
მკვლელს ხომ მარინე უყვარდა. მან ხომ მ-
რინეს გამო გადადგა საბედისწერო ნაბიჯი. ე-
„ინფორმაცია“ შეუძლებელია რაღაცნაირად ა-
დაღქვა მარინის ქვეცნობიერ „სამყაროს“.

და აღიქვა კიდევ.
აღიქვა და ჩაიბიჭა არა მხოლოდ გრძნობ-
მკვლელისა, არამედ მისი ვიზუალური ხატი
(მწვანე თვალები და ა. შ.).

ერთ ადგილას ცირა ეკითხება მარინეს: „მ-
რთლა უყვარდი იმ ბიქს?“ (ლაპარაკია მკვლ-
ელზე) და მარინე ორქოფულად პასუხობს: „არ-
მო, არა, მო, არ ვიცი“. ამგვარი ორქოფო-
ბრალური ვითარების უტოღინარობიდან როდ-
მომდინარეობს; პროტაგონისტმა იცის, რომ
მკვლელს ნამდვილი გრძნობა ამოკარავდა. ე-
კარგად ჩანს ერთ ხელვაში: „ო, რა უბრალო-
მითურბენ ეს მწვანე თვალბი, ზოილად კი არ
აქვთ, არც მონანიება, ღმერთო ჩემო, ისე მწვ-
დად იყურებიან, ვერც ვაკვდებ...“

მკვლელის თვალბიში მართლაც არც ზოილ-
ჩანს და არც მონანიება, იქიდან სიმშვიდე და
მოსჭვივის.

მაგრამ „ცნობიერი იმპულსი“ აიძულებს მ-
რინეს მკვლელი გასწიროს. მოკვდა გიო — მო-
კვდეს ეს კაციც — ასეთია მისი ლოგია.

ეს არის ლოგია, რომელიც შვა აფექტურ
მდგომარეობაში, დაუძლეველმა სტრესმა, ნე-
როზულმა განსჯამ.

მერე და მერე კი ქვეცნობიერიდან დაძრულ
იმპულსებმა, ვიზუალურმა წარმოდგენებმა, ს-
ზმრებმა და ჩვენებებმა ეს ლოგია დაარღვი-
და წარმოშვეს სახეებით საპირისპირო აზრ-
შეიძლება ითქვას, მსოფლგაგებაც, ეთიკურ
მრწამსი.

ამ ახალ მსოფლგაგების ჩამოყალიბებას გა-
რეგანმა სტიმულბებმაც მისცეს გავი. კერძოდ
მკვლელის დედის მუღმივმა ხეწენა-მუღმარა-



წვევლამ და შეჩვენებამ, უფრო მეტად კი ცირას, მართლაც მიშკინისებურმა განსჯამ იმის თაობაზე, რომ სიკვდილის მოლოდინი უეცარ სიკვდილთან შედარებით ჯოჯოხეთური, ენითაუწერელი ტანჯვაა და ვაება.

და მაინც, შინაგანი, ქვეცნობიერი „ბიძგები“ არსებით, გადამწვევტ ფუნქციას ასრულებს მარინეს ახალი მსოფლგაგების ჩამოყალიბებაში, მის უმტკივნეულეს მეტამორფოზაში...

„მარინე“ ნამდვილი ტრაგედიაა. აქ მეორდება კლასიკური ტრაგედიის მუდმივი სტრუქტურა: არსებობს ორი ურთიერთსაპირისპირო, მაგრამ ერთმანეთისგან დამოუკიდებლად ორი სწორი გზა. თუ პირველ გზას აირჩევს მარინე (და თავდაპირველად ირჩევს კიდევც), მან უნდა გასწიროს დამნაშავე, რადგან მან უძვირფასესი ადამიანი მოკლა. მეორე გზას თუ დაადგება, უნდა შეინდოს მკვლელი, უნდა შეინდოს, ვინაიდან თვითონ არის „განხეთქილების ვაშლი“ და ამ ინციდენტის გამომწვევი მიზეზი. ტრაგედიის არსიც ის არის, რომ ორი ურთიერთგამორიცხველი გზის არჩევა ერთდროულად შე-

უძლებელია, რადგან პირველი გამორიცხავს მეორეს, მეორე — პირველს, ერთ-ერთი მათგანის არჩევა კი ყოველთვის შეცდომას ნიშნავს „მეორე ნაწილში...“

მარინეს აზროვნებაში ხდება მეტამორფოზა და ის ადგება თვითგვემის გზას: საკუთარი უმანკობა მიაქვს ხარკად სასამართლოს მთავარ მსაჯულთან, რათა ტუსაღის სიცოცხლე იხსნას, მაგრამ აქაც იმედგაცრუება ელის...

ოღონდ ახლა ამას არა აქვს არსებითი მნიშვნელობა. მარინემ საკუთარი ეთიკური მრწამსი შეიმუშავა და მოქმედება ამ მრწამსს დაუქვემდებარა.

გურამ რჩეულიშვილმა სქემა მოხაზა და გულდასმით აღბეჭდა გმირის „შინაგანი მოდულაციები“, მაგრამ ეთიკური პოზიციის შეფასება აღარ მოუცია, თუმცა ეს არც იყო საკუთრივ მწერლის ვალი, მისი სათქმელი სხვა სიბრტყეში „იღო“. მან ინდივიდის ფსიქიკა, მისი ძალზე ცოცხალი, პლასტიური ხასიათის პარადოქსულობა წარმოაჩინა ამ უჩვეულო, მრავალმხრივ ხაინტერესო, ღრმა ნაწარმოებში.

გულის თვალებით ნანახი

აქ გელოდები, აღმადლებულ თხემის
კიდესთან,
შენი სინათლე ჭვარციმისათვის
კვართანძარცული,
პაერზე სუსტი და შროშანზე უნატიფესი
ანთია იგი: — სიზმარივით ჩემი წარსული.
მართლაც წარსულისაკენ ხაკუთარი თავის,
უფრო სწორად, სულის მიმრუნება, იმდენად
ჭიშმარიტს ხდის პოეტის აღსარებას, რომ არ
შეიძლება არ დაიჭირო: იგი (წარსული) მხო-
ლოდ მაშინ რჩება, ასე სუსტი და უნატიფესი.
როცა პოეტს „მკვდარი ჩიტივით ადევს
მკერდზე თბილი სიმშვიდე და ბედნიერი ბავ-
შვის თვალებით ცაზე სისხლივით გამოუონილ
ვარსკვლავებს ითვლის“.

ეს სტრიქონები ირაკლი ზაზაძის ორი სხვა-
დასხვა ლექსიდან მოვითხანეთ. ორივე ლექსი
პოეტის ახალი წიგნის, „ქარების ქალაქის“
ბოლო გვერდზეა დაბეჭდილი. ერთი შეხედვით
ისინი არ ჰგვანან ერთმანეთს, განსაკუთრებით
გარეგნული ფორმით. ორივე ლექსის დასას-
რულს სავსებით კანონზომიერად სვამს პოეტი
წერტილს. თითქოს ლექსის ქსოვილში სათქ-
მელიც დამთავრდა და პოეტის სული თქვენს
თვალწინ ასე ჭირვეულად შიშვლდება, რადგან
გულიდან წამოსული მართალი სიტყვის შე-
ჩერება ძნელია, ზოგჯერ რომ პოეტურ ჩარჩო-
ვშიცა ვერ თავსდება და წარსულთან ასე მი-
ახლოებაც სხვაგვარად გამწვანდებოდა:

მე კი ვიხსენებ... და ახლაც ჰყვავა
წყალწითელაზე ალუჩის რტონი,
მე შენში ლბილად ჩამწყდარი ხმა ვარ
და მკრთალი ჩრდილი თებერვლის თოვლის...
და ძლივს ვიხსენებ იმ ვიწრო ბილიკს,
კი არ ვიხსენებ — მახსენებს შენი —
(ზმანება): თმები — წვიმები თბილი,
(ზმანება): ტანი — დამფრთხალი შველი...
„ახლა გაზაფხულს სხვაგვარად ახსნის“, —
ასეთი სათაური აქვს ამ ლექსს... ხოლო გაზაფ-
ხულის სხვაგვარად ახსნის იდუმალდება, როგ-
ორც დავინახეთ, ისევ და ისევ იმ ნათელთან
მიახლება, რასაც პოეტის ბავშვობა, მისი
სიჭაბუკე მჭვია... იგი ძალიან სწრაფად, თვალ-
სა და ხელს შუა გაპარულა... მაგრამ იმდენად
უსაზღვროა მისი სილამაზე, რომ პოეტისათვის
იმ ხელშეახებით ჭიშმარიტების ხიბლიც კი არა-

ფრითაა უჩვეულო და, ამდენად, ავტორის გუ-
ლისტიკვილიც საკმაოდ დამაჭირებელი ხდება:

აქ არაფერი, მხოლოდ, მხოლოდდა
თრობა ბედით და ბედთან,
აქ არაფერი, აქ არაფერი,
იქ, იქ რაღა ნეტა?
მე კი გავრბივარ, მრჩება სოფელი —
ლელე, ბიჭი და შუკა,
არ მომახედო, არ მომამხედო —
ძალზე შორია უკან.

რა რჩება წარსულში? თუნდაც ჩვენს ბავშ-
ვობაში? — ამ კითხვის პასუხი ირაკლი ზაზა-
ძის ახალი წიგნის წაკითხვის შემდეგ მკითხვე-
ლისათვის, ალბათ, კიდევ უფრო დაკონკრეტ-
დება: ბავშვობაში უამრავ სიხარულთან თუ
ტკივილთან ერთად ის დანგრეული სილის სასა-
ხლევ დარჩა, რომელიც, ბავშვების პატარა თი-
თებით, ხელისგულებით ნაძერწი და ნაფერე-
ბი, ქარმა დაანგრია... და, ალბათ, დანგრეული
სილის სასახლის დარდი პოეტის ის ტკივილია,
დღესაც იმავე ბავშვური თვალებით სიზმრად
რომ ხედავს და გამოღვიძების შემდეგაც „სიზ-
მრის ნაქრტენი“ თვალი კარგა ხანს სტკივა:

ბავშვებს პატარებს აუგოთ სასახლე სილის,
ბავშვებს პატარებს დაუნგრია სასახლე
სილის ქარმა...

ბავშვებს პატარა გაუჩნდათ დარდი,
დიდი რამეა პატარა დარდი!
ბავშვები ქარში კაცებად ჩანდნენ,
ჭინისი შარავლებზე მიხატულ თათით.
დარბეულ სასახლეს უვლიან ვარს,
რა უნდა უყონ, რა უნდა უყონ,
რა უნდა უყონ ბავშვებმა ქარს...
მერე ერთბაშად დასტოვეს სილის
უზარმაზარი სასახლის ნაშთი.
სილასთან დარჩა ქარი... და ჩრდილი, —
ერთი ტკივილი სუყველა ბავშვის.
მერე სიზმარში იხილეს ქარი,
სილის სასახლევ იხილეს მკვდარი.
გამოღვიძათ და უკვე კაცებს
სიზმრის ნაქრტენი სტკიოდათ თვალი.
მერე კი, მერე, როდესაც ფრთხილი
სვლით მიაშურეს ვრცელ ზღვათა კბოღეს,
სულშიც ჩაენგრათ სასახლე სილის
და ბედისწერის სიციხებით თრთოდნენ.
ირაკლი ზაზაძე თავის საუკეთესო ლექსებში

უვლელთვის გულწრფელია. ეს გულწრფელობა პოეტურ კათარზისს წაწიარები კაცის ტკივილებიდანაა მოსული.

აყვავებული სინათლით... თვალში, აყივლებული სიმართლით... გულში, ასეთი იყო ის კაცი — ბევში, დაეასაფლავეთ რომელიც გუშინ,

ის აღარ არის და აღარც ილტვის თავის კაცური ჟინით და ჩვევით, შენ რაღა გეტქმის, ან რაღას იტყვი, რომელიც მხოლოდ წასვლამდე რჩები.

ლექსში პოეტის გულწრფელობა მისი მართალი სიყვარულიდან მოდის. სიყვარულს კი იგი იმ ორი გზის გასაყართან ირჩევს (და ეს გასაკვირიც არ არის!), ღმერთმა რომ დასვა დიდი ხნის წინათ და მისთვის ორივე ცდუნებად გახადა ნათელხილული. ცდუნებად, რადგან ორი გზის გასაყართან მდგარი პოეტი სიყვარულსაც და ბოროტებასაც კარგად ხედავს უპირველესად სიყვარულს გულში სეკულთარ შევილივით იხუტებს, რა თქმა უნდა, არც ბოროტებას ტოვებს უგულლისყურად! კარგად იცის: მხოლოდ სიყვარულის დიდი ძალით შეიძლება მისი დაცემა, გაცამტკერება! ამ ძალით გამთბარი პოეტი იმდენად გულწრფელი რჩება ყველასათვის, რომ თითქოს კარგა ხნის, ჩუმად გულში ნათბილარ საიდუმლოს გვეუბნება:

რას ვიმარხავდი გულში აქამდე, მეც უფსკრულეთის გზით გადავქანდი, მეც ეამთან ბრძოლა მაქვს დანაქალი, მეც სიყვარულის მადევს ხუნდები...

ირაკლი ბაზაძის პოეტური ენა საკმაოდ დახვეწილი და ნათელია. მისი რამდენიმე ეგზოტურ წოდებული, მუსიკალური ლექსი არა მარტო გარეგნული, ოსტატურად გააწერებული და დახვეწილი ქსოვილით გვხვბლავს, არამედ იმ შინაგანი ძალით, რომელიც პოეტის სუსტ ლექსშიაც კი იგრძნობა:

უმგულზე შხარას ჩეროა, შხარას — ცა ჰხურავს უძირო, რა უცხო საქართველოა, ღმერთო, მაცოცხლე: ვუცქირო. ასეთი მავედრებელი ტონი ახლავს ირაკლი

ბაზაძის რამდენიმე ლექსს.. და ეს ვედრება ისევ და ისევ იმ მართალი სიყვარულიდან მოდის. პოეტის ტანჯვის, ტკივილებისა თუ სიხარულიც დასაწყისად და დასასრულად რომ ქცეულა. და შინც, პოეტის ყველაზე გულმართალი აღსარება იმ მართალი ტკივილია, რომელიც ჩვენს მიერ ზემოთ მოყვანილი ერთი ლექსის („ხილის სახახლის ბალადა“) ყოველ სტრიქონში დაუფარავად, პოეტის ცრემლთან ერთად ჩნდება. სწორედ ამიტომ, შინაინათ სპიროდ ამ ლექსის სრული სახით მოყვანა.

„პოეზიის შუქი თავისებური ანარკლიზის იმ დიდი ცეცხლისა და იმ ზშირად გამანადგურებელი ხანძრისა, რომელიც აღაშინის შინაგან სამყაროს მოიცავს“, — წერს გურამ ასახიანი წერილში „ლირიკის დასაცავად“ და სწორედ ეს შუქი, თუ პოეტის აღრინდელ ლექსებში გასაღვივებელი ნაკვერჩხაღვივით ანა თებდა, დღეს მის რამდენიმე ლექსში შესამჩნევლად აელვარდა.

სტრიქონები ლექსებიდან: „მონოლოგი სარკის წინ“, „შავ ზღვასთან“, „აპრილთან“ სავსებით კანონზომიერად გვადლევენ ამის თქმის უფლებას.

ეს ის ლირიკაა, რომელიც ორმოცი წლის პოეტის იმ სამყაროსთან მიახლოების მაცნეარაზედაც თავად ასე წერს:

და უმიძიესი ჯაჭვი — საბელი მბამს მიწაზე, — ცისკენ გაფრენის ჟინით მთვრალს.. როგორც სისხლი აბელი ცა წითელია და მიმზიდველი.

მიმზიდველია შენსკენ სახედიც, როცა უთბილეს ნისლში მახვევდი, ვმღეროდი, როცა ფრთას შემახებდი — მეც ერთი შენი ჭვარისმტვირთველი. ვმღეროდი, როცა აცისკარებდა მწუხრს ჰელიოსი ათასკარეტა და მერე მაღალ ტევერს მიჰკვალავდა, ტევერს მიჰკვალავდა, ტევერს ყვავილიანს...

ამ სტრიქონების ავტორს მართლაც სწამაღლა შეუძლია ილაპარაკოს „გულთან და გულზე“, „ცრემლებით ცრემლებზე“ და საერთოდ, ყველაფერ იმაზე, რაც „გულის სასწორზე პქვს აწონილი და გულის თვალებითა აქვს ნანახი.





ჩვენი მისამართი: თბილისი, 880007, დალიანის ქ. № 2.

ტელეფონები: მთავარი რედაქტორი — 89-85-81, მთ. რედაქტორის მოადგილე — 72-26-82,
პასუხისმგებელი მდივანი 72-43-76, მდივანი — 72-44-78, განყოფილებათა გამგეები — 72-26-85,
პროზის — 72-26-80, „ცისკრის“ დამატება — 72-17-01, საკორექტორო — 72-47-82.

გადაცა ასაწყობად 7. 05. 86 წ. ხელმოწერილია დასაბეჭდად 15. 07. 86 წ. ქალაქის ზომა
70×108, ფიზიკურ ფორმათა რაოდენობა 10. პირობით ფორმათა რაოდენობა 11. სააღრ.საგ.
თბილისი 15. 85. შეკვ. 1150 უე 04724 ტირაჟი 60 000.

საქართველოს კვების გამომცემლობის სტამბა, თბილისი, ლენინის 14.
Типография издательства ЦК КП Грузии, Тбилиси, ул. Ленина. 14.

ფანის 60 კპპ.


საქართველოს
ხალხთა რესპუბლიკის
წიგნობის ეროვნული ბიბლიოთეკა
0600060 76206

ЕЖЕМЕСЯЧНЫЙ ЛИТЕРАТУРНО-
ХУДОЖЕСТВЕННЫЙ И
ОБЩЕСТВЕННО-ПОЛИТИЧЕСКИЙ
ЖУРНАЛ

«ЦИСКАРИ»

ИЗДАТЕЛЬСТВО
ЦК КП ГРУЗИИ